

ჩვენი მწერლობა

გამოდის თვეში ორჯერ პარასკევობით

ფასი 1,50 ლარი

28 სექტემბერი 2007

№20(46)



იზა ორჯონიკიძის ლექსები
ბერგის სიცილი და ბედნიერება
ვინ არის ქალთარაფერა?
ეკლიანი და პატარა გზა
ყაზბეგი და შილერი
რენარის დღიური

შინაარსი

ღებამძვირი ცდა	2	როსტომ ჩხეიძე ეკლიანი და პატარა გზა
მსურველ-ინტერვიუ	10	რუსული თოლია ქართულ ტბასთან (საუბარი მიხეილ კაზაკოვთან)
გამონათქვამი	11	საბა სულხანიშვილი ნინო ყიფიანი „თეთრი გიორგის“ წინაპრად
პროზა	13	გურამ ოდიშარია პრეზიდენტის კატა (რომანი)
პოეზია	23	იზა ორჯონიკიძე კვლავაც ძველი ალბომიდან
უსხოთის ცხოვრებიდან	27	ჟიულ რენარი დღიური
მოგონებათა სივრდი	31	ქეთო ბიბილაშვილი მოკლედ ჩემი წარსულიდან და ანემყო
ღიაღობი	35	რას ნიშნავს თავისუფლება (ლელა ოჩიაურს ესაუბრება მანანა ბერიკაშვილი)
გამონათქვამი	39	ნინო ვახანია ოდეს კონცინა ზღურბლს
	40	ფატი ფირუაშვილი ვინ არის ქალთარაფერა?
რეპორტაჟი	41	ეკა ბუჯიაშვილი წინამორბედან საბურამომდე (ილიას მკვლევლობის დღის გასახსენებლად)
როგორ ვითვლივართ ქლასიკას	43	თემურ ამყოლაძე „ელონორას“ საბუღისსემო პარალელები
ჩემი საუკუნის აღმოჩენები	46	მურმან ჯგუბურია მუდამ პოეტი (ჯანსუღ ჩარკვიანი)
კრიტიკა	51	პაატა ჩხეიძე „შილიონის პატიმარი“ (ციკლიდან „შეხვედრა“)
ახალი თარგმანები	54	სიბილე ბერგი ნორას შინა
აინტროლა	62	თემო ჩიტაძე ლევან ბრეგაძის ნოველა
მოზაიკა	63	ნოველის ნაცვლად – ოსკარი

დამფუძნებელი „ილიონი“

მისამართი: თბილისი,
ჩუბინაშვილის №41

რედაქცია – (995 32) 96-20-62

რეკლამა – (995 77) 48-12-24

გავრცელება – (995 99) 93-18-52

ფაქსი: (995 32) 96-20-62

E-mail: info@mtserloba.ge



დაბეჭდილია საბეჭდო „ომეგა თეგი“
საბეჭდო-ტექნიკური, საბეჭდო-ტექნიკური 17
თბილისი, საქართველო
ტელეფონი: +995 32 53 03 62

PRINTED BY "OMEGA TEGI" PRINT HOUSE
TBILISI, GEORGIA, 17 SARAJISHVILI STREET
TELEPHONE +995 32 53 03 62

მთავარი რედაქტორი – როსტომ ჩხეიძე

პროზის რედაქტორი – მაკა ჯოხაძე პოეზიის რედაქტორი – გიორგი ლომუხანიძე

კრიტიკისა და თარგმანის რედაქტორი – თამაზ ნატროშვილი

დიზაინერი – მალხაზ იაშვილი მხატვრული რედაქტორი – კარლო ფაჩულია

კორექტორი – ნინო დეკანოიძე დაკაბადონება – ლევან ჩხეიძე

ოპერატორი – თამარ ჩიხლაძე სარეკლამო მენეჯერი – მაკა ჯაფარიძე

გავრცელების სამსახური – ლევან ბინაძე

გარეკანზე: გერგეტის სამება სტუფანწმინდიდან

ლორდ ბაირონი

„ჩვენი მწერლობის“ მომდევნო ნომერი გამოვა 12 ოქტომბერს

„როსტომ ჩხეიძის ეს წიგნი და მთელი მისი შემოქმედება ნათლისა და უფლის, ღვთისა და მამულის სამსახურის გზით სვლის მაგალითია. ამის მიზეზი ისაა, რომ მწერალს საუკეთესოდ ესმის წინაპართა ფიქრი და განსჯა, მათ შორის უხილავი კავშირი არსებობს, რომელიც მადლის წყაროდ მოედინება, რადგან ეს ის ბედნიერი შემთხვევაა, როდესაც გამწირველიც ვარგა და შემწირველიც“ – აღნიშნავს ცნობილი კრიტიკოსი და ლიტერატურისმცოდნე ლალი დათაშვილი ესეიში „ნათელი ბნელსა შინა“, რომელიც დაერთო მისი რედაქტორობით გამოცემულ როსტომ ჩხეიძის დეტექტიურ ცდას „ეკლიანი და პატარა გზა“. ეს წიგნი გამოვიდა 2004 წელს ალექსანდრე ორბელიანის საზოგადოების თაოსნობით და ეძღვნებოდა ილია ჭავჭავაძის მონამებრივ აღსასრულს, როგორც მისტერიულ აქტს, რომელიც კიდევ დიდხანს ააღლევებს ჩვენს საზოგადოებრივ ცნობიერებას და არ გადაიქცევა მხოლოდ ისტორიად.

ილიას მკვლელობა ამ პოსტმოდერნისტული ყაიდის თხზულებაში წარმოსახებოდა ორი საპირისპირო პოლუსიდან, მტერ-მოყვარის თვალთახედვით. ეყრდნობოდა დოკუმენტურ წყაროებს, უკვე ხელმისაწვდომს ჩვენი მკითხველისათვის, და ბელეტრიზებული ხერხებით მძაფრად და სახიერად წარმოდგებოდა მაშინდელი ისტორიულ-საზოგადოებრივი ფონი – გზა სამოქალაქო მკვლელობიდან წინამურის ტრაგედიამდე.

მას შემდეგ „ეკლიანი და პატარა გზა“ საგრძნობლად შეივსო და მკითხველი მალე იხილავს მის ხელახალ გამოცემას. რაკილა კომპოზიციური ქარგა მოზაიკის პრინციპზეა აგებული, ამიტომაც შესაძლებელი გახდა, რომ ახალი მონაკვეთი, რომელიც წიგნის მეორე გამოცემაში გაიფანტება სხვა პატარ-პატარა თავებს შორის, ცალკეც გამოქვეყნებულიყო.

როსტომ ჩხეიძე

ეკლიანი და პატარა გზა

მეორე გამოცემის წინათქმა

დამთავრებულად კი მიმაჩნდა ილია ჭავჭავაძის ბიოგრაფიის უკანასკნელი უამის აღდგენის ეს ვერსია, მაგრამ უნებურად მაინც დამცდა პირველი გამოცემის წინა სიტყვაში: ხომ შეიძლება კვლავაც მივუბრუნდე-მეთქი.

მასალა იმდენი ჩამვარდნოდა ხელთ შემთხვევითობის წყალობით, იმყამად არა, მაგრამ დროის მსვლელობასთან ერთად იქნებ კიდევ მეპოვნა ამ მცირე თხზულებაში გადმოსატანი ფრაგმენტები.

მკითხველის ცნობისწადილს შეეძლო ყველაზე მეტად ჩემი შეგუღიანება – გამომცემლისათვის, მოგესხენებათ, ესაა უმთავრესი საზომი და მეც მკითხველთა გამოსხაურებას ვაყურადვებდი.

ამ დეტექტიური ცდის ორიგინალურმა აღნაგობამ გამოინვია ჩემი მიპატიჟება ხან სად და ხან სად – ეს თბილისის პედაგოგიური ინსტიტუტი, ეს გორის სახელმწიფო უნივერსიტეტი, ეს თბილისის სახელმწიფო უნივერსიტეტის სიღნაღის ფილიალი, ეს ქუთაისის სახელმწიფო უნივერსიტეტი, ეს სოხუმის სახელმწიფო უნივერსიტეტი.

მაინც პროფესიის შეცვლაზე ვფიქრობდი და მაინც... და ბარემ გულდასმით მომესინჯა თავი დეკლამაციაში.

სხვათა შორის, ქუთაისური თავყრილობის წინ ტელეკომპანია „რიონის“ დილის გადაცემის ლიტერატურულ ციკლში მომინვედა გამოსვლა ელგუჯა თავბერიძესთან ერთად და ტელემყურებელთა გამოსხაურებანი – პირდაპირი ეთერის ეს სიუჟეტი ძალიან გააგრძელეს და, ტელენამყვანი ენერგიულად რომ არ ჩარეულიყო, დამთავრება ალბათ აღარც ენერა – კიდევ ერთხელ დამარწმუნებდა, როდემც ცოცხალი და მძაფრი ჩვენს საზოგადოებრივ ცნობიერებაში ილიას ცხოვრების ყველაზე დრამატული ხანა, წინამურის გასროლით დაგვირგვინებული.

თბილისის სკოლა-კომპლექსი „სადუნიც“ დაინტერესდა ამ ქმნილებით და საქართველოს რადიოს დრამატულმა რედაქციამ სულაც ახლებური სიცოცხლე მიანიჭა – ხუთსერიან რადიოსპექტაკლად დადგა. პირველად გადაიცა საზოგადოებრივ რადიოში 2006 წლის 30 ოქტომბრიდან 3 ნოემბრამდე. სცენარიც და რეჟისურაც კობა ცხაკაიას ეკუთვნის, თვითონ ჩინებული ბელეტრისტს, დრამატურგსა და, სხვათა შორის, მსახიობსაც; და ისე ოსტატურად გაიაზრა და შეჰკრა ეს ახალი ვერ-

სია მსახიობთა კარგად შერჩეული გუნდის წყალობით (ლილი ხურითი, ზურაბ ჯინჭარაძე, სოსო ელიზბარაშვილი, ნუკრი არჩვაძე და დათო როსტომაშვილი), არაერთ შემთხვევაში ძალიანაც მოვიხიბლე რეჟისორული მიგნებებით და შემეხარბა, მე რომ მომფიქრებოდა ეს სიუჟეტური სვლები, ამ წიგნსაც გაამრავალფეროვნებდა-მეთქი, ვთქვათ, ნოე ჟორდანიას ჩანართი რადიოვერსიაში ინტერვიუდაა წარმოსახული, კარლო ჩხეიძისა – საარჩევნო სიტყვად... თუმც რაც არის, არის, რადიოსპექტაკლს ხომ ძალიან მოუხდა და ესეც საკმარისია.

გორსა და სიღნაღში სტუდენტებიც შემეშველნენ დეკლამაციაში და არ გამკვირვებია მათი საკმაო მომზადება და მსახიობური უნარის გამოჩენა, რადგანაც ერთგან მარინე გიგაშვილი, ნინო ქოქოშვილი და ზაზა ცოტნიაშვილი ხელმძღვანელობდნენ სანახაობრივ მხარესაც, მეორეგან კი – მაია თოფურია და სოსო მახარაშვილი.

უკვე მაშინ გამჩინდა სურვილი, გულდასმით ჩავჯდომოდი უცნობი ავტორის მოტანილ ვეება საქალაქდეს და ცალკეულ ადგილთა ამოკრება-მონტაჟი კიდევ მეცადა.

ეს, ცხადია, უფრო იოლია, ვიდრე შემოქმედებითი წვა და გარჯა, მაგრამ თავისი განწყობილება და სულიერი მზადყოფნა ამასაც სჭირდება და შენს ნებაზე ვერაფერს დააძალებ საკუთარ თავს.

და, აი, ქუთაისის ლიტერატურული თავყრილობა აღმოჩნდება საბაზი ამ დეტექტიური ცდის ისე შევსებისა, უკვე ახალი რედაქცია რომ შეიქმნება, რაკილა ვინ აღარ ჩაემატება: ეს იაკობ გოგებაშვილი, ეს სოსო მაჭავარიანი, ეს მიხა ბოჭორიძე, ეს სილიბისტრო ჯიბლაძე, ეს ნოშრევან ჯაფარიძე, ეს ილია ნაკაშიძე, ეს ივანე მანაბელი, ეს ვასილ ველიჩკო, ეს კიტა აბაშიძე, ეს გიორგი ლასხიშვილი, ეს გრიგოლ რობაქიძე, ეს ივანე ინაშვილი, ეს დავით მესხი, ეს კოლა ორბელიანი, ეს ვასილ მანაბელი, ეს ეკატერინე გაბაშვილი, ეს შალვა დადიანი, ეს იონა მეუნარგია, ეს ყარამან ფალავა, ეს კოტე აფხაზი, ეს სიმონ ქვარია, ეს პეტრე უმიკაშვილი, ეს მიშო მანაბელი, ეს ნინო პოლტორაცკაია, ეს ექვთიმე თაყაიშვილი, ეს თედო ლაბაური, ეს ვასილ კირვალიძე, ეს ოლღა გურამიშვილი, ეს გიორგი ჟურული.

ჩამოვთვლი იმ თანმიმდევრობით, როგორც ხელნაწერიდან ამოიკრება, თორემ წიგნში სულ სხვაგვარად ჩალაგდა ეს ყოველივე.

საკმაოდ არის, არა?..

და გაკვირვებით ახლა გაკვირვებდები, ზოგიერთი მაინც როგორ ვერ მოხვდა თავდაპირველ ვერსიაში-მეთქი.

რაოდენ ნაკლები ყოფილა თურმე.

ვინ იცის, ნაკლები ახლაცაა, მაგრამ გასაგრძელებლად ველარაფერი შემირჩევია და ისევ ვაცლი, ვიდრე ოდესმე მივუბრუნდებოდე... ანდა აღარც მივუბრუნდებოდე. მართალია, აღნაგობა მაცდურია ამ ყაიდის თხზულებისა და ყოველთვის იოლად მოხერხდება ახალ-ახალი ჩამატებანი, მაგრამ ეს ხომ არ ნიშნავს, რომ გაუთავებლად ვავსებდე და ვავსებდე?!

ამასობაში კი იქნებ ნამდვილი ავტორიც გამოჩნდეს.

გამოჩნდეს და... მეც მოვისვენებ, თორემ ვინ მე და ვინ კალიამი... და აღარც ჩემს საქმეს მოვწყდებოდი ასე უნუგეშოდ.

ნოზრეკან ჯაფარიძე

ეგზეკუციას ითხოვდაო, აბა, რა სათქმელია!..

ყვარელს კი არ გამოვცილებივარ, მაგრამ დანამდვილებით ვიტყვი: რასაც მე აქ მელაპარაკებოდა და მავალებდა, იმასვე დაელაპარაკებოდა და დაავალებდა საგურამოელ მოურავსაც.

ვითომ ერთნირად რატომ არ უნდა განესაჯა, ერთნირად რატომ არ უნდა მოეგვარებინა მამულის მოვლა იქაც და აქაც.

საგურამოში დამფრთხალი კაცი ვითომ ყვარელშიც დამფრთხალი არ იქნებოდა?!

აქ ვითომ რა გოლიათის ძალ-ღონით აღივსებოდა...?

გლეხები თავადების ტყეებს რომ მიადგნენ და ჩეხვა დაუნყეს, ილიას ტყესაც შეესივნენ.

მე არ მოვითმინე, მე აღვძარ საქმე სასამართლოში.

გარჩევის დღეც დაინიშნა და იმხანებში გამოჩნდა ილიაც.

როდესაც სიამაყით მოვახსენე, ასე იყო და ასე და თქვენს ჩამობრძანებას აღარ დაველოდე, მე თვითონ მივხედე ამ წამხდარ საქმეს და სასამართლო აზღვევინებს გათავებდებულ გლეხებს-მეთქი, წამიც არ დაუკარგავს ჩემთან ლაპარაკში, მაშინვე სასამართლოში გავარდა და მოსპო ის საქმე.

მობრუნებულმა გამიცინა, სანყენად რომ არაფერი დამრჩენოდა, და მისებური ხუმრობით დამამშვიდა:

– არა უშავს, ეს ტყე მეც მეყოფა და იმათაცა, ტყე კი უფრო ხშირი გაიზრდება.

და დასძინა:

– მათი სანინააღმდეგო არაფერი ჩაიდინო.

მეორე დღესვე შეაბმევინა ეტლი და წავიდა სადღაც.

დაბარებით არაფერი დაუბარებია, ეტყობა, გული ეთანაღრებოდა, ჩემსას მივალწვე თუ არაო, და წინასწარ რაიმეს თქმას ამიტომაც მოერიდა. ბევრი არც მერე ულაპარაკია, ისევ რომ შემოაბიჯა თავის კარ-მიდამოში. – მოხერხდა ეგზეკუციის მოხსნა გრემსა და საბუეშიო, – ისე სასხვათაშორისოდ ჩაილაპარაკა, თითქოს უნებური შემსწრე გამხდარიყოს ამ სასტიკი სასჯელის არიდებისა და მთავრობისათვის თვითონ არ გამოეყვანინებინოს უკანვე ოჯახებში უკვე ენერგიულად ჩასახლებული ყაზახები.

ეგზეკუციას ითხოვდა საგურამოსთვისო?

ვინ, ასეთი კაცი?

უზარმაზარი ტყუილია, ცილისწამებაა, მაგრამ ყველამაც რომ დაიჯეროს, მე რა დამაჯერებს!..

ოლა გურამიშვილი

კიდევ კარგი, მოგვიანებით შევიტყვე, როცა ილიკო სალ-სალამათი დაბრუნდა შინ და ის დღეები ისე ჩვეულებრივად იქცეოდა, თითქოსდა არაფერი შემთხვეოდეს. ჩაიკეტებოდა თავის კაბინეტში და, ხომ ვიცი, არც პაპიროსს გააგდებდა ხელიდან და არც კალამს, ვიდრე მაგიდაზე ჩამოსდებდა თავს.

რომელი ყარამან ყათლანი ეგ არის ან რა რჯიდა, დანის ტრიალში რომ შევარდა და სახიფათოდ მოქნეული დანა ჯერ აიციდინა და მერე სულაც წაართვა გავეშებულ კაცს, იმასთან მიბედვაც რომ ვერავინ შეძლო. ვისაც დანას უქნევდა სასიკვდილოდ, გგონიათ, ილიკოს მეგობარი იყო და იმისი გულისათვის წირავდა თავს?.. არც იცნობდა, მაგრამ საყვედურებით რომ ავავსე, შენ რომ მოეკალი, ან მე რა პასუხს მადლევდი და ან ქვეყანას-მეთქი, პასუხად ეს მითხრა: რა ვქნა, მაგდენი აღარ მიფიქრია, დანა ელავდა და ორი კაცი დაიღუპებოდა, მოკლულიც და მკვლელიც, მეც არ ვიცი, რალაც ძალამ მიმაგდო დანაშემართულზე და იმ ძალამვე იხსნა იმათი ცხოვრებაც და ჩემიცო.

ილიკოს გონიერება და სიდიხვე საარაკოდ აქვს გამხდარი ხალხს და რას უნდა აეყოლიებინა ასე?..

მანამდე რომ შემეტყო, ვიდრე ცოცხალი გამომეცხადებოდა, ერთ სიკვდილს მე გავათავებდი.

ნეტა ვინმეს უჯერებდეს ან მე მიგდებდეს ყურს.

თუ რამე გადაწყვიტა, მორჩა, გადამთქმელი აღარ არის.

გადაწყვეტილება კი არა, ისეც რომ თქვას, სასხვათაშორისოდ, მოდი და შეაცვლევი აზრი.

იმ საღამოს რა იყო მაინც, რაც ვიტყვო და ვივარაუდებო, რაც ვიკვნიე და ვიხვეწე, ხვალ არ გვინდა საგურამოში წასვლა-მეთქი.

რამდენჯერაც გავშალე ქალაღი, სულ ცუდი კარტი ამოდიოდა!.. საშინელ ამბავს მინინასწარმეტყველებდა!.. და როგორ შეიძლებოდა არ დამეჯერებინა... მე კი დავიჯერე, მაგრამ ილიკოს შენ დაარწმუნებდი?.. სასაცილოდ არ ეყო, ქალაღის ამოსვლაზე სწორედაც ვერ ავანყობ ცხოვრებასო... წინასწარმეტყველებას არ უჯერებ-მეთქი? – და: წინასწარმეტყველება, ვითომც ღვთის შეპყრობილი გვაფრთხილებდესო!

მარიამ ორბელიანი რომ გვესტუმრა, თვითონვე შემატყო კანკალი, თავს ვერ ვიოკებდი და სტუმარსაც აღარ მოვრიდებოვარ. დამშვიდება რომ დამინყო, უფრო ამომიჯდა გული და შევევედრე: ქალაღი ცუდ ამბავს მანიშნებს და იქნებ შენ დაარწმუნო, ხვალინდელი მგ ზავრობა გადადოს-მეთქი.

ძალიან შევცდები, თუმც იმედი არა მაქვსო, – იმან. კარგად იცნობდა ილიკოს და თავიდანვე ფუჭ გარჯად ეჩვენებოდა მისთვის ნათქვამის გადათქმევინება. მაგრამ

ცდა ბედის მონახვერეა, არ იცი, როდის რა გაგიმართლებს და ადამიანიმა თავი არ უნდა დაზოგო.

შევიდა ილიკოს კაბინეტში და დიდხანს დაჰყო იქ. თავის მხრივაც გაუფრთხილებია: ხომ ხედავ, რა დროაო. ჩემს შიშზეც ულაპარაკნია: თუნდაც ტყუილად ფორიაქობდეს, ნულა დაუმატებ და გადადე ეს მგზავრობა, იყავი და იტრიალე ქალაქში, თუ გნებავს, ჩვენ გვეწვინე ლამის-ყანაში, გზად ერთ მსახურს ნუკი იახლებ, შეიარაღებული ბიჭები გამოიყოლე და იქ იყავი თავშეფარებული, საშუალოსთან არ მოგწინდებო.

იუკადრისა თურმე და რა იუკადრისა: ჯარი ხომ არ ვი-ახლო გამყოლადაო.

გამოვიდა მარიამი დამმარებული.

მე მაინც სანუგეშო სიტყვა დამიტოვა: მართლა ისეც არ არის, როგორც ჩვენ ვშიშობთ, რაღა დავიმართლო და შენზე ნაკლებად არც მე მიფრთხილებს გული, მაგრამ, ღმერთმა ინებოს, ეს მაინც ჩვენი ფანტაზიის ბრალი იყოს, ქალაქს კი მაინცდამაინც ნუ ჩააცვივდები, ხომ შეიძლება ეგეც ცდებოდეს, ან კიდევ, რაკილა კომმარული ფიქრები გიტრიალებს, ქალაქის გამოლასაც ეგ შენი განწყობილება გადაედო.

ღმერთმა ინებოს-მეთქი.

თითქოს დავმშვიდდი, აქეთურ-იქითურზეც ვილაპარაკეთ... მაგრამ რომ გავაცლიე და შემოვბრუნდი, უარესად გამიხდა გული, ისევე ავკანკალდი, ცრემლიც მომერია და გავშალე კიდევ ერთხელ ქალაქი... გავშალე და კვლავ საშინელმა ამბებმა დამიბნელა მზერა.

ილიკოს კაბინეტის კარი ოდნავ შეღებულყო.

იჯდა და გაცხარებით წერდა.

დილამდე არც კალმის გამგდებს ჰგავდა ხელიდან და არც პაპიროსისა.

ერთი გაფიქრება გავიფიქრე, იქნებ დილით ისე ჩაეძინოს, შუადღემდე თვალი ვეღარ გამოახილოს და გამგზავრებაც თავისთავად გადაიდოს-მეთქი.

ამისთანებისათვის გაუძლია!.. ლამისტეხვა მისთვის რა იყო, მაგრამ ჭაბუკი ხომ აღარ არის; არ იმჩნევს, მაგასაც რომ ერევა ხანი, მაგრამ დრომ და ასაკმა მორიდება არ იცის და იქნებ... იქნებ...

სოსო მაჭავარიანი

გინდა თუ არა, ყველამ წინასწარვე იცოდა, რაც მოხდებოდა. ვითომდა ყველა მოველოდით ილიაზე თავდასხმას და ტფილის-ქალაქსაც წინა დღეებში სხვა საჩურჩულო-სატუტუნო არც არაფერი ჰქონია.

როგორც უნდათ, ისე ჭრიან. არა, იქნებ ბევრმაც იცოდა წინასწარ, ვერ დავფიცავ, მაგრამ მე რომ არაფერი ვიცოდი, თავს დავდე.

ამრეზილი კი მეც ვიყავ ილიაზე, ჩამქრობოდა იმისი სიყვარული და გახსენებაც აღარ მინდოდა, „გლახის ნაამბობითა“ და „კაკო ყაჩაღით“ ხელში რომ ვალამ-ვათენებდი. „ოთარაანთ ქვრივიც“ მომწონდა, განა არა, მაგრამ ეს გიორგი როგორღაც უნიათო ბიჭი ჩანდა და კიდევ შეენი-რა თავის უგერგილობას. აი, გაბრიელი, აი, ზაქრო, ბიჭები ესენი იყვნენ, ზედ რომ ნაკლებს ბატონები თავიანთ

უნამუსობასა და გულქვაობას. ტყვიები, აი, ის იყო, იმათ თოფებში რომ ჩანყობილიყო და თითო მებატონეს კი არ შეუწგრევედა გულისფიცარს, საზოგადოებას დაუვლიდა ჟრუნტელად, შეაშფოთებდა და აათრთოლებდა.

რაც ნოე ჟორდანიას მოუნდომა სახელის გატეხვა, მუშა ხალხი სულ თავის წინააღმდეგ განაწყო და იმათ ხელში აგრერიგად ვეღარ მოჰკრავდით თვალს ილიას ნაწერებს. მე იქნებ სხვაზე ნაკლებ ამყროდა გული და „რა სასიცოცხლო-მეთქი“ იმათსავით არ გავიძახოდი, მაგრამ უდიერი სიტყვა კი არ დამიკლია მისი სახელის ხსენებისას და არა-ერთხელ პირადადაც ველაპარაკე თავხედურად.

უვიცი ვიყავი, ბრიყვი და აჯამი – დამიყრია თავზე ნაცარი და ვალიარებ, ცოტა ეს მიმშვიდებს გულს, თუ ამა-საც დამშვიდება ჰქვია, და ილიას სურათისათვის თვალის გასწორებას ვახერხებ. შევხედავ – მოვუბოდიშებ, გავივლი, გამოვივლი, ისევე შევხედავ და ისევე დამეძვრის გონებაში მონანიების სიტყვები...

არა, ასე თავქარიანი როგორ უნდა იყო კაცი!..

ცხრაას ხუთში ეს ჩვენი რუსეთის სოციალ-დემოკრატიული მუშათა პარტია მოქალაქეებში ფულს რომ კრეფდა იარაღის შესაძენად, მე ინტელიგენციის ჩამოვლა დამეველა და ისეთი სიამაყით ავივსე, ქვეყანა ჩემი მეგონა. ამხელა ცვლილება მზადდებოდა საზოგადოებრივ ცხოვრებაში, წინანი უკან უნდა მოქცეულიყვნენ, უკანანი დაწინაურებულიყვნენ და გრანდიოზული გარდაქმნის ერთი – თუნდ რიგითი – მონაწილე მეც გახლდით. თანაც ინტელიგენციის ოხტშიც ხომ ამოვიდოდი. არ მესტებოდნენ გულზე და არა და ჭიას იმით მოვიკლავდი, რომ თავხედურად დავუვლიდი იმათ ბინებს.

პირველად ილიას მივუხტებოდი.

ალექსანდროვის ქუჩაზედ იდგა და ჰოი, რა ბრახუნი ავუტეხე სადარბაზოზე!..

ილია დაბლა ცხოვრობდა და, მოსამსახურემ რომ გამილო კარი და: ვინ ხარო, – მკითხა, მაჭავარიანი ვარ-მეთქი, ისე ყინჩად მივუგე, თითქოს უფრო სახელოვანი კაცი იმ არემარეზე არც დაიარებოდა.

ასეა, როდესაც ზურგსუკან პარტია გიდვას.

გაბრუნდა მოსამსახურე ილიასთან, მეც ფეხდაფეხ მივეყე. და ილია რომ ჩაეძია: ვინ მაჭავარიანიაო, – კიდევ შევიჭერ თავხედურად იმის კაბინეტში, დავადექ თავზედ და გათამამებული კილოთი მოვთხოვე ფული.

მონყალებას კი არა ვთხოვდი, უნდა სცოდნოდა, ვალდებული რომ იყო მოქალაქეობრივი ვალი მოეხადა და ფული არ დანანებოდა იარაღისათვის.

აღლევებისა ვერაფერი შევატყე.

სულში კი მომიფათურა თვალები.

თუმანი ამოილო, გადმოცა და ღიმილით დაატანა:

– შვილო, თან მლანძღამო და თან ფულსა მთხოვთ?!

მხრების თამაშით გამოვბრუნდი.

გინდა თუ არა, ყველამ წინასწარვე იცოდაო.

წინასწარვე კი არა, მერეც ვერ ვიჯერებდი, აბა, ეს რა მოსაგონებელი იყო-მეთქი. გაზეთშიც რომ ამოვიკითხე, აი, მაშინ კი შევფიქრიანდი, რაღაც მართალსა ჰგავს-მეთქი.

პარტიას ხომ არ დაუშლია ჩვენთვის სამგლოვიარო პროცესიაში მონაწილეობა?

ძალიან ნულა მაცივდებით.
არც უარვყოფ და არც დაგიდასტურებთ.
მე როგორ მოვიქეცი?

პანაშვიდებზეც დავდიოდი, დაკრძალვის პროცესია-საც თავით ბოლომდე მივყევი. აკაკი წერეთელმა სიტყვა რომ წარმოთქვა და ტირილით მიადევნა: ილია, მეც მალე შენთან მოვალო, – და იაკობ გოგებაშვილმა კი იყვირა: ილიას მკვლელები აუცილებლად უნდა მოვძებნოთ და სა-მაგალითოდაც დავსაჯოთო, სწორედ მის გვერდით ვიდექ და მისი ანაკვერცხლებული თვალები აღარც ამომშლია მეხსიერებიდან აღარასოდეს.

ხმამაც და თვალებმაც ისე დამარეტიანა, იმ ფიქრ-მაც კი გამიელვა: კიდეც კარგი, მე არაფერ შუაში ვარ-მეთქი.

ახლა ყველა იჩემებს, იაკობმა რომ იყვირა, მის გვერ-დით ვიდექით და მის მუქა-რას ჩვენიც მივადევნეთო.

მე მართლა იქ ვიყავი, ოღონდ არც ხმა გამილია და არც სხვების ყვირილი მა-გონდება: დავსაჯოთ, დავსა-ჯოთო!..

ხშირად გამოვიღებ ხოლ-მე ილიას ნაწერებს და ვატ-ყობ, ბოლო ხანს „ოთარაანთ ქერივი“ ყველაზე ძალიან მი-ტაცებს. გიორგის არსებაშიც რაღაც უფრო მეტს ვხედავ, ვიდრე უნიათობაა. მართლა სხვა სამყაროდან მოსული კაცია და ის სუნთქვა მოაქვს, იმ სუნთქვას გაგრძობი-ნებს, თუკი კარგად ჩაუკვირ-დები.

ვებოდიშები იმის სულს, პერსონაჟია თუ რა არის, უსამართლოდ ანკი ლიტერა-ტურულ გმირს რატომ უნდა მოეპყრა ადამიანი, და თუ უნებურად შეცდი მისი პიროვნული ხასიათის შეცნობაში და ავდებულად ახსენებდი, მონანიებას წინ რა დაუდგება.

ერთი ღამე რა არის, ერთი ღამე არ დამიძინია, ცალკე ილიას წიგნების წინაშე რომ არ მეთხოვა პატიება და ცალ-კე მისი სურათისა, თავით რომ მიკიდიო.

ვერა და ვერ მომინელებია ჩემი სითამ... ეჰ, რა სითამა-მე, თავხედობა იყო, რასაც ჩავდიოდი.

რა მიბიძგებდა?

აკი მოგახსენეთ – უფიცი ვიყავი, ბრიყვი და აჯამი.

...ხან ღიმილი ჩაკეცავს ტუჩის კუთხეს, უეცრად აჩ-რდილი რომ ნაეფარება სურათს: შვილო თან მლანძღამთ და თან ფულსა მთხოვოთ?!

და ვინთქმევი უსიზმრო ძიღში.

ივანე მარაბული

ხანდახან ყურში ისე გამინივლებს ხოლმე აკაკი წე-რეთლის სიტყვები:

– ეს დალოცვილი, როგორი ფრთხილია!

გალიზიანებულიყო ილიაზე და ჯავრი ამ საყვედურით ამოთქვა.

გული კი ამეყარა ილიაზე მას შემდეგ, რაც ველარა-ფერზე ველარ ვრიგდებოდი. მაგრამ... ის და სიფრთხი-

ლე? მეომრის გაბედულე-ბით გამოჩნდა თავიდანვე. მოსწრებით კი არ მოვსწრე-ბივარ, „ცისკარში“ პირვე-ლად რომ დაარისხა ზარები და იქიდან „საქართველოს მოამბე“ გაიხადა ბრძოლის შუაგულად, მაგრამ წაკით-ხვით ყველაფერი წამიკით-ხავს მისი და სმენითაც რამ-დენი რამ მსმენია.

სულ მაგის სახელი არ გაისმის?

ისეთი შთაბეჭდილება დაგრჩება, თითქოს ტყვიის წინაშე იდგეს მთელი თავისი დღე და მოსწრება და სხვაგ-ვარად არც უნდოდეს და ვერც წარმოედგინოს.

და ამ ბუნების კაცის სიფრთხილე?


თანაც რა დროს!..

რაღაც ასე კი გამოვიდა მართლა და... ახსნით ვერ ამეხსნა, რატომ არ უნდა წარმოეთქვა სიტყვა დიმიტ-რი ყიფიანის დაკრძალვი-სას.

ყველა მოელოდა მის გადმოდგომას ახალგაჭრილ სამარესთან, მთელი ხალხი მას მისჩერებოდა. ისედაც დიმიტრის სულიერი შვილი იყო, მისი მემკვიდრე და ჩა-

მომავალი, ერთი ინყებდა ყველაფერს და მეორე აგვირ-გვინებდა, და ახლა უპირველესი ჭირისუფალი თუ ვინმე უნდა ყოფილიყო, ილია და მხოლოდ ილია.

სიყვარულით აკაკის ნაკლებ კი არა ჰყვარებია დიმიტ-რი ყიფიანი. ყველას ყოველთვის რომ აქილიკებდა და შემ-თხვევას არ გაუშვებდა ხელიდან, ირონიულად არ გადაეკ-რა განსაკუთრებით მაინც აღიარებულ სახელთათვის, დიმიტრის ხსენებისას – და კიდეც აღექსანდრე ორბელი-ანისას – ოდნავი გახუმრების უფლებაც არასოდეს მიუ-ცია თავისათვის. გარინდებოდა მოწინებთა და მორი-დებით. და ახლა კი, პროცესიის მსვლელობისას განზე მიდგა და ილიას გადააბარა მოვლენათა სადავეები. ხელი-სუფლებას მაინც ველარაფერი გაეწყო და მხოლოდ კბი-



მხატვარი ვახტანგ მეგრელიშვილი

ლებს ახრჩიალებდა სიმწრით, რომ დიმიტრი ყიფიანის გადმოსვენება სტავროპოლიდან და მთანმინდაზე დაკრძალვა დიდ საპროტესტო გამოსვლად გადავუქციეთ.

არადა... ილია ბოლომდე არ მიჰყვა ხალხის გულის-თქმას და ის სადავეები როგორღაც განზე გასწია.

როგორი ფრთხილია, ეს დალოცვილიო, – მაშინ მოეკიდა ცეცხლი აკაკის.

დიმიტრის მოკვლის ამბავი რომ შევიტყვე, უპირველესად ილიასთან ვაფრინე კაცი. იქვე იდგა, ბანკის ახლოს, ფრეილინის ქუჩაზე, „ივერიის“ რედაქციაც აკი იქ იმყოფებოდა.

მერე ვალერიან გუნიამ მითხრა, ისეთი ნერვიული ქვითინი ავივარდა, ვერაფრით ვერ განყნარებდითო.

არ მახსოვს. მაგონდება მხოლოდ ილიას სახე, წარბშეკრული და პირმოკუმული რომ გამოჩნდა, ჯერ ქვემო ტუჩმა დაუწყო თრთოლა და მერე წამოსკდა კიდეც ცრემლები დანითლებული თვალებიდან.

მე იმას დავუწყე დაწყნარება, ის და სხვანიც თურმე აქეთ მე მამშვიდებენ.

პროცესიას რომ მივუძღოდით, ძალიან დაფრთხა მთავრობა და პოლიციელი პოლიციელზე მოგვადგა, ჩამოცილდით მსვლელობასო. ის ოცდაათამდე კაცი თუ მართლა გამოვეცლებოდით, ის ზღვა ხალხიც შემოიფანტებოდა, და საპროტესტო აქცია ერთბაშად გადაიქცეოდა დაკრძალვის რიტუალად.

ერთი კაციც არ შემდრკალა ჩვენგან, ერთსაც არ გადაუხვევია განზე და არ შეპუებია მოსალოდნელ სასჯელს – სისხლის სამართლის საქმის აღძვრას თვითული ჩვენგანის წინააღმდეგ. თანაც იმ საბუთსაც მოიმარჯვებდნენ: გავაფრთხილეთ, მაგრამ ყურად არ იღეს და განაგრძეს საზოგადოებრივი წესრიგის დარღვევაო.

ილია იქ იდგა თავიდან ბოლომდე და მისმა სიმტკიცემ ბევრწილადაც გადაწყვიტა პროტესტის ისე ამოხეთქვა, როგორც გვეოცნებებოდა.

მაგრამ სიტყვის წარმოთქმისაგან რომ თავი შეიკავა?!

ვერ იტყვი, სათქმელს თავი ვერ მოაბაო. ასეთი ორატორის მხილველი არცა ვყოფილვარ და ენაზე ჭალი ან აქ როგორ მოეკიდებოდა. ისეთი სიტყვა უნდა წარმოეთქვა, გაეთანგა იქაურობა და მღელვარებისათვის მღელვარება დაემატებინა.

მივჩერებივართ, ველოდებით... აჰა და აჰა... მაგრამ დუმს, კრიჭა არ ეხსნება.

და აკაკიმ: როგორი ფრთხილია ეს დალოცვილიო... რა გითხრათ, აბა?!

თვითონ აკაკი წერეთელიც და სანდრო ყაზბეგიც მეტ რადიკალიზმს იჩენდნენ ყოველთვის, უფრო დაურიდებელნი იყვნენ რუსული მმართველობისა და ექსპანსიის მიმართ, მაგრამ საზოგადოებრივ აზრს მაინც ილია ხელმძღვანელობდა, ეროვნულ სულისკვეთებასაც ის აღვივებდა, დაცემული ვინაობის აღსადგენადაც მას გადაედო თავი და მისი ნაკლები რადიკალიზმი... კაცმა რომ თქვას, ნაკლები აკაკისა და სანდროს უკიდურეს გაფიცებასთან შედარებით, თორემ თავისთავად სიბასრე და სიმწვავე როდის არა ჰქონია... დიახ, ვითომდა ეს ნაკლები რადიკალიზმი სიფრთხილედ არასოდეს არავის მოსჩვენებია.

შესაძლოა მაინც აკაკის?..

ან იქნებ გაბრაზებულ გულზე დასცადა!.. მაგრამ გამოსათხოვარი სიტყვის თქმას რატომ უნდა მორიდებოდა?

სამგლოვიარო სტატიაც რომ გამოაქვეყნა დიმიტრი ყიფიანზე და მისი ღვანლისა და ბედისწერის წარმოსახვას შეეცადა, ცოტა არ იყოს გულს დაგვაკლდა. სხვებსაც, მარტო მე ხომ არა. არსად მოჩანდა იქ ილიას მეხი სიტყვა, არსად მოჩანდა ის ექსპრესია და სრულყოფილება, რითაც განთქმულა მისი ნაწერები. სიფრთხილე გასდევდა მთელ ტექსტს, თითქოს ვილაცას ერიდებოდა, რაღა ვილაცას, მთავრობას უწევდა ანგარიშს და ზედმეტ გამწვავებას გაუზრობდა.

თითქოს ერთმანეთს აგრძელებდა თუ ეხმიანებოდა სტატიის მორიდებული კილო და დუმილი სამარესთან.

რაღაც ღრმა აზრი ხომ არ ჩაბუდებულია ილიას ამ საქციელში?

ჩვენთვის, ყველასთვის ჯერჯერობით მიუწვდომელი და აუხსნელი...

რაღაცას უფრო შორს გაჰყურებს, რაღაცას უფრო გულდასმით სწონის და ამ ტაქტიკურ სვლას ამჯობინებს მთავრობასთან ურთიერთობისას.

მაინც მგონია, რომ აკაკი იოლად უნდა განსჯიდეს, როგორი ფრთხილია ეს დალოცვილიო.

ვალერიან გუნიასაც დაველაპარაკე, ნეტა მიზეზი რა უნდა იყოს-მეთქი. აკაკის ნათქვამიც მოვახსენე. შორს დაიჭირა: არ დაიჯერო, მაგას როგორ იტყოდა, ვილაცა მოუგონებდაო. მე თვითონ მითხრა-მეთქი, და ნაუხბდა საქციელი ვალერიანს: გაბრაზებულ გულზე ვერ მოზომავდაო. მეც ეგრე მგონია-მეთქი. მაგრამ ილიას დუმილი?.. და ვალერიანმა: ეტობა, უფრო დიდ საშიშროებას ხედავს, ვიდრე მთავრობის პოლიტიკაა, უფრო ერთბაშა და დაუნდობელს, ეს საშინელი მთავრობაც რომ შეიძლება მოგვენატროსო.

ამათ რა მოგვანატრებს-მეთქი.

აბა, რა მოგახსენო, ეგ არის, ილიას დუმილი მიმანიშნებს რაღაც ამგვარსო.

მეც ხომ ასეთების ირგვლივ ვტრიალებ, გულმა კიდევ ერთხელ შემომკვნესა ავად და... დანახვით კი ვერაფერი დამინახია.

ცუდი, ძალიან ცუდი ამბებია მოსალოდნელი დანიის სამეფოში...

მისა ზოჭორიკა

ლხინშიც მიმლერია, ქორწილშიც, ნიშნობაშიც და ნათლობაშიც.

„კაკო ყაჩალი“, დიახაც. თავით ბოლომდის?

თავით ბოლომდის, აბა, რაიმე პატარა რომ გვდომებოდა, ლექსს შევარჩევდით და არა პოემას. ფრაგმენტებად დაშლა კი არა, შემოკლებაც არ გვიფიქრია. ამ პოემის შემოკლება როგორ იქნება – ერთი სტრიქონიც არ არის ზედმეტი, თითქოს ტყვია ტყვიაში ზისო, ისე მორგებია სიტყვა სიტყვასა და ტაეუი ტაეუს.

მოტივი ვინ შეუწყო? ეს კი აღარ ვიცი.

განა არ დაინტერესდი, მივიკითხ-მოვიკითხე, ეჭვი ვისზეც მივიტანე, საგანგებოდ გამოვიძიე, მაგრამ არ იქნა და არა, მელოდიის შემთხვევლს ვერ მივაკვლიე.

მაშინაც, კოლა გორელის ქორწილში რომ მიგვიწვიეს და სუფრაზე დასხდომისთანავე შემოგვძახეს აქეთ-იქიდან: აბა, ბიჭებო, მაყრულიო, – არაქელა ოქუაშვილმა თვალი მოგვაფლო, რევოლუციონერები ვინც ვიყავით, და: მაყრული კი არა, ჩვენი მაყრულიო, – და კიდევ წამოიწყო.

ჩვენი მაყრული ეს იყო – „კაკო ყაჩაღი“.

ხომ არავის მოწინააღმდეგე ამხელა პოემის მოსმენა?

მოწინააღმდეგე კი არა, უფრო მოეკიდათ ცეცხლი და ჟინი და ერთი-ორი ჭიქის შემდეგ ვანო დოლმაზაშვილს შესთხოვეს: სიმღერა სიმღერად, მაგრამ ახლა შენებურად ნაგვიკითხეო.

მერქექე ყოფილა ვანო, იქ გავიცანო.

წამოდგა, ერთი მორიდებით ჩაახველა და შეუდგა კითხვას. არტისტი ეგა ყოფილა, თუ ყოფილა. აი, ხომ ზეპირად ვიცი, არა აი, სულ სიმღერ-სიმღერით არ გავდივარ ბოლოში? მაგრამ ისე დამატყვევა იმისმა ოსტატობამ, ჩათავება ვერ მოასწრო, მივვარდი და გადავხვიე: კაცი შენა ყოფილხარ-მეთქი.

ბედნიერებისაგან გაცისკროვნებოდა სახე ხალხს.

რევოლუციას რომ უგანა, თავიდან ვერც ვიჯერებდით. რამდენჯერ მე თვითონ მიმტკიცებია, ჭორებს ნუ ასდევთ, რევოლუციას ყველა რომ გაუფდგეთ განზე, ილია არ უღალატებს-მეთქი. – ნუ ხარ მიამიტიო, – წყრომით მეტყობდნენ. და მე კი არა და არა ვთმობდი: რევოლუციის წინამძღოლი სულაც ეგ არის-მეთქი.

მუშებში შეგროვებული ფულით სამკითხველო რომ გავხსენით ნახალოვკაში და მღვდელს უნდა ეკურთხებინა, ილიასაც შეეტყო და შემოეთვალა, უსათუოდ გეახლებითო. ინტელიგენციამ მოინდომა მონაწილეობა კურთხევაში და ძალიან შეეჭირიანდნენ ეს ჩვენი მარქსისტული წრეები. „კვალის“ რედაქციამ ყველაზე მეტად გამოიღო თავი, იქ მიგვიწვიეს, მოწინავე მუშებად ვისაც მიგვიჩნევდნენ, და დაგვარიგეს, ასე და ასე მოიქეცითო. ინტელიგენციისათვის არ უნდა დაგვეთმო არაფერი და აუცილებლად შევპასუხებოდით. განსაკუთრებით მაინც ილია უნდა ამოგველო მიზანში და ღდინამდე ჩავყოლოდით იმის სიტყვას. ოთხნი გამოგვარჩიეს: გიორგი თელია, ზაქრო ჩოდრიშვილი, ლასა მგელაძე და მე – ილიას ფარდად ერთი კაცი ვერ იკმარებდა. ის კი არა, ერთი-ორი სხვაც იგულისხმეს უზურში.

ილიასაც ნათლად უნდა დაენახა ჩვენი ძალა და ინტელიგენციასაც.

მიკანკალებდა გული.

ილიასათვის არასოდეს მომესმინა, მაგრამ ლეგენდებად დადიოდა, როგორი შეუპოვრობით უსწორდებოდა მოპაექრებს, როგორ ათრევდა რკინის ლოგიკითა თუ მახვილი სიტყვით და, თავმოძნონე ბიჭს, არ მინდოდა ხალხის წინაშე შერცხვენა. გულს იმით ვიმშვიდებდი, რომ რაოდენობა ბოლოს მაინც გადასწონიდა და, დამარცხებით თუ ვერ დავამარცხებდით, მაინცდამაინც არც განბილებულნი გამოვეცლებოდით მოედანს.

თითქოს საბრძოლო დათვალეურებააო, იმდენმა მუშამ მოიყარა თავი.

აგერ ცნობისფურცლებიც გამოჩნდნენ, წინ არჩილ ჯორჯაძე მოუძღვით.

ძალიან კი იყვნენ დალესილები მასზე ჩვენი პარტიის ბიჭები, ნოე ჟორდანია ხომ წონასწორობას ჰკარგავდა მისი დანახვისას თუ მისი სახელის ხსენებისას – რალა ილია და რალა არჩილ ჯორჯაძე მის თვალში. მაგრამ მე ყოველთვის ისეთი პატივისმცემელი ვიყავი ამ კაცისა!.. ხმამალლა თქმას ვერიდებოდი, მაგრამ ჩუმ-ჩუმად ყველაფერს ვკითხულობდი, რაც მის მადლიან კალამს შეექმნა, და ზოგიერთი ადგილი მაინც განსაკუთრებით მომხვებოდა ხოლმე გულზე და შემძრავდა.

ახლაც რალაც სიტბო ჩამეღვარა მის შემხედვარეს. და მწარე ტკივილიც – მისი გადატეტკილი სახისა და ხელის მტყენის პროთეზზე წამოცმული თათმანის გამო.

ილია არა ჩანს.

დაგვიანება არა სჩვევია და, ეტყობა, რალაც გამოეხლართა.

დეკანოზმა სიმონ რცხილაძემ უნდა აკურთხოს სამკითხველო და მერამდენედ გვეკითხება: რას ველოდებითო.

პასუხად მიკიბ-მოკიბვა გვირჩევნია.

და კიდევ მოგვადგა ილიას ფაეტონი.

მარტო იყო? არა, ორნი ახლდნენ. მოიცა... ჰო... მარიამ დემურია და არტემ ახნაზაროვი.

მოთავდა კურთხევა და შევეყურებთ ყველა ილიას გაფაციცებულნი, აბა და რას იტყვისო.

მომზადებულნი ტყუილა ხომ არა ვართ, „კვალისაგან“ დაგეშილნი.

პარტიას ვაბარებთ ანგარიშს, ისე კი არ არის.

ილიამ კი... ამოიღო თუმალი, შესწირა სამკითხველოს, გავიდა გარეთ და ფეხი შედგა ფაეტონზე.

ჩაგვეშალა განზრახვა.

სიტყვები კი წარმოვთქვით, მაგრამ ილია დაგვისხლტა ხელიდან და ველარც ჩვენი ძალა ვაჩვენეთ. თუმც წასვლით არ წასულა და ფაეტონზე ცალფეხშედგმული გვისმენდა. მარიამ დემურიასათვის უთქვამს მერე: რა კარგი შთაბეჭდილება დატოვეს, ქართველი მუშები ამაღლდნენ ჩემს თვალშიო. განსაკუთრებით ჩემზე ეკითხებოდა თურმე, ვინ არისო, განათლება სად შეუძენიაო.

ჩავიღვენეთ და ჩავიფერფლეთ.

და იმ დღეებში ქორწილში რომ მოვხვდით და აქეთ-იქიდან შემოძახილზე: აბა, ბიჭებო, მაყრულიო, – არაქელამ მართლა მაყრული რომ წამოიწყო, მაშინვე ჩავეჭერ. არა, უხეშად არა, ყოველთვის დიდი ხათრი და რიდი მქონდა მისი, მაგრამ რალაც ტალღამ ამიყოლია, დამატრიალა და დამაბურბულა და შემჩერებელი მე არ ვიყავი.

– ეს კი არა, ჩვენი მაყრული-მეთქი, – და „კაკო ყაჩაღი“ წამოვიწყე.

ამყვენე, განა არა, მაგრამ ყველას ხმა რომ გადავფარე, გაიღურსნენ და ეგრე ხმაგაკმენდილნი მომაჩერდნენ. მერე ის მახსოვს, ხან ვინ მეხვეოდა და ხან ვინ: შენ ვინ ყოფილხარ, ეს რა ჰქენ, კაცო, სიმღერის უნახავები გავგზადეო.

ვიჩეჩავდი მხრებს, აბა, რა გითხრათ-მეთქი.

არაქელა დიდხანს ვერ მოვიდა გონს.

და კიდევ არაერთხელ რომ მოგვინევდა ჩვენი მაყრულის დაგუგუნება და მოლხინეთა შეჟრჟოლება ერთიანი ძალით, არაქელა ყოველთვის გამახსენებდა: ის მაინც რა იყო, რა გადაგვრე სუ ყველა, რა შთაგონება გენვიაო.

მე თვითონაც არ ვიცი-მეთქი.

სილიზისტრო ჯიზლაქი

ბახვში მეც თუ ვიყავი?

ამ სოფელში არაერთხელ ვყოფილვარ, გავლითაც, საგანგებო დავალებითაც – იქაურ კომიტეტთან ამბები ჩამეტანა ტფილისიდან და ახალი წევრების შემომატება კი მთავარი კომიტეტისათვის მეცნობებინა. მაგრამ იმ დღეს და იმ კრებაზე არა ვყოფილვარ. რომელ დღესა და კრებაზე? თავს ნუ იგულუბრყვილოებთ. ვითომ სწორედ იმ კრების გამო არ მიხსენებდეთ ბახვს.

ილიას მოკვლის გადაწყვეტილებისა არაფერი ვიცი და მონაწილე, აბა, როგორ ვიქნებოდი.

ნოე ჟორდანიას კი ცილი არც უნდა მისცხობოდა.

ამას იკადრებდა ჩვენი ბელადი, მკვლელობაში გარეუღიყო?!

რისთვის სჭირდებოდა, თორემ კი...

სიტყვით ისედაც ამზობდა ყველას, ისედაც საბოლოოდ მოუთავებდა ხელს და მის ჟურნალისტურ ხელოვნებასა და რკინის ლოგიკას აკი ვერც ილია გადაურჩა.

დასცა და... ველარც წამოდგა.

ფილიპე მახარაძის შემველება სულ არა სჭირდებოდა. ფილიპე ეტმანსებოდა ნოეს და არა ნოე ფილიპეს. ეგაა, ჩვენი ბელადის მთავარი დებულებანი გადაიღო და გაახალხურა, თან ეს „ჯაშუშიც“ დაიხვია ხელზე და წამდაუნუმ სახეში სწრიდა ილიას. რასაც ნოე გამჭვრივალედ მიანიშნებდა, იმან გაშიფრა ყველა ქარაგმა, მაგრამ მთავარი ხომ მარჯვე ჩავლებაა სუსტი ადგილებისა, ამონევა და დაფშვნა რკინის მუშით.

დაცდა თუ არა ილიას: თუ კაცი თვითონ ნულია – გლეხია თუ თავადი – ათასი ამისთანა ნულები რომ ხელიხელ ჩართულად გაგვიმწკრივოთ, მაინც ნულია და ნულიო, – მაშინვე ჩაავლო ნოემ საკბილოს და ბრალადაც წააკეცა: როგორ თუ მუშებს ნულები უწოდებო.

კიტა აბაშიძე ხალხის დარწმუნებას ცდილობს, ილიას მუშები საერთოდ არ უხსენებია და გინდაც ეხსენებინა, ამ ფრაზას ყოველი ადამიანი თამამად მოანერდა ხელსო.

კიტას როგორ უნდა დაუჯერო კაცმა – საქართველოს ტერიტორიული ავტონომია რომ აზრად მოუვა და ამ გზით პროლეტარიატის დაქსაქსვასა და თავადაზნაურობისა და ბურჟუაზიის ძალმომრეობის განმტკიცებას მოინდომებს, ის უნდა მოიკვეთო, არამცთუ რაიმე დაუჯერო.

რა გამოდისო – მაშინაც ნაცად რკინის ლოგიკას აამოქმედებდა ნოე – ხალხი თავისთავად არაფერიც არ არის, ნულია, ხოლო როცა მას მიემატება რომელიმე ციფრი, ანუ გაბატონებული ელემენტები, მაშინ ის ხდება ძალაო. ეს, როგორც ხედავთ, განსაზღვრული შეხედულებაა ხალხზეო.

ილიას ნათქვამიდან ეს არ გამოდის?

რა, არა?

თქვენი გამკვირვებია. ამ სოციალისტ-ფედერალისტებმა ასე როგორ ავიმღვრიეს გონება, საკვებით ნათელ ხაზს ველარ ამჩნევთ, ლოგიკური რგოლები ხელიდან გაგირბით.

არადა, რა სიღრმეები გადაიშლება ნოეს მსჯელობაში. მაინც რა ოსტატურად მიაკვლია ვითომდა სასხვათაშორისოდ წამოცდენილ ფრაზაში ბოროტულ სანყისს:

ახლა მითხარით, რა არის ეს შეხედულება, თუ არა დემოკრატიზმის ძირიანათ უარის ყოფაო? – მომაკვდინებელ შეკითხვას წამოჭრიდა და პასუხი აღარც იყო აუცილებელი, მაგრამ საქმეში ნაკლებად ჩახედულ ადამიანებზეც ყოველთვის ძალიან ზრუნავდა ჩვენი ბელადი და ამჯერადაც უწვრილმანეს დეტალბამდე ჰყენს ნათელს ჭეშმარიტებას:

– ასმა კაცმა თავისი მსჯავრი გამოიტანა საზოგადო მოვლენაზე... მათ ნულები უწოდეს, ესე იგი მათი აზრი საზოგადო კითხვაზე მოსატანი არ არისო... თუ ხალხს არ შეუძლია თავისი მსჯავრი გამოიტანოს საზოგადო მოვლენაზე, იმიტომ, რომ მას მეცნიერება არ შეუწნავლია, მაშ არც ხმა უნდა მიენიჭოს საზოგადო კითხვების გადაწყვეტაში, მამასადამე დემოკრატიული წყობილება, ხალხის სუვერენობა სისულელეა. აი, საითკენ მიდის ილიას მიერ გამოთქმული და ფედერალისტების მიერ მოწონებული დებულება.

ამისთანა მარგალიტები იმდენია მიმოზნეული ნოეს ნაწერებში, თვლას ვერ აუხვალ.

ამ ნათელ ჭეშმარიტებებს ვინც ვერაფერს გაუგებს, ის ადამიანები კიდევ ხმას უნდა უნდა იმდენენ?

მიხეილ ადამაშვილისა რა უნდა გაგიკვირდეს, ყველამ იცის, ცინიკოსია და მიზანთროპი, სულს უმღვრევს და გონებას ურევს ნოე ჟორდანიას სიდიადე და სულ მის ნაკბენაზეა. ამ უზადო მსჯელობაზეც დამდგარა და ყველგან იმეორებს: საიდან სადაო, ლოგიკის ნასახიც არ ეტყობაო.

აი, ვაჟა-ფშაველასაგან კი ძალიანაც გენყინს, ამ ბრწყინვალე მსჯელობას... აბდა-უბდად რომ ნათლავს. ასეთი უბირი არ გვეგონა. კერპთაყვანისმცემლადაც ამიტომ გადაქცეულა – უსვენია ღმერთად და ხატად ილიას სახება და ისე დაფოფინებს, თითქოს უიმისოდ შთამომავლობას გზა დაეკარგებოდეს;

„ალუდა ქეთელაურისა“ და „სტუმარ-მასპინძლის“ შემქმნელს ასეთი რამ არ უნდა დამართოდა, მაგრამ ნიჭი სხვაა, როგორც ეტყობა, და განათლება სულ სხვა. ვერ მიეკარა მის გულს მარქსიზმი და ჩარჩა სიბნელებში, ფშავის ხეობებს ვერ გამოაღწია.

არადა, ახალი დროის გადასახედიდან ეს პოემები დრომოჭმულისა და პროგრესულის ჭიდილზეა აგებული და ზოგადი მოდელი თავისთავად ეხმაურება მარქსიზმის დამკვიდრებას. ის ახალი რჯული, ალუდა რომ აფუძნებს, თუნდ მარქსის მოძღვრებადაც გაიაზრე... მე ასე მესმოდა და ვიხიბლებოდი, ვიდრე ახალი დროის მეზიარახტრის ნაცვლად ხელთ უბირი კაცი არ შემჩრა.

თავისთვის რამდენიც ნებავს, იმდენი ილოცოს თავის კერპზე, მაგრამ რევოლუციის ლანძღვას რამოეხსნას. მე რა, მე ასე თუ ისე შენარჩუნებული მაქვს რალაც ხათრი და პატივისცემა მისადმი და მკაცრადაც არ მოვკითხავ პა-

სუსხ, მაგრამ არ აპატიებენ, არა, რეველუციის წამდაუნ-
წუმ უდიერ ხსენებას და ერთხელაც იქნება გადააყოლე-
ბენ თავის უმეცრებასა და თავხედობას.

მე მითქვამს და...

პასილ პელიჩკო

ილია შენი პოეზიის დიდი თავყვანისმცემელიაო, – ჯერ
ერთმა მითხრა, მერე მეორემ, მერე მესამემ და ავივსე კი-
დეც სიამაყით. თვითონ კი არასოდეს შეუქია ჩემთან ჩემი
ლექსები, მაგრამ ამას მის მორიდებულობას მივანერდი,
რაკილა საზოგადოებაში სწორედ ის აზრი გავრცელებუ-
ლიყო, რომ ჩემს პოეზიას ილია ძალიან მოეწონებოდა.

დიდი თავაზით კი მხვდებოდა, როდესაც საგურამოში
ამიკითხავს და ერთხელ ზედაზნის მონასტრის სანახავა-
დაც მიგვიწვია. ივლისის თვე იყო, წელი ზუსტად არ მაგონ-
დება, უცნაურად ჭრელმა სტუმრებმა კი მოვიყარეთ თავი –
ექიმმა-პროფესორმა ბერლინიდან, თუმც ბერლინი პირო-
ბითად უფრო ითქმის, ისე გაქართველებულიყო და შეთვი-
სებოდა, სულაც შერწყმოდა აქაურებს, და მე მოსკოვიდან.

ვის გულისათვის გამოიდო თავი ილიამ, ვერ გეტყვით,
მაგრამ ძალიან კი გვეამა ურმით მოგზაურობა ზედაზნის
მონასტრისაკენ და იქ ხისქვეშ მწვანე მოლზე სადილი. გა-
დავყურებდით არაგვისა და მტკვრის შესართავს, მცხე-
თას, და თბილისსაც ვანვდენდით თვალს. ბოსკოს ვედარ
ვაჩერებდით – ეს რა ვნახე, რა დიდებულებაა, რა მშვენი-
ერებაა, ნეტა შეიძლებაოდას აქ დარჩენაო.

მცხეთაში რომ ჩამოვბრუნდით, ვედარ მოითმინა და
იქაც კიდევ მთის კალთას შეუყვავა, როგორ არ დავტკბე
მყინვარის დიდებულებითო. მეც მექაჩებოდა, მაგრამ
დალილობა მოვიმიზეზე, გაუთავებლად სად მებლოტია-
ლა მთა-მთა, რაც ვნახე, განა არა კმაროდა?!

რაფიელ ერისთავის იუბილეზე რომ მიმინვიეს, სამუდა-
მოდ დამამახსოვრდა ის გრძნობიერება, რითაც აღვსილიყო
სცენაც და დარბაზიც. იუბილარი ილიამ და აკაკიმ მოიყვა-
ნეს თეთრ ცხენებშებშული ლანდოთი და სცენაზე მის გამო-
ჩენას ისეთი ძლიერი და ხანგრძლივი ტაშისცემა და ვაშას
ძახილი მოჰყვა, შემეხარბა და რა შემეხარბა... მისი ვოდვი-
ლებიც წარმოადგინეს და სალამო დიდად გაახალისეს. ნადი-
მიც დიდებული იყო, თეატრის ფოიეში გამართული, ორასზე
მეტი კაცი ვესწრებოდით. ჯერ, ცხადია, იუბილარის სად-
ღეგრძელო დაილია, მერე ილია და აკაკი ადღეგრძელებს ერ-
თად მერე დეპუტატები, და ჩამოჰყვინენ და ჩამოჰყვინენ.

ილიასა და აკაკის ცოტა არ იყოს გამწვავებული ურ-
თიერთობა, აბა, ვის აღარ მოეხსენებოდა და სახელდახე-
ლოდ შეთხზული სალალობო ლექსით ორივეს ვუსურვე
შერიგება და ყოველგვარი წყენის სამუდამო დავიწყება.

ეს აკაკი ვინ ყოფილა!..

რაც მე მისი პოპულარობისათვის ვიღვნი – ამხელა
რუსეთს მე გავაცანი მისი ლექსებიც და პიროვნებაც, თო-
რემ ჩაიხარებოდა საკუთარ წვენიში, ქართველ მკით-
ხველს ვერ გაცდებოდა და ამ ერთი მუჭა ხალხის გარდა
არავის გაეგონებოდა მაგის სახელი. უსაზღვროებაში მე
გავტყორცნე – ცალკე რუსი და რუსულად მოუბარი მკით-
ხველი, ცალკე კიდევ მსმენელი. მაგის ლექსებიც რომ გა-

დიგამოდის ჩვენს ლიტერატურულ სალამოებზე, უჩემოდ
ერთი პნკარი მაინც გაიხმინებდა?!

რაც მაგის ვაჟი მლოცავს – შენ გამაცანი მამაჩემიო.

როგორც გონიერ კაცს შეჰფერის, ალექსი აღარც იხე-
დება საქართველოსაკენ. ქართულის შესწავლა არც არასო-
დეს მოუნდომებია და ამიერიდან სულ რა გადარევეს, ტყუი-
ლუბრალოდ დაკარგოს დრო. რაში წაადგება, თორემ!..

ნეტა ეს მამაჩემი რას წერსო, – ეს ფიქრი თუ უფაჩუ-
ნებდა სულში, აგერ მე გამოვეცხადე მშველელად და რა-
ლაც წარმოდგენა შეეუქმენი. მართლა გავაცანი ერთმა-
ნეთს მამა-შვილი.

არა, ეს მაინც ვინ ყოფილა!.. ჩემი უმანკო სურვილი
თავხედურ ჩარევად ჩამომართვა და სადღეგრძელოს პა-
სუსხად საკმაოდ სუსხიანი სიტყვები მომაცოლა: ამ უცხო
კაცს ჩვენი ვითარებისა არაფერი გაეგება და ამიტომაც
მოსდის ასეთი შეცდომაო, მე და ილიას თუ ურთიერთში
რალაც უთანხმოება და კინკლაობა გვაქვს, მხოლოდ იმი-
ტომ, რომ ერთმანეთი ნავახალისოთ და მეტი და მეტი ვა-
კეთოთ ამ ჩვენი უბედური ქვეყნისათვისო, ნეტა ჩვენს
ურთიერთობაში ცხვირს არავინ ჰყოფდეს, მითუმეტეს,
სრულიად ჩაუხედავი კაცო, როდესაც გასაჭირი გვიდგე-
ბა მთელ ერს, მაშინ ყველა ვერთიანდებითო, ასეო, ისეო...
სულ თავბედი მანყევლინა.

ილია?

იჯდა ჩუმად და ილიმებოდა.

ასე იცისო – ამიხსნეს – როცა მის პირადობას შეეხები-
ანო.

ამ ილიასიც ვერაფერი გამიგია.

ვანო მაჩაბელს ჩემთვის რა უწყენინებია, არასდროს
იოტისოდენაც არა, მაგრამ ილიას ესამოგვება-მეთქი,
მივდექი და გავაბურთავე მისი სახელი. ილია შეუძლოდ
შექმნილიყო და მოსანახულებლად ვენვიე. თითქოს ნიკო
ცხვედაძესა და არტურ ლაისტს მივმართავდი, მაგრამ
თვალი და ყური ილიასაკენ მეჭირა, ნეტარების ღიმილი
გადაეფინება და გუნებაზედ მოვა-მეთქი.

რა ნეტარი ღიმილი, მოიღრუბლა და რას მოიღრუბლა,
და ექიმს რალაც გადაულაპარაკა, მერე თვალები დახუჭა
და გაირინდა.

ექიმმა ყველას გასაგონად გამოაცხადა რუსულად:

– პატივცემულო ილია, დაილაღეთ? ცუდად გრძნობთ
თავს? იქნებ ცოტა ხანს დაიძინოთ! დაისვენეთ, სჯობია.

და მოგვიბრუნდა:

– როგორც ჩანს, ჩვენი ავადმყოფი დაილაღა, მივცეთ
საშუალება ცოტა ჩაძინებისა, რათა დაისვენოს.

გამომაძევა და ეგ არის. გეუბნებით, გამომაძევა.

ისეთი სახე ჰქონდა, ექიმს რალაც რომ გადაულაპარა-
კა, ნამდვილად მაჩაბლის აუგად ხსენებამ გააგულისა,
როგორ თუ ამ ვილაცამ უდიერი სიტყვა ჰკადრა, როგორ-
მე მომამორეო. რალაც ასეთს იტყოდა: ამ ტუტუცმა ეს
როგორ გაბედაო. ხომ არ გამიგია, რა თქვა, ნამდვილად
„ტუტუცს“ იტყოდა.

მე მაგისკენ და ეგ კი...

მართლა ჩემი პოეზიის თავყვანისმცემელი რომ ყოფი-
ლიყო, ეგრე არ გამომაპანლურებდა.

(გაგრძელება შემდეგ ნომერში)

რუსული თოლია ქართულ ტბასთან

საუბარი
მიხეილ კაზაკოვთან

კოტე მარჯანიშვილის სახელობის სახელმწიფო დრამატულმა თეატრმა სეზონი პრემიერით გახსნა და ანტონ ჩეხოვის „თოლია“ მაყურებელს ცნობილი რუსი მსახიობისა და რეჟისორის, მიხეილ კაზაკოვის ინტერპრეტაციით წარუდგინა.

ეს მარჯანიშვილის თეატრის დასის პირველი პროფესიული შეხვედრაა მიხეილ კაზაკოვთან, რომელსაც საქართველოსთან მრავალწლიანი ურთიერთობა აკავშირებს.

რუსი მწერლის ამ ცნობილ პიესაში, რომელიც მსოფლიოს ყველა დიდ დრამატულ სცენაზე დაიდგა, ქართველი მსახიობების საინტერესო ჯგუფი მუშაობდა (ზაია დვალისვილი, დემეტრე სხირტლაძე, ნიკა კუჭავა, ნანკა კალატოზიშვილი, ნინო იოსელიანი, ზაზა იაკაშვილი, ონისე ონიანი, დიმიტრი ტატიშვილი, ბესო ბარათაშვილი, მანანა კაზაკოვა).

სპექტაკლი მხატვრულად ანა კალატოზიშვილმა გააფორმა;

მუსიკა – ნიკა მაჩაიძეს და რეზო კიკნაძეს ეკუთვნით;

ქორეოგრაფია – ვია მარლანიას.

რეჟისორის თანამემხნეა ნათელა შალიკაშვილი. ქართველ მსახიობებს მიაჩნიათ, რომ ცნობილ რუს რეჟისორთან მუშაობა მათთვის ძალზე საინტერესო იყო. ეს ურთიერთთანამშრომლობა მათთვის მნიშვნელოვანია იმ თვალსაზრისითაც, რომ რუსული თეატრალური სკოლის ფორმებს ეზიარნენ, თვითონ რეჟისორი რას ფიქრობს ამ და კიდევ სხვა საინტერესო საკითხების შესახებ, ამას ჩვენი საუბრიდან შეიტყობთ:

– უწინარესად მოგილოცავთ. სპექტაკლი მეტად საინტერესოა. მსუბუქი საყურებელია, დინამიკური, ამასთანავე, კარგად ჩანს ავტორის მიერ წამოჭრილი პრობლემები, და ხასიათებიც ძალზე სწორად არის შერჩეული, თუმცა ამ ყველაფრისთვის რომ მიგელნათ, ალბათ ბევრი შრომა დაგჭირდათ.

– არც ისე. ჩვენ თითქმის ერთ თვეში, უფრო ზუსტად, სამ კვირაში დავასრულეთ სპექტაკლზე მუშაობა.

– იცით, ჩეხოვი ქართველ მკითხველს გამორჩეულად მისი უბრალოების გამო უყვარს. ამ მწერლის შემოქმედება ძალზე იოლი გასაგებია ყველასთვის. ოღონდ ეს უბრალოება ალბათ რთული გადასატანია სცენაზე. თან არც ის იქნებოდა იოლი, რუსული ხასიათები და, ამავე დროს, რუსული თეატრალური სკოლის საშუალებები ქართულისათვის რომ უნდა მოეგროთ.

– წარმოიდგინეთ, ამ შემთხვევაში რთული არ აღმოჩნდა. მსახიობების თამაშით კმაყოფილი ვარ. ვფიქრობ,

რომ ანსამბლი შედგა. და თანაც, მე ისინი შევიყვარე, არადა, ყოველთვის ასე არ ხდება. ხასიათებისა და საშუალებათა მორგებას რაც შეეხება, გეტყვით, რომ ეს საძნელო არ არის. რა, სცენაზე ეს გმირები ძალიან ჰგვანან ქართველებს? არც მიფიქრია ამის გაკეთება. ისინი მსახიობები არიან და პერსონაჟებს თამაშობენ.



– უბრალოდ მეგონა, როცა რეჟისორი უცხო დასთან მუშაობს, პიესის შერჩევისას ალბათ ძალზე ბევრ რამეს ითვალისწინებს-მეთქი. ისე... მაინც რატომ გადანიშნავთ ჩეხოვის ამ ნაწარმოების შეთავაზება ქართველი მაყურებლისათვის? შემთხვევით მოვისმინე, ერთ-ერთ ინტერვიუში თქვით: ჩეხოვი დიდი ხანია არ დადგმულა საქართველოში, ახალი თაობა წამოვიდა და მათ დაინტერესებთო...

– არა მხოლოდ ამიტომ. დღეს ბევრი არც ისე კარგი პიესა იდგმება თეატრალურ სცენებზე, მათ შორის ქართულსაც ვგულისხმობ. და ვიფიქრე, რომ „თოლია“ ძალზე კარგი არჩევანი იქნებოდა.

– სხვათა შორის, არც ჩეხოვია უცხო ქართველი მაყურებლისთვის. სწორედ ამ ბოლო ხანებში ქართული თეატრი „ალუბლის ბაღზეც“ მუშაობდა, „სამ დაზეც“, „ძია ვანიაზეც“...

– ძალიან კარგი. როცა ამ პიესას ვარჩევდი, მთავარი მაინც ის იყო, რომ გამორჩეულად მიყვარს. ყოველთვის მინდოდა მისი დადგმა. ეს რუსულ სცენაზეც შეიძლებოდა, მაგრამ, იცით, იქ უკვე ცხრა „თოლიაა“, და აღარ მინდოდა ჩემი მეთავე ყოფილიყო. მიყვარს ეს პიესა. მომწონს, როგორ არის წარმოჩენილი ხასიათები, პრობლემები... როგორ არის აწყობილი დიალოგები... და ვფიქრობ, რომ მაყურებელსაც მოეწონება (აი, ხეზეც ვაკაკუნებ).

– უთუოდ მოეწონება. ეს ყველაფერი, რაც სცენაზე ხდება, ხომ ჩვენი ცხოვრებაა. სიყვარულიც, ტკივილიც, იმედგაცრუებაც, განშორებაც, ახლის ძიებაც... ნაწილია ჩვენი ყოფისა, რომელიც, ყველაფრის მიუხედავად ისე გვიზიდავს, როგორც თოლიას ეს ტბა, სცენაზეც რომ ლივლივებს...

– ასეა. ცხოვრება ტრაგიკომედიაა, რომელიც, სამწუხაროდ, სიკვდილით მთავრდება. აი, სორინი, მაგალითად, ჩემს სპექტაკლში კვდება. ხო, მართლა, ეს კარგად ჩანს?

– ასეც ვიფიქრე, რომ სცენიდან მის იდუმალ გასვლაში, უფრო სწორად, გაყვანაში, სიკვდილს გულისხმობდით. ოღონდ მგონი ჩეხოვთან ასე არ არის, ხომ?

– დიახ. ჩეხოვთან სორინი არ კვდება. ჩემს სპექტაკლში კი ტოვებს ამ წუთისოფელს. ეს ჩემი დამოკიდებულებაა. მაყურებელს ბევრ რამეზე უწევს დაფიქრება. მათ შორის იმ პრობლემაზეც გაორებული სინდისისა, ასე რომ

ანუხებს ჩეხოვს. ამ პიესაში თვითონ ჩეხოვიც გაორებულია ტრეპლიოვსა და ტრიგორინს შორის. მისი ადამიანური სიმპათიები ტრეპლიოვის მხარესაა – ძალზე სუფთა და პატიოსანი კაცის მხარეს, თუმცა კი ტრიგორინიც თავისებურად პატიოსანია. პიესაში იგი ცოცხალი რჩება, იცხოვრებს და იცხოვრებს, აი, ტრეპლიოვი კი კვდება...

– პიესის ინტერპრეტაციის დროს კიდევ ბევრი რამ შეიცვალა?

– არა, მხოლოდ ის, რომ სორინი კვდება. ჟესტები შეცვლილი, თორემ დიალოგები, შინაარსი და მთავარი არსი ცი პიესისა იგივეა.

– დღეს ინტერპრეტაციაც ბუნებრივია, ამ ხერხს ხშირად მიმართავენ რეჟისორები, ეს თითქოს აუცილებელიც კი გახდა. აკი პიესის გმირიც ამბობს: ახალი ფორმებია საჭირო, ისე ხელოვნება აზრს კარგავსო...

– არა, იცით, როგორც გინდა ისე დადგი. მთავარი ხომ ნაწარმოების არსია. უბრალოდ ჩეხოვის ეპოქის გაცოცხლება გაცილებით ძვირი დაჯდება. ახალ ფორმებს სათქმელის საინტერესოდ გამოსახატავად ვეძებთ. სპექტაკლის გმირიც ამას ცდილობს. ახალი ფორმები საჭიროა და ამაზე კამათი თითქოს არ შეიძლება. ბროდსკიც წერდა ამის შესახებ, თვითონ ჩეხოვიც ეძებდა ახალ ფორმებს... მერე კი რას ამბობს? ძველი ფორმები... ახალი ფორმები... რა მნიშვნელობა აქვს, მთავარია გულიდან და სულიდან იღვრებოდესო. მეც მაყურებლის გაკვირვებას ვცდილობ, როცა მსახიობს ვთხოვ, რომ სანოლზე დანვეს და ინტიმუ-

რი სცენა შეასრულოს საკმაოდ ელეგანტურად. თუმცა, ამავე დროს, მე ხომ ის გადმომაქვს სცენაზე, რაც ჩეხოვთანაც არის, და თან ამას ისე ვაკეთებ, რომ მაყურებელს ამაზე არ გაცინოს (როგორც ეს რუსული თეატრის სცენაზე დადგმულ „თოლიაში“ ხდება).

– თქვენ თქვით, რომ მსახიობების თამაშით კმაყოფილი ხართ. საინტერესოა, რეჟისორისთვის რაიმე უხერხულობას თუ ქმნის ის მომენტი, რომ სპექტაკლის დადგმისას შვილთან ერთად უნვეს მუშაობა?

– ამ შემთხვევაში – არავითარს. მანანა კარგი მსახიობია, ჭკვიანი ქალია. იცით, თავიდან მას შევეთავაზე ირინა არკადინას როლი ეთამაშა, მან კი მიჩრია, ეს როლი ბაიადვალიმვილს მიეციო. მგონი სწორი გადაწყვეტილება აღმოჩნდა. თვითონ მანანამ კი პოლინა განასახიერა. ეს მთავარი როლი არ არის, მეორეხარისხოვანია, მაგრამ, ჩემი აზრით, კარგად გაართვა თავი.

– ვფიქრობ, სპექტაკლი წარმატებული იქნება და არაერთი გამოხმაურებაც მიჰყვება. ეს თქვენს გეგმებს რამენაირად შეცვლის?

– თუკი წარმატებული იქნება და ეს წარმოდგენა ათი ჩვენებით არ ამონურავს თავს, უთუოდ შეცვლის იმ მხრივ, რომ ახალ სპექტაკლზე დავინყებ მუშაობას. რომელზე? მოდით, ჯერჯერობით თავს შევიკავებ გამხელისაგან.

ესაუბრა
იკა ბუჯიაშვილი

ნიწო ყიფიანი „თეთრი გიორგის“ ნინაპრად

„ჩვენი მწერლობის“ წლევანდელ მე-12 ნომერში მკითხველი გაეცნო მართლაც ისტორიულ დოკუმენტს – ნინო ყიფიანის პირად წერილს იაკობ გოგებაშვილთან. აქამდე ამ ბარათის ერთადერთი – თუმც უაღრესად მნიშვნელოვანი – ფრაგმენტი იყო გამოქვეყნებული, სოციალ-დემოკრატიის გამხრწნელ როლს რომ ამხელდა, ახლა კი სრული სახითაც გახდა ხელმისაწვდომი მკითხველისათვის.

იქვე დართული რედაქციის მინაწერი აშკარად სცილდება ამ ჟანრის ფარგლებს და ჩამოჰგავს მცირე ლიტერატურულ ნარკვევს, რომელშიც აირეკლება ნინო ყიფიანის, ამ გამორჩეული პიროვნების, შთამბეჭდავი სილუეტი, და კიდევ ერთხელ შეგვახსენებს, რომ მისი ბიოგრაფია და ღვაწლი გულდასმით გვაქვს შესასწავლი და წარმოსაჩენი.

ამ მხრივ დასაფასებელია დიმიტრი ყიფიანის ცხოვრებისა და შემოქმედების ერთ-ერთი საუკეთესო მკვლევარის თამაზ ჯოლოგუას თუნდაც ის მიგნება, რისი წყალობითაც გაიშიფრა „ტეზრელის“ ფსევდონიმი და წმინდა მონამის შვილიშვილის წვლილი კიდევ უფრო თვალსაჩინოდ გამოიკვეთა 1904 წლის ჟენევის ინტერპარტიული კონგრესის მომზადებასა და ხორცმესხმამი.

მკითხველისათვის უთუოდ საგულისხმო იყო არჩილ ჯორჯაძისა თუ გიორგი დეკანოზიშვილის, რევაზ გაბაშვილისა თუ იასონ ბობიაშვილის სახელთა გახმინებაც ნინო ყიფიანის სილუეტის აღდგენისას, მათი მემუარული თუ ეპისტოლური მემკვიდრეობის ცალკეულ პასაჟთა კიდევ ერთხელ დატრიალება სამეცნიერო მიმოქცევაში, და კარგი იქნებოდა იქვე ჩართულიყო თუნდ ეს ფრაზა შალვა ამირეჯიბის მემუარული ჩანაწერებიდან:

„თუ „თეთრ გიორგის“ ჩვენს წარსულში თავისი ნინაპრები ჰყავს, ნინო ყიფიანიც იმათში უნდა ჩაირიცხოს“.

ვისაც მოეხსენება ამ ემიგრანტული პოლიტიკურ-სამხედრო ორგანიზაციის დაარსებისა და მოღვაწეობის გარემოებანი, „თეთრი გიორგის“ ერთ-ერთ ნინაპრად ნინო ყიფიანის გამოცხადება ასეთი სანდო, ეჭვმუყვალის მემატინის მიერ უკვე ბევრ რაიმეს მიგვანიშნებს საგულისხმოს ამ პიროვნებაზე. სულ რომ არაფერი ვიცოდეთ მასზე, ეს ერთი ფრაზაც მრავლისმეტყველია და ნინო ყიფიანის ეროვნულ-პოლიტიკური მრწამსისა და ცხოვრების გეზის მკაფიოდ წარმომჩენი.

ეს მემუარული ჩანაწერი შეტანილია შალვა ამირეჯიბის ორტომეულში, რომელიც 1997-98 წლებში განახორციელა ქართული ლიტერატურის სახელმწიფო მუზეუმმა და, რაკილა სიტყვამ მოიტანა, ნინო ყიფიანზე ამ ჩანაწერში კიდევ რამდენიმე საყურადღებო ცნობაა და ბარემ ის დეტალებიც გავიხსენოთ.

მემუარისტი აღნიშნავს: ნინოს ტფილისშიც ვიცნობდი და ვენაში ცხოვრების დროსაც ვმეგობრობდით ერთმანეთს. ეს იყო შესამჩნევი პიროვნება, ჰყავდა ბევრი ნაცნობი, მიმოწერა ჰქონდა ბევრ გამორჩენილ პირთან და ყველას წინაშე ქართულობის მედგარი პროპაგანდისტი იყო.

იქ გაუცნია ართურ შნიცლერი, თავისი დროის აღიარებული მწერალი, ვისი გავლენაც, სხვათა შორის, ქართულ ლიტერატურასაც გადმოსწვდა. დადიოდა მის ოჯახში, მოჰქონდა წიგნები და შალვა ამირეჯიბსაც ათხოვებდა ხოლმე.

რა გასაკვირია, რომ ნინოს სახელოვანი პაპის რამდენიმე სურათი ჰქონოდა და მუდამ გამოსაჩენ ადგილას დაედგა თავის პატარა ოთახში.

შალვა შეამჩნევდა, რომ ერთ სურათს მკერდზე ლაქები ჰქონდა და, რადგანაც ეს სურათი დანარჩენებზე მეტად



ნინო ყიფიანი (მარცხნივ)

მოსწონდა, სინანულით ჰკითხავდა: საიდან გაჩნდა ეს ლაქებიო.

ნინო აუხსნიდა: ეს ლაქები შავი ტუშის კვალია იმ ადგილებზე, სადაც პაპაჩემს უწინ რუსული ორდენები ეკიდებოდა.

ამ ეპიზოდის გახსენებისას მემუარისტი დასძენს:

„მას სძულდა ყველაფერი რუსული და თავის ქართველ წინაპარს ამრიგად აჰყარა ეს რუსული ღირსება“.

ეს დეტალიც რაოდენ მრავლისმეტყველია.

ვინ იცის, კიდევ რამდენი ასეთი პასაჟი აღმოჩნდეს სხვადასხვა მემუარებსა თუ ეპისტოლეებში და ნინო ყიფიანის პირად მიმოწერასთან ერთად მთელი ეს მასალა გამოდგეს დასაყრდენი მისი თავისებურად სიმბოლური სახების მისაკვლევადა.

სწორედაც სიმბოლოს რანგში მაღლდება.

ეს ის პიროვნება ჩანს, ვისი სახელის მიჩქმალვა თუ გაფერმკრთალვა აღარ იბეჭდს

ქართული პოლიტიკური აზრის ისტორიას – იგი მარტო „თეთრი გიორგის“ წინაპრად არ იგულისხმება, საქართველოს სახელმწიფოებრივი დამოუკიდებლობის აღდგენის ოფიციალური მოთხოვნის ისტორია ნინო ყიფიანის გარეშე ერთ ნათელ სხივს დაჰკარგავს და სადა აქვს საქართველოს ასე უდარდელად დასაფანტი სხივები.

სამშაბათს, 2 ოქტომბერს
ჟურნალ „ჩვენი მწერლობის“
დარბაზში გაიმართება
წარდგინება

როსტომ ჩხეიძის
ბიოგრაფიული რომანისა

**„გურჯი ეროვნებისა
(იაკობ გომბაჯაშვილის
ცხოვრების ქრონიკა)“**

დასაწყისი 14 საათზე
ჩუბინაშვილის №41

კვირას, 7 ოქტომბერს
ლიტერატურულ არტ კაფე
„ქარავანში“

გაიმართება შეხვედრა

ვახუშტი კოტეტიშვილთან

დასაწყისი 15 საათზე
ფურცელაძის 10

გურამ ოდიშარია

პრეზიდენტის კატა

24

ზღვა იყო ისეთი, თითქოს სადღაც, ძალიან ახლოს ღმერთი დასეირნობსო.

იყო კამკამა. დილის ექვსი საათის ზღვა.

ცაც კამკამა იყო. დილის ექვსი საათისა და ერთი წუთის ცა.

და ზღვაში ერთადერთი კაცი დაცურავდა.

– ამოდი, ამოდი, – მხიარულად უძახდა იგი იმ კაცს, ეხუმრებოდა, – ახლა ჩემი რიგია, მე უნდა ჩავიდე ზღვაში... ამოდი, ამოდი!

კაცს რომ უძახდა ასე, სწორედ მაშინ ექვსი საათი და ორი წუთი გახდა.

შემდეგ ექვსი საათი და სამი წუთი.

ექვსი საათი და ოთხი.

ექვსი და ხუთი...

6 და 6.

6 და 7.

6 და 8.

6 და 9.

10.

12...

24...

25

ერთ-ერთ თათბირზე მიხეილ თემუროვიჩის გვერდით მოვხვდი. მაშინ, მგონი, ის რომელიღაც საცდელი მეურნეობის დირექტორი იყო. სოხუმის რაიკომის მაშინდელი მდივანი – ასტიკო გვარამია ბობოქრობდა, აღმასკომის თავმჯდომარეს უტევდა – თავის დროზე რატომ მეტი არ მოითხოვეთ მანდარინის საჭირო რაოდენობის ყუთები?! ხომ ხედავთ, არ გვეოფნის და მოსავალი გვიფუჭდებაო. იმან – მე რა ვქნა, ჩემი მოადგილისათვის ყუთების რაოდენობა ბლაჟბას ჩაუწერიანებია, მე რა შუაში ვარო.

რაიკომის მდივანმა ილრიალა – ბლაჟბას ვინ ეკითხება ამასო.

მან არ იცოდა, რომ მიხეილ თემუროვიჩი დარბაზში იყო. ვერ შეამჩნია.

ბლაჟბას საოლქო კომიტეტის პირველმდივნობისას რაიკომის მდივანი კომკავშირულ ორგანიზაციაში მუშაობდა და ბლაჟბას სახელის ხსენებაზე ელეთ-მელეთი მოსდიოდა.

მიხეილ თემუროვიჩს გადავხედე. ილიმებოდა, ძალზე უცნაურად, ველარც ავხსენი, როგორ. ერთი რამ კი ცხადი იყო – სახეზე წყენა არ ეწერა. რალაცნაირად ილიმებოდა. თითქოს ამბობდა – ასეც ვიცოდი, რაც ხდება, ყველაფერი სწორედ ასე უნდა მომხდარიყო, აბა, სხვანაირად არც იქნებოდა. მოკლედ, არც თუ ისე საინტერესოა ეს ცხოვრებაო.

გაგრძელება. იხ. „ჩვენი მწერლობა“ №18,19

26

როგორ გვიყვარდა ჩვენ ერთმანეთი იმ ღამეს, როდესაც „ამრაში“ ვისხედით, კაფე – „ამრაში“, განა რესტორანში.

და ჩვენ ვსაუბრობდით და ვსვამდით.

მალიმალ ვაცარიელებდით და კვლავ ვივსებდით ფართოყელიან გრაფინებს.

ვივსებდით თეთრი, მსუბუქი ღვინით და იმ ღვინოში ჩავჭრიდით ხოლმე ატამს, ვაშლს, მსხალს, ხან ვაგდებდით ბლის მარცვლებს და ვამატებდით ყოველივე ამას ცოტა „ავადჰარას“ და ცოტა „ბორჯომს“ (ეს ისე, ხუმრობით ვამატებდით), და უფრო კი – შავ ღვინოს, ხან შამპანურს, ხან წითელ ღვინოს, ხანაც კვლავ თეთრ ღვინოს, მერე ისევ შამპანურს...

მოკლედ, კუდით ვათრევდით იმ საღამოს ღვინოს, კავკასიური ნაგაზის ლეკვივით, ვეთამაშებოდით, სიყვარულით ვანვალებდით, თავზე ხელს ვუსვამდით, მუცელზე ვულიტინებდით, ვეფერებოდით სქელ ბენჯსა და თათებზე.

და ისიც კრუსუნებდა – ღვინო! წკმუტუნებდა, მხიარულებდა ჩვენთან ერთად, ხან ნაიყვებდა, ხანაც მოგვიწუნავდა მაგიდას.

და მერე ასე კრუსუნ-წკმუტუნ-წუნუნით ჩვენს ძარღვებში მოგზაურობდა.

და იყო ნიავი მთვარიან-ვარსკვლავიანი და ის ნიავი ჩვენს ქალებს გრძელსა და ქერა თემებს უფრიალებდა, შავსაც.

და ხდებოდნენ ჩვენი ქალები ნახევრადგამჭირვალენი – მთვარისა და ვარსკვლავების შუქის გამო, და კიდევ – ზღვის ნიავის გამო.

და გვიყვარდა ჩვენ, ყველას, ერთმანეთი, და თანაც როგორ...

27

თამადაობდა სუფრას, რომლის წევრთა უმრავლესობა ქალები იყო. ორჯერ დალია იმ აქლემის სადღეგრძელო, რომელსაც, მიუხედავად იმისა, რომ აქლემია, მაინც სწყურია.

იმ სადღეგრძელოს ალავერდი ორჯერვე ქალებთან გადავიდა – ჯერ ერთთან, მერე მეორესთან.

მესამეჯერაც აპირებდა დაელია, მაგრამ ქალები კისკისით დანებდნენ, ნუ დაღვე, ჩვენივის ყველაფერი გასაგებიაო.

მერე ფუტკრის სადღეგრძელო დალია.

ფუტკრის სახეობებს შორის არის ერთი განსაკუთრებული – აფხაზური ფუტკარი, მას მსოფლიოში ყველაზე გრძელი ხორთუმი აქვს და ყველაზე ღრმა ყვავილებიდან ამოსრუტავს ნექტარსო. თან ისეთ ადგილებში აღწევს, სხვა ვერა და ვერ მოახერხებს იქ შეღწევასო.

ქალები შეუჩერებლად კისკისებდნენ, ნეტავ გვანახა, როგორია ის ფუტკარიო.

ის პირდებოდა, აუცილებლად გაჩვენებთ, სუფრას რომ მოვრჩებით, აი, იმ ტყეში გავიდეთ, აფხაზური ფუტკარი იქ ცხოვრობს, ოღონდ შუაგულ ტყეში ცხოვრობს, ანუ ტყეში ღრმად უნდა შევიდეთ, ჩემო დედოფლებოო.

28

ერთ-ერთ თათბირზე მოულოდნელად გაცხარდა:

– ნამეტანს ვაკეთებთ, არ არის საჭირო ასეთი გადაწყობილი სტუმართმოყვარეობა, კაცს პატივს სცემ და მერე პასუხიც შენ უნდა აგო. ამას წინათ მოსკოვიდან ცეკას ინსტრუქტორი ჩამოვიდა, ახალ ათონში მეგობრის სახლში დავპატიჟე, მთელი ღამე იმხიარულა, გაერთო სიმღერებითა და ცეკვებით, დაბრუნდა ცეკაში და საჩივარი დაწერა ჩემს მეგობარზე – საიდან აქვს ამდენი საშუალება, ორსართულიანი სახლის მთელი ერთი სართული უჭირავსო?! მეგობრის სახლის პირველ სართულზე ვქეიფობდით, მეორეზე არ აგვიყვანია. ვერ წარმოიდგინა, რომ მეორე სართულიც მასპინძლის იყო. ეს რომ ცოდნოდა, წარმოიდგინეთ, კიდევ რას ჩაწერდა საჩივარში.

29

ერთმა ჟურნალისტმა სუფრაზე სოფელ ბესლეთის მოსახლეობის თხოვნა გაახმოვანა:

– მიხეილ თემუროვიჩ, სოფლის მოსახლეობას ხიდი არა აქვს და, მდინარეზე რომ გადავიდეს, ძალიან შორი გზით უწევს სიარული, იქნებ დაეხმაროთ და ხიდი აუგოთ.

მიხეილ თემუროვიჩმა (მაშინ პირველი მდივანი იყო) რატომღაც ჟურნალისტის სიტყვებს ყურადღება არ მიაქცია.

ჟურნალისტმა მეორეჯერ გაახმოვანა ბესლეთელების თხოვნა.

არც მაშინ მიაქცია ყურადღება.

ჟურნალისტი არ ცხრებოდა.

როდესაც ჟურნალისტმა მეხუთეჯერ ითხოვა მდინარეზე ხიდის აგება, მიხეილ თემუროვიჩმა, თითქოს ახლალა შეამჩნიაო, უთხრა:

– გატყობ, ყოჩაღი ბიჭი ხარ, ხალხისთვის თავდადებული, შენს თხოვნას როგორ არ შევასრულებ, ოღონდ შენი ხათრით ერთს კი არა, ორ ხიდს ავაშენებთ: ერთს – გამოღმა გადმომსვლელებისთვის, მეორეს კი – გაღმა მიმავლებისთვის.

30

მიხეილ თემუროვიჩი, ვიანორ ფაჩულია და მე სასტუმრო „აფხაზეთის“ ბუფეტში ვსხედვართ. შესანიშნავ განწყობაზე ვართ. მიხეილ თემუროვიჩმა შეუკვეთა ყველაფერი, რაც საჭირო იყო, მათ შორის, ერთი ბოთლი კონიაკიც (ვიანორ ფაჩულიას დიაბეტი ჰქონდა და ღვინოს ერიდებოდა, კონიაკს არჩევდა).

ვიანორ ფანჯოვიჩი ოფიციანტს ეკითხება – რამდენვარსკვლავიანი კონიაკი გაქვთო. იმან – სამვარსკვლავიანიო. ვიანორმა – ჩვენ ხუთვარსკვლავიანი გვინდაო. ოფიციანტმა – მხოლოდ სამვარსკვლავიანი გვაქვსო. მცირე კონფლიქტს მიხეილ თემუროვიჩი აგვარებს:

– ვინორ, შენ რა, არ იცი, რომ ყველა ნებისმიერვარსკვლავიანი კონიაკი ერთი კასრიდან არის ჩამოსხმული? ის ვიანორს ყოველთვის ასე მიმართავდა – ვინორ. ალბათ, მისი საყვარელი სასმელის – ღვინოს (ВИНО) ხათრითა და სიყვარულით.

ვიანორ ფანჯოვიჩი მისი ერთგული მეგობარი იყო, მე-საიდუმლოც, განსაკუთრებით ქალების განხრით. ფანჯოვიჩზე ამბობდა:

– როდესაც პირველი მდივანი ვიყავი, საღამოს სამსახურის კარებთან მხვდებოდა და დაწვრილებით მიყვებოდა, თუ რა მოხდა დღის განმავლობაში ქალაქში. დილით ასევე მხვდებოდა კარებთან და მაცნობებდა, ღამით რა ხდებოდა სოხუმში. ასე რომ, ვინორი ინფორმაციის შტატგარეშე მინისტრი იყო.

მოკლედ, ვსხედვართ „აფხაზეთის“ ბუფეტში და კონიაკს ვწრუპავთ.

ჩვენს სიახლოვეს გადის და გვესალმება კაგებეშნიკი. ვალტერი, მიმაგრებული სასტუმრო „აფხაზეთს“. ეს ყველა იცის. არც თვითონ მალავს.

მიხეილ თემუროვიჩი ამბობს, როგორც ხშირად, ირონიით:

– საბჭოთა კავშირში არც ერთი ქალაქი ისე არაა მონყობილი, როგორც სოხუმი. აქ მხოლოდ მარქსისტები ცხოვრობენ. ჩვენთან კაგებე ენგელსის ქუჩაზეა, სინაგოგა კი მარქსის ქუჩაზე. ისე, კაგებე მარქსის ქუჩაზე უნდა ყოფილიყო, სინაგოგა კი – ენგელსზე... მაგრამ იქნებ ასე უფრო მართებულია, კარგად მოიფიქრეს ამ ოხრებმა.

31

1929 წელს მაქსიმ გორკი აფხაზეთში ერთხელ კიდევ ჩამოვიდა. მაშინ მიხეილ თემუროვიჩი 14 წლისა იყო. მოკლედ, როგორც მიხეილ თემუროვიჩი ჰყვებოდა, მისმა ნაცნობმა ბიჭებმა სოხუმის სანაპიროზე გორკის თეთრი პიჯაკი მოპარეს. გორკი ზღვას და სანაპიროს ათვალერებდა და პიჯაკი არც ახსოვდა. სწორედ მაშინ მოპარეს პიჯაკი სოხუმელმა ბიჭებმა.

პიჯაკის მოპარვას არა, მაგრამ პიჯაკის დაბრუნებას მიხეილ თემუროვიჩიც შეესწრო.

იმავე საღამოს ნესტორ ლაკობამ გორკი თავის მეგობრებთან ერთად რესტორანში დაპატიჟა. შუა ქეიფისას რესტორანში მანანალა ბიჭი შემოვიდა და ლაკობას ქალღმადის ფუთა გადასცა. ლაკობამ ფუთა გახსნა. ფუთაში გორკის თეთრი პიჯაკი აღმოჩნდა. გორკის ძალიან გაუხარდა, რომ პიჯაკი დაუბრუნეს. პიჯაკი ჩაიცვა, ხელი ჯიბეში ჩაიყო და იქ ბარათი აღმოაჩინა. ბარათი წაიკითხა და ხმამაღლა გაიციხა:

– Нестор, вот ты авторитет!

შემდეგ ბარათი ხმამაღლა წაიკითხა – „Дорогой Нестор! Мы не знали, что этот фраер твой гость. Возвращаем френч. Пять рублей, которые были у него в кармане, мы отдали посыльному пацану..“

32

ხანდახან ვფიქრობ. ხომ არ დამესიზმრა ის დრო-მეთქი? ომამდელი სოხუმი! გახსოვს კუკურ-ჩაი, მისი ჩაიხანა? ლექსებსაც თხზავდა კუკურ-ჩაი: Не курите, дети, дури, пейте чай вы у Кукури ან – თოფი ვესროლე ჩიტებსა, გავკარი ბუფეტჩიკებსა. გაბო გახსოვს, პორტის მუშა, თავზე „პავიასკა“ ეკეთა, ზედ 2 ეწერა. როცა შეეკითხე-

ბოდნენ, 1 ვინ არისო, გაბო რატომღაც ბრაზდებოდა. ერთხელ „ბრეხალოვკაში“ პროფესორმა ალანიამ დაიჩვილა – სამი გოგო მყავს, ბიჭი არა და არ ეყოლა ჩემს ცოლს, ამ დებოდა კი ხუთი ბიჭი ჰყავსო. გაბოც იქვე იდგა და პროფესორ ალანიას შესთავაზა – მიმიშვი შენს ცოლთან და ნახე, ბიჭი თუ არ გეყოლაო. მოვკლავ ამ უბედურსო, – იყვირა პროფესორმა ალანიამ და გაბოს გამოენტო. „დიოსკურიამდე“ ირბინეს გიჟმა გაბომ და პროფესორმა. იდგნენ სოხუმელები და იცინოდნენ.

აი, ასეთი ქალაქი იყო სოხუმი.

„სვაბოდა“ თუ გახსოვს, მეზღვაურის ქუდიტა და მაისურით, გიტარით ხელში? კინოთეატრ „სოხუმთან“ ჩნდებოდა ყველაზე ხშირად. როგორ ყვიროდა – მსოფლიოს ბავშვები უნდა გადავარჩინოო.

მარადონა? ყველაზე მობილური გიჟებს შორის. სად არ ნახავდი – ხან დიდ საათთან იდგა, ხან წითელი ხიდის მიდამოებში დასეირნობდა, ხან ბაზართან, ხანაც შუქურას რაიონში. ზამთარ-ზაფხულ ნახევრადშიშველი დადიოდა. მზეზე გარუჯულს კისერზე ქვისა და თოკისგან გაკეთებული ყელსაბამი ეკეთა... ახლახან შევიტყვე – მარადონა გარდაიცვალაო. სულ ახლახან – 2007 წლის დასაწყისში. ისე დამწყდა გული, თითქოს მეგობარი ან ახლო ნათესავი დამლუპოდეს... ერთ სუფრაზე თამადა ვიყავი. მარადონას ხსოვნისა შევსვით...

დილაუთენია „დიოსკურიასთან“ პატარები და დიდები ერთიანდებოდნენ და ფეხბურთს თამაშობდნენ. მათ ერთ გუნდს „წითელი წინაკა“ ერქვა, მეორეს – „ქარიშხალი“. ხუმრობდნენ, იცინოდნენ.

ერთხელ მიხეილ თემუროვიჩთან ერთად „პინგვინში“ ყავას ვსვამდით, ჩვენთან მისი მეგობარი ფოტოგრაფი ხიონიდი და ფოტოკორესპონდენტები: ტარასოვი, დგებუაძე და მელიქიანი იყვნენ. რამდენი სურათი გადაიღეს იმ დღეს! არცერთი არ შემრჩა.

მერე „საცივის პოლკოვნიკი“ შემოგვიერთდა. ცნობილი „გაიშნიკი“. მოდი, მისი გვარის ხსენებას მოვერიდები. „საცივის პოლკოვნიკი“ იმიტომ შეარქვეს, რომ მოსკოვში ერთ დიდ კაცთან კვირაში ერთხელ ხუთლიტრიანი თერმოსით საცივს აგზავნიდა. გიჟდებოდა ის დიდი კაცი თურმე საცივზე. ჰოდა, ძალიან სწრაფად რიგითი „გაიშნიკიდან“ ის კაცი პოლკოვნიკი გახდა, უფრო ზუსტად, „საცივის პოლკოვნიკი“. საცივს ერთი ეშერელი ქალი უმზადებდა.

„პინგვინში“ ზღვისკენ ჩამავალ კიბეზე ვილაცას შამპანურის ბოთლი გაუტყდა. ცოტა ხანში საიდანღაც ვირთხა გამოძვრა და დაღვრილი შამპანურის სმა დაიწყო. მიხეილ თემუროვიჩმა ფოტოკორესპონდენტებს სთხოვა – გადაიღეთ შამპანურის მსმელი ვირთხაო. ოთხი ფოტოპარატი აჩხაკუნდა. არც ის სურათი მაქვს.

„საცივის პოლკოვნიკმა“ – მოდი, ჩვენც ვიქეიფოთო, და მაგიდაზე სამი შამპანური ჩამოდგა.

ვილაცამ საკამათო თემა ჩამოაგდო – ჩაცმული ქალი უფრო შიშველია თუ შიშველიო. ორი ფოტოკორესპონდენტი ამტკიცებდა, გემოვნებიანად ჩაცმული ქალი შიშველ ქალზე შიშველიაო.

მიხეილ თემუროვიჩმა პირველი ჭიქით ქალი ადღეგრიძელა:

– ქალს გაუმარჯოს! ქალი დედამიწას ჰგავს – ხან აფრიკასავით მსურვალა, ხან ანტარქტიდასავით ცივი, ხან მთის მდინარეს ჰგავს, ხან – ველის მდინარეს, ხან მწვერვალს, ზღვას, ოკეანეს, კონტინენტს, ქარს... მისი სხეულის ყველა მეანდერს გაუმარჯოს!

ნეტავ, სადაა ახლა იმ საღამოს გადაღებული სურათები?

შორიასლო ისმოდა ქალების კისკისი, პატარა ბიჭების – Я что, фраер македонский, что ли, Вася?

ვსვამდით შამპანურს. ასე დაგვალამდა. სადღაც, მაჭარასთან მდებარე სასაზღვრე ნაწილიდან პროუქტორებით ხან ზღვას ანათებდნენ, ხანაც – ცას.

– ახლა, მოდი, თვითონ ღვინო ვადღეგრძელოთ, სასმელი, რომელიც უკვე ხუთი ათას წელზე მეტია, რაც ბრძნულად აწესრიგებს ურთიერთობას ქალებსა და კაცებს შორის! – ასე შესვა მიხეილ თემუროვიჩმა ბოლო სადღეგრძელო.

33

თუ ადამიანს „მორბენალი“ ტყვია მოხვდა, ფაქტობრივად, განწირულია. ამ ტყვიის გამოგონებელი ქალია. „მორბენალი ტყვია“ ჯერ ლორებზე გამოსცადეს, მერე უპატრონო გვამებზე და მხოლოდ შემდეგ დაიწყეს მისი სერიული წარმოება.

34

1992 წლის ნოემბრის II დეკადაა. პერიოდულად იბომბება სოხუმი. მივდივარ ფშაფში. იქ ჩემი უმცროსი შვილის ცოლოურები ცხოვრობენ – ჩვენი სომეხი ნათესავები.

ფშაფში სამი დღის განმავლობაში ვჩრები. სოხუმში დაბრუნებულს ჩემი სახლის საპარადო კართან მიხეილ თემუროვიჩი დამხვდა. გადამხვია და მითხრა – სოსიკ, მშაო.

მივდექ-მოვდექი. შინ წყალი არ მაქვს, არც დენი. გადამოვლავე სომეხი ნათესავების მოცემული პროდუქტები. მათ შორის 3 ლიტრი აუდუღარი რძე.

სპირტის ქურაზე ავადდულე 0,5 ლიტრა რძე, გავშალე სუფრა. გვაქვს ღომი ჩახარშული სულუგუნით, შემწვარი ვარია და კეცზე გამომცხვარი მჭადები. ვისადილეთ. მერე ვისაუბრეთ სხვადასხვა საქმეებზე. მათ შორის კვახზე – „ატლანტზე“, რომელსაც ჩემს სარდაფში ვახარებდით. მოვინახულეთ „ატლანტი“. ცოცხალი იყო, არ ავადმყოფობდა. „ატლანტი“ არ უნდა გახმეს, რაღაც უნდა დაგვიჯდეს, უნდა მივიღოთ მისი მოსავალი, – ამბობდა და კვახის ფოთლებს ეფერებოდა.

მიუხედავად იმისა, რომ ძალიან დასუსტებული იყო, მაინც მიუჯდა როიალს და ბეთჰოვენის „მთვარის სონატა“ დაუკრა. შემდეგ – „თაო ჩემო“.

ღამის თერთმეტი საათისთვის გავაცილეთ. სახლამდე მივყვე. ვუწილადა ფშაფიდან ჩამოტანილი პროდუქტები.

ნიაგმა საიდანღაც მანდარინის სურნელი მოიტანა. თითქოს დიდი ხნის უნახავ მეგობარს შეეხვდითო, ვიდექით და ვცნოსავდით მანდარინის სურნელს.

გამომშვიდობებისას კვლავ გადამხვია – რა ბედნიერებაა მეგობართან შეხვედრა და საუბარიო. ხვალ ჩემთან გელოდები სამი საათიდან, ბიოლოგიური მეცნიერების საკვანძო საკითხებზე განვაახლოთ საუბარიო.

35

დახედე ამ რუკებს, სოსიკ, დახედე. როგორ სხვადასხვანაირები არიან ქვეყნები. ნახე, ის ქვეყანა რას დაუმსგავსებიათ? ან ეს? – თითქმის ამერიკის ტოლად კუბა. ან ნახევარსფეროები როგორები. აქ – სხვანაირია, იქ – სულ სხვაა. ან ქვეყნების ფერები როგორ იცვლება – წითელი, ყვითელი, ყავისფერი, რუხი, მწვანე... თითქოს შუქნიშანი იყოს – გაიარე! გაჩერდი! წადი! მიდი! მოდი!.. არ გაშინებს ეს პლანეტა?

პრეზიდენტის კატა

ზედ ნაპირთან ამოყვინთა, წყალქვეშა ნიღაბი და სასუნთქი მილი მოიშორა და ფიჭვის ძირას მჯდომ სოსო კაპანაძეს გასძახა:

– სოსიკ, მაშასადამე, რა თქმა უნდა, ესე იგი, როგორც ასეთი, მეჩვიდმეტეც ვიპოვე. სულ ჩვიდმეტია, არც მეტი, არც ნაკლები. როგორც ასეთი, ესე იგი, რა თქმა უნდა, მაშასადამე.

სოსო კაპანაძემ რვეულში ჩაინიშნა ბებეისირის ტბის მეჩვიდმეტე წყალქვეშა წყაროს მდებარეობა.

ბებეისირის ტბას, უფრო ზუსტად, ბებეისირის ტბებს – დიდსა და მცირეს სწავლობდნენ. მანამდე, იმ ზაფხულს, ზღვაზე კენჭების მიგრაციას იკვლევდნენ – „თურქეთის კენჭებს“, რომლებიც, წლობით, რა თქმა უნდა, ესე იგი, მაშასადამე და როგორც ასეთი, სარფისა და ბათუმის გავლით სოხუმისკენ მოცოცავდნენ. სწავლობდნენ „რუსეთის კენჭებსაც“, რომლებიც ნოვოროსიისკიდან ბათუმისკენ „მოგზაურობდნენ“. ხანდახან კენჭებზე თავდაღმა განჭებოდა, თვალებს ხუჭავდა და ტალღების ხმასა და კენჭების ჩხრილს უსმენდა.

– თითქოს მაკედონელის ჯარი მოდის, სოსიკ.

ბებეისირი ზღვიდან ახლოს, გალის რაიონში მდებარეობს. მასში მდინარე ოქუმი და ლელეები – მოხობა და ნამგვალე – ჩაედინება, ზღვასთან კი სამგლე ლელე, იგივე ჯოყობა აკავშირებს. ტბა შავ ზღვასა და ამიერკავკასიის რკინიგზას შორისაა მოქცეული. ორივე ბებეისირი 2 კვადრატულ კილომეტრზე მეტია, სიღრმე კი 3-დან 5 მეტრამდე მერყეობს.

ტანი დიდი, ხაოიანი პირსახოცით შეიმშრალა და მზეს მიეფიცა:

– ჩვიდმეტი ცუდი რიცხვი არ არის. სადაც კი შვიდიანი ურევი, ყველა კარგი რიცხვია. მაგალითად, 7 ნოემბერი.

და გაიცინა.

მერე სოსო კაპანაძის ნახაზს დახედა:

– ნახე, ნახე, სოსო, ხომ სწორი ვიყავი, როცა ვამბობდი, ქალის საშოს ჰგავს-მეთქი ბებეისირი. რა შენი ნახაზი და რა ანატომიის სახელმძღვანელო. ეს ყოროფაც როგო-

რათა შეჭრილი ამ საშოში? ნახე, ნახე, როგორ. აქ მაგიური ადგილია, სოს. ყოროფა პენისია. და ამავე დროს კაცის ტვინსაც ჰგავს. გაგიჟდები კაცის პენისი და ტვინი ერთნაირი კონფიგურაციისაა.

„ყოროფა“* ნახევარკუნძულს თვითონ შეარქვა. ლელეთა სახელები კი ვიანორ ფაჩულიასთან ერთად დაადგინა.

ყოროფას ნახევარკუნძულზე სამეცნიერო ცენტრი მდებარეობდა, სადაც მიხეილ ალავიძესა და სოსო კაპანაძესთან ერთად თანამშრომლობდა. 1993 წლის 14 აგვისტომდე.

ბებეისირზე ისინი, სამთავენი, წერდნენ:

„ტბის ტემპერატურა ზამთარში მერყეობს +6 ჩ-დან – 13 ჩ-მდე, ზაფხულში კი +27 ჩ-დან +33 ჩ-მდე. ჰაერის აბსოლუტური მინიმუმი შეადგენს -11 ჩ, მაქსიმუმი კი +41 ჩ-ს. ტბის წყალი მურა-ყავისფერია, გამჭვირვალეობა ზაფხულში 50-150 სანტიმეტრია. მოლრუბულ დღეთა რიცხვი 170-ს უდრის, მზიანის – 193-ს. ნალექების წლიური რაოდენობა 2.200–2.700 მილიმეტრია. ნალექები ძირითადად ზამთარში და გაზაფხულზე მოდის. ზაფხული უმეტესწილად მშრალია, ქარები არ იცის. ზღვიდან დილის საათებში ქრის ნელი სიო.

ტბათა ხეობაში და შემოგარენში ტყის მცენარეებიდან გვხვდება: რცხილა, ლაფანი, ნიფელა, ნაბლი, მუხა, ჯონჯოლი, თხილი, ზღვის ნაძვი, მსხალი, ვაშლი, ტყემალი და ღოღნაშო; ინტროდუცირებული მცენარეებიდან კი: ცნტუს, ცტინიდი, ჩამელია, ჩავია, ორტუნელა, ონციურუს, უცალყატუს, სუგლანს, ჰილოსტახუს, ტევეოცარპა, .ოტუს, . შინეუსის, ლეუზ იტეს, ჩინამომუმ ცანფორა. წყალმცენარეებიდან: წყლის ნაბლი, წყლის ვარდი, ლოტოსი, ისლი, ლემნა, ვოლფია. ვოლფია ეთერზეთოვანი მცენარეა და მას თევზებიდან ჭამენ – სქელშუბლა და თეთრი ამური. ვოლფია გვხვდება როგორც წყლის ზედაპირზე, ასევე მის ფსკერზე. მის მოძრაობას ქვევიდან ზევით და ზევიდან ქვევით აპირობებს ტემპერატურის მერყეობა. როდესაც წყლის ტემპერატურა ეცემა +10 ჩ-ის ქვევით, ვოლფია წყვეტს ეთერზეთის სინთესს. შესაბამისად ამისა, დიდდება მისი ხვედრიანი ნონა და მცენარე ტბის ფსკერზე ეშვება. ტემპერატურის მომატებისას (+10 ჩ-ის ზემოთ), შესაბამისად, მატულობს ეთერზეთის სინთეზი და იგი მაშინ წყლის ზედაპირზე ამოცურდება.

ტბაში ბინადრობენ თევზები: ლოქო, ვობლა, საზანი, სქელშუბლა, ამურის თეთრი კარპი (ინტროდუცირებული მ. ალავიძის მიერ), ტაფელა, კობრი, ქაშაყი, კალმახი (ინტროდუცირებული მ. ბლაჟუბას მიერ), კაპარჭინა, ფრთანი-თელი, ქარიყლაპია, ლლავი და სხვები. უნდა აღინიშნოს, რომ ზღვის ქარიყლაპია ტბაში ხშირად იჭრებოდა ზღვიდან და ანადგურებდა ბინადარ თევზებს. ამის აღსაკვეთად ტბის ტურის ყურე გადაიკეტა კაპრონის ბადით (მ. ბლაჟუბას ინიციატივა)“.

ხშირად წერდა და ამბობდა, რომ ურბანიზაციის პროცესმა შეამცირა აფხაზეთის ტყეები, რომ ყოველ წელს აფხაზეთის მთებიდან და გორებიდან ირეცხება 81.000 ტონა მინა, რომ თითქმის მთლიანად გადარეცხილია ზედა

* სიყვარული (მეგრ.)

ემერა, რომ აუცილებელია ახალი კულტურების შემოტანა და მათი ათვისება, მაგრამ ამან ზიანი არ უნდა მიაყენოს აფხაზეთის ადგილობრივ მწვანე სამოსს. მისი თქმით, აფხაზეთს უდიდეს ზიანს აყენებდა ორი სანარმოო კულტურა – ჩაი და თამბაქო. ჩაი საბჭოთა ხელისუფლებამ მოგვახვია, თამბაქო კი – თურქეთმაო.

ციტრუსთა ჰიბრიდული გენოფონდის კოლექციის გაშენებაზე მუშაობდა. კოლექცია 188 ფორმას აერთიანებდა. მათ შორის იყო ფორთოხალი – ტომსონ ნაველის კლონი, რომელსაც საბჭოთა კავშირში ახლებურად მონათლეს – **ИВС (Иосиф Виссарионович Сталин)**. მიხეილ ალაიძეს ძალიან უყვარდა სტალინი და ამიტომაც **ИВС** ზეგვემურად გამარავლა.

„კოლხეთის გენეტიკის აკადემიის“ შექმნის იდეა ჯერ კიდევ მაშინ მოუვიდა, როდესაც 1949 წელს, ტიმირიაზევის ინსტიტუტახალდამთავრებული, ფილატოვის ჯგუფს სოხუმში ჩამოყვავილოკარპუსის შესასწავლად. ფილოკარპუსი ციტრუსების ნათესავია, ბზას ჰგავს, მარადმწვანეა. ბრაზილიაში ფილოკარპუსის უსიერი ტყეები და საბჭოთა კავშირს სწორედ ბრაზილიიდან შემოჰქონდა ფილოკარპუსისაგან დამზადებული წამალი – ფილოკარპონი, რომელიც თვალის ძვირადღირებულ და ეფექტურ წამლად ითვლებოდა (თვალის მძიმე დაავადების – გლაუკომის სამკურნალოდ).

ფილატოვის ჯგუფმა, რომელშიც ბლაჟბას გარდა ხომეზურაშვილი, ხასაია, მიმინოშვილი და გერმანელი მეცნიერი – გერტმანი იმყოფებოდნენ, სოხუმში ალოეც შეისწავლეს. მალე აფხაზეთში ფილოკარპუსისა და ალოეს ორანჟერეები მოაშენეს.

მაშინ, ერთ-ერთ დილას, ლაბორატორიაში მოფუსფუსე სოსო კაპანაძე გაიცნო. მთელი დღე გენეტიკაზე ისაუბრეს და იკამათეს. საღამოს კი უთხრა – დღეიდან ძმები ვიცითო.

ფილატოვის ჯგუფმა სოხუმში თვალის ახალი, ექსპერიმენტული წამლის – ალოეს ამჟღებით დატოვა.

ვაგილოვი მსოფლიოში ცნობილი გენეტიკოსი იყო. ლისენკოც. სტალინი თავდაპირველად ცდილობდა, ორივესათვის სამუშაოდ იდეალური პირობები შეექმნათ. ლისენკომ კარტოფილის განათალიდან კვირტები მიიღო და ამით კარტოფილის მოსავალი რამდენჯერმე გაზარდა. ბრავო, ლისენკო! – მიესალმა მის აღმოჩენას სტალინი.

ნახევრადმშიერ რესპულიკას ბევრი კარტოფილი ჭირდებოდა. ვაგილოვი ამტკიცებდა – ლისენკოს ქიმერები გამოყავს, ჩვენ კი ბუნების გზას არ უნდა გადავუხვიოთ. ლისენკო ვეგეტატურ გამრავლებას უჭერდა მხარს, ვაგილოვი – ბუნებრივს. ლისენკოს გზა მოკლევადიანი იყო, ვაგილოვის – გრძელვადიანი.

მეორე მსოფლიო ომის წინ ვაგილოვი დააპატიმრეს და სარატოვის ციხეში ჩასვეს, სადაც გაცივდა და ფილტვების ანთებით გარდაიცვალა. სტალინი უკვე უიმათოდ განაგრძობდა მცდელობას, გარკვეულიყო გენეტიკაში, ისევე, როგორც მოგვიანებით – ენათმეცნიერებაში.

სოსო კაპანაძე ვაგილოვის საქმის ერთგულად მიიჩნევდა თავს. ვაგილოვის მოსწავლედ კი მიაჩნდა თავი, მაგრამ ლისენკოს ზოგ მოსაზრებასაც იზიარებდა.

1965-დან მიხეილ თემუროვიჩი და სოსო კაპანაძე ერთად მუშაობდნენ: ხან სუბტროპიკულ კულტურათა სოხუმის ფილიალში, ხან იმავე ინსტიტუტის ექსპერიმენტულ მეურნეობაში; ხან – გვანდრაში, ხან გულრიფში, ხანაც – აჩიგვარაში. და სოხუმშიც, რა თქმა უნდა.

– შენ უჩემოდ ვერ გაძლებ, – ეუბნებოდა ის სოსო კაპანაძეს.

ასეც იყო.

ერთხელ სოსო კაპანაძეს აკადემიკოსმა ლაპინმა მაიმუნთსაშენის კვლევით ცენტრში შესთავაზა სამუშაო. მიხეილ თემუროვიჩი აბობოქრდა, – რად გინდა ის აყროლებული მაიმუნები, ნუთუ ვერ ხვდები, რამდენი რამ გვაქვს საკეთებელიო.

თავდაპირველად ციტრუსების ყინვაგამძლე ჯიშების გამოყვანაზე მუშაობდნენ, შემდეგ სხვა საქმეებზეც ირჯებოდნენ: გლობალურ დათბობაზე, მოსალოდნელი წყალდიდობების პროგნოზირებაზე, შავი ზღვის ფსკერზე დაგუბებულ გოგირდწყალბადსაც სწავლობდნენ. ერთი უნიკალური ანბა ზღვაში, 30 მეტრის სიღრმეში ჩადგეს, მეორე კი – ტყეში.

უცნაური მცენარე გამოჰყავდათ – ტრიფოლიატ-ლიმონი, მაღალყინვაგამძლე, საკვებად ვარგისი.

ფეიხოაზე ამბობდა, საოცარი მცენარეა, ქარის. აყვება და დაყვება ქარს. ამიტომაც გადარჩაო. აი, ეს უნდა ვასწავლოთ სხვა მცენარეებსო.

ამტკიცებდნენ, რომ ფოტოსინთეზით მიიღება ყველა პროდუქტი, და ლეზულობდნენ კიდევ – ოხურეის სათბობ



მხატვარი მზია დედანაშვილი

კომბინატში რეაქტორის ორთქლიდან მიიღეს ბლანტი სითხე, რომელიც საკვებისთვის აუცილებელ მინერალებს შეიცავდა. იმ სითხით ბატები მოასუქეს.

ალავიძესთან ერთად ჩაის საინდუსტრიო ჯიშები გამოიყვანა: ინდუსტრი-4 და ინდუსტრი-5. ასევე მასთან ერთად ინდუსტრი-4-ს და ინდუსტრი-5-სთვის საკვები ხსნარი „აჩიგვარა“ გამოიყენა. ჩაი ამ ხსნარით კრეფის დაწყებამდე 10 დღით ადრე ირწყვებოდა.

საცდელი ნაკვეთიდან 1991 წელს ჰექტარიდან 50-50 ტონა ჩაი მიიღეს.

ტროპიკული და სუბტროპიკული კულტურების ზრდა-განვითარების დაჩქარების მეთოდებზე მუშაობდა. დოკუმენტური ფილმიც გადაიღო აქსელერაციაზე.

სხვადასხვა დროს მეგობრებთან ერთად შემოიტანა: დეკემბრის ატამი (ამერიკიდან), მარწყვის ხე და თაფლის ხე (ჩინეთიდან), როდობის ლიმონი (ბულგარეთიდან), ლიმონი „ვოლკამერიანა“ (იტალიიდან), ლიმონები: ტაჯიმა ნაცუმკანი და იამაგუტი (იაპონიიდან).

ამერიკაში, ერთ-ერთ სიმპოზიუმზე, გიგანტური კვახის თესლი მოიპარა, კოსტუმის ჯიბეში ჩაიდო და სოხუმში ჩამოიტანა. კვახი მექსიკელებმა გამოიყვანეს, „ატლანტი“ შეარქვეს. ამ კვახის ზოგიერთი ნაყოფი 450 კილოგრამს იწონის.

თავის ერთ-ერთ ნაშრომში წერდა – „მსუბუქი მანქანა 1.000 კილომეტრის გავლისას იმდენ ჟანგბადს ანადგურებს, რამდენსაც ადამიანი მთელი თავისი ცხოვრების განმავლობაში. ჩვენ სოხუმის ციტოგენეტიკის ლაბორატორიაში, ციტრუსის კანში ბენზოიდები აღმოვაჩინეთ. ამის თაობაზე შესაბამისი მასალები გადავავაზავეთ სვერდლოვსკში ბ. ვიგოროვთან. ერთობლივად დავამტკიცეთ, რომ 1 ლიტრი ბენზოიდი 3 ლიტრ ბენზინს ცვლის, ბენზინს, რომელიც წვის შედეგად დედამიწაზე ყოველი ცოცხალი არსების მტერია. ხომ კარგად მოგეხსენებათ, რომ ადამიანები თავს ასეც იკლავენ – გარაჟში ჩაიკეტებიან და მანქანას დაქოქავენ. მათ მანქანიდან გამონაბოლქვი კლავთ. ქალაქებში და, განსაკუთრებით, დიდ ქალაქებში მანქანის გამონაბოლქვის მიზეზით მოსახლეობის 5-12 პროცენტი კვდება“.

36

1962 წლის გაზაფხულზე აფხაზეთში შუა აზიის რომელიღაც მოკავშირე რესპუბლიკის კომპარტიის ცეკას პირველი მდივანი ჩამოვიდა. მიხეილ თემუროვიჩმა სტუმარი გაგრისკენ „ჩაიკით“ გაასეირნა. შემდეგ „ეშერაში“ აქეიფა. სოფელ ეშერის რესტორან „ეშერაში“.

სოხუმისკენ გამოზრუნებულებმა ეშერის მთის ფერდობზე ვირი შენიშნეს. ვირები თქვენც გყოლიათო! – გაუხარდა სტუმარს და შემდეგ იკითხა – მიხეილ თემუროვიჩ, ვირებს თუ იყენებთ რამეშიო?

როგორ არაო, – მასპინძელმა, – ჩვენ მაღალმთიანი სოფლები გვაქვს, სადაც მანქანა ვერ ადის და ვირი გვშველის, ოღონდ ესაა, ძალიან ცოტა გვყავს და არ გვყოფნისო, – აქ ხმა გაეზზარა და თვალებზე ცრემლი მოადგა მიხეილ თემუროვიჩს.

ნება მომეცი, ეს პრობლემა მე მოგიგვაროო, – შეეცოდა მიხეილ თემუროვიჩი მასზე არანაკლებ ნაბახუსევ სტუმარს.

რამდენიმე კვირის შემდეგ სოხუმში ხუთი ვაგონით შუაზიური ვირები ჩამოიყვანეს – დიდმა სტუმარმა სიტყვა შეასრულა.

როცა მიხეილ თემუროვიჩს მოახსენეს – შუა აზიიდან ვირები გამოგვიგზავნესო, დიდხანს ვერც გაიხსენა, თუ ვის უნდა ეძღვნა ესოდენ ეგზოტიკური საჩუქარი.

ბოლოს, როგორც იქნა, გაიხსენა ეშერა, ეშერის „ეშერა“, სტუმარი და მარტოხელა ვირი.

რა ექნათ, რაში გამოეყენებინათ ვირები და ეშერის მთაზე გაუშვეს. ძოვდნენ ბალახს, ჟამგამოშვებით ყროყინებდნენ და ცხოვრობდნენ თავიანთთვის. როგორც კი ბალახი უთავდებოდათ, მაღლა-მაღლა მიინევდნენ, ტყისკენ. მერე ზამთარიც მოდდა და ვირები მგლებმა დაგლიჯეს. ალბათ, ყველანი დაგლიჯეს, თორემ მერე ვინმე ერთხელ მაინც ხომ გაიგონებდა რომელიმე მათგანის ყროყინს.

37

სასტუმრო „აფხაზეთის“ სახურავიდან, უფრო ზუსტად, რესტორან „Крыша“-დან, ზღვა შავად ჩანდა. თუმცა არც თუ ისეთი შავი იყო, როგორც მას აღწერდნენ ძველი ბერძენი ჟამთაღმწერლები.

ის აღდგომილებდა იმ მოხუცს, იმ თეთრწვერა მოხუცს, რომელიც ზამთარ-ზაფხულ, ძველთაძველ, ფერ-შცვლილ სანვიმარ ლაბადამოხურული იჯდა პარკში, მშვიდობის პროსპექტზე, ტკბილულულობის მაღაზიის წინ მდებარე პარკში, და მტრედებს აპურებდა.

მტრედები მეგობრობდნენ მოხუცთან, ასხდებოდნენ თავსა და მხრებზე, ლულუნებდნენ, დაგოგმანობდნენ მის სიახლოვეს თავის კანტურით.

ქალაქში ამბობდნენ, მოხუცი მეორე მსოფლიო ომის დროს საკონცენტრაციო ბანაკში მსახურობდა, ჯალათი იყოო.

ქალაქში ამბობდნენ, მოხუცი ომის შემდეგ სოხუმში გადმოიხვეწა, შურისმაძიებლებს გამოექცაო.

ბევრ რამეს ამბობდნენ ქალაქში.

მიხეილ თემუროვიჩი კი ამბობდა – მტრედები საკონცენტრაციო ბანაკში დალუპულთა სულები, მოხუცი ცოდვეს ინანიებსო.

38

თუ ადამიანი სადმე უბედურია, სხვაგან აუცილებლად ბედნიერი იქნება. ჯერ კიდევ IX საუკუნეში ალი-ბეირი წერდა ამის შესახებ. ეს სიმეტრიზმის კანონიაო, ამტკიცებდა ერთ-ერთ სუფრაზე მიხეილ თემუროვიჩი.

მერე მყვინთავი კოლიას სულის მოსახსენებელი ასნია, კოლიასი, რომელმაც თავი მოიკლა: ორი ბოთლი არაყი მარტოკამ დალია, ზღვაში ნავით ღრმად შესცურა და ნყალში უკანასკნელად ჩაყვინთა.

ის ამბობდა: კოლია თურმე მაშინაც იკლავდა თავს, როდესაც ჩვენთან ერთად ყავას სვამდა, როდესაც გვესალმებოდა, როდესაც სიგარეტზე გვიკიდებდა, როდესაც

საც უყვარდა, როდესაც ეძინა... და ნუთუ ახლა ჩვენს შორის, ამ სუფრასთან, არის ადამიანი, რომელიც კოლიასავით თავს იკლავსო? ნუხდა ამაზე.

მაგრამ თუ კოლია აქ უბედური იყო, სხვაგან აუცილებლად იქნება ბედნიერიო, ამშვიდებდა ვიღაცას.

39

ანვიმს ქალაქს, ანვიმს ზღვას, ყველას და ყველაფერს ანვიმს.

ახალი წლის წინა დღეებია.

(ჰო, „დიოსკურიასაც“ ანვიმს, რა თქმა უნდა).

ის, ათი წუთით გარეთ გასული, კვლავ ბრუნდება „დიოსკურიაში“, კონიაკით სავესე ჭიქას ხელში იღებს და ფეხზე მდგარი ამბობს:

– სულ ათი წუთით გავედი, მაგრამ იცით, რა სადღეგრძელო მოვისმინე? მოგეწონებათ. აგერ, გვერდით ოთახში, ერთი ბლატნოი ბელურებს ადღეგრძელებს. შევეცდები, გავიმეორო, ისე, როგორც მოვისმინე: კაროჩე, ხედავთ, გარეთ სიფონია, რა ქარია, რა წვიმაა... ამოვდივარ კიბეზე და ვხედავ, კიბეზე ბელურები დახტიან. გამახსენდა მერცხლები, სად არიან-მეთქი მერცხლები? არ არიან, იასნია, ზამთარია და კურორტებისკენ გაფრინდნენ, კარგი ცხოვრებისკენ გაფრინდნენ ის, ის ბოზ... ის მარიაჟები... კაროჩე, ბელურები ჩვენთან არიან, არსად გაფრენილან, კიბეებზე დახტიან, კარმუშკას ჩითავენ, დაჩალიჩობენ... ხედავთ, რა ხდება, რა დასტოინები არიან ბელურები, რა გაგებულები, ვასია... Я с ними на разведку тоже пойду, Вася... მერცხლები კი? იმ მფრინავ პუტანკებთან რა საერთო გვაქვს? აცივდება და მიფრინავენ, გვტოვებენ. კაროჩე, ბელურებს გაუმარჯოს, ჩვენს ბრატუხებს, სესტრუხებს! მაგრად ასწორებენ, არ ტოვებენ თავიანთ ქალაქს, არ გვტოვებენ ჩვენ!

ჩვენც ფეხზე ვდგავართ.

და ვსვამთ ბელურების სადღეგრძელოს, იმ ბელურების, რომლებიც „დიოსკურიის“ კიბეებზე დაწრიალებენ ნოვოროსისის ქარში, წვიმაში, კიდეც იმ ბელურების სადღეგრძელოსაც – სოხუმის ქუჩებში და მოედნებზე, პორტში და სადგურებში, ბალებში, სკვერებში, ბაზრებში და სტადიონებზე, გორაკებზე და მინდვრებში, ხეთა ტოტებში და ბალახებში რომ ფართიფურთობენ, ფუსფუსებენ, კაუჩუკის პატარა ბურთებივით დახტიან.

მათთან ერთად ვადღეგრძელებთ სხვა ქალაქებისა თუ სოფლების, სხვა – კაპიტალისტური თუ სოციალისტური ქვეყნების ბელურებს, განსაკუთრებით კი ჩინეთის გენოციდიერულ და მაინც ვერდამარცხებულ, ფიზიკურად და სულიერად გაუტყველ ბელურებს. სოლიდარობას ვუცხადებთ მათ და ვარცხვენთ და თავს ლაფს ვასხამთ და კიდეც უფრო ვანითლებთ დიდ ჩინეთს პატარა ბელურების ხოცვა-ჟლეტვის გამო. გაერთიანებული ერების ორგანიზაციის „დიოსკურიის“ ფილიალიდან გამაფრთხილებელ, მკაცრ, ჰაეროვან ნოტას ვუგზავნი და თითოეული ჩვენგანი თითო ჭიქა კონიაკით ადასტურებს, ამონმებს ამ ნოტას. შემდეგ სხვა პლანეტების ბელურებსაც ვადღეგრძელებთ. ჩვენი სადღეგრძელო საპლანეტაშორისო ხდება, გალაქტიკათშორისო.

და, მართლაც, თუკი სხვაგან სადმე არის სიცოცხლე, უეჭველია, იქ აუცილებლად იქნება ბელურაც. სამყარო ხომ წარმოუდგენელია უბელუროდ. და ის, ბელურაც, გვეჯერა, რაც უნდა მოხდეს, მაინც ბელურად დარჩება და ჩვენი, სოხუმელი ბელურების დარად, ერთგული მუდამ იქნება თავისი ბუდისა, ის პატარა, ის მინი-სოხუმელი ისა, ადამიანის ყველაზე მხიარული და ყველაზე დეპრესიული კუნთის – გულის ტოლა ჯადოქარი.

40

როდესაც იური გაბისონია დაანინაურეს და აფხაზეთში ერთ-ერთი მნიშვნელოვანი კომკავშირელი გახადეს, ბევრს გაუკვირდა.

ამბობდნენ, იურის დაანინაურების საქმეში მიხეილ თემუროვიჩის ხელი ურევიაო.

– სწორია, ჩემი ხელი ურევია, – იცინოდა თავად, – თქვენ თუ იცით, იურას კლიჩკა?! არა? მენდელეევს ეძახიან. რატომ შეარქვეს მენდელეევი? იცით?! არა? სწორედ ამაშია საქმე – ასეთი კაცი კომკავშირს სჭირდება!

აბა, მისმინეთ. აი, რა ცნობა მომანოდეს კავებში-კებში: იურა მეექვსე კლასში რომ იყო, ბაბუა გარდაეცვალა. ოჯახმა ბაბუას სურათის გადიდება დაავალა. მისცეს ბაბუას პატარა სურათი და ფულიც. წავიდა ეს შებერტყილი და იმ ფულით ველოსიპედი იყიდა. ველოსიპედი მისი ოცნება ყოფილა თურმე. „ხევეზე“ იყიდა, ნახმარი, მაგრამ მაინც „ხევეზე“. მერე სკოლაში ქიმიის კაბინეტიდან მენდელეევის სურათი მოიპარა, ცოტათი მიხატ-მოხატა და გაჭრილი ვაშლივით დაამსგავსა ბაბუამისს.

სკოლაში ატყდა ერთი ვაი-უშველი, ეძებენ მენდელეევის პორტრეტსაც და მის ქურდსაც, მაგრამ არაფერი გამოსდით. იურას კი ისეთი ალიბი აქვს, წყალი არ გაუვა – ბაბუა გარდაეცვალა და მენდელეევის გატაცების პერიოდში სკოლაში არ დადიოდა. განსაკუთრებით ქიმიის გაუთხოვარი მასწავლებელი ფორიაქობს – მომხდარის მთელი იდეური და მატერიალური პასუხისმგებლობა, რა თქმა უნდა, ფსიქოლოგიურიც, მას ეკისრება.

ყველაფერი კარგად მიდის, მაგრამ... ბაბუას დასაფლავების დღეს სატირალში მისული სკოლის დელეგაციის ერთ-ერთი წევრი უმალ ცნობს ყვავილების გვირგვინების შუაგულში ჩასვენებულ სურათს, ერთს შეჰკივლებს – მენდელეევიო, და გული მისდის. რა თქმა უნდა, მიხვდით – ის ქიმიის მასწავლებელია.

სანამ გულწასულს მოაბრუნებენ, იურა სიმინდის ყანისკენ გარბის, მოგვიანებით კი სასიმინდეში იმალება.

მერე იწყება, რაც იწყება – მენდელეევის საქმეს სოფლსაბჭოს კრებაზეც იხილავენ. სოფლსაბჭოს თავმჯდომარე სულ მუშტებს ურტყამს მაგიდაზე – გაბისონია, როგორ გაბედე და პოლიტიუროს წევრის სურათი მოიპარე, შე კონტრევეოლუციონეროო. მერე კითხულობს, რომელი ამხანაგის სურათი მოიპარაო. მენდელეევისო, ეუბნებიან. მითუმეტეს, ამხანაგ მენდელეევის სურათის მოპარვა როგორ გაბედე, შე ტროცკისტოო. სოფლსაბჭოს მდივანი ჩურჩულით უხსნის თავმჯდომარეს, მენდელეევი დიდი ხანია მოკვდა, მეცნიერი იყო თანაც და არასოდეს ყოფილა პოლიტიუროს წევრიო.

ამაზე სულ გიჟდება თავმჯდომარე – ეს ვინ გაბედა და პოლიტიკურს ამხანაგების პორტრეტებს შორის მკვდარი კაცის სურათი დაკიდა, რომელმაც ოპორტუნისტმაო. ეუბნებიან, რომ მენდელეევის სურათი ქიმიის კაბინეტში ეკიდა, სხვა ცნობილი ქიმიკოსების სურათებს შორისო. თავმჯდომარე დასაბმელი ხდება – პოლიტიკურს წევრების გარდა არავინ არ უნდა ეკიდოს კედელზე, აქ იმპერიალიზმის აგენტების ხელი ურევია, დღესვე მოვახსენებ ყველაფერს რაიკომსო...

მოკლედ – მენდელეევი. აი, ეს კლიჩკა შერჩა გაბისონიას.

არ გვყავდა მენდელეევი კომკავშირში, ამიტომაც შევაშველე ხელი, არ იყო დასაკარგავი კაცი, აუცილებელი იყო მისი კომკავშირში ყოფნა.

41

32 წელი მისი სიძე ვიყავი. ორი ქალიშვილი ჰყავდა – ნატაშა და ტანია. უფროსი – ნატაშა ჩემი ცოლი იყო. ნატაშა – ასე ეძახდა. ნატაშას მამამისივით უყვარდა ცხოველები. ნატაშა ჩემი სისხლის არისო, იტყოდა. იყო წლები, როდესაც სახლში ერთდროულად ოთხი ძალი გვყავდა – დობერმან პინჩერი, ორი როტვეილერი, ჯუჯა პინჩერი. ასევე გვყავდა გველებიც, ბაყაყებიც.

გოგონებს არ ანებივრებდა – ფეხით დადიოდნენ სკოლაშიც, ინსტიტუტშიც. ჩემი მანქანა სახელმწიფოსია, მე მემსახურება, თქვენ თქვენი გზა გაქვთო.

ჩემი სიდედრი კატერინა ანტონოვნა ვასინა იყო, სოფლის მეურნეობის სპეციალისტი, მუშაობდა სოფლის მეურნეობის სამინისტროში. წყნარი, მორიდებული ქალი. მასსოვს, ერთხელ მიხეილ თემუროვიჩს საზღვარგარეთ ვაცილებდით, მან ხელჩანთა ასწია და გაცოცხლებულმა ჰკითხა ჩემს სიდედრს:

– კატიუშა, რატომაა ასეთი მძიმე, რა ჩამინყვე ასეთი? ხელჩანთაში სამი უთო იდო.

– შენ ხომ დაუთოება (гладить) გიყვარს, ჰოდა, წაიღე უთოები, გამოგადგება.

საქმე ის იყო, რომ წინა დღით მოსკოველი სტუმრები გვყავდა და ერთ-ერთ მაღალსა და გამორჩეულად ლამაზ ქალბატონს მიხეილ თემუროვიჩი, რაც უფრო მეტს სვამდა, მით უფრო ხშირად უსვამდა ხელს მხრებსა და თმებზე. ცოლის პროტესტზე – ნუ აკეთებ ამასო, უპასუხა:

– კატიუშა, შენ ხომ იცი, როგორ მიყვარს ხელის გადასმა (гладить).

ხანდახან მსოფლიო ომს იხსენებდა, განსაკუთრებით ომის იმ პერიოდს, როდესაც მისმა შენაერთმა ქალაქ კლინში ჩაიკოვსკის სახლი გაათავისუფლა. ამბობდა – ჩვენ იქ ბევრი ფაშისტი დავატყვევეთ. არასოდეს იტყოდა – ფაშისტებს ვკლავდითო, იტყოდა – ვატყვევებდითო.

არასოდეს არავისზე უთქვამს ცუდი რამე. უცნობებზეც იტყოდა – ჩემი მეგობარიაო. მისი საყვარელი სიტყვები იყო гладить და черти (Ах, эти черти, не дают мне покоя. Вот чудак, не любят друг друга).

უცებ ბრახდებოდა, შეეძლო ჩემთვის მწარე სიტყვებიც ეთქვა, მაგრამ ხუთ წუთში წყენა სრულიად გადაუწელიდა და უმაღლეს შემორიგებას ცდილობდა:

– ახალგაზრდავ, მოდი, პიანინოზე დაუკრათ. შენ გეუბნები, მობილი, შენ, ვითომ არ გესმის?!

ჩემთან შემორიგების მიზნით ყოველთვის „ციცინათელას“ უკრავდა. ათზე მეტ მელოდიას უკრავდა, კარგად მღეროდა. ნოტებისა არაფერი ესმოდა, მაგრამ მაინც დაიდებდა პიანინოზე. ხანდახან გადაფურცლავდა კიდეც, ვითომ, მნახეთ – ნოტებითაც ვუკრავო.

როდესაც ნატაშა შევირთე, მამისეულ სახლში, ქუთაისში მესტუმრა. ძალიან გაახარა იმან, რომ კარგი ბიბლიოთეკა გვქონდა. ცხონებულ მამაშენს კარგად ვიცნობდიო. მითხრა, შესანიშნავი კაცი იყოო. დარწმუნებული ვარ, არ იცნობდა, მაგრამ ასეთი იყო – ყველაზე კარგი უნდა ეთქვა.

ჩვენ ერთად ვცხოვრობდით სოხუმში, ფრუნზეს ქუჩაზე. დიდი, მრგვალი მაგიდა გვქონდა. ახალი ავეჯი არ უყვარდა. არ ვცხოვრობდით მდიდრულად, ვიმყოფებოდით მცენარეებისა და ცხოველების გარემოცვაში. საზღვარგარეთიდან ჩამოტანილი რამდენიმე სუვენირი ჰქონდა და მხოლოდ იმათ უფრთხილდებოდა განსაკუთრებულად.

არ უყვარდა დაბადების დღის აღნიშვნა. ჩვენს ოჯახში მხოლოდ ჩემი შვილის – თენგოს დაბადების დღეს აღნიშნავდით. სხვათაშორის, არც მის მეგობარს – პროფესორ სოსო კაპანაძეს უყვარდა თავისი დაბადების დღის აღნიშვნა.

სახლში გვქონდა ერთი ძველი, დიდი თეფში, რომელზედაც ალექსანდრე II-ს პორტრეტი იყო გამოსახული. სტუმრებს ეუბნებოდა – კატერინა ანტონოვნა ალექსანდრე II-ს შთამომავალიაო. ომის დასაწყისში ის თეფში მაროდირებდა დაუმსხვრიეს. როცა თბილისში ჩამოვედი, იმ თეფშის ნამტვრევები ჩამოვიტანე, შევაკონინე, დავანებე და ახლა ბინაში მაქვს. მიხეილ თემუროვიჩის და, საერთოდ, იმ ცხოვრების მოსაგონებლად. თეფში ერთადერთი ნივთია, რაც სოხუმიდან შემომჩნა.

ომის დროს მაროდირებდა ხელი ჰკრეს – კარს რატომ არ გვიღებო. კონდახიც მოუღერეს მოხუცს. ძალიან განიცადა. ვიცოდი, ომს ვერ გაუძლებდა. მისი დისშვილი კედელთან დააყენეს, უნდა დაგხვრიტოთო. არ დახვრიტეს, მაგრამ ერთ წუთში სრულიად გაჭალარავდა ოცდაათი წლის კაცი. მეზობლის ბინა ამნით გაძარცვეს. „გრადის“ და ავტომატების ხმაზე მგალობელი ფრინველები და თუთიყუშები ეხოცებოდა. აკვარიუმში თევზებიც მოუკვდა, თუმცა წყალს უცვლიდა. ჯერ ფერი შეიცვალეს და მერე დაიხოცნენ. ბაყაყებიც დაეხოცა. იშვიათი ჯიშის ბაყაყები ჰყავდა. პურს აჭმევდა. ბაყაყები გასივდნენ, გომბეშობად იქცნენ და დაიხოცნენ. ვერა, ვერ გაუძლებდა ომს.

იაპონური პორტატიული მაგნიტოფონი ჰქონდა. ადამიანების ხმების გარდა, ყველა არსების ხმას იწერდა: ბაყაყების ყიყინს, ჩიტების გალობას, ხარების ბლავილს, ძროხების ზმუილს, გველების სისინს, ბუზების ბზუილს, თუთიყუშების ჩხავილს, კატების კნავილს, ძაღლების ყეფას...

ხანდახან ჩვენი ძაღლები პარკეტზე მოშარდავდნენ ხოლმე. სიდედრი განგაშს ტეხდა. ის კი – აბა, რა ქნანო.

გვანდრაში პანანინა, ოროთახიანი სააგარაკე სახლი ჰქონდა. იმ სახლს ოჯახის წევრებს არ გვაკარებდა. ეს ჩემი ლაბორატორიაა, ჩემი აკადემია, აქ მხოლოდ ჩემმა მეგობრებმა უნდა იარონო. იქ ჯუჯა ქათმები ჰყავდა მოშენებული. გვანდრადან მხოლოდ ერთხელ მოიყვანა ორი ბებერი ქათამი. მთელი დღე ვხარშავდით, მაგრამ ვერ მოვხარშეთ. ერთი-ორჯერ ქათმის კვერცხებიც მოიტანა. ეს იყო და ეს. სად არ უმუშავია, მაგრამ შინ ერთი მანდარინიც არასოდეს მოუტანია.

მგალობელი ჩიტები გვანდრაშიც ჰყავდა.

ფეიხოსას აქებდა – მამაკაცობის გამაძლიერებელია, თუმცა ცოტა აფერისტი მცენარეა, საითაც ქარი უბერავს, იქით იხრება, მაგრამ ასე თუ არ მოიქცა, ქარი ხერხემალში გადატეხავსო. დააკვირდით – რა სახელი აქვს, სექსუალური მცენარეაო.

ისე, კარგი მოლაპარაკე იყო, მაგრამ ცუდი მსმენელი.

რესტორნებიდან „ეშერა“ და „მერხეული“ გამორჩეულად უყვარდა. იტყოდა ხოლმე – დღეს სერიოზულ საქმეზე უნდა ვიმსჯელოთ და ამიტომაც „მერხეულში“ მივდივართო. ან – „ეშერაში“.

საუზმეს ყველაზე ხშირად მე ვუმზადებდი. მისი დილის მენიუ ათეული წლები უცვლელი იყო: თოხლო კვერცხი, ერთი ქიქა მანონი, ვაშლის პიურე და ყველის ერთი ნაჭერი. ფაქტობრივად, არ სადილობდა, საუზმობდა და ვახშმობდა. ჩიტვით ჭამდა. ასევე ცოტას სვამდა. ზოგს ჰგონია, რომ ბევრს სვამდა. არა, ზედმეტი არასოდეს დაუღევია. სუფრა მისთვის ურთიერთობის საშუალება იყო. სუფრა მისთვის იყო თეატრი, აეროპორტი, კოსმოდრომი. ადამიანებთან ურთიერთობის გარეშე სიცოცხლე ვერ წარმოედგინა. უყვარდა ხბოს ხორცი, დედაჩემის გაკეთებული ტყემლის წვენი, კატლეტი. კიდევ – ჩვენი მეზობლის, როზა ცომაიას ხარჩო. მაგრამ, როგორც ვთქვი, ჩიტვით ჭამდა. ერთ ჩიტზე ამბობდა – თოთხმეტ გრამს იწონის. თუ ერთი გრამი მაინც მოიმატა, ვერ აფრინდებო. სასმელებიდან კონიაკი უფრო უყვარდა – „ვარციხე“, ან სომხური კონიაკი.

შარვალზე გადმონეული ხალათები უფრო მოსწონდა. ქურთუკებიც უყვარდა. მოსწონდა თეთრი წინდებიც.

აპრილიდან ნოემბრის ბოლომდე აივანზე იწვა, ტახტზე. ლეიბის მაგივრობას ნაბადი უწევდა. ზემოდანაც ნაბადი ეხურა.

აივანზე „იზაბელა“ ჰქონდა ამოყვანილი, რომელიც 5-6 მტევანს მოისხამდა ხოლმე. შემოდგომაზე დაკრეფდა და იტყოდა:

– აი, მოვიწინე მოსავალი.

გვქონდა კონდიციონერი – „ზამთარ-ზაფხული“. ზაფხულში იმ კონდიციონერით ვაგრილებდით ოთახებს, ზამთარშიც – ვათბობდით. ზამთარში ბინას კი ვათბობდით კონდიციონერით, მაგრამ მიხეილ თემუროვიჩი აივნის კარს ღიად ტოვებდა – სუფთა ჰაერი გვაკლდებოდა.

– შეხედე, – ამბობდა ჩემი სიდედრი, – მთელი სოხუმის გათბობა უნდა.

ომის დროს თენგოსთან ერთად დარჩა სოხუმში. თავდაპირველად, ომის დასაწყისში, მეც სოხუმში ვიყავი. შემდეგ დავტოვე იქაურობა. ვგრძნობ, ნაწყენია მისი სული ჩემზე, და არამართო ჩემზე.

42

– ვთქვათ, გაცვიათ თეთრი კოსტუმი და მიაბიჯებთ ჭაობის გასწვრივ, ქორნილში მიგეჩქარებათ. უცებ ხედავთ, რომ ჭაობში კაცი იხრჩობა. თქვენ ჩერდებით და ხმამაღლა აძლევთ რჩევებს იმ კაცს. უფრო სწორად, უყვირით, რომ გაანძრიოს ხელ-ფეხი, როგორმე გამოაღნიოს სანაპირომდე, ხელი ჩასჭიდოს ხის ფესვს, წყალმცენარეებს... როგორ ფიქრობთ, უშველით ასე?

– ალბათ, ვუშველით.

– ვერ უშველით. თუ მისი გადარჩენა მართლა მთელი გულით გინდათ, კეთილი უნდა ინებოთ და თქვენი თეთრი შარვალ-კოსტუმით ჭაობში ჩახვიდეთ, ხელები შემოაჭდოთ, მკერდში ჩაიკრათ და ისე გამოიყვანოთ.

43

ცაკვა შაკიროვნა ხონელია აფხაზეთში ყველაზე დიდი მოდელის ატელიეს, სოხუმში, ოქტომბრის ქუჩაზე მდებარე ოთხსართულიანი „მოდების სახლის“ დირექტორი იყო. მის მოდების სახლს სამხატვრო საბჭოც ჰქონდა, რომლის წევრებიც მიხეილ თემუროვიჩი და სოსო კაპანაძეც იყვნენ. საერთოდ, მიხეილ თემუროვიჩის მხარდაჭერა რომ არა, „მოდების სახლი“ არ იარსებებდა.

ცაკვა ხონელია წარმოსადეგი ქალბატონი იყო და იგი მიხეილ თემუროვიჩმა ხრუშჩოვს ასე წარუდგინა:

– გაიცანით, ნიკიტა სერგეევიჩ, ცაკვა შაკიროვნა ხონელია – თამარ მეფის პირდაპირი ნათესავი.

იმავდ დღეს სოსო კაპანაძეც გააცნო ხრუშჩოვს:

– გაიცანით, ნიკიტა სერგეევიჩ, ჩვენი ეპოქის უდიდესი მეცნიერი სოსო კაპანაძე, ჩემი ძუძუმტე.

ცოტა ხნის შემდეგ აფორიაქებული სოსო კაპანაძე მეგობარს უჩურჩულებდა:

– მიხეილ თემუროვიჩ, ჩემზე 18 წლით უფროსი ხართ და ძუძუმტეები როგორ ვიქნებით; ან ცაკვა შაკიროვნა როგორაა თამარ მეფის ნათესავი?.. ხრუშჩოვმა რომ გაიგოს?..

– ეხ, სოსიკ, სოსიკ, კარგი მეცნიერი კი ხარ, მაგრამ არ იცი, როგორ გაუკეთო ულაყს ოყნა. ხრუშჩოვი ყველაზე ადვილად სიმბოლოებს იჯერებს: კაკასია, ძუძუმტეობა, თამარ მეფე... მას ლეგენდები სჭირდება. აბა, დააკვირდი.

მთელი საღამოს განმავლობაში ხრუშჩოვი ცაკვა შაკიროვნას ისე ეპყრობოდა, როგორც მკვდრეთით აღმსდგარ თამარ მეფეს. ხშირად მის ოქროსფერ ქოშებზე უშტერდებოდა თვალი.

ოქროსფერი ძაფებით მოგვირისტებული ოქროსფერი ქოშები მიხეილ თემუროვიჩმა წინააღმდეგობა აჩუქა ცაკვა შაკიროვნას – ოქროს ქოშები ხომ თამარ მეფესთან მისი პირდაპირი ნათესაობის ერთ-ერთი უტყუარი დსტური, ნივთ-მტკიცება უნდა გამხდარიყო გენერალურ მდივანთან შეხვედრისას.

44

ბიუროს წევრებს ერთ-ერთი დანაშაულის საქმიდან ერთ-ერთი ჩვენების ადგილს უკითხავდა:

„შუალამისას რალაც ხმამ გამაღვიძა. გარეთ გავედი. ეზოში ორი მაღალი კაცი დამხვდა. ვერცხლისფერი ტანსაცმელი ეცვათ. ვინა ხართ-მეთქი, ვკითხე. უცხოვლანეტელები ყოფილან. კიდევ კარგი! ადამიანები მეგონა, მძარცველები. შიში გამიქრა. შვებით ამოვისუნთქე“.

კითხულობდა და ხმა უკანკალებდა, თვალებზე ცრემლი უბრწყინავდა.

45

გაგრაში, მსოფლიოში ყველაზე მოკლე მდინარის – რეპრუასა და ზღვის შეერთების ადგილას, წითელი ღვინით სავსე ყანით თავისუფლების ქანდაკებასავით ხელაღმართული იდგა და ჩამავალ მზეს მიმართავდა.

ტრუსის ამარა იყო. მის ზურგს უკან, პირდაპირ ქვიშაზე გაშლილ სუფრას, ზღვიდან ეს-ესაა ამოსული, ასევე ნახევრადმშველი, მზით გარუჯული ქალები და კაცები ფეხმორთხმით უსხდნენ და გაღიმებულები უსმენდნენ.

ის კი, თითქოს გარშემო ვერავის ამჩნევსო, მხოლოდ მზეს მიმართავდა:

– გამომიგზავნე ყველა უსახლკარო და იმედდაკარგული, ყველა მიუსაფარი და ლტოლვილი! მათ მოლოდინში ჩირაღდნით ხელში ვდგავარ ოქროს კარებთან, სუნთქვაშეკრული, გულისცემაჩქარებული!

გულისყურით კი უსმენდნენ, მაგრამ ვერაფერს იგებდნენ.

46

მემცენარეობის ინსტიტუტის თანამშრომლები მივლინებიდან დაბრუნებულს ბაბუშარას აეროპორტში დახვდნენ.

– საშინელება მოხდა, მიხეილ თემუროვიჩ, საშინელება – თქვენს კაბინეტში, თქვენს დივანზე, ლენინის პორტრეტის ქვეშ, გაბუნია მარგარიტა გააუპატიურა.

– ჩემს დივანზე?.. ვე ვაჩვენებ გაბუნიას როგორ უნდა თავისი ხელსაწყოს წაღმა-უკულმა ტრიალი! – გაბრაზდა მიხეილ თემუროვიჩი.

შემდეგ იკითხა:

– გაბუნია მარგარიტაზე მთელი ოცი წლით უმცროსია და თქვენ რა, მართლა გგონიათ, რომ მარგარიტამ მას თავი გააუპატიურებინა?

– ჩვენც ეჭვი გვეპარება, მაგრამ მარგარიტამ აურზაური ატეხა – ცოლად წამიყვანოსო. ის კი არა, მაჭარკასთან, შუა ტრასაზე განვა და მანქანების მოძრაობა გააჩერა: არ ავდგები, სანამ გაბუნია ცოლად არ შემირთავსო.

ინსტიტუტში მისულმა, ცალკე მარგარიტა დაიბარა და ცალკე – გაბუნია.

ორიოდე დღეში მარგარიტა საგზურით კარპატებში, კურორტზე გაავზავნა, სტრესი გაქვს მიღებული, უნდა დაისვენო; ხოლო გაბუნიას პრემია გამოუწერა – ამ ინსტორიაში ჭეშმარიტად გაუპატიურებული კარგად ვიცი, ვინც არის და კომპენსაცია ეკუთვნისო.

47

ფრანგი მეცნიერი ჟან მელიე ერთ-ერთ ნიგნში წერდა – არისტოტელემ ცხოვრების უკანასკნელი წლები კოლხეთში გაატარაო. ამ აზრს ქართველი მეცნიერი ნამორაძეც იზიარებდა და აზუსტებდა – არისტოტელე მდინარე ფაზისის პირას ცხოვრობდა, ბიჭვინთაში გარდაიცვალა და იქ არის დასაფლავებულიო.

მიხეილ თემუროვიჩმა მეცნიერები: მეჯით ხვარცკია და შოთა მისაბიშვილი იხმო და დაავალა – ჩამოაყალიბეთ ექსპედიცია, წადით ბიჭვინთაში და, რადაც უნდა დაგიჯდეთ, არისტოტელეს საფლავი იპოვნეთო.

პირველი მდივნის დავალება მხოლოდ ნაწილობრივ იქნა შესრულებული: ჩამოაყალიბდა ექსპედიცია, რომელიც რამდენიმე თვის განმავლობაში ბიჭვინთაში აწარმოებდა გათხრებს, მაგრამ ექსპედიციამ არისტოტელეს საფლავს ვერ მიაგნო. არქეოლოგებმა აღმოაჩინეს უძველესი სამარხები, მაგრამ არისტოტელეს საფლავის ადგილმდებარეობა უცნობი დარჩა.

მიხეილ თემუროვიჩი წლების შემდეგ სინანულნარევი ირონიული ღიმილით ამბობდა:

– ნეტავ გვეპოვნა... არისტოტელეს საფლავი ბევრად მნიშვნელოვანია, ვიდრე ასეულობით ზოგიერთი ცოცხალი მეცნიერი; ბევრად მნიშვნელოვანია, ვიდრე ათეულობით ზოგიერთი ქალაქი; ბევრად მნიშვნელოვანია, ვიდრე ათასეულობით ზოგიერთი მრავალრიცხოვანი სუფრა, თუნდაც ჩემი თამადაობით წარმართული.

48

XIV საუკუნეში ბერმა ბონავენტურომ აბრეშუმის ქსოვილისაგან ფრთები გაიკეთა. ჩვენთვის და, საერთოდ, ისტორიისა და მეცნიერებისათვის უცნობი ნივთიერებით გაჟლინთა და ტაძრიდან გადაფრინდა. დაიჭირეს და კოცონზე დაწვეს ბონავენტურო. და მისი ფრთებიც ცეცხლს მისცეს.

ცეცხლში საშინელი ხმით გასკდნენ ფრთები და რამდენიმე ათეული მეტრის სიმაღლეზე აფრინდნენ, შემდეგ – რამდენიმე ასეული მეტრის სიმაღლეზეც, შემდეგ კი – საერთოდ გაქრნენ თვალთახედვიდან.

რომის ცენტრალურ მოედანზე თავშეყრილი ხალხი შემადრწუნებელი წივილ-კივილით მიმოიფანტა. ფრთები კი სადღაც, უმორეს სივრცეში, განაგრძნობდნენ ფრენას...

ის გაგრაში, ჟოეკვარას პარკში, დიდი მუხის ქვეშ გაშლილ ოცკაციან სუფრას თამადაობდა და ბონავენტუროს ფრთების სადღეგრძელოს სვამდა.

– ადამიანს ჭირდება ფრთები, აუცილებლად ჭირდება, XIV საუკუნეშიც ჭირდებოდა და XXII-შიც დაჭირდება, – ასე ამბობდა.

და ამატებდა:

– იმ ფრთებს გაუმარჯოს, რომლებიც დაწვეს და რომლებსაც დაწვავენ... და, რა თქმა უნდა, იმ ფრთებსაც, რომლებსაც დღეს, აი, ამ წუთას წვავენ.

(გაგრძელება შემდეგ ნომერში)



როდესაც ვფიქრობდით, თუ რა მინაწერი მიგვედევნებინა იზა ორჯონიკიძის ახალი ლექსები-სათვის და კიდევ ერთხელ ავფურცლეთ მის მიერ დატოვებული დასტა, თვალში მოგვხვდა გიორგი ლობჯანიძის წარწერა თავფურცელზე: „პოეტო იზა, მიყვარხარ!“

დაგვერწმუნებით, ეს არის არამარტო ორიგინალური რეზოლუცია ჟურნალის პოეზიის რედაქტორისა, არამედ უაღრესად ლაკონური და სხარტი რეცენზიაც, რაც ბევრს არ ეღირსება, რადგანაც ძალიან იშვიათად გინევეს ადამიანს ამ რანგის ლექსების წაკითხვა.

ეს რეზოლუცია თუ მოკლე რეცენზია დაამშვენებდა იზა ორჯონიკიძის ბოლოდროინდელ პოეტურ კრებულსაც „წვიმიანი გაზაფხულის ქრონიკა“ (რომელიც, სხვათა შორის, მთლიანად გამოქვეყნდა „ჩვენი მწერლობის“ ფურცლებზე).

დაამშვენებდა მის დიდტანიან, ერთტომეულის ყაიდის წიგნსაც, რომელიც ათვალსაჩინოებს პოეტის შემოქმედებით გზას, აღბეჭდილს ისეთი წარმატებებით, სილამაზითა და შთამბეჭდაობით, რაც იზა ორჯონიკიძის ნაღვანს ძალდაუტანებლად გვაგულისხმებინებს თანამედროვე ქართული ლირიკის იმ უკეთეს მონაპოვართა შორის, ჩვენი პოეზია საერთაშორისო ასპარეზზე რომ გაჰყავს.

იზა ორჯონიკიძე

კვლავაც ქველი ალბომიდან

იდილიური ესპიზი

ჩასძინებია დიდედას
(მძინარს უტოკავს წარბი!)
პანია მორგვი წართისა
ძველ ხალიჩაზე გარბის,

მისდევენ ჩემი ცინდლები
წინ-წინ გავარდნილ გორგალს,
სადღაც ნიკნიკებს საათი,
კუნძი ბუხარში ბორგავს,

შემთბარი კომმის სურნელი
ასდის ხახალს და ხონჩას,
სარკმლიდან თბილი ოქტომბრის
ჭრელაჭრულები მოჩანს...

გედნიერ დილით

დახე, დააგდო თავისი სახლი
და ნერწყვით ბილიკს ნიშნავს ლოქორა...
მეზობლიანთა გამძვრალი კვახის
ფოთოლზე მსხვილი ცვარი მოგორავს...

ქოჩორაშლილი კუტკუტებს კრუხი,
ჩამორჩენილი წინილი წივის...
დახედა ტყისპირს, დახედა მუხებს,
აგე, ბალახშიც ჩაიპნა სხივი...

მანამ თვალეში გამოვიხედავ,
ბაბუანვერა დაათოვს ძეძვებს...
გინდა ნიძლავი? ახლა დიდედა
სარზე წამოცმულ სარძევს ეძებს...

პირველი ვნება

მუხლზე მონაფის
რვეული მიდევეს,
სუფთა რვეული,
ოდნავ ნაწერი...
ვანვალეებ კალამს,
თან ლოკოკინის
ნერწყვით გავლებულ
ბილიკს გავცქერი...

ჩიტს კი დილიდან
სავსე აქვს ყელი
და არც სიმღერის
ამოთქმა უჭირს...
მეც მენატრება
სტრიქონში სხივი
და ლაჟვარდების
მელანი ლურჯი...

დადულითვი

გამხმარა ჩვენი ტკბილი კეხურა.
კვალიც არსად ჩანს ეკლიან ზღუდის...
მახსოვს ფანჩატურს ჩალა ეხურა
და იქ კაჭკაჭი ცხოვრობდა ქურდი...

გაკრიალებულ ფოთოლზე კაკლის
ნერწყვით ეკიდა მუხლუხო მწვანე...
და ყანჩავლიანთ პატარძლის ნაკლზე
დიდხანს ხუმრობდა კვიმატი ვანო...

რუ კი, სახლის წინ, კვლავ მიჩხრიალებს
ჩქარი, წყალ-ცივი და უდრტვინველი
და სარს წამოცმულ ბორბლის ტრიალით
ციცქნა წისქვილით ხარობს წინველი...

მზე გადასულა სანჩერს მიღმა,
ვანშამდე ჩაის მივირთმევე მოცვის...
ლამის პეპელას, მინაზე მიმხმარს,
უნყალოდ სცვივა ფერიც და ხორციც...

აპი სიზმარივით

*(ტეზრელი თანატოლებისადმი
ნახევარი საუკუნის შემდეგ)*

ნითლად ღუოდა კრამიტი
ალად და ალაგ ნაბზარი,
კარგი დღე იყო, უღრუბლო,
მოლალურივით მწყაზარი.

ასკილმა შემომანათა,
მკერდზე პეპელა ეკონა...
გულამოსკვნილი გეძახდით,
ქვა გავალვიძე, მეგონა...
არავინ შემეხმინა,
არავინ შემომეგება,
ეგებ ქორწილში ილხენდით,
ჭირის პურს ჭამდით ეგება?

იქნებ სხვა სოფელს მოვედი?!
ცრემლი თავს გადამივიდა...
მეძალებოდა ნალველი
იოზის ეშმაკივითა...

ციტატა ნარსულიდან

სიყმანვილის ნიგნები
კალმებივით გავცვალეთ...
შენი – არ დაიბრუნე,
ჩემი – არ მოვიკითხე...
შენ ჯერ მეფე გაგიწყრა,
მერე – მეფისნაცვალი,
როგორც მეხის დაცემა,
ისე მახსოვს იგი დღე...

მაშინ მოვკვდი პირველად!
ნახევარ საუკუნის
წინათ გამეტებული
ახლა რალად გიგონებ?!
მესმის ჭადრის ჭრიალი,
მესმის ქარის ზლუქუნნი
და ის დაუფინყარი
სხვისი ოთხი სტრიქონი:

„მივდიოდით მხარდამხარ
და დრო გვეუარესა,
ან არ ვიცი, სადა ხარ
და რომელსა მხარესა“.

**სოფლად, დიდი კაკლის ჩრდილში,
მოულოდნელ სტუმარს ვმასპინძლოვ**

მოხვედი! ალბათ, მოგქანცა სიცხემ,
ეფემერული სახელის ხვეჭამ...
მუსაიფს მუდამ მოკითხვით იწყებ,
არაფერს დაღევ, არაფერს შეჭამ...

ისევ ისა ხარ – პირქუში სახლი,
უსარკმელო და კარაფიცრული,
ძალღვივით მგელი, მგელივით ძალღვი,
მარადი მგზავრი, შინ არ მისული....

ერთხელ გეძებე ვით სიზმრის განძი,
ოცნებით აქვე ახლოს ჩაფლული...
ვერ მოერიო ჩვენ შორის მანძილს
ვერც მარტოობა, ვერც გაზაფხული...

მოხვედი! თითქოს სადმე ახალი
ნოე ჩორკნიდეს ჩემთვის კიდობანს...
ეჭვით დამლაღე, დარდით დამლაღე...
გული ვანს ითხოვს, სული – მშვიდობას...

მე უნინ სიკვდილს გაყვები მკაში!
აქ კი... თავისი ბუნების წესით
ლულუნებს მტრედი, ჭახჭახებს შაშვი
და ვარდზეც ისევ ბულბული კვნესი.

დეპრესია

მონამლულს სუნთქავ ჰაერს,
მონამლულს გასმევს წყაროც...
რა გეშველება, სახლო,
ძველ საძირკველზე მდგარო?

აღარ გჭირდება ჭკუა,
აღარც გაძლებს ღონე,
ვერ შეაყვარე, ვერა,
თავისუფლება მონებს...

შენ, დიდი ხანძრის შემდეგ,
ნაცარდაყრილო თავზე,
რა გეშველება, სახლო,
ქრისტეს მკვლელებით სავსე?

ნუგეზინის მაგიარ

კაცი გამოიგონე,
კარგიც დააბრალებ!
მაგრამ ჭკუა ვინ მისცა
შეყვარებულ ქალებს...

ნეტავ უფლის საქმეში
არ ჩაგეყო ცხვირი...
სად ფენს ერთხელ წამოჰკრავს,
იქით აღარ გაივლის
ჩვენებიანთ ვირი!

ივნისის ისხარი

ამ წუთს ცხელი ზაფხულის
თავსხმამ გადაიარა.
ცას ენიენ მერცხლები.
ბანზე დასხდნენ მტრედეები.

სახლის კედელს აკრული
ახასხასდა ხვიარა.
მეც კი გამოვხალისდი, –
ღვარს ფეხებში ვედები,
მოაქვს ცაცხვის ყვავილი,
ახალგამოტანილი,
ფეხშიშველები დარბიან
უბნის გოგოცუნები,
თბილისური ეზოდან
მცემს სურნელი ვანილის...
წყალმა ზიდოს ნალველი –
მომშხამველი გუნების...

მთვარიან ღამით

ერთად შეყრილხართ, ქალებო,
რა დაგაძინებთ ამ ღამეს!
ისე დამარხეთ მართალი,
თვალის არ დაახამხამეთ...

თქვენს თარგზე მოჭრილს არა ჰგავს,
არც პირს ამოსდის შაქარი,
იქნება ისიც კი იცის,
რომ ჯოჯოხეთი აქ არი...

რას ერჩით?! გველი შეგინვით?
გულს გართმევთ უფლისწულისას?
იქნებ ღვთის ხელი ატყვიდა
და ამან გაგაგულიათ?

გულნატკენისაგან

ალარც კი ვიცი, რა გითხრა,
ან გითხრა რამე თუ არა...
ისეთი სიტყვა ნამოცცდა,
გულს ზვაგად გადაუარა...

მონყალე ღმერთმა შეგინდოს!
მე ველარ გემეგობრები...
ხსოვნის სარებზე ხმებიან
მოლაღატეთა გოგრები...

მე ხელი არ გამისვრია,
თავად მოიჭრეს თავები,
რაც იყვნენ ბედაურები,
ის ჰქონდათ მოსართავები...

იქნებ ეს ჩემი ტკივილი
არც იყო გამოსაჩენი...
რად, გულს რად მიცარიელებს
დღეთა მინურულს გამჩენი?!

* * *

ერთი თუ გული გიპოვეს,
გინდაც ყოფილხარ შიმველი!

რა უდარდელად შეგაბეს
ყელს შენი აკვნის გიშერი...

გაქრა ვით ბზობის ყვავილი
ანდამატები ოცნების...
ცვარად იცრება ღრუბელი,
სწუხან სამარის ბორცვები...

გზა – უკანმოუქცეველი,
სხვის დასანახად ხალისი...
ერთი თუ გული გიპოვეს,
მაშინ ხარ შესაბრალისი...

სალამოს ჩაი

ჩვილი კარაქი, ყველი,
ქაფქაფა რძე და ხილი...
ძილისგუდასთვის ყვითელ
ფურცელზე პნკარი წყვილი:

„ცომი არ იცდის, შვილო,
ამჯერ უჩემოდ ჭამე!“
რა იქნებოდა, ღმერთო,
დამვიწყებოდა რამე,

რა მოხდებოდა, გულო,
განრიდებოდი ნალველს,
ნაინანატრი ქვეყნის
კარს მერამდენედ ალებ

და არც გადარდებს ღამე
როდის აუშვებს ქარებს...
თაფლის წვეთივით დნება
ფინჯანში სავსე მთვარე...

დაუნდობელი ლექსი

წელს უეცრად გაყვითლდნენ
ბზები ჩემი დარგული...
მზე უწყალოდ მოგვექცა,
წვიმაც აღარ მოვიდა...
ვცხოვრობ თავშესაფარში
ფიქრში გადაკარგული,
ვინმე, ზრდილობისათვის,
თუ მიკითხავს შორიდან...

გული დუმს და არ ვწუხვარ
(სხვაგან ცელქობს ამური!).
თბილი და იშვიათი
დათვლილია წამები...
გადმოფინა ზამთარმა
მთებზე სიასამური...
მწუხრზე, მწუხრზე მეძახის
დიდი ზარი სამების...

ააამანი საიქიოში

შენც კი მეგობრისათვის
არაფერი გეთმობა!
(ისე უცებ მომიკვდი,
საძმომ ვერც კი გაიგო...)
თუკი აღარ არსებობს
ულალატო ერთობა,
ისევ შენ გამიმეტე,
მე არ ძალმიძს, ამიგო!

ხსოვნა ტირიფს დაგირგავს,
იასამანს ახარებს
და ყოველ გაზაფხულზე,
მანამ გავძლებ დროული,
მინა არ მოაკლდება
ჩემს საფლავებს ახალი...
იცი, როგორ მიყვარდით,
იცი, როგორც მოვუვლი...

მერე... მოვა მოყვარე
(შევხვდეთ საიქიოში!),
მოვა წრფელი გულით და
სიყვარულის თანხლებით
და თუ არ დამცდენია
ერთი სიტყვაც რიოში,
დაფასდება ყოველი
ჩემგან ხელშენახები...

მუღარა

ვიცი, არ ეშველება
არაფერი ჩემს ნალველს...
გამომჭამა გულგვამი,
ბოლო სამანს მივედი...
ვერსად ჩემი კერიის
ვხედავ ცეცხლის შემნახველს...
გავერანდა მამული,
გაცამტვერდა იმედი...

პირველად ვარ უძლური,
ვერაფერი ვიღონე!
ჰა და... ჩამოიქცევა
დაბზარული თავანი...
ვიდრე უფრო შემზარავს
ვნახავ და გავიგონებ,
ღმერთო, უნინ მალღრსე
სამუდამო სავანე...

პატარა პინესა

ველი... უნდა დამიძახონ,
უნდა შემეხმიანონ...
უკვე კარგად, უკვე ახლოს
ისმის წვიმის პიანო...

ვითვლი ტაქტს და სამუდამოდ
შეუვსებელ პაუზებს...
ნეტავ იმას, ვისაც თვალებს
შვების ცრემლი აუვსებს...

მოულოდნელი აღმოჩენები

მოიყოლა შემოდგომამ
უშუური და ქარცივი...
დავბრძენდი და მოვიწყინე,
გულის ფრიალს არ ვჩივი...

ქვიჯა სადღაც მოვისროლე,
წყლით სავსეა როდინიც!
ველარ შევთხზავ გაზაფხულებს
სასწაულის ლოდინით,

ველარ, ველარ გამაბრუნებს
თბილი ღამის სურნელი...
ღმერთო, რა უბედური ვარ –
აღარა ვარ სულელი!

**გოლგოთიდან ჩემს მებოზრავს
კახშიანები**

ნუ გენალვლებით, მეგობრებო,
კარგად ვარ, კარგად!
მაგარი ძაფით რალაცას ვქსოვ,
რალაცას ვქარგავ,
არა მიჭირს რა,
აი, ტკბილი ვაშლიც გავთაღე,
კვლავ ვუყრი ნაფცქვენს
მოყურადეს და მოთვალთვალეს
და ვით ჩამცხრალი ქარიშხალი,
გავცქერი გავლილს...

მოჩანს მოლურჯო გორაკები
ნელ-თბილი ნავლის,
რომელიც თავსხმამ
ნაცარწმინდად აქცია უკვე...

ალაგ მზე ადგას
ნარვალებს და მტკაველა შუკებს,
სადღაც ქათქათებს
გადარჩენილ ზეცას ნალები,
ცრემლის მარილი
და უჭკნობი სევდის ბალები

და საყვარელი მინა,
სადაც თქვენ მეგულებით...
ნუ გენალვლებით,
აღარ მტკივა ხელისგულები...

ცნობილი ფრანგი მწერლის ჟიულ რენარის (1864-1910) ერთ-ერთ მნიშვნელოვან ნაწარმოებად ითვლება მისი „დღიური“, რომელიც 1927 წელს გამოიცა. რენარი „დღიურს“ 1887 წლიდან სიცოცხლის ბოლომდე აწარმოებდა. მწერალი გადმოგვცემს თავის შეხედულებას ხელოვნებისა და ლიტერატურის შესახებ; არ ერიდება მკვეთრ გამოხატვამებს დეკადენტების მიმართ, რადგან მიიჩნდა, რომ „ისინი შეურაცხყოფენ ხელოვნებას და ზურგს აქცევენ ნამდვილ ცხოვრებას. გამჭვირვალობა მწერლის ზრდილობაა“. რენარს ეკუთვნის აგრეთვე აფორიზმი: „სტილი, შეიძლება, სიცოცხლისა და სილამაზის შიშია“.

ჟიულ რენარი დღიური

1887

ტალანტი რაოდენობის საკითხია. ერთი გვერდის დაწერა ტალანტის ქონას არ ნიშნავს; სულ ცოტა, სამასი გვერდი მაინც უნდა დაწერო. არ არსებობს რომანის ისეთი სიუჟეტი, რომლის მოფიქრებაც ერთი ჩვეულებრივი მონაცემების მქონე მწერალმა ვერ შეძლოს, არ არსებობს ისეთი ლამაზი ფრაზა, რომელიც დამწყებმა მწერალმა ვერ ააგოს. ისლა დაგვრჩენია, მოვკიდოთ კალამს ხელი, გავასწოროთ ფურცელი და მოთმინებით შევუდგეთ მის შევსებას. ძლიერები ფეხს არ ითრევენ, მიუსხდებიან მაგიდას და ოფლს ღვრიან. აი, ეს განასხვავებს მაღალნიჭიერ ადამიანებს იმ ლაჩრებისაგან, რომლებიც ვერასოდეს მოახერხებენ დაწყებას. დიდ ლიტერატურაში მხოლოდ ხარები იმკვიდრებენ ადგილს. ყველაზე ძლიერი ხარები კი გენიოსები არიან, ისინი, ვინც დღე-ღამეში 18 საათს დაუღალავად შრომობენ. დიდება გამუდმებული ჭაპანწყევტაა.

1889

6 აპრილი. ყველაფერი, რაც წამიკითხავს, რაც მიფიქრია, ყველა ჩემი ნაძალადევი პარადოქსი, სიძულვილი ყოველივე იმისადმი, რაც წინასწარ დადგენილი და საყოველთაოდ მიღებულია, ჩემი ზიზი ყოველივე ბანალური-სადმი მაინც არ მიშლის ხელს გული ამიჩუყდეს გაზაფხულის პირველ დღეს, მოვძებნო იები ღობის ძირებში მიყრილ ნაგავში, გავეთამაშო ბავშვებს, დავაკვირდე ხვლიკებს, ყვითელკაბიან პეპლებს, მივუტანო პანანინა ცისფერი ყვავილი ჩემს მეუღლეს. მუდმივი ანტაგონიზმი პიროვნების შინაგან სამყაროში, გაუთავებელი მცდელობა თავი დააღწიო ათასგვარ სისულელეს, რაც აუცილებლად მარცხით მთავრდება. კიდევ კარგი, რომ ასე ხდება!

21 მაისი. – გამაგებინეთ ერთი, რას აკეთებს ჟიული?

- რას აკეთებს და, მუშაობს.
- გავიგე, მაგრამ რაზე მუშაობს?
- ხომ უკვე გითხარით და კიდევ გიმეორებთ: წიგნზე!
- მერე და, ამდენი დრო რად უნდა წიგნის გადწერას?
- ვინ გითხრათ, რომ იწერს?! კი არ იწერს, თვითონ იგონებს!
- იგონებს? მაშ, წიგნებში რაც წერია, ნამდვილი კი არა გამოგონილია?

21 ოქტომბერი. იყო ლა ბრუიერი თანამედროვე სტილიში! აი, რისკენ უნდა ისწრაფოდეს მწერალი!

10 ნოემბერი. ადამიანები მაშინ იცინიან უტიფრად, როდესაც ტირილისა რცხვენიათ.

1890

30 მაისი. რეალიზმი და ისევ რეალიზმი! მომეცით კარგი რეალობა და მე მის მიხედვით ვიმუშავებ!

13 ივნისი. როდესაც ვხუმრობ, თვალს მოსამსახურისაკენ ვაპარებ, რათა დავინახო იცინის თუ არა იგი.

20 დეკემბერი. თეატრი ძალიან კარგი რამაა, რადგან იქ სულიერი მდგომარეობის მოსამზადებლად ე.წ. „ფსიქოლოგიური“ ფრაზების გამოყენება აუცილებელი არ არის.



1891

23 მარტი. შეიძლება ბალზაკი ერთადერთია, ვისაც ცუდად წერის უფლება აქვს.

24 აპრილი. კაცმა სასიყვარულო წერილი მისწერა ქალს. ქალმა პასუხი არა და არ აღიწერა. კაცი დუმილის მიზეზს ეძებდა და ბოლოს „მიაგნო“ კიდევ: – ალბათ შემეშალა და მარკა კონვერტზე კი არ დავაკარი, არამედ შიგ ჩავდეო.

7 მაისი. ვგრძნობ, რომ ფრაზები გამანამებენ. ვიცი, დადგება დღე, როცა ერთი სიტყვის დაწერასაც კი ველარ შევძლებ.

12 ივნისი. ერთი პოეტი სიმბოლისტი მეგობარს უკითხავს თუ როგორ აღწერა საყვარელი ქალის პორტრეტი.

– როგორ შეიძლება ქალის ასე განადგურება?! – წამოიძახა მეგობარმა.

1892

27 იანვარი. მდიდარი კაცი ღარიბს მიმართავს: – აჰა, მეგობარო, გამომართვი ეს პურის ნაჭერი. მხოლოდ პური არ ბეზრდება ადამიანს.

9 მარტი. მინდა დავწერო წიგნი, სადაც ქალი წარმოდგენილი იქნება როგორც უბრალო არსება იმ ქალი-ლაბირინთებისაგან განსხვავებით, რომლებითაც სავსეა ბოლო პერიოდის ლიტერატურა.

1893

16 მარტი. ნულლა დიეს სინე ლინეა – არც ერთი დღე სტრიქონის გარეშე. და ის მართლაც წერდა ერთ სტრიქონს დღეში. მეტს არა. მაგრამ რატომ წერდა კლოდელი „ოქროს“

* კაპიუ – გიომ კაპიუ – მე-19 საუკუნის ფრანგი მოგზაური და ბუნების მკვლევარი.

თავს“, „ქალაქს“ სხვანაირად და ნიუ-იორკის ვიცე-კონსულის პოსტის შესარჩევ თემებს სხვანაირად? ხელოვანი ერთნაირი უნდა იყოს ლოცვის დროსაც და ჭამის დროსაც.

5 აპრილი. უკაცრიელ კუნძულზე წასაღები 20 წიგნის სია კაპიუს* მიხედვით:

1. ვოლტერის „კანდიდი“;
2. მოლიერის „ძალად ქორწინება“;
3. „სევილიელი დალაქი“, „ფიგაროს ქორწინება“;
4. „რობინზონ კრუზო“;
5. „გულივერი“;
6. ბოსუეს „მსოფლიო ისტორია“;
7. შილერის „ყაჩაღები“;
8. „ფალსტაფი“;
9. „მადამ ბოვარი“;
10. „ეჟენი გრანდე“, „ბერბიჭას ცხოვრება“;
11. მიუსე;
12. ჰიუგოს „საუკუნეთა ლეგენდა“;
13. მიშლეს „თანამედროვე ისტორიის მიმოხილვა“;
14. დიუმას ერთი ტომი;
15. ლაბიშისა** და ოჟიეს*** თითო-თითო ტომი;
16. რენანის მიერ თარგმნილი „ეკლესიასტე“;
17. ჟიულ ვერნის ერთი ტომი;
18. დარვინის „სახეობათა წარმოშობა“;
19. სიურპრიზად ერთი ნაუკითხავი წიგნი;
20. ლაფონტენის „იგავ-არაკები“.

30 მარტი. საჭიროა შეიქმნას სატირული თეატრი, სადაც იქნება ბომარშეს სინათლე და რაბლეს სიუხვე.

13 ივლისი. მხოლოდ ვიქტორ ჰიუგო ლაპარაკობს, დანარჩენები ლულულუღებენ. ვინმეს შეიძლება ჰქონდეს მისნაირი წვერი, ფართო შუბლი, დალაქთა რისხვა და მაკრატლების მსხვრეველი ტვერით თმა. მისწრაფება იმისა, რომ ითამაშოს პაპის ან პოლიტიკოსის როლი; მაგრამ როცა ვშლი ვიქტორ ჰიუგოს ნებისმიერ წიგნს (რადგან არჩევა გამიჭირდებოდა), მაშინ უკვე აღარ ვიცი, რა ვთქვა. ამ შემთხვევაში იგი უკვე მთაა, ზღვაა და არ ვიცი კიდევ რა, მაგრამ არა ის, რაშიც სხვა ადამიანებს შეუძლიათ შეედარონ.

10 ოქტომბერი. გუშინ საღამოს მე და შვობი**** ისე სასონარკვეთილები ვიყავით, რომ ერთი წუთით ისიც კი გავიფიქრე, ნეტავ ახლა ღამურებით ფანჯრიდან ხომ არ გაფრინდებით-მეთქი. ველარც რომანებს ვწერთ, ველარც საგაზეთო სტატიებს. წარმატება, რომელსაც ვიმსახურებთ, უკვე გვქონდა. გამუდმებით თავიდან ხომ არ დავინწყებთ ბრძოლას წარმატების მოსაპოვებლად?! თუ ადრე ქება გვსიამოვნებდა, ახლა აღარაფრად მიგვაჩნია. ვინმემ რომ გვითხრას: „აი, თქვენ ფული, წადით სადმე მყუდრო ადგილას და შექმენით შედეგრი, თუ სურვილი გაქვთ და დარწმუნებული ხართ, რომ დანერო“, ალბათ უარს ვეტყვით, მაშ, რაღა გვინდა? ასე უნდა ვტკეპნოთ ერთი და იგივე ადგილი 80 წლამდე? ჩვენივე სიტყვებმა

* ფალსტაფი – სავარაუდოდ, იგულისხმება შექსპირის „ჰენრი IV“ ან „უინძორელი სასაცილო ქალები“.

** ლაბიში – ეჟენ ლაბიში (1815-1888), ფრანგი დრამატურგი.

*** ოჟიე – ემილ ოჟიე (1820-1889), ფრანგი დრამატურგი.

**** მარსელ შვობი (1867-1905), მწერალი სიმბოლისტი, ინგლისელი ავტორების მთარგმნელი.

შავი ციების მსგავსი ცახცახი მოგვეგვარა. შვობი ადგა და მითხრა ნავედიო, გასვლისას ჩაილაპარაკა: „ამქვეყნად სიკეთე ყველაზე დიდ იშვიათობას წარმოადგენსო“.

1894

24 მარტი. გუშინ შევხვდი ანატოლ ფრანსს. „მუქთახორაზე“ მელაპარაკა, რომელიც თურმე ძალიან, ძალიან მოსწონებია. ერთი სიამოვნებაა უსმინო ადამიანებს, რომლებიც ცუდად გაქებენ. ვკითხე, რატომ მიწოდა „ყველაზე გულწრფელი ნატურალისტი“.

– ნატურალისტი ბუნების მოყვარულს ვგულისხმობ, – თქვა მან.

კარგი პასუხია. თუმცა, არა უშავს, მერე ექნება საშუალება ჩემზე ილაპარაკოს და რაც ახლა უნდა ვთქვა, სხვებით ისიც მერე იტყვის. მე მას ვუთხარი: – ჩემი პროცესი ძალიან მარტივია. ძალიან მაინტერესებს ის, რასაც ვაკეთებ და ვცდილობ სხვებზე დავაინტერესო.

ფრანსი ვებერს* მიუბრუნდა და უთხრა: „ძალიან კარგია, რასაც ის ამბობს, ძალიან კარგი.“

5 აპრილი. ზოგიერთებს, მაგალითად, მარსელ შვობს, უცხოელი მწერლები იმიტომ მოსწონთ, რომ მათ უცხოური საუცხოო ჰგონიათ. მე კი, ჩემი შინაგანი სამყაროდან გამომდინარე, ყველაფერ უცხოურს ეჭვის თვლით ვუყურებ. უცხოელი რომ ნიჭიერად ვალიარო, ჩემს თანამემამულეზე ორჯერ ნიჭიერი უნდა იყოს. გუშინ პირველად წავიკითხე მარკ ტვენის ნაწარმოები. ჩვენს ალფონს ალზე** ბევრად ნაკლები მომეჩვენა. მისი თხრობა ძალზედ განელილია. ვერ ვიტან, ხუმრობის შინაარსს რომ მისწინან. ხუმრობისთვის მინიშნებაც საკმარისი უნდა იყოს. ძალიან გთხოვთ, თავს ნუ მოგვაბურებთ! მერე და კიდევ რას ჰგავს ეს თარგმანი! – დანაშაული უსინდისო ადამიანებისა, რომლებმაც არც ერთი ენა არ იციან, მაგრამ ჰყოფნით თავხედობა ერთი ენის სიტყვები მეორე ენის სიტყვებით შეცალონ.

18 ივლისი. ნუ იტყვით, რომ რასაც მე ვწერ, ნამდვილი არ არის. თქვით, რომ მე ცუდად აღვწერ, რადგან ყველაფერი ნამდვილია.

3 სექტემბერი. როდესაც ხანდახან თვალს გადავაგვლებ ხოლმე იმას, რაც აქამდე დამინერია, ცოტა არ იყოს, ჩემი ნაშრომი მშრალი მეჩვენება.

12 ნოემბერი. დედ-მამა ყველაფერს შვილს უნდა უმადლოდეს; შვილს მათი არაფერი მართებს.

29 ნოემბერი. ვერსად ვერაფერს მივალნიე. ზურგი ვაქციე „ჟილ ბლას“, „ეკო დე პარის“, „ჟურნალს“, „ფიგაროს“, „რევიუ ებდომადერს“, „რევიუ დე პარის“ და ა.შ. და ა.შ. ჩემი არც ერთი წიგნი მეორე ტირაჟით არ გამოცემულა. თვეში 25 ფრანკზე მეტს ვერ ვიღებ. თუკი ჩემს ოჯახში სიმშვიდე სუფევს, ეს მთლიანად ჩემი ანგელოზივით სათნო მუღლის დამსახურებაა. მეგობრები მალე მბებრდებიან. როდესაც ისინი ძალიან მიყვარან, მათზე გული მომდის; თუ მათ აღარ ვუყვარვარ, მაშინ უკვე მეზიზღებიან. ვერაფერ-

* ვებერი – პიერ ვებერი (1869-1942). ფრანგი დრამატურგი, რომლის პიესებსაც რენარი უარყოფითად აფასებდა.

** ალფონს ალ (1854-1905), ფრანგი მწერალი იუმორისტი.

ში ვივარგე: ვერც ბატონივით მოქცევა ვისწავლე და ვერც მონყალების გაცემა. ახლა ვილაპარაკოთ ჩემს ნიჭზე. საკმარისია ნავიკითხო ერთი გვერდი სენ-სიმონის ან ფლობერისა, რომ მაშინვე გავნითლდე. ერთი ჩვეულებრივი გაზეთის რეპორტიორი ცოტაოდენი ნავარჯიშების შემდეგ ადვილად მოირგებს იმას, რასაც მე, დიდი ამბით, „ჩემს სტილს“ ვეძახი. ჩემი წარმოსახვის უნარი უკვე ცარიელი ბოთლი ან სულაც დაცლილი ფლაკონის ძირია. თანამოკალმეებს პირფერულ წერილებს ვუგზავნი, პირადად როცა ვხედავ, ვერცერთს ვერ ვიტან. ჩემი ეგოიზმი ყველაფერს ეპოტინება. იმხელა ამბიციია მაქვს, ლამის ტრიუმფალური თაღის სიმალლიდან ვიყურები. უნდა ნახოთ, რა ყალბია ჩემი ტურაბზუება ჩინ-მედლების მიმართ! საპატიო ორდენის ჯვარი რომ მომართვან სინით, სიხარულისგან ალბათ ცუდად გავხდები; მაგრამ, როგორც კი ლაპარაკის უნარი დამიბრუნდება, ბედნიერებას კი არ შევიმჩნევ, არამედ წამოვიძახებ: „მომამორეთ თავიდან!“ შუბლზე გაჩენილი ნაოჭი დღითიდღე უფრო მიღრმავდება და მალე ალბათ ადამიანები თვალს ამარიდებენ, თითქოს შუბლზე ნაოჭი კი არა, ბნელი ორმო დაენახოთ. არც იმ ადამიანივით ვმუშაობ, ვისაც საზოგადოების გაოგნება დაუსახავს მიზნად. მაგრამ მიუხედავად ამ ყველაფრისა, ზოგჯერ დგება ისეთი წუთები, როცა საკუთარი თავით კმაყოფილი ვარ.

თოკი, რომელზედაც ის ცეკვავს, მას ეკუთვნის.

1895

23 სექტემბერი. გადაიკითხე, გადაიკითხე და კიდევ ერთხელ გადაიკითხე. ის, რაც ვერ გაიგე გუშინ, გაიგებ დღეს. მერიმე მხოლოდ ახლალა დავაფასე.

1896

18 იანვარი. ყოველდღიური ჩანაწერები ლიტერატურული გამეზბია.

16 ივნისი. კატეგორიულად ვაცხადებ, რომ აღწერა, რომელიც ათ სტრიქონს აღემატება, ხილული აღარ არის.

14 აგვისტო. ლაფონტენი. განა იყო ვინმე გარეგნულად მასზე უფრო თავმდაბალი და სინამდვილეში მასზე უფრო თავისუფალი?!

20 ნოემბერი. როგორ, მე შევიტანო ცვლილებები ლაფონტენის, ლა ბრუერის, მოლიერის სტილში?! არც ასეთი სულელი გახლავართ!

13 დეკემბერი. იმათ, ვინც მეუბნებიან: „დაწერეთ რომანი“, ვპასუხობ, რომ მე რომანებს არ ვწერ. რასაც ვქმნი, ჩემი წიგნების სახით გთავაზობთ. მითხარით, ვარგა თუ არა ის, მაგრამ ნუ მეტყვი, რომ გერჩივნათ სხვა რამ დამწერა.

1897

13 ივნისი. მე ვარ რეალისტი, რომელსაც რეალობა ანუხებს.

6 სექტემბერი. ღმერთმა ყველაფერი იცის. ის მე ცის კარს არ გამიღებს, ფრანგულში ერთი შეცდომაზე რომ დავუშვა.

1 ოქტომბერი. ვერლენის ბოლო ლექსები. ის კი აღარ წერს, არამედ სიტყვებს კოჭაობას ეთამაშება.

1898

1 დეკემბერი. თავყანი უნდა ვცეთ მიუსეს გენიას, რადგან მისი ყველა ნაკლი მხოლოდ და მხოლოდ ეპოქის ნაკლია.

29 აპრილი. მე მჯერა ფრანგული ენისა. დარწმუნებული ვარ, რომ თანამედროვე ბოსიუე უკეთესად დანერდა, ვიდრე კლასიკოსი ბოსიუე.

23 ივლისი. სატირის თავგამოდებას აზრი არა აქვს. საკმარისია საგნები და მოვლენები აჩვენო ისეთები, როგორებიც არიან, რომ უკვე სიცილი გამოიწვიონ.

1899

7 იანვარი. დარწმუნებული ვარ, რომ კატა არ ფიქრობს, თუმცა ისეთი მზერა აქვს, ღრმა ფიქრებში ნასული გეგონებათ. შეხედეთ ბნელ ოთახში შეჭრილ მზის სხივს. მტვრითაა სავესე. მზის სხივზე ჭუჭყიანი არაფერია. ბატონებო, თუ ჩემი ეს ვარაუდები მართალია, სამშობლო საფრთხეშია!

15 იანვარი. მე ვარ მწერალი, რომელსაც მხოლოდ სრულყოფილების სურვილი უშლის ხელს, რომ დიდი მწერალი გახდეს.

1900

6 ივნისი. ლამარტინი ხუთი წუთი ფიქრობს და ერთი საათი წერს. ხელოვნება კი უკუპროცესია.

ჩემი წარმოსახვა ჩემი მეხსიერებაა.

1901

28 იანვარი. ბალზაკის ნათქვამს შევაბრუნებ და ვიტყვი: ვწერო?! განა კი მცალკია ამისთვის? მე მხოლოდ და მხოლოდ ვაკვირდები.

31 იანვარი. „რევიუ ბლანში“ ვკითხულობ „შეშლილის მოგონებების“ ბოლო თავს. ფლობერმა დანიყო იმით, რითაც მოპასანმა დაამთავრა – დიდი ბანალობებით.

7 ნოემბერი. შემიძლია დავიფიცო, რომ ცხოვრებაში მხოლოდ ერთადერთ ადამიანს ვაღმერთებ – ვიქტორ ჰიუგოს. მისი „უკანასკნელი კონა“ 1902 წლის თებერვალში გამოვა. იმასლა ვნატრობ, რომ ამ დღეს მოვესწრო.

17 ნოემბერი. მხოლოდ ერთადერთხელ ვერ მოახდინა ჩემზე შთაბეჭდილება ვიქტორ ჰიუგომ: ეს იყო იმ დღეს, როდესაც მე იგი ვნახე პიესის „მეფე ერთობას“ რეპრიზაზე. მოხუცი და ტანდაბალი მომჩვენა, ისეთივე პატარა, როგორებიც წარმოგვიდგენია ინსტიტუტის ყველაზე ხანდაზმული წევრები. მოგვიანებით გავიცანი ჟორჟ და ჟანა ჰიუგოები. ვერ წარმომედგინა, რომ შეიძლებოდა მათ ჰიუგოს გარდა სხვა ღმერთი ჰყოლოდათ. მე მისთვის ლაფონტენსაც შეველოდი და ყველა სხვა გატაცებასაც.

ორიოდე ფრაზასაც ვერ მოვუყრიდი თავს, რათა ჰიუგოსთვის მეტყვა ჩემი აზრი მის შემოქმედებაზე.

მე შემიძლია ვიხუმრო ღმერთზე, სიკვდილზე, მაგრამ ჰიუგოზე – არასოდეს! არც ერთი სიტყვა მის მიერ თქმული უმნიშვნელოდ არ მიმაჩნია. მე წამიკითხავს მოაზროვნეთა ნაწერები – ისინი ისე გაუგებრად, იგავებით მელაპარაკებიან, რომ სიცოცხლე მგერიან. არ ვიცი, ვიქტორ ჰიუგო არის თუ არა მოაზროვნე, მაგრამ მისი ერთი გვერდის ნაკითხვისთანავე ისეთი შთაბეჭდილება მექმნება, რომ აზროვნებას ვინცე, ტვინი ფართოდ მეხსნება და ფიქრი მიადვილდება. ასე მგონია, მას ვერასოდეს გავუბედავდი იმის თქმას, რომ ვწერ. თუ ვინმე დამიმტკიცებს არგუმენტების მოშველიებით, რომ ღმერთი არ არსებობს, ამ აზრს როგორმე შევეგუებ; მაგრამ ვიქტორ ჰიუგო რომ აღარ იყოს, სამყარო ჩემთვის მთლად გაშავდებო-

და. მის სახელს ჩემთვის იმაზე ნაკლები მნიშვნელობა არა აქვს, ვიდრე სიტყვა „ღმერთს“. ჰიუგოს აქვს ძალა, რომელსაც მე ვეთაყვანები. და თქვენ წარმოიდგინეთ, ზოგიერთები მას აკრიტიკებენ! როდესაც მზის ჩასვლას ვუყურებ, განა ჩემთვის რაიმე მნიშვნელობა აქვს იმის ცოდნას, რომ მზე არც ჩადის და არც ამოდის, რომ უბრალოდ დედამინა მის გარშემო ბრუნავს?! როდესაც მე ვკითხულობ ჰიუგოს, რა მნიშვნელობა აქვს იმის ცოდნას თუ როგორ წერს იგი?! ერთხელ, პატარობაში, პაპაჩემს ვუთხარი: „რა ბედნიერები არიან ჰიუგოს შვილიშვილები, ასეთი პაპა რომ ჰყავთ-მეთქი“. და პაპაჩემი, რომელსაც თავი შეურაცხყოფილად არ უგრძობია და არც მე მიფიქრია მისი წყენინება, გულწრფელად დამეთანხმა.

1902

18 აპრილი. ერთი სულელის კრიტიკამ გული გატკინა, დანალვლიანდი. შენ, მე მგონი, დიდებას და ჟურნალისტებს ერთმანეთში ურევ.

7 მაისი. შატობრიანისა და ლამარტინის მსგავს პიროვნებებთან ერთად ადამიანი ჰაერში მოგზაურობს, მაგრამ მიმართულების გარეშე.

11 მაისი. ფლობერი თვითნაბადი არ არის. ვოლტერის, რენანისა და მაღამ დე სევინიესაგან განსხვავებით, მას წერის თანდაყოლილი ნიჭი არა აქვს. მისი სტილი ყოველთვის იმ თემის სტილია, რაზეც წერს. ფლობერი სტილს წერის დროს გამოიმუშავებს ხოლმე, თუმცა ყოველთვის ერთნაირად კარგად არ გამოდის. მისი სტილი მხატვრობასავითაა: ზოგჯერ იგი კი არ ხატავს, არამედ თხუპნის.

13 ივნისი. ყოზე მარია დე ერედიაც ოქრო არ არის, მაგრამ მოოქროვილი რკინაა. თუმცა, მოოქროვილი რკინაც ოქროა.

23 ივნისი. ჩემი პატარა სოფლისათვის ვინახავ ყველაფერ იმას, რაც დიდი პარიზისათვის ვერ გავიმეტე. იქიდან წამოღებული ლამპრით კაცი ვიპოვე: ეს კაცი მე ვარ და მე მას დღენიადავ ვაკვირდები.

25 ივნისი. მწერალმა თავისი ენა თვითონ უნდა შექმნას და სხვა მწერლის ენით არ უნდა ისარგებლოს. ყველამ უნდა დაინახოს თუ როგორ განავითარებს და დახვეწს მწერალი თავის ენას.

1903

16 მაისი. გემოვნება მე კი არა, ჭეშმარიტებას აქვს.

ფრაზა ისეთი ნათელი უნდა იყოს, რომ მკითხველს ნაკითხვისთანავე სიამოვნება მიანიჭოს. თუმცა, ამ განცდილი სიამოვნების გამო ხელახლა უნდა მოუნდეს მისი ნაკითხვა.

1904

29 მარტი. ლა ბრუიერი კეთილშობილი კაცის შვილი იყო; დე ლა ბრუიერი ერქვა. მაგრამ მან გვარიდან „დე“ ამოგადო, თუმცა კეთილშობილება დარჩა.

1905

23 აგვისტო. – მე პოლიტიკა არ მაინტერესებს. – ეს იგივეა, რომ თქვათ: „მე ცხოვრება არ მაინტერესებს“.

1906

22 მარტი. ხუმარა ადამიანის გასაგონად: ძალიან დიდი ბოდიში ჩემო ბატონო, მაგრამ ჩემს თავს შეეფიცე, რომ თუ არ მეცილება, არ გავიცინო.

4 დეკემბერი. შექსპირის სახე ნაკლებ ლიტერატურულია, ვიდრე ჰიუგოსი, მაგრამ უფრო ადამიანურია. ჰიუგოსთან ზოგჯერ მხოლოდ სახეს ხედავ, შექსპირთან კი გამოდმებით უყურებ სინამდვილეს, კუნთებს და ჭეშმარიტების სისხლს. შექსპირი ხანდაზმულობაში უნდა შეიყვარო, მაშინ, როცა სრულყოფილება მოგებზრდება.

22 დეკემბერი. პინგვინს ფრთების ბოლოები ჟილეტის ჯიბეებში აქვს ჩაკეცილი.

1907

12 თებერვალი. ახალგაზრდებო, მინდა გამცნოთ ჭეშმარიტება, რომელიც, ალბათ, თქვენთვის სასიამოვნო მოსასმენი არ იქნება: თქვენ ხომ ჩემგან სიახლეს მოელოთ. ეს ჭეშმარიტება კი გახლავთ ის, რომ ადამიანი არ ბერდება. გრძნობების საკითხი გასაგებია: ყველასათვის ცნობილია, რომ ადამიანს ნებისმიერ ასაკში შეიძლება შეუყვარდეს; რაც შეეხება გონებას, აქაც იგივე მდგომარეობაა. გონება ყოველთვის ახალგაზრდაა. 40 წლის ასაკში იმაზე მეტი არ გეცოდინება ცხოვრებაზე, რაც 20 წლისამ იცი. მაგრამ როცა უკვე 40 წლის ხარ, იცი, რომ ცხოვრებას ვერაფერი გაუგე და ამას აღიარებ კიდევ. აი, ეს არის ახალგაზრდობა.

11 აგვისტო. წინასწარ ვხედავ ძველი სასაფლაოს მოედანზე ჩემს ბიუსტს წარწერით:

ჟიულ რენარს

გულგრილი თანამემამულეებისაგან.

1908

2 იანვარი. რატომღაც ყველანი ძალიან ვჭარბობთ. ნეტავი რას ვიტყვით იმ გლეხზე, რომელიც ხორბლის დათვისთანავე ჯეჯილის ამობიზინებას დაუწყებდა ლოდინს?

27 მარტი. მას შემდეგ რაც წავიკითხე ლეონ დოდეს ბინძური სტატია ზოლაზე, აღარ ვიცი, წავიდე თუ არა წვეულებაზე გონკურთან, სადაც ლეონ დოდეც იქნება დაპატიჟებული. განა ჯანდაბისკენ არ უნდა დავულოცო გზა მთელ ამ აკადემიას?! კი, ასე უნდა ვიქცეოდე, მე რომ მდიდარი ვიყო.

23 მაისი. კლოდელი ამბობს ჯეიმსზე,* რომ ის არის ყველა დროის უდიდესი პოეტი; ჯეიმსიც იგივეს ამბობს კლოდელზე.

1909

19 აპრილი. მოყვები შენი ცხოვრება, მაგრამ იცოდე – ის სუფთა უნდა იყოს.

1910

31 მარტი. გარდაიცვალა მორეასი.** ნეტავ, ჩემი ჯერი ხომ არ დადგა? ეს იყო პოეტი, რომელმაც უღალატა სამშობლოს, დაწერა რამდენიმე კარგი ლექსი და მე სულელი მიწოდდა.

**ფრანგულიდან თარგმნა
თინა ლარიგაშვილი**

* ფრანსის ჯეიმზი (1808-1938) – ფრანგი პოეტი და რომანისტი.

** ჟან მორეასი (1856-1910) – ფრანგი პოეტი, „რომანული სკოლის“ ერთ-ერთი ფუძემდებელი.

ქეთო ბიბილაშვილი

მოკლედ ჩემი წარსულიდან და აწმყო

მე, ქეთო ალექსანდრეს ასული ბიბილაშვილი დავიბადე 1931 წლის 24 ივნისს ამბროლაურის რაიონის სოფელ ჭელიაღლეში, გლეხის ოჯახში.

ჩემი მშობლები იყვნენ: მამა, ალექსანდრე სოლომონის ძე ბიბილაშვილი. დედა, ნინა თედორეს ასული გურგენიძე. მამაჩემის დედა ყოფილა მაკრინე დვალი. დედაჩემის დედა – სალომე ქვეანაშვილი. დედაჩემი იყო სოფელ ხოტევიდან. დედაჩემი და მამაჩემი ორივე ადრე დაობლებულან და სხვის კერიაზე იყვნენ გაზრდილი. მამაჩემი რომ შექმნილა 16 წლის, ძმას – გალონა ბიბილაშვილს, რომელიც უკვე ცოლიანი იყო, ჩაუსიძებია ზემო რაჭაში დედისერთა ქალზე, მაგრამ მამა ვერ გაჩერებულა იქ და ერთი წლის მერე დაბრუნებულა თავის ეზოში და იქ ჩაუდგამს პატარა ოთახი. შემდეგ კი დაქორწინებულა დედაჩემზე.

დედა 12 წლის ყოფილა რომ დაობლებულა დედიტა და მამით ერთდროულად (ტიფით დახოცილან). ამ დროს დედას ერთი და, ალათი გათხოვილი ჰყოლია ველევში. უფროსი ძმა, სერგო ჯარში ყოფილა განვეული, სახლში ჰყოლია 6 წლის და ლუბა. უმცროს ძმას (სახელი არ ვიცი) მოუტანია ეს ტიფი და მშობლები და ბიძა რომ დახოცილან, სახლიდან წასულა და მერე აღარც დაბრუნებულა. დედა და პატარა და, ლუბა წაუყვანია გასაზრდელად დედას ნათლიას, ილია კაციტაძეს (ილია სასულიერო პირი ყოფილა იმ დროს და კარგად ნაცხოვრება). დედას ძმა რო დაბრუნებულა ჯარიდან, ლუბა წაუყვანია თავის სახლში. დედაჩემი კი დარჩენილა ნათლიასთან და მამაჩემს წაუყვანია ჩუმად, მოტყუებით.

დედას პირველი შვილი, გოგო არ შერჩენია. მშობიარობის დროსვე დაღუპულა. 1928 წელს შესძენია ვაჟი, გივი. შემდეგ, 1931 წელს კი – მე.

მამა და დედა ორივე შეგვხაროდნენ. ობლობაში გაზრდილებს უხაროდათ, რომ პატარა ოჯახი შექმნეს. მამამ ახალი სახლი ააშენა. დედას ნათლიამ კარგი მზითვი მისცა და ცხოვრობდნენ ბედნიერად, რაც დიდხანს არ გაგრძელებულა. მამას სახლში არყოფნის დროს მეზობლის კაცმა ღამე შეგვაშინა და მამა რო დაბრუნდა, ის კაცი დასჭრა დანით, რაზეც 2 წლით პატიმრობა მიუსაჯეს. დედამ გაყიდა თავისი შუბა, მოსასხამი შარფი, ბეჭედი, საკერავი მანქანა, საბჭელი და მამასაც უწყობდა ხელს და ჩვენც გვზრდიდა. მამა რომ დაბრუნდა ციხიდან, სახლი, რომელიც გვექონდა, აღარ მოენონა და ახალი სახლი ააგო და ამ დროს გამოცხადდა ომი 1941 წლის 22 ივნისს. მამა ჯარში გაიწვიეს, სახლი დაუმთავრებელი დარჩა.

მამა ფრონტიდან გამამხნეველ წერილებს ინერებოდა. მტერს მალე დავამარცხებთ და მეც მალე დავბრუნდებიო. დედას სთხოვდა, რომ არ შეშინებულიყო და ბავშვებისათვის კარგად მიეხედა. ჩემი ძმა, გივი ჩემზე უფროსი იყო 3 წლით, მასაც სთხოვდა, კარგად ესწავლა, დედას დახმარებოდა და ჩემთვის არ ეცემა. ჩემი ძმა მის

თხოვნას პირნათლად ასრულებდა, დედას ეხმარებოდა ყოველგვარ საქმეში, მე კი ხანდახან მიმპერტყავდა. ერთი პერიოდი მამას წერილები შეწყდა, დედა დანაღვლიანდა, ალბათ დაიღუპაო.

1943 წლის შემოდგომაზე (თვე არ მახსოვს), სალამო ხანს, ჩვენს ეზოში შემოვიდა სამი უცხო მამაკაცი და დაუპატიჟებლად პირდაპირ სახლში შემოვიდნენ. დედაჩემი გაოგნებული მისჩერებოდა, ეგონა, ქმრის დაღუპვის ამბავი მომიტანესო. დასხდნენ ეს კაცები და დედას უთხრეს: თქვენს მამას დაუძახეთ და აქ მოიყვანეთო. ბიძასთან მე გავიქეცი და ისიც მალე მოვიდა. ერთმა მოსულთაგანმა დაიწყო: ცუდი ამბავი მოვიტანეთ, მაგრამ ბრძანებაა უმაღლესი სარდლის, სტალინის და ჩვენც უნდა შევასრულოთო.

ბრძანებაა მოსული, რომ ალექსანდრე სოლომონის ძე ბიბილაშვილის ცოლ-შვილი გადასახლებული იქნას ციმბირში, როგორც სამშობლოს მოღალატის ოჯახი. ეს ბრძანება დღესვე უნდა შესრულდეს. დაუძახეთ მეზობლებს და დაგეხმარებიან ბარგის ჩალაგებაში და შეკვრასო. დედამ ნაიშინა ხელები და მორთო ხმამაღალი ტირილი. ავტირდით ჩვენც. მოცივიდნენ მეზობლები და ატირდნენ ისინიც. მოვიდნენ სოფლის თავკაცებიც, ისინიც ძალიან შეწუხდნენ, მაგრამ რას იზამდნენ. დაიწყეს ბარგის შეკვრა, ყუთების ჭედვა. ამ ფაცი-ფუცში დედაჩემი გაუჩინარდა. დედა, დედა, დავტიროდით მე და ჩემი ძმა ეზოში, მაგრამ დედაჩემი აღარსად იყო. გაოგნებული ხალხი ზოგი სად გარბოდა და ზოგი სად. ვიღაცამ სთქვა: არიქა, ჩქარა, ტბაზე გავიქცეთო და მართლაც ძლივს მიუსწრეს დედაჩემს. ის თავის დახრჩობას აპირებდა: „მე რომ აღარ ვიქნები, ბავშვებს აღარ ნაიყვანებენო“.

მოიყვანეს დედაჩემი, დაანყარეს, დაამშვიდეს, 5 წელი მალე გაივლის და ისევ დაბრუნდები შენი შვილებითო.

დღით მოვიდა მანქანა და წაგვიყვანეს რაიმილიციაში და იქ დაგვაბინავეს ერთ-ერთ ოთახში. გავიდა ერთი თვე. არც სახლში გვიშობენ და არც ციმბირში. თურმე ეშალონს გაუსწრია ჩვენთვის და კიდევ ელოდებიან ახალ ბრძანებას. ბრძანებამ დაიგვიანა და გავვიშვეს სახლში. შევუდექით ძველებურ ცხოვრებას მაგრამ 2 თვის მერე ისევ წაგვიყვანეს. ახლა მარტო აღარ ვიყავით, ჩვენი რაიონიდან ჩვენისთანა 5 ოჯახი იყო. ქუთაისამდე ერთად ვიყავით, მერე ცალ-ცალკე დაგვანაწილეს. ჩვენთან მოხვდა ჭრებალოელი ანიკო ფრუიძე, რომელსაც 3 შვილი ჰყავდა. ერთი სტუდენტი იყო.

შეგვრეკეს ვაგონში (ახლა რო საქონელი გადაყავთ, ისეთ ვაგონში). ვაგონში ბევრი ვიყავით, უფრო მეტი აჭარლები იყვნენ, რომლებსაც ბევრი პატარა ბავშვები ჰყავდათ. ვაგონში არ გვექონდა არც სითბო, არც წყალი, არც დასანოლი. ვაგონს ჰქონდა ერთი პატარა სარკმელი და იქიდან შემოდოდა ცოტა სინათლე. იმ სარკმლიდან წვიმის წვეთებსაც ვაგროვებდი ჭიქაში. პირველად ვის-

წავლე რუსული სიტყვები: „დაიტე, ვადა კაპლი ნიეტუ“.
ეშალონი დღისით იდგა, ღამით მიდიოდა ნაომარ გზებზე. ინვოდა ყველაფერი. ხანდახან გვიღებდნენ კარებს, წყალი რომ აგველო.

პატარა ბავშვები ვერ იტანდნენ ამდენ გაჭირვებას და იხოცებოდნენ. საწყალი, გატანჯული დედები მკვდარ ბავშვებს გზის პირას ტოვებდნენ. ორ თვეზე მეტი ვიყავით გზაში და ძალიან ბევრი ბავშვი დაიღუპა. ერთ ადგილზე ვაგონებით ბორანზე შეგვიყვანეს დაახლოებით 100 ვაგონი. შუა წყალში ბორანი გაჩერდა და ვაგონების კარებებიც გაგვიღეს. ნაზორებმა ვაგონების ჩხრეკა დაინწყეს. რომელიღაც ვაგონში მკვდარიყო, თუ არ გამოაჩინებოდა არ მოგვეცემთ, ყველა დავიღუპებითო. ერთ-ერთ ვაგონში დედას ჰყოლია მკვდარი ბავშვი დამალული და გახდა იძულებული, ბავშვი გამოაჩინა. ნაზორებმა ბავშვი წაიღეს და წყალში გადააგდეს. ბორანი რამდენიმე წუთში დაიძრა. როგორც თქვეს და მახსოვს, ბორანს რაღაც ცხოველი ელობება ნინ. მკვდრის სუნს გრძნობსო.

თანდათან მიუახლოვდით ციმბირს. მოიმატა სიცივე და ვიყინებოდით ვაგონში. როგორც იქნა, ჩავედით ადგილზე. ღამეა, უსინათლო. გვითხრეს, რომ ადგილზე ხართ და ვაგონი უნდა დასცალოთ ახლავეო. შიშით და სიცივით სუნთქვა შეგვეკრა. გადავიხედეთ, ტყე და თოვლი ჩანდა, მეტი არაფერი. ავფორიაქდით, ატყდა ჩოჩქოლი და ხმაური. ნაზორები კი გაყვიროდნენ: სწრაფად, სწრაფად დაცალეთ ვაგონი. ვაგონი უკან უნდა დაბრუნდესო. დედამ და ჩემმა ძმამ დაინწყეს ბარგის ძირს გადაყრა. სავესე მუშოკებს ძლივს მიართვედნენ და პირდაპირ ძირს ჰყრიდნენ. შეიქნა ქურდობა. ამ დროს გავიგონეთ ქართველი ბიჭების ხმა: „ქართველები ხართ? ნუ გეშინიათ, ჩვენ თქვენთან ვართ, მოგეხმარებით. აქვე ახლოს ბანაკია და იქ დაგაბინავებთ. ისინი მაშინ გაუსახლებიათ, ჩვენ რომ წაგვიყვანეს პირველად. ისინი სამტრედიიდან და აბაშიდან იყვნენ. მოგეხმარნენ, შეგვიყვანეს ცხენების თავალასავით ბანაკში. იმ ღამეს ყველა იქ დაბინავდა, იყო წივილი, კივილი, ქურდობა, სიცივე

ბიჭებმა გვითხრეს: ამალამ როგორმე გაძელით და ხვალ დილით მოვალთ და რაღაცას მოგიხერხებთო.

დილით ბიჭები მართლაც მოვიდნენ და ერთ პატარა იზოლირებულ ოთახში შეგვიყვანეს სამი ქართული ოჯახი. ჩვენ 3 სული, ფრუიძეები ჭრებალოდან 4 სული და ერთი უშვილო ქალი ლენხუმიდან თამარა ბაკურაძე. იმ ბიჭებმა გვითხრეს, რომ ვისაც მუშაობა შეგიძლიათ, მუშაობა დაინწყეთ ახლავე, სანამ თქვენი სურსათი შემოგვლევოდეთ, თორემ შემდეგ ძალიან გაგიჭირდებათო. პირველ რიგში საჭირო იყო ლუმელი და ქეჩის ჩექმები. ისე გარეთ გასვლა არ შეიძლებოდა. ყინულები გვეკიდებოდა თვალის წამწამებზე და წარბებზე. რა უნდა გვექნა. ერთი წყვილი ქეჩის ჩექმა გვექონდა და დედაჩემმა ჩაიცვა, ჩემი ძმა კი ბატინკებით წავიდა ბაზარში ჩექმის და ლუმელის შესაძენად. სახლში რომ მოვიდა, ფეხის თითები უკვე მომწვარი ჰქონდა. საცოდავად ტიროდა საწყალი. რუსებმა გვასწავლეს და მოგვცეს კიდევ მუჯვე კომბოსტოს ფოთლები დაიფინეთო და ასეც მოვიქცით. დედამ და გივი მუშაობა მე-3 დღესვე დაიწყეს. სამუშაო მეტად ძნელი იყო. მდინარეს მოჰქონდა ხის მორები. ეს მორები მდინარიდან ტრანსპატიორებით

ამოჰქონდათ, მერე აგორებდნენ ხელით, თოკით და ერთმანეთზე აწყობდნენ. შემდეგ მოდიოდა ვაგონები და ტვირთავდნენ ამ ხეებით. ჩემი ძმა გივი 15 წლის იყო. ბევრს მუშაობდა, მაგრამ ფიზიკურად ჯანმრთელი იყო და უძლებდა. დედას კი ძალიან გაუჭირდა, თან ჰავას ვერ შეეგუა და დღეში ორჯერ მისდიოდა გული. სულ მტირალი ვიყავი, მეშინოდა, დედა არ მოგვეკვდენოდა. მერე თანდათან შევეჩვიეთ და თუ შენუხდებოდა, ვფიქრობდი ისევ მოზრუნდებათქო. ვაგონები ხანდახან ღამე მოდიოდა და გაჩერება არ შეიძლებოდა. მისცემდნენ საყვირს და ყველა უნდა გასულიყო დასატვირთად. დედას ხანდახან, კარტოფილის ორმო გვექონდა ოთახის ქვეშ და იქ ვმალავდით. დედას და გივის 500 გრ. პურის ტალონებს აძლევდნენ, მე კი 200 გრ., მაგრამ პური არ იყო ფიზიკურად. პური კვირამი ერთხელ მოდიოდა. ავიღებდი მთელ ნორმას, წავიღებდი ბაზარში, გავყიდდი. 1 კგ პურით 1 ვედრო კარტოფილს ვყიდულობდი და მომქონდა სახლში. დავანთებდი გაყინული ხელებით ცეცხლს, გავაკეთებდი საჭმელს. გავიქცეოდი დედას და გივის სამუშაოზე და დაუშახებდი: „მოდით, სახლში საჭმელი გვაქვს“. დედა ხან სიხარულით და ხან ჩემი ცოდვით ცრემლებს ყრიდა საჭმელში. მე დავოსტატდი. ნოხიდან დაწყებული პუდრის კოლოფამდე, სულ გავყიდე ყველაფერი. მარტო დავდიოდი ბაზარში 3 კმ-ზე. რუსებს ქართველები ძალიან სძულდათ და ყველას „ჩორნებს“ ეძახდნენ და ცუდად ექცეოდნენ. მე რუსს ვგავარ და ცუდად არ მიყურებდნენ, ბაზარში კარგად მექცეოდნენ. წაღებული გვექონდა ნიგოზი (კაკალი) და ვყიდდი ბაზარში. 2 ც. 5 მანეთად. თუ მსხვილი იყო, 1 ც. 3 მანეთად. პირველად ვისწავლე „პარა პიატ რუბლეი და შტუკა ტრი რუბლია“. კლიენტები ბევრი მყავდა, მოსწონდათ ნიგოზის გემო და მიცინოდნენ. ასე რომ შიში არ მქონდა, მაგრამ სიცივე ძალიან მანუხებდა. ხან ცხვირს მომწვამდა და ხან ლოყებს.

მრავალშვილიან ოჯახებს ძალიან გაუჭირდათ და ძალიან ბევრი პატარა დაიღუპა. ჩვენ წინ ბარაკი იყო და დილით რომ გავიხედავდით, მის წინ ხშირად იდო პატარა ბავშვი მკვდარი. პატრონი კი არ ამხელდა, ვისი იყო, 200 გრ. ტალონი რომ არ წაერთმიათ. ჩამოვივლიდა დროგი, დაადებდა მკვდარს სანკაზე და მიჰქონდა გადასავლებად. ქართველებმა კი ქართული სასაფლაო გავაკეთეთ. თუ ქართველი მოკვდებოდა, 3 დღე-ღამე ვანთებდით ცეცხლს, ვალობდით მიწას და ვმარხავდით.

ერთი წლის მერე გივი სამონტიორო კურსებზე გაგზავნეს ტომსკში 3 თვით. კურსები ხუთებზე დაამთავრა და დაბრუნდა თუ არა, მონტიორად დაინყო მუშაობა, მერე დედაც უფრო მსუბუქ სამუშაოზე გადაიყვანა „მეისრედ“. გივი ძალიან უყვარდა ყველას. აშენდა ახალი ბინა და ჩვენ მოგვცეს ერთი კარგი ნათელი ოთახი. დედას ძალიან ეცოდებოდა ერთი საჩხერელი ქალი, თამარა შუბითიძე და ის შევისახლეთ ჩვენ. თამარას თავის მშობლებთან საჩხერეში 3 შვილი ჰყავდა დატოვებული. მთვარიან ღამეში გავიდოდა გარეთ და ტიროდა: „შვილებო, შვილუკებო, თქვენც ეგ მთვარეს მისჩერებინართ და მეც. ერთმანეთს კი ვერ ვხედავთ, მოგიკვდათ შვილებო თქვენი დედა“. მისი ცოდვით ჩვენც ვტიროდით.

ერთ დღეს მივიღეთ ბიძას წერილი საქართველოდან, რომელიც გვენერდა, რომ მამაჩემის წერილებს ღებუ-

ლობს, რომელიც ისევ ფრონტზეა. გამოგვიგზავნა მამას წერილი და მისამართი. წერილი თქვენ მისწერეთ, მე ვერ მივწერ, რომ თქვენ გადასახლებული ხართ ციმბირში.

მივწერეთ მამას წერილი. მიიღო ჩვენი წერილი და მან იმედიანი წერილი მოგვწერა: „დიდი ომია, ბევრი გაუგებრობა ხდება, ნუ გეშინიათ, მე თქვენ მალე გიშველით, ომიც მალე დამთავრდება და ყველანი დავბრუნდებით სახლში“.

ომი რომ დამთავრდა, ჩვენ ისევ ციმბირში ვიყავით. მამა საბუთებს ამზადებდა ჩვენს გასათავისუფლებლად და ცუდად გახდა და დაანწინეს გოსპიტალში, ტულაში. გვწერდა, რომ საბუთები მზადაა და მალე დაგვაბრუნებენ სახლში.

15 წლამდე ბავშვების დაბრუნების უფლება გასცეს, თუ საქართველოში დაეპატრონებოდა ვინმე. შეგროვდა 12 ბავშვი. დედამ მითხრა, შენც გაგიშვებ, ჩვენ იქნებ მალე არ გამოგვიშვან და შენ სკოლა აღარ გაგიცდებო. მეც დავთანხმდი და ჩავვაბარეს 12 ბავშვი ერთ აჭარელ კაცს, რომელიც გათავისუფლდა (ძმის გამო იყო). 18 დღე და ღამე ვიყავით გზაში. ნოვოსიბირში რომ ჩამოვდით, იმ კაცმა პროპუსკი დაკარგა და დავრჩით უსაბუთოდ. ისე ვინ გამოგვიშვებდა სადგურიდან (მაშინ პროპუსკობა იყო). სადგურში ერთი კაცი კანფეტებს ყიდიდა და ქართული ლაპარაკი რომ გაიგონა, ყურადღება მოგვაქცია ბავშვებს. გამოგვკითხა, საიდან ვიყავით და სად მივდიოდით ასე ერთად 12 ბავშვი. მე ავუხსენი ყველაფერი. ის კაცი დაგვეხმარა პროპუსკის აღდგენაში და სამი დღის მერე გამოვედით ნოვოსიბირიდან. ჩამოვედით მოსკოვში და მოვთავსდით ბავშვთა ოთახში. ბევრი რომ ვიყავით ერთად და მარტო ბავშვები, ყველა გვაქცევდა ყურადღებას. კურსკის ვაგზალი სახსე იყო დემობილიზირებული სამხედროებით. ქართულ ლაპარაკზე ქართველმა სამხედროებმა ყურადღება მოგვაქცია, რომ გაიგეს, რომ გადასახლებიდან ვბრუნდებოდით, ყველას შევეცოდეთ. ვინ „სუხი პაიოკს“ გვაძლევდა, ვინ ტალონებს სასადილოსას და რა ვიცი

ჩემთან ერთად მოდიოდა (ჩემი რაიონიდან, ჭრებალოში მცხოვრები) რუსუდან ფრუიქე, ჩემზე უმცროსი. ის დამეკარგა სადგურში. აქეთ ვეცი, იქით ვეცი და ბავშვი აღარსად იყო. გავვარდი გარეთ და ქუჩის მეორე მხარეს

დავინახე, მიჰყავდა კაცს. გავიქეცი, ვსტაცე ხელი და ცემით შემოვიყვანე სადგურში. შემომესია ხალხი, რატომ სცემო, მე ვკანკალებდი და ძლივს დამაწყნარეს.

მოსკოვში ერთი კვირა დავრჩით. როგორც იქნა მოგვინია რიგით ნამოსვლა. აბანოს გავლა იყო აუცილებელი, თორემ ისე ვაგონში არ გიშვებდნენ. 3-3 მანეთი აკრიბეთ და გვიშვებენ ვაგონში, მაგრამ ისევ პროპუსკი დაკარგა იმ კაცმა (კარგავდა თუ ყიდიდა ვერ გავიგე). აღარ შეგვიშვეს ვაგონში. დაგვაბრუნეს სადგურში. ვირბინე სადგურში ამ

უფროსიდან იმ უფროსთან, ვისთან არ შევედი და ყველას ავუხსენი ჩვენი მდგომარეობა. აღვადგინე პროპუსკი. სადგურში ახალგაზრდა ქართველი ჯარისკაცი გამომელაპარაკა, გაუკვირდა, ბევრი ბავშვი რომ ვიყავით და უფროსი არ გვახლდა. მე მას ავუხსენი, ვინ ვიყავით და საიდან მოვედიოდით. ისიც ვუთხარით, რომ ჩემი მამა ტულაში იწვა გოსპიტალში. იმ ბიჭმა მითხრა, ტულა ძალიან ახლოსაა მოსკოვთან, ვაჟი რომ იყო, ნახვილოდი და ნახავდიო. ის ბიჭი და ერთი ქართველი კაცი თბილისში მოდი-



ქეთევან ბიბილაშვილი საბავშვო ბაღის აღსაზრდელებთან

ოდნენ, დემობილიზირებული იყვნენ ჯარიდან. რომ გაიგეს, ეს აჭარელი როგორ იქცეოდა, მე და რუსუდანს გვითხრეს, რომ ისინი ნამოგვიყვანდნენ თბილისში და შემდეგ ჩავვაბარებდნენ პატრონებს, მაგრამ ვერ დავთანხმდი, შემეშინდა. როგორც იქნა გამოვედით მოსკოვიდან და ვაგონში რომ მოვკალათდით, აბანოს ბილეთები მოგვთხოვეს, რაც ჩვენ არ გვქონდა. ჩამოგვსვეს ღამე ერთ-ერთ სადგურში აბანოში გასავლელად. შევედით სადგურში და მოვკალათდით. ვიკითხე, რა ქალაქია, სად ვართ? ეს ტულაა, მითხრა სადგურის მორიგემ. გული ამიძვებდა. მე და მამაჩემი ერთ ქალაქში ვიყავით. გავიხედე და ვხედავ, ცალფეხი ჯარისკაცი მოდის. თურმე აჭარელია და აჭარელი ბავშვების ლაპარაკს მიაქცია ყურადღება. გაკვირდა და გამოგველაპარაკა. მე ვკითხე: თუ იცით, ობლასტნაია ბალნიცა შორსაა? 3 კმ-ზეა, მიპასუხა მან. რატომ კითხულობ, მკითხა მან. მამაჩემი წევს იქ, ვუპასუხე მე. მან მითხრა, მე შეხვევაზე დავდივარ იქ და თუ ნამოხვალ, ხვალ ნაიცივანო, მაგრამ ჩვენ აბანოში მალე გავვატარეს და დილით გამოგვამგზავრეს. რომ ერთი პროპუსკი არ გვქონოდა ყველას, გავრისკავდი და დავრჩებოდი. ნამოვედი წელ-გულ მონყვეტილი. როგორც იქნა ჩამოვედით რაიონში. აჭარლებმა

ბათუმის მატარებლით იყო და გააგრძელეს გზა. მე კი ჩამოვიყვანე რუსუდანი ძირს და უნდა წავიდეთ ქუთაისში. ლამეა. შევედით ვაგონში, სადაც ბევრი სამხედროები იყვნენ, მარტო ბავშვები რომ ვიყავით, გამოგვიკითხეს საიდან მოვდიოდით. მე ავუსხენი ყველაფერი, მაგრამ ზოგმა არ ირწმუნა, მასეთი კანონი არ გამოსულაო. შემეშინდა, მანანალა ბავშვები არ ვეგონოთ-თქო და ჩამოვხტით ძირს და მეორე ვაგონში შევედით. გათენდა, ჩავედით ქუთაისში. ქუთაისში ნამყოფი ვიყავი და ცენტრალური ქუჩა სადგურიდან ჯაჭვის ხიდამდე ვიცოდი. დავადექით ფეხით და წავედით ჯაჭვის ხიდისკენ. ინსტიტუტთან რომ მივედი, ვიკითხე, ეთერი კაციტაძეს თუ იცნობთ, ლექტორია? (დედა რო გაზარდა, ილიას ქალიშვილი იყო). ვერაფერი მიპასუხეს. გავაგრძელეთ ისევ გზა. ხიდან რომ მივედით, ჩამოვჯექით ხიდის ქვაზე და საჭმლის ჭამა დავიწყეთ. უცებ რუსუდანმა იყვირა: დედა! შემთხვევით შევხვდით დეიდამისს. იმ ღამეს მან წაგვიყვანა. მეორე დღეს ჯაჭვის ხიდან დავგვავს დიდ მანქანაზე და გვიშვებენ რაჭაში. რუსუდანს ეუთხარი: შენ ხომ ჩავაბარე პატრონს. მე გვიმ დამიბარა, რომ გაჭრილი გზით არ წახვიდე რაჭაშიო. „კაცი ზღვას გადაურჩა და ცვარმა დაახრჩო“, ისე არ მოგივიდესო. ვადმოვხტი მანქანიდან და წავედი სადგურისკენ. ინსტიტუტთან კიდევ შევჩერდი და შევედი ეზოში. ქალს ვკითხე: ეთერი კაციტაძეს, ლექტორს თუ იცნობთო. კი შვილო, აგერ ცხოვრობს, მიპასუხა მან და გამიძღვა წინ. ოთახში ორი გოგო იყო. ეთერი ძმასთან იყო წასული, რომელიც სამხედრო გოსპიტალში მუშაობდა. გოგოები მიხვდნენ, ვინც ვაპყვი (ეთერი ამზადებდა ჩვენს გასათავისუფლებელ საბუთებს და ისინიც ეხმარებოდნენ). მითხრეს ჩვენც იქ მივდივართ, ვალიკოს ბიჭი შეეძინა და უნდა მივულოცოთო. წამიყვანეს. ჩემს დანახვაზე ბევრი იყვირეს და იტირეს წინა და გვი სად არიანო. იქ დავრჩი ერთი კვირა, მერე გამიშვა რაჭაში. ტყიბულში რო ჩავედი, ბაზარში მამიდაშვილი ვნახე, წინა. იმ ღამეს იმან წამიყვანა. მეორე დღეს მგზავრებს ჩააბარა ჩემი თავი და გამიშვა რაჭაში. ზამთარი იყო. ნაქერალა ფეხით ვადვიარე. დაღამდა და მივედი ჭელიაღელეში. ბიცოლა, დავიძახე კიბესთან, ბიძიამ გამოიხედა და დამიძახა, ვინ ხარ? ქეთო ვარ, ბიძია. არ დაიჯერა. ბიცოლაჩემი ეძახის: ჭრაქი აანთე, შუბლზე შეხედე (შუბლზე ნაიარები მამჩნევია). შემიყვანეს სახლში ტირილით, წინა და გვი სად არისო

ჩამოვედი თუ არა, მამას წერილი მივწერე და მისი წერილიც მივიღე, რომელიც მწერდა, რომ გვი და დედაც მალე დაბრუნდებოდნენ. მართლაც ჩემი წამოსვლის მერე დედას მალე მიუღია განთავისუფლების დოკუმენტი და მალე დაბრუნდნენ. გვიის შეხედვას არაფერი სჯობდა, ხალხი დიდი ოვაციებით ხვდებოდა.

ჩვენი ეზო დაცარიელებული იყო. სახლი საბჭოში იყო გადატანილი და შიგ საბჭო და ფოსტა იყო. ბუხრიანი სამზარეულო გაყიდული იყო. საბჭო-ბოსელი დანგრეული. ძროხა ფერმაში იყო წყვანილი, რომ დავბრუნდით, დაგვიბრუნეს.

ცოტა ხანს ბიძასთან ვცხოვრობდით, მერე სკოლაში ერთი პატარა ოთახი დავგიტმეს. დედამ სკოლაში დაიწყო მუშაობა. გვიმ ხოტევი გააგრძელა სწავლა. მე ჭელიაღელეში. მე-5 კლასში არ მისწავლია. დავჯექი მე-6 კლასში. მას-

წავლებლები არაფერს მეუბნებოდნენ. დირექტორი კი არ მაჩერებდა კლასში, მე-5 კლასში დავჯექი. წავედი ამბროლაურში და შევედი განათლებაში. ავუსხენი განათლების განყოფილების გამგეს ჩემი მდგომარეობა და დამანერინა განცხადება, როგორც ოთხი კლასი დავამთავრე 5-ზე და შემიძლია ვისწავლო მე-6 კლასში. დაადვა რეზოლუცია დადებითად და სულ სირბილით ამოვიარე სალოს გზები. პირველ მეოთხედშივე ხუთოსანი ვიყავი. 5-ზე დავამთავრე 8 კლასი და შევედი ამბროლაურის პედაგოგიურ სასწავლებელში, რომელიც 5-ზე დავამთავრე. ჩემი სურათი სულ გაკრული იყო საპატიო დაფაზე. გამანაწილეს სვანეთში, სადაც არ წავედი. ჩემმა ძმამ, გვიმ სწავლა გააგრძელა ქუთაისის სამთო ტექნიკუმში. სტიპენდიას ერთმანეთს ვუგზავნიდით და ისე ვსწავლობდით. გვი ნიგოზს წაიღებდა ქუთაისში, გაყიდოდა და ყიდულობდა ტანსაცმელს, როგორც თავისთვის, ისე ჩვენთვისაც. დამთავრების შემდეგ გაანაწილეს მოსკოვის მეტრო მშენებლობაზე, მაგრამ ეთერი დაეხმარა და დატოვა. შემდეგ თავი მოვიყარეთ ტყიბულში. ის ელექტროსადგურის უფროსად მუშაობდა, მე მასწავლებლად.

მამა გოსპიტალში გარდაიცვალა, მისი ნახვა აღარ გველირსა. დედა გვიდგა გვერდში და დედობასაც გვიწვედა და მამობასაც.

ჩემი ძმა დაცოლშვილდა. ცოლად შეირთო ნიკონმინდელი ცილა მიხას ასული გვეგიძე. შეეძინათ ორი შვილი: მარინა და გელა. მეც დავქორწილდი ოთარი ვაბაძაძეზე. მეც შემიძინა ორი შვილი: ნანული და თამაზი.

დედა 79 წლის ასაკში გარდაიცვალა. საწყალი ჩემი ძმა ნაადრევად წავიდა ამ წუთისოფლიდან, მაგრამ წამოვიდა ახალი თაობა, გელას შვილები, რომლებიც აგრძელებენ ცხოვრებას მამაჩემის გორაზე: სალომე, გვიკო და ალექსანდრე. დღეგრძელი იყოს მათი სიცოცხლე. ერთი იქცეს ათად, ათი ასად და მერე მთელ დინასტიადა. ამინ. მარინას ჰყავს ერთი ვაჟი. ერთი ათად ამინ.

მეც მყავს ოთხი შვილიშვილი. გოგოსი: ქეთინო და გიორგი. ვაჟის: ლაშა და მედიკო. მიმრავლე ღმერთო ისინი. ამინ.

ტყიბულში ბავშვთა აღზრდას ვემსახურე 40 წელი. ვარ სახალხო განათლების ნარჩინებული პედაგოგი. მაქვს მიღებული მედლები და სიგელები. ვარ ვეტერანი პენსიონერი.

ამჟამად მე და ჩემი მეუღლე ვცხოვრობთ სოფელ კითხიჯში მარტო. ვაჟი, თამაზი ცხოვრობს თბილისში თავის ცოლ-შვილით. ცოლი: ნანა ვაშაკიძე. შვილები: ლაშა და მედიკო.

ქალიშვილი ცხოვრობს ტყიბულში. მეუღლე: ამირან ავალიანი. შვილები: ქეთინო და გიორგი. ზაფხულობით ბავშვები ჩემთან არიან.

მე ვარ სერიოზული ავადმყოფი, გულ-სისხლთა დაავადებით. ხშირად სიკვდილის მოლოდინში ვარ. ღმერთზე მადლობელი ვარ, რომ შვილები და შვილიშვილები, ძმის შვილები თავიანთი ოჯახით კარგად მყავს. მადლობელი ვარ, ღმერთო, შენი მოწყალებისა. ყოველ საღამოს ვლოცულობ მათზე.

გულში სევდა მაინც მიმყვება სამარეში. ვერ ავისრულე ერთი ნატვრა

რას ნიშნავს თავისუფლება



ლელა ოჩიაურს
ესაუბრა
მანანა ბერიკაშვილი

მიმდინარე სეზონში, ვასო აბაშიძის სახელობის მუსიკისა და დრამის თეატრში მანანა ბერიკაშვილმა იაპონელი მწერლის, დრამატურგის, მსახიობის, რეჟისორის იუკიო მისიმას პიესა „მარკიზა დე სადი“ დადგა და იმ საზოგადოების ცხოვრების, მისი არჩევანისა და სულიერი ტყვეობისა და გათავისუფლების პრობლემები წარმოადგინა, რომელმაც უზნეობა აღაზრდა და სახე დაკარგა.

რეჟისორს ამბავი ადამიანის ცხოვრებისეული გზის, არჩევანის, მორალური და ზნეობრივი კოდექსის ანალიზის ხარისხში აჰყავს და იმ მიზეზებს იკვლევს, რამაც საზოგადოება ცოდვაში შეიყვანა, რის გამოც ახალი კოდექსები, ახალი მორალი გამოიგონა და სასჯელიც მიიღო. იგი სწორედ ამ მრავალშრიანი სათქმელის მიხედვით აგებს რთული ნყოფისა და არაერთგვაროვანი მხატვრული ხერხებით გადანყვებილ სპექტაკლს და მაყურებელსაც ფიქრისკენ, განსჯისკენ, თუნდაც საკუთარი არჩევანის შეფასებისკენ „მოუხმობს“.

სპექტაკლში ქალების როლებს მამაკაცები ასრულებენ, მისიმას კი (რომელიც მანანა ბერიკაშვილს მოქმედებაში საკუთარი „სურვილით“ შეჰყავს) – ქალი. რეჟისორი ამ გადანყვებილების საფუძველსა და დადგმის სხვა თავისებურებებზე, პიესის არჩევანს მიზეზებსა და მისი ავტორის შესახებ გვესაუბრება.

საქართველოში სპექტაკლები იდგმება, მაგრამ, ამავ დროს, გრძელდება საუბარი ქართული თეატრის კრიზისის, იმ პრობლემების შესახებ, რაც ქართული თეატრის წინაშე სხვადასხვა მიზეზით წამოიჭრა.

ამ პრობლემებს მსახიობი, რეჟისორი და პედაგოგი მანანა ბერიკაშვილი ყველა კუთხიდან და ყველა ჭრილში კარგად იცნობს. დანყვებილი იქიდან, რომ გივი ბერიკაშვილის შვილია, რომ მიხეილ თუმანიშვილის მონაფეა, რომ თეატრისა და კინოს უნივერსიტეტის სამსახიობო ფაკულტეტის პედაგოგია და არაერთი თაობა ჰყავს აღზრდილი, რომ დედამისი ლეილა კაპანაძე ასევე პედაგოგია, მისი ძმა ზურაბ ბერიკაშვილიც მსახიობია.

– რატომ აირჩიეთ ეს პიესა, რატომ მისიმა, რატომ დღეს და ასეთი ფორმით? რატომ მუსიკისა და დრამის თეატრში?

– შეიძლება ითქვას, რომ მე ვიყავი დავით დოიაშვილის გულშემმატიკივარი და მეგობარი დღიდან ამ თეატრის გახსნისა. შემდეგ – სპექტაკლის დადგმა დომი თვითონ შემომთავაზა.

მაქვს ხოლმე პერიოდები, როდესაც ძალიან შეყვარებული ვარ რომელიმე ავტორზე და ეს ზუსტად ის დრო იყო, როდესაც „მისიმათმცოდნე“ გავეხდი. საერთოდ მნიშვნავდა ამ კაცის ბიოგრაფია, ცხოვრება, შემოქმედე-

ბა მთლიანად. რუსულად მისი ორი პიესა თარგმნილი, რომელთაგან „მარკიზა დე სადი“ შევჩერდი.

მგონია, რომ მეთვრამეტე საუკუნე, როგორც ეროტიზმის ეპოქა, დღეს მეორდება. თუმცა ეს საკითხის ერთი კუთხეა. ყველა პრობლემა, რომელიც პიესაშია, ძალიან ზუსტად ეხმიანება დღევანდელობას. თქვენ ნახეთ სპექტაკლი და იცით, რომ ის არაა მხოლოდამხოლოდ ეროტიზმზე. მე არ მაინტერესებდა ქალის, კაცის პრობლემა. აქ დგას ის პრობლემები, სადაც უშუალოდ სქესი ჩემთვის ამ შემთხვევაში არ ყოფილა მნიშვნელოვანი. არ ვიცი, რამდენად გამოვიდა და რა თვალთ დაინახა ეს მაყურებელმა, მაგრამ როდესაც სპექტაკლს ვდგამდი, ბიჭებს ვუთხარი, ჩვენ ვთამაშობთ ამბავს და რალაც ნიუანსებით, ქალი, კაცი ნიღბებია და არა რეალური სახეები-მეთქი.

– რატომ ნიღბები?

– მიუხედავად იმისა, რომ მე თვითონ ქალი ვარ და თან მეტ-ნაკლებად მიმაჩნია, რომ ქალმა ჩვენს ეპოქაში თავის თავზე ძალიან დიდი ფუნქციები აიღო, ძირითადი პრობლემა მაინც კაცის სატვირთია და მის ზურგზე გადასავლელი, რაც, მიხედვით, ძალიან კარგად შეეგრძნოთ მონაწილეებსაც და მაყურებელსაც. ამიტომ ავირჩიეთ კაცები და, ამავ დროს, რადგან ნიღბებზეა ლაპარაკი, ერთ-ერთი საინტერესო ფორმა ამ თვალსაზრისით კაბუკის თეატრია. ამიტომაც გადავწყვიტე, სპექტაკლი კაბუკის თეატრის პრინციპით აგვეგო. შემდეგ ამ ყველაფერმა, მუშაობის პროცესში, სახე იცვალა, საბოლოოდ, კაბუკის თეატრის პრინციპები ზუსტად არაა დაცული, მაგრამ მაინც რალაც რაკურსი არსებობს.

ვერ გეტყვით, რომ რალაც პრინციპული მოსაზრება იყო, მისიმა მაინცდამაინც ქალს ეთამაშა. უბრალოდ, ზუსტად ვიცოდი, რომ ნანა ბუთხუზს უნდა ეთამაშა. რომ ვფიქრობდი, ვინ შეიძლება ყოფილიყო მის როლში, სხვა მსახიობი ვერაფრით ვიგულისხმე – თავისი ხასიათის თვისებებით, გარეგნობით ძლიერი ნატურით. შემდეგ სულ ვფიქრობდი, როგორ უნდა გამემართლებინა ის, თუ რატომ თამაშობს მაინცდამაინც ქალი. თვითონ მისიმას ბავშვობიდან, ვიტყვოდი (სხვანაირად ვერ ვუნოდე), გადახრა ჰქონდა – ლტოლვა მამაკაცებისადმი, შემდეგ თავის თავში აღმოაჩინა, რომ ჰომოსექსუალისტია საერთოდ, საკმაოდ საინტერესო ფსიქოლოგიური პორტრეტია.

მან ყველაფერს მიაღწია – გახდა არაჩვეულებრივი მწერალი, არაჩვეულებრივი სპორტსმენი, არაჩვეულებრივი მუსიკოსი, დირიჟორი, რეჟისორი, მსახიობი, ცოლიც მოიყვანა, შვილებიც ჰყავდა, რესპექტაბელური ოჯახიც ჰქონდა და ყველაფერი, რაც ტრადიციული ოჯახისთვისაა აუცილებელი. ანუ ისიც, რაც მის ბუნებას თითქოს არ ეთვისებოდა, გააკეთა. ასეა მიღებული? კი, ბატონო! ასეთი ტიპი იყო.

– ამ მონაცემებდან, ამ საკითხებიდან გამომდინარე, რა იყო თქვენთვის მთავარი სპექტაკლში?

– მე მგონი, მას შემდეგ, რაც კაცობრიობა არსებობს, სულ ვიკვლევთ, რას ნიშნავს თავისუფლება და ბოლომდე ვერ გაგვირკვევია. თავისუფლება ნიშნავს, რომ თუ ღმერთი არ არის, ყველაფერი ნებადართულია?! თუ – შენ ყველაფრის უფლება გაქვს და არაფრით შეზღუდული არა ხარ?! თუ შენი თავის უფალი ხარ და რალაცებისდა გამოუარი უნდა უთხრა შენს სურვილებს?!

პიესა მარკიზ დე სადის ცოლზე და მარკიზ დე სადის (რომელიც სადაც არსებობს) გარემოცვაზე. მთელი ეს ხალხი მისი, როგორც მაგნიტის, გარშემო პრონიალობს. ყველაზე მნიშვნელოვანია, რომ სადი დიდი დოზით თითოეულ მათგანშია. ყოველ ჩვენგანშია მარკიზ დე სადი, გააჩნია, საით წავიყვანთ ამ ყველაფერს. მისი ცოლიც ხომ ბოლოს მონასტერში მიდის, რადგან ძალიან ღვთისმოსავი, ძალიან თავდადებული და ძალიან სუფთაა. სწორედ ეს იყო მიზეზი, რომ ძალიან უერთგულა ქმარს, რომელმაც ბოლოს რომანი დაწერა და დასცინა მის კეთილშობილებას.

მარკიზა დე სადი მონასტერში მიდის. ბოლომდე მასაც არა აქვს გარკვეული, რა არის სწორი და რა – არასწორი, და არ მიაჩნია, რომ როდესაც სავსებით გაიდებულეული მეუღლე (მას პიესის პირველ, მეორე მოქმედებაში მონოლოგები აქვს, სადაც ამბობს, იგი თქვენზე უფრო სუფთაა, თეთრზე თეთრია, მტრედიაო) ვიღაცას შოლტავს და სისხლს ადენს, სადისტი და მწყობრიდან გამოსული ადამიანია, მაგრამ, საბოლოოდ, მაინც ფიქრობს, რომ ასეა, თუმცა მაინც ვერ გარკვეულა და ამბობს, მონასტერში მივდივარ – ღმერთს რამდენიმე შეკითხვა უნდა დაეუსვაო.

– პიესაში ავტორი, როგორც თქვენთან, არ მოქმედებს. რატომ შემოკავავთ მისიმა სპექტაკლში პერსონაჟის სახით, იგი მოქმედების ორგანული ნაწილია, მაგრამ მაინც ჩნდება კითხვა – რატომ ამ სივრცეში, ამ ეპოქაში?

– პირველ რიგში, კიდევ ერთხელ ვიტყვი, ჩემი დიდი სიმპათიიდან გამომდინარე ამ პერსონის მიმართ. მეორე – როდესაც თავიდან ფიქრი დავიწყე, რომ სპექტაკლი კაბუკის თეატრის პრინციპით უნდა ამეწყო, იქ აუცილებლად საჭიროა ნამყვანი, რომელიც შეკრავს მოქმედებას, განმარტებებს იძლევა, დასკვნებს აკეთებს... ამისთვის მისიმაზე უკეთეს პერსონაჟს ვერ ვიპოვიდი (თუმცა პიესა თავისთავად ამ ფორმით ნამდვილად არაა დაწერილი). მე-სამე და ძალიან მნიშვნელოვანი ფაქტორი, თუ რატომ მაინცდამაინც მისიმა, ისაა, რომ იგი თვითონ აიგივებს საკუთარ თავს მარკიზ დე სადთან, საოცრად. იგი მარკიზ დე სადის დიდებისკენ ისწრაფოდა. მართალია, ასეთი სახელი მაინც ვერ მოიხვეჭა, მაგრამ მასთან გაიგივების სურვილი სულ ჰქონდა და ამ შემთხვევაში, ეს ორი ხაზი ერთმანეთს კარგად დაემთხვა.

– თუმცა, შეიძლება ითქვას, რომ მისი ღირსეული ნაბიჯი – ხარაკირი და სადის უარყოფა – სხვა კუთხით შლის პერსონას.

– ბოლო კვანძი სწორედ ეს იყო. როდესაც სპექტაკლის ბოლოს სადი შინ ბრუნდება, მასზე უარს ამბობენ. უფრო დიდი დასჯა, უფრო სწორი სიტყვა, ვიდრე შურისძიებაა, მარკიზ დე სადისთვის არ არსებობს, და რადგან მისიმა თავს სადთან აიგივებს, მიდის და ხარაკირის იკეთებს.

მისიმა მთელი ცხოვრება არის გზა სიკვდილისკენ, რისკენაც მიდის თავისი რომანების, ბიოგრაფიის მიხედვით, და მისთვის ხარაკირი, თვითმკვლელობა უზენაესი ნეტარებაა. ბოლო ნაბიჯი, რომელიც მან რეალურად გადადგა, მას შემდეგ, რაც პოლიტიკაში ჩაერთო, მონარქის-

ტული ჯგუფი თუ პარტია დააარსა და, როგორც ის ამბობს მოხდა, მისიმა თითქოს სპექტაკლი გაითამაშა, რათა მისი ცხოვრების ბოლო ნერტილი ასეთი პომპეზური ყოფილიყო, და ამდენი ხალხის თვალწინ თვითმკვლელობის აქტი აღასრულა.

პიესას ძალიან ბევრი შრე აქვს და მიუხედავად იმისა, რომ ძალიან ევროპული პიესაა, იაპონელის დაწერილია. ის პასუხს არაფერზე არ გაძლევს. ბევრ კითხვას გიტოვებს და ამაზე შენ უნდა იფიქრო. ვერაფრით, ვერაფრით მივედი იქამდე, თუ რა პასუხს იძლევა თვითონ მისიმა ბოლოს – თუ თავისი ქცევით, თავისი სიცოცხლის ბოლო ნერტილით, თუ პიესით. არა, არ გაძლევს პასუხს. თან მთელი ცხოვრება ამისკენ მიისწრაფის, თან უცებ თავის ცხოვრებაში ყველაზე მნიშვნელოვან სპექტაკლს დგამს. თვითონ დაწერა „ნიღბის აღსარება“. სხვაობა ისაა – რაც მას შურდა – რომ დე სადი იყო ადამიანი უნიღბოდ, მისიმა კი მთელი ცხოვრება სხვადასხვა ნიღბს ირგებდა.

– სხვაობა ალბათ ისიცაა, რომ იგი აღმოსავლური ცხოვრების წესით ცხოვრობდა, იაპონელი დიდგვაროვანი, სამურაი. მართალია, სადიც დიდგვაროვანი იყო, მაგრამ აღმოსავლეთსა და ევროპაში სხვადასხვა კოდექსებია...

– სრულიად სხვადასხვა. მისიმა ტრადიციულ ოჯახში დაიბადა, მაგრამ მასში თავიდანვე სხვა კოდი იყო ჩადებული, სავსებით, არაორდინარული გაიზარდა, სავსებით, როდესაც თვითონ აცნობიერებდა ამ ყველაფერს, ნელ-ნელა, უკვე ყრმობის წლებიდან, ანალიზს უკეთებდა, პასუხს მაინც ვერანაირს პოულობდა.

– რამდენადაც მახსოვს, თქვენი სხვა სპექტაკლები, იგივე, „ლექსად თქმული ქართლის ცხოვრება“, „ყოველმან ჩემმან მპოვნელმან“, „სებია“ და სხვა, სულ სხვა პრობლემაზე, სულ სხვა თემაზე იყო აგებული. თითქოს სხვა მიმართულებით მიდიოდით, სხვა ინტერესები გქონდათ, სხვა მსოფლმხედველობა, და უცბად ასეთი რადიკალური ცვლილება მოხდა.

– არა, ალბათ ვერ ვიტყვი, რომ სხვა მსოფლმხედველობა მქონდა. როდესაც დავდგი „ლექსად თქმული ქართლის ცხოვრება“ – რა პერიოდი იყო, რა მინდოდა მაშინ? მოდიოდნენ ახალგაზრდები, რომლებსაც არ ალელვებდათ, არ ესმოდათ და არ სტკიოდათ

პრობლემები, რომელთაც იმ სპექტაკლში ვეხებოდი, და მე ვთქვი, აი, ახლა, ბიჭები სცენაზე დადგებიან და დამტკიცებენ, რომ ძალიან კარგია, „მოდურიც“ კი და მნიშვნელოვანიც, როდესაც შენ გიყვარს შენი ქვეყანა. ამის შემდეგ რამდენიმე წელიწადში საქართველოში ეროვნული მოძრაობა გაიშალა.

შემდეგი სპექტაკლი იყო ნიკო ლორთქიფანიძის „მოუარეთ საქართველოს“. მაშინ ეს ჩვენთვის უფრო საჭირო-როგო და მტკივნეული საკითხი იყო. ეს თემა ახლა უფრო გაიზარდა და, შეიძლება ითქვას, ჩვენი ყოფა ფილოსოფიურად განზოგადდა, ოთარ ქილაძის „ყოველმან ჩემმან მპოვნელმანში“ წინ სხვა სატკივარი წამოვიდა.

მე მგონი, დღეს ბევრი ისეთი პრობლემა გვიდგას, რაც სწორედ მისიმა პიესაშია. შემიძლია პირდაპირ ჩამოვთვალო. ესაა: ზნეობის საკითხი, თავისუფლების საკითხი, კაცობის საკითხი... ეს ის პრობლემებია, რაც დღეს ყვე-

ლაზე მეტად მანუხებს – უზნეობა და ადამიანის თავისუფლების კოდექსი. თუ რას ნიშნავს ეს ყველაფერი.

ალბათ უამრავი სხვა პიესა და ნაწარმოებია, სადაც ეს თემებია, მაგრამ მე, მისი მას მიმართ დიდი სიყვარულის გამო, მაინც „მარკიზა დე სადი“ ავირჩიე.

– მაინც ჩაგვითხებით. რატომღაც მეჩვენება, რომ მისი მას პიესა უფრო მწვავეა, უფრო მძაფრი, უფრო გულახდილი და შეიძლება, სასტიკიც. სახიფათოც, რაღაც თვალსაზრისით...

– ასეთია ჩვენი ცხოვრება დღეს. მაშინ ჩვენ ძალიან კარგად ვიცოდით, რისთვის ვიბრძოდით, რას ვებრძოდით, რა გვტყობდა. ახლა ცოტა დავიბენით. ცოტა აღარ ვიცით. ცოტა ვეღარ ვხედავთ. უზნეობა ზნეობად მიგვაჩნია, არაკაცობა კაცობად... რაღაცებს ვკარგავთ, ძალიან მნიშვნელოვანს. მომეჩვენა, რომ ამ პრობლემების წამოწევა ძალიან კარგად შეიძლებოდა მისი მას პიესით.

– ჰო, კარგად შეიძლება და, მაგრამ თქვენ საკმაოდ სერიოზული რისკის წინაშე დაიყენეთ თავი, რადგან მაყურებლის რეაქცია შეიძლება საკმაოდ მწვავე ყოფილიყო.

– ალბათ. როდესაც რევოლუციის ხანას ვამზადებდი, რაც სპექტაკლშიც ზუსტად ისეა, როგორც პიესაში, მეუბნებოდნენ, არასწორად გაგიგებენო. მე ვპასუხობდი, რომ რევოლუცია ყველა ქვეყანაში ერთნაირია, მეორდება თავისი ქმედებით, თავისი პრობლემებით და თავისი შედეგებით. ყველა რევოლუციას აქვს თავისი დადებითი და უარყოფითი. აბა, როგორ გინდათ?!

მე ცოტა სხვა რამის მეშინოდა. თუ თანამედროვე მაყურებელს პრობლემა იმ ენაზე არ დანახე, რომელიც მას ესმის, არ გამოგყვება. ვფიქრობ, ჩვენი სპექტაკლის ენა მისთვის მეტ-ნაკლებად გასაგებია. არ ვიცი, შეიძლება ვცდები, მაგრამ მე, ყოველ შემთხვევაში, ვეცადე.

– თქვენ თეატრი შიგნიდანაც იცით და გარედანაც, როგორც მსახიობმა და როგორც რეჟისორმა. ამავე დროს, აქტიური მაყურებელი ხართ. შეგიძლიათ განსაზღვროთ, ჩამოაყალიბოთ, როგორია დღევანდელი ქართული თეატრი? რა ხდება ქართულ თეატრში? არის იქ კრიზისი, როგორც ამბობენ?

– ერთი შეხედვით, მოგეჩვენება, რომ დღევანდელ ქართულ თეატრში, ზოგადად, კრიზისია. რომ ჩამოვთვალოთ, ვნახავთ, რომ თეატრებში ძალიან ბევრი ნიჭი-

ერი ადამიანი მოღვაწეობს, ხელმძღვანელებიც – რეჟისორებიც და არტისტებიც, და იმის თქმა, რომ შემოქმედებითი კრიზისია, რომ არა გვყავს რეჟისორები, არა გვყავს მსახიობები – ცოტა არ იყოს, სისულელედ მეჩვენება.

ყველაზე მნიშვნელოვანი, რაც დღეს ხდება, ისაა, რომ თეატრი რალაც-რალაცებით ჩანაცვლდა. პირდაპირ გეტყვით, რა მგონია. მითხარით, რა არის სამშობლოს სიყვარული? რას ნიშნავს – მე მიყვარს ჩემი სამშობლო?

მე სამშობლო მიყვარს მაშინ, როდესაც მიყვარს დედა, მამა, შვილი, ბიძაშვილი, მამიდაშვილი, მეზობელი, მეგობარი... და ამაგი, იმ მინაზე, იმ საქმეზე, რასაც აკეთებ. არის სხვა რამ სამშობლო? მინა ყველგან მინაა, ზოგან ნაყოფიერი და ნოყიერი და ზოგან – არა. მზუც ყველგან ამოდის და ჩადის, ბოლოსდაბოლოს.

მაინც მგონია, რომ ქვეყანამ განსაზღვრა ისე, რომ თეატრი გერად აქცია. მას ყურადღება აკლია და ამაში ძალიან დიდი წვლილი ტელევიზიასაც მიუძღვის. საერთოდ, ქართული კულტურა, ხელოვნება გამეტებული. ამის უთქმელობა არ შემიძლია.

მკვლევლობა, პოლიტიკა, ეკონომიკა, ყველა ტელევიზიაში, ყოველ დღე, დღეში რამდენჯერმე, ზოგჯერ ერთი და იგივე, ზოგჯერ თითიდან გამონოვილი – შუქდება და შუქდება, და არის ერთი ამბავი... შეხედეთ, რა ხდება. გადაცემები, შოუები, დებატები, თოქ შოუები, სოციალურ თემებზე, ასეთ თემებზე და ისეთ თემებზე, გასართობი, სამასხარაო... თეატრზე, ხელოვნებაზე კი გადაცემა არ არსებობს. სავალდებულო არაა, რომ რალაც გაიმეორო და მაინცდამაინც იმ ფორმით განახორციელო, ჩვენს ბავშვობაში რომ იყო, ვთქვათ, „თეატრალური ფოსტა“. არა, რალაც მოიფიქრე ისეთი, პოპულარულიც გახდეს და კომერციულიც. ხომ შეიძლება ამაზე ვინმემ იზრუნოს?! არავეინ ფიქრობს.

– როგორ გგონიათ, რატომ არ ფიქრობს?

– არაკომერციულია, არამომგებიანიაო. ასე მიაჩნიათ. მხოლოდ პატარა სიუჟეტი მზადდება თეატრზე, ხელოვნებაზე, ზედაპირულად და მეტი დრო არ ეთმობა. მიაჩნიათ, რომ არ არის მნიშვნელოვანი. მე მგონი, ძალიან მნიშვნელოვანია, იმიტომ, რომ საქართველოს მაინც გაიტანს მისი კულტურა, ხელოვნება... იგივე თეატრი იყო, რომელ-



სცენა სპექტაკლიდან „მარკიზა დე სადი“

მაც ქვეყანას მსოფლიოში გაუთქვა სახელი. იმავე რობერტ სტურუამ, მიხილ თუმანიშვილმა თუ სხვამ...

ამდენ ტელევიზიაში მიმუშავია და, როდესაც კითხვას ვსვამ, მეუბნებიან – არაკომერციულიაო. რეკლამა გასაგებია. ეს დრომ მოიტანა. რეკლამა ფული ღირს. თეატრს ფული არ გააჩნია. გარდა ამისა, რეკლამა სწორედ გადაცემები, ჩვენება, კამათი, მსჯელობა.

აბა, ნადით და ჰკითხეთ ახალგაზრდებს, ვინაა ვერიკო ანჯაფარიძე, აკაკი ხორავა ან სერგო ზაქარიაძე... არ იციან და ვერც გაამტყუნებ, რადგან მათ შესახებ არაფერს უჩვენებენ. და მხოლოდ კინოფილმებში ვინც თამაშობდა, შეიძლება ისინი გაიხსენონ. ერთი საზოგადოებრივი მაუწყებელია, დილოგით უჩვენებს ხოლმე სპექტაკლებს და დამთავრდა.

მე მგონი, თეატრში ყველაზე მნიშვნელოვანი კრიზისი არის სწორედ ეს. თეატრს ყურადღება და პატრონობა სჭირდება, სახელმწიფოს მხრიდანაც და ტელევიზიების მხრიდანაც

თეატრს უფრო მეტი და დიდი კრიზისები გადაუტანია. შუქი არ იყო, ფული არ იყო, ციოდა, მაგრამ სპექტაკლები მაინც იდგებოდა და ხალხიც დადიოდა. თეატრი მაინც არ მომკვდარა. თუ ჩვენ ჩვენს კულტურას, ტრადიციებს, თეატრს გავაქრობთ, მაშინ, ადამიანებო,

მეგობრებო, შევეთანხმდეთ, რომ ასე გვინდა, ეს მიმართულება გვაქვს ალბულები და დამთავრდა... მურვან ყრუებმა, შაჰ-აბასებმა და თემურ-ლენგებმა ვერ მოკლეს ეს საქართველო და არც ახლა განადგურდება, ასე მგონია.

– მიუხედავად ამისა, უამრავი ადამიანი მიდის სამსახიობოზე, სარეჟისოროზე, ინტერესი თუ სურვილი მაინც დიდია. კონკურსებიც, თეატრისა და კინოს უნივერსიტეტში კატასტროფულად მატულობს.

– ყველამ იცის, რომ თეატრში ფული არ არის, რომ ამ პროფესიაში შეძლებული და წარმატებული (შემოქმედებით წარმატებას არ ვგულისხმობ) ვერასოდეს იქნები. თავს მეტ-ნაკლებად გაიტან, შეიძლება არ გამოდეს და არ გწყუროდეს, მაგრამ ესაა და ეს.

იმ დროის არტისტები, როგორიც, იგივე გივია, იგივე, რამაზ ჩხიკვაძე და მათი მოგავსნი, სხვაგან – ევროპაშიც და ამერიკაშიც, მილიონერები არიან, მათი შრომა ყველგან დაფასებულია. გივისნაირ ბინაში არ ცხოვრობს და ისეთი მანქანით, მას რომ ჰყავს, მისი რანგის არც ერთი არტისტი არ დადის მთელს მსოფლიოში, მათ შორის, არც რუსეთში. მათ მეტად დაფასებენ ამ მხრივ. თუმცა ვიტყვი – გივის ხალხის სიყვარული აქვს მოპოვებული და ეს მართლაც ბევრს ნიშნავს.

ასეთი ვითარების მიუხედავად, ახალგაზრდები ამ პროფესიაში მაინც მოდიან, რადგან ამ საქმეს აქვს ხიბლი. მსახიობისთვის მთავარია იმუშაოს, ფულს ნუ გადაუხდის, იყოს მშვიდი, ოღონდ როლი ჰქონდეს. ესაა ამ პროფესიის თვისება და რას იზამ. ჩვენი სტუდენტი დაბადების დღეზე, საქეიფოდ, ქორწილში, სატირალში, არსად წავა, იმიტომ რომ რეპეტიცია აქვს. არა იმიტომ, რომ ასეთი წესია, სურვილიც ასეთი აქვს. იმიტომ, რომ აქ ურჩევნია. იმიტომ, რომ თეატრი იზიდავს.

– სად იპოვეთ მსახიობები, რომლებიც „მარკიზა დე სადში“ დააკავთ? კარგი გუნდი შეიქმნა.

– რამდენიმე მათგანი ჩემი ყოფილი, სხვადასხვა თაობის სტუდენტი – ნანუკა ბუთხუზი, ბაჩო ჩაჩიბაია, ტატო ჩახუნაშვილი, არჩილ სოლოლაშვილი. ერთი, მუსიკისა და დრამის თეატრის მსახიობია (არაჩვეულებრივი მსახიობი, ძალიან საინტერესო) – ალექო ბეგალიშვილი, და მეორე, რომელიც ასევე არ ყოფილა ჩემი სტუდენტი – დათო ბე-შიტაიშვილი.

– ბევრი რეჟისორი კარგავს ყოფილ სტუდენტს, ბევრმა არ იცის ამა თუ იმ მსახიობის არსებობა და არც ახალს ეძებს.

– ადრე, ყველა თეატრის რეჟისორი დადიოდა ინსტიტუტშიც, ნახულობდა სპექტაკლებს, სადიპლომოსა თუ საკურსოს, აინტერესებდათ, ვინ შეიძლება თეატრში წაეყვანათ, სხვა თეატრებშიც ეძებდნენ. ასეთი მოძრაობა დღეს, ცოტა არ იყოს, შეჩერდა. პირადად მე, ამის პრობლემა არა მქონია, რადგან სულ ვიცოდი და ვიცი (თუნდაც ჩემი სტუდენტი ნუ იქნება, მნიშვნელობა არა აქვს), სამსახიობოს რა კატეგორია ამთავრებს, როგორი ხალხია. რა თქმა უნდა, მუშაობა ჩემიანებთან მიჩვენია, იმიტომ, რომ ჩვენ ერთ ენაზე ვლაპარაკობთ, მაინც უკეთ ვიცი, ვინ არიან და როგორები არიან.

როდესაც თეატრის რეჟისორი წარმოდგენებზე დადის, მას ბევრი აღმოჩენის გაკეთება შეუძლია. როდესაც თეატრებში კასტინგებს აწყობენ, ძნელია, მათი მიხედვით ბოლომდე მიხვედ არტისტის მონაცემებს. იგი სპექტაკლში უნდა ნახო. ასეთი კასტინგები მისაღები გამოცდების ტოლფასია. არტისტების მოძიება ძნელია, თუ, რა თქმა უნდა, რეჟისორი „თეატრალურში“ შედაგოვად არ მუშაობს. თუ მუშაობს, მან ასე თუ ისე იცის, ვინ სწავლობს და მათგან თეატრისთვის მსახიობის შერჩევა იოლია.

– შინ ორი მსახიობი გყავთ. მამა და ძმა. გივიზე არაფერს ვამბობ, ზურიკომ საკუთარი მონაცემები ექვთიმე თაყაიშვილის როლში (ლევან ნულაძის „ქაქუცა ჩოლოყაშვილში“) კიდევ ერთხელ და ახალი კუთხით გვიჩვენა. არასოდეს გქონიათ სურვილი სპექტაკლი საგანგებოდ გივი ბერიკაშვილისთვის დაგედგათ ან რომელიმე როლზე ზურა ბერიკაშვილი აგეყვანათ?

როდესაც „მარკიზა და სადის“ შესახებ როლებს განანილებაზე მე დაე დათო დოიაშვილი ვლაპარაკობდით, დო-იმ მითხრა, ზურიკო აიყვანეო. ზურიკო გიზო ჟორდანიასთან სწავლობდა და იყო არაჩვეულებრივი სტუდენტი. იმ ჯგუფს მე ოსტატობასაც ვასწავლიდი და მეტყველებასაც. როდესაც მათთან მიწვევა მუშაობა, ჩემი ძმა სულ მეორე პლანზე მყავდა გადაგდებული, სულ მქონდა იმის შეგრძნება, რომ ჩემია, მას მეორე ვეტყვი და ა.შ. როგორც ჩანს, თვითონაც ასე იყო. მას შემდეგ ზურიკოსთან არ მიმუშავია.

ახლაც, როდესაც ვიფიქრე, რომ მისთვის ერთ-ერთი როლი მიმეცა, მითხრა, არა, რას ამბობ, ერთი სპექტაკლი „მარჯანიშვილში“ მაქვს, ძალიან დაკავებული ვარო, და მივხვდი, რომ მასაც იგივე დამოკიდებულება აქვს, რაც, ვფიქრობ, ძალიან კარგია. კარგია, როდესაც ოჯახის წევრები შემოქმედებაში შენთან ერთად არ არიან.

ისინი თავისთავად არიან ძალიან კარგები, ერთმა შეასრულა თავისი საქმე და შეასრულა საუკეთესოდ. მეორე აკეთებს და უჩემოდაც ახერხებს ამას. თუმცა ერთი რამ აუცილებლად უნდა ვთქვა. არასოდეს სუბიექტური არ

ვეოფილვარ არც გვივისა და არც ზურიკოს მიმართ. მაგრამ მაინც მგონია, რომ ზურიკოს თავისი როლი ჯერ არ უთამაშია. ის, რაც შეუძლია. არ არის შესაფერისად გამოყენებული. ამას სრული პასუხისმგებლობით ვამბობ. ამაზე მწყდება გული და ესაა ერთადერთი, რის გამოც სურვილი მიჩნდება, რომ რაიმე სპექტაკლი დავდგა, სადაც ზურიკო საქმეს ბოლომდე მიიყვანს. იგი მართლა ნიჭიერი კაცია. ნიჭიერი იმიტომ, რომ რასაც პატარა ეპიზოდებშიც კი ახერხებს, ჩანს მისი შესაძლებლობა. ნუთუ მარტო მე ვხედავ ასე? ვითომ სუბიექტურად ვარ განწყობილი? მაგრამ ნამდვილად არა ვარ. არა მგონია, ვცდებოდე.

- სხვათა შორის, მეც ვხედავ. თანაც დიდი ხანია. თვითონ არ გაფიქრიათ, სცენას დაუბრუნდეთ?

- არა, არანაირად. ერთხანს ვფიქრობდი, მაგრამ, ახლა უკვე აღარ. მთლიანად რეჟისურა მაინტერესებს. თუმ-

ცა გეტყვით, რომ სცენაზე თამაშის პროცესში ამდენი არასოდეს მინერვიულია, როგორც სპექტაკლის დადგმისა და მისი ყურების დროს. იქ რალაცნაირად შენს თავზე ხარ დამოკიდებული, გახვალ, შენს თავზე აგებ პასუხს. აქ კი ლამის კომპარია. არ შეეძრება.

- ახლა რას აპირებთ?

- ახლა ძალიან მინდა კომედიის დადგმა. ძალიან. ვეძებ მასალას. ერთი იდეა მაქვს, რომელსაც დიდი ხანია ვეჭიდავები. ესაა კარელ ჩაპეკის მოთხრობა იმის შესახებ, თუ როგორ იდგმება სპექტაკლი, ანუ როგორი ცხოვრებით ცხოვრობს თეატრი. როგორია თეატრის კულისები, სამზარეულო. მოთხრობა ჩაპეკს ძალიან საინტერესოდ აქვს დანერვილი, დიდი იუმორით, მაგრამ ამას ახლა მონესრიგება უნდა, პიესად უნდა გადაკეთდეს, დღევანდელ პრობლემებს მოერგოს და დრამატურგიულად აენწყოს.

ნინო ვახანია

ოდეს კოცნიან ზღურბლს

„მონაგებთა დატყვებაი სისხლთა დათხევასა ემსგავსების“, – მოგვესმის საუკუნეთა სიღრმიდან და კიდევ ერთხელ ვრწმუნდებით – სიბრძნესა და ჭეშმარიტებას ყაველი არ გასდის. არავითარი მნიშვნელობა არ გააჩნია „დატყვება“ ნებით ხდება თუ უნებლიეთ, საკუთარი სურვილით დათმობ, გაყიდი, გაასხვისებ თუ გარემოებისა და ძალადობის მსხვერპლი გახდები, მტერი ნაგართმევს, მოყვარეს დაუტოვებ თუ სულაც უპატრონოდ დააგდებ.

ყველა შემთხვევაში ქონების დატოვება მსხვერპლის გაღებაა, სახლის მიტოვება – რალაც უფრო მეტი, მძიმე და დამთრგუნველი.

მშობლიური სახლის მონატრების მტანჯველი გრძნობა, უკვე სხვისად ქცეული, მაგრამ მაინც საკუთარი ეზო-კარის, ახლობელივით საყვარელი ზღურბლის ხელახლა ნახვის სურვილი მთელი სიცოცხლის მანძილზე არ ასვენებს ბერძენი მწერლის, იორლოს იოანეს ნოველის „ქემალის სახლი“ პერსონაჟ ქალს („ჩვენი მწერლობა“ 2007, 15. ახალბერძნულიდან თარგმნა ნიკა შამუგია)!

შავებში ჩაცმული თურქი ქალბატონი ყოველ წელიწადს ბუოლის მნიფობისას ესტუმრება ხოლმე თავის სახლს. მგზავრი ბერძენი მასპინძლებს ცოტაოდენ ჭის წყალს თხოვს და მერე თურქულად ლოცავს. ღმერთს მათთვის დიდ წყალობას ევედრება. ვისთვის რა არის ღვთის წყალობა და ნეტა რას გულისხმობს იდუმალი ქალი?

სახლი არ არის მარტო საცხოვრებელი. სახლი ცოცხალია, ის სუნთქავს, ფიქრობს. მას სიყვარული შეუძლია, ალბათ, სიძულვილიც. ადამიანები თავიანთ სახლთან ათასობით უხილავი ძაფით არიან მიბმულნი.

„სამშობლო ინყება სახლიდან, ოთახიდან, შეჩვეული საგნებიდან ამ ოთახში, შეიძლება, მაგიდიდან, რომელზეც ცხელი ჩაი დგას და საყვარელი წიგნი დევს; ტახტიდან, რომელზედაც ისე ისვენებ, თითქოს, ხელ-ფეხი მოიხსენი, უნივთობას მიუახლოვდი, ზოგჯერ მას შენს უჭიმნო და უდროშო სამშობლოსაც კი ეძახი“ (ლია სტურუა, „ზნეობრივი გმირი“, „ჩვენი მწერლობა“, 2007, 17) და გასაკვირი სულაც არაა, რომ სხვადასხვა მიზეზით სამშობლოდან შორს მყოფთ უპირველესად სახლი, თავიანთი სახლები ენატრებათ.

ნოსტალგია ზოგჯერ ისეთი გაუსაძლისია, რომ ადამიანს ცხოვრების მიზნად და დანიშნულებად ერთადერთი რამ – მშობლიური სახლის ნახვა, მისთვის შორიდან თვალის შევლება ექცევა ხოლმე.

იოანეს ნოველაში თურქი დიდებული ქალბატონი სულის საოხად წელიწადში ერთხელ ბავშვობისდროინდელ მარმარილოს ზღურბლზე ჩამოჯდება ხოლმე და დიდხანს მალულად, ქურდულად ათვალეირებს საყვარელ ეზო-კარს და იმ მზერით მიუწვდომელსა და უხილავს ხედავს თითქოს. ერთი პეშვი ბუოლის ნაცნობი გემო მთელ წელიწადს ყოფნის საგზლად და კიდევ ერთი წლით უხანგრძლივებს სიცოცხლეს. თავის ბაღშიც გაახარა გემრიელნაყოფიანი ხე, მაგრამ საკუთარ ეზოში დაკრეფილი ხილი ყულ სხვაა, განსაკუთრებულია და ჭის წყალიც ისეთი სუფთა და ტკბილია, როგორც – არსად სხვაგან. ონკანის წყალი როგორღა დალიოს, როცა არც ფიზიკურ წყურვილს კლავს და არც სულიერს? ჭის გაუქმებამ ქალს უსიტყვო ცრემლები მოჰგვარა, თითქოს ახლობელი მოკვდომოდეს.

მას შემდეგ, რაც ძველის ადგილას ახალი, მრავალსართულიანი სახლი აღმართეს, უცნობი ქალი აღარ გამოჩენილა. გაქრა სახლი და მასთან ერთად მოისპო და ნაიშალა ყოველწლიური სტუმრობის მიზეზიცა და მიზანიც.

მაგრამ ფესვი, წარსული, საძირკველი ყოველთვის ინახავს პირვანდელს, სინმინდელს, საიდუმლოს, და მისი ამოძრკვა-ამომანთვა არც ისე იოლია. საძირკველში ნანახმა მოზაიკამ მეზობლები ალაპარაკა, მათ შორის ერთი დედაბერი ჩიფჩიფებდა: „ამ სახლში ერთი ბეგი ცხოვრობდა, ერთი ცქრიალა, ანკარა წყაროსავით გოგო ჰყავ-

და... როცა მიდიოდნენ, ზღურბლსა ჰკოცნიდა. მაგვარი ტკივილი აღარასოდეს მინახავს“.

და არც წამიკითხავს, – დავუმატებდი.

აქვე უნებურად მახსენდება დიდი ხნის გადასახლების შემდეგ დაბრუნებული ალექსანდრე ორბელიანის მოგონება: „დარიელის ხიდს ქვემოთ... დავიჩოქე, ერთს ქვას მოვეხვიე და იმას კოცნით მოვლოკამდი“.

სახლის მძაფრი მონატრება, ქალის ამაყი და უსიტყვო ტანჯვა მტერსაც კი გულს მოუღობს და თანაგრძნობით გაუთბობს.

ეს ნაზი სევდით განმსჭვალული ნოველა უსათუოდ სალბუნად დაედება იმ ადამიანთა დაწყულულებულ გულს, რომლებსაც უკურნებელი ნოსტალგია კლავთ და, იმავე დროს, აცოცხლებთ კიდევც.

ფატი ფირუაშვილი

ვინ არის ქალთარაფერა?

ნინო თარხნიშვილის მინიატურების ლირიკული გმირი ნამდვილი ქალია და არა ქალის უმსგავსი, როგორც ავტორი გვიხსნის ამ უცნაურ, არგაგონილ სიტყვას თავის ერთ-ერთ მინიატურაში „ატმის ხე“, ნამდვილი ქალი – ქალური განცდებითა და გრძნობებით, სიყვარულისა და სითბოს წყურვილით, გარესამყაროს ქალური აღქმითა და ხედვით, ერთგულებითა და თავშენიერებით, სევდითა და მარტოსულობით: ქალი-ცოლი, ქალი-დედა, „მისის კაცობრიობა“, რომელიც ბიბლიური გოდლის „ენაშერეულ“ მშენებლებს გადააწყდა გზააბნეული, „მტვრიანი კაბითა და გაკანრული მუხლით მოსიარულე“.

ქალია, რომელმაც თავი დაკარგა, რადგან ოცნებაში ვიღაცამ ის რეალობას მოწყვიტა, მუზეუმის ექსპონატად აქცია და მიანერა: „ხელით შეხება აკრძალულია“. მას კი საკუთარი თავი ენატრება, თავის დაუზოგავად განწირული არსება. ქალია, რომელსაც ნამდვილი წერილის ნოსტალგია გაუჩინა ოცდამეერთე საუკუნის ტექნიკურ პროგრესს შეწირულმა ადამიანურმა ურთიერთობებმა. ელექტრონული წერილების ეპოქაში ჩაკარგული, სალხინებელში გამომწყვდეული ქალი, რომლის ჭერი სულით ავადმყოფის იატაკია, იატაკი – მღვდლის ჭერი – რწმენაზე დგას და სიგიჟე ახურავს...

ეს ის ქალია, რომელმაც სიყვარულთან შეხვედრის პირველი დღე დაკარგა და, თუ დაიჭირა პეპელების საჭერი ბადით, გადაბრუნებულ ჭიქაში ჩასვამს და ტელევიზორის თავზე შემოდებს... მაგრამ იმ დღეს მეორედ დაუკარგავენ, რადგან ასეთი ქალისა არავის ესმის – ის ხომ ქალთარაფერაა! ამიტომაც ვერ შეამჩნევენ, როგორ შეიჭრა საყვარელი შავი თმა. მაგრამ შეამჩნევენ, რომ უბერდება ხელები... ვერ გაუგებენ, როგორ ეფერება ზღვაში საბანაოდ ჩასულს მზე და ტალღები... მოლოდინს, რომ ახლა მას დაელოდებიან, გაუცრუებენ და ისევ საკუთარი გასაღე-



ბით გააღებს კარს, ისევ თვითონ დაელოდება შუშაზე ცხვირმიჭყლეტილი.

ქალთარაფერა ნაძვის ხის მაგივრობასაც ვერ გასწევს და ვერ შეავსებს ცარიელ კუთხეს, რადგან თვითონაც ისეთია, „გულს რომ ვერ გაიხარებს“, და თვითონ კი ყველას ყველაფერს გაუგებს: შვილსაც, ქმარსაც, ბებოსაც, მეზობელსაც, გამყიდველსაც, მზესაც, მთვარესაც. თავად კი, გული რომ დაწყდება, ვერავინ მიხვდება. ერთგულება ძაღლობად ექცევა და ფერად სამყაროს შავეთერ ფერებშია ხედავს, მაგრამ მხოლოდ ბრაზიან წარმოსახვაში თუ ღალატობს...

ქალთარაფერა ის ქალია, ქალობაში რომ ბავშვობა გამოჰყოლია და ახლაც ოცნებით შეჰყურებს სარეცხიდან ადენილ ორთქლს – ცაში აცვენილ ფიფქებს. ის ქალია – გატეხილ სიტყვებს რომ ანებებს ნაღველით, მაგრამ თავისი სიტყვები რომ ემსხვერვა. ღამღამობით ტირის – სიზმრების მკვლელი ვარო.

ქალთარაფერა ცარიელი გულია – წითელი გული, რადგან, რაც გააჩნდა, ყველაფერი უშურველად გასცა, საკუთარ თავზე არ იფიქრა... ვინ გაუგებს ჩვენს პრაგმატულ საუკუნეში ამ ქალთა უმსგავსს? დღეს ხომ ქალების უმეტესობა ბუღალტრობაზე, ეკონომისტობაზე, ფინანსისტობაზე, მენეჯმენტსა და მარკეტინგზე ოცნებობს. დღეს ხომ კაცების უმეტესობასაც ასეთი კრიტერიუმები აქვს ქალების დასაფასებლად. რა ქნას ამ ქალთა უმსგავსმა ჩვენს პრაგმატულ საუკუნეში, დუგ-დუგ, დუგ-დუგო, რომ გაიძახის, ოცდათერთმეტ ვერცხლად გაყიდულმა ქალთარაფერამ!? ატიასა და ბატიას იდილიურ სიყვარულზე მეოცნებემ. მეოცნებემ და ცოდვილმა, რომელიც ღმერთს ველარასდროს ველარაფერს სთხოვს, რადგან უფლის საჩუქარი უნებურად, მაგრამ მაინც განირა... მეც შემებრაღეთო – ითხოვს!

შენ იცი, მკითხველო, თუ ისეთი უცოდველი ხარ, რომ პირველი აიღებ ქვას და ესვრი ამ ქალთარაფერას!

ეკა ბუჯიაშვილი

წინამურidan საგურამოძე

ილიას მკვლელის დღის
ბასახსენებლად

აი, წინამურსაც გავცდით და იმ გზას დავადექით, რომლის გავლაც ასი წლის წინათ, ზუსტად ამ დღეს ილია ჭავჭავაძეს არ დასცალდა. საგურამოში, ილიას სახლ-მუზეუმში სწორედ ამ დღეს იხსენებენ შეკრებები, რომელთაც მუზეუმის ხელმძღვანელობასთან ერთად შპს „კახური ტრადიციული მეღვინეობა“ მასპინძლობს ილიას დაბადებიდან 170 წლის საიუბილეოდ მომზადებული ღვინის „ილია ჭავჭავაძის“ წარდგინებით.

ქართველი საზოგადოება ამ დღეს საგურამოში კიდევ ერთი უმნიშვნელოვანესი პრეზენტაციით აღნიშნავს – ლიტერატურის ინსტიტუტისა და „ილიას ფონდის“ ძალისხმევით მომზადდა ილია ჭავჭავაძის თხზულებათა აკადემიური გამოცემის მე-8 (რედაქტორი ზურაბ ჭუმბურიძე), მე-9 (რედაქტორი რუსუდან კუსრაშვილი), მე-10 (რედაქტორი როსტომ ჩხეიძე) და მე-11 (რედაქტორი გივი ჯამბურია) ტომები (განახლებული სარედაქციო კოლეგიის თავმჯდომარე ირმა რატიანი; კოლეგია: გიორგი აბაშიძე, ანდრო ბედუკაძე, ზურაბ ჭუმბურიძე, ტექსტი გამოსაცემად მოამზადეს, შენიშვნები და საძიებლები დაურთეს ცისანა ყიფშიძემ, ლამარა შავგულიძემ, ლამარა მეგრელიშვილმა და მაია ნინიძემ).

ამ საქველმოქმედო აქციას წინ უსწრებდა შოთა რუსთაველის სახელობის სახელმწიფო აკადემიური თეატრის სპექტაკლი საგურამოში – რობერტ სტურუას რეჟისორობით დადგმული ერთაქტიანი ტრაგიკომედია „კაცია-ადამიანი?!“ ილიას სახლ-მუზეუმის ეზოში, ღია ცის ქვეშ გაითამაშეს მსახიობებმა: ჟანრი ლოლაშვილმა, თათული დოლიძემ, დავით უფლისაშვილმა, დავით დარჩიამ, მარინა კახიანმა, ტრისტან სარალიძემ, დარეჯან ხარშილაძემ და ნანუკა ხუსკივაძემ.

ილიას ტექსტზე მუშაობდნენ მწერალი თამაზ გოდერძიშვილი და რობერტ სტურუა. სცენოგრაფია და კოსტიუმები შეიქმნა მირიან შველიძის ესკიზების მიხედვით, სპექტაკლში გამოყენებულია გია ყანჩელის ნაწარმოები „სტიქსი“, მსახიობებს სიმღერები აწვდის ერიქომაიშვილმა შეასწავლა, სპექტაკლის მუსიკალურ გაფორმებაზე იზრუნა ია საკანდელიძემ, სცენურ მოძრაობაზე იმუშავა გოგი ალექსიძემ. ამ ყველაფერს თავის მოყრაში ბატონ რობერტ სტურუას თანადგომა ანდრო ენუქიძემ გაუწია.

ეს მეტად მნიშვნელოვანი აქცია ძალზე საინტერესოდ ჩაინერება ილია ჭავჭავაძის საგურამოს სახლ-მუზეუმის მატრიანეშიც და რუსთაველის თეატრის ისტორიაშიც, სა-

დაც მრავალი უცნაური გასტროლი აღწუსულა დიდი წარმატებით. ვფიქრობთ, ამ ფაქტით ძალზე კარგ ტრადიციას ჩაეყრება საფუძველი – ასეთ აქციებს ხომ თავისთავადი გამორჩეული მნიშვნელობა აქვს ქვეყნისთვისაც, ერისთვისაც და ბერისთვისაც. რუსთაველის თეატრის ეს ინიციატივა კი გამორჩეულ ელფერს შესძენს ილიას 170 წლის იუბილესადმი მზადების დღეებს.

ამ პროგრამის ნაწილად მოიაზრება ილიას მკვლელობის დღის გახსენება საგურამოში. საქველმოქმედო აქცია, რომელშიც მონაწილეობენ ანსამბლები „რუსთავი“, „ქართული ხმები“, „ერისიონი“ და ქართული ესტრადის შემსრულებლები, იუბილესათვის ილიას სახლ-მუზეუმის მონესრიგებას დაენმარება. მანამდე კი იმის შესახებ, თუ როგორ იხსენებდნენ ილიას მკვლელობის დღეს საგურამოში შეკრებილები:

თამაზ ჩხეჩქელი, მწერალი: „ის, რაც დღეს აქ ხდება, ნიშნავს იმას, რომ ილიას აზრები კიდევ ცოცხალია, მისი გზა კი დროების მტვერს არ ნაუფარავს. ილიას დვრიტა თუ არ იქნება ერის ცნობიერებაში, ყველაფერი დაკარგულია. დღევანდელი დღე კი იმის დასტურია, რომ ქართველი ხალხის აზროვნებაში ფეთქავს ბირთვი, რომელიც ნაღვანის დამფასებელი და მასზე მზრუნველია. ილიას თხზულებათა სრული კრებულის გამოცემა ჯერ კიდევ რამდენიმე ათეული წლის წინათ გადაწყდა, თუმცა ეს პროცესი დიდი შეფერხებებით მიმდინარეობდა, ბოლოს კი სულაც შეჩერდა. არადა ამ დიდი მოაზროვნის შემოქმედება ყოველი ათი-თხუთმეტი წლის შემდეგ ხელახლა უნდა მიენოდებოდა საზოგადოებას, ხელახლა უნდა გამოიცემოდა, რათა ყველა თაობამ იცოდეს, ვინ ჰყავდა ჩვენს ქვეყანას. პირადად ჩემთვის ძალზე მნიშვნელოვანია ის ფაქტი, რომ ილიას თხზულებათა ოცტომეულის გამოცემა სწორედ ახლა განახლდა, ჩვენი ქვეყნისათვის მძიმე ვითარებაში, როცა ასე ბევრს ვწუხვართ სულიერების დეფიციტსა თუ ეროვნული ცნობიერების გაუფერულებას. ასეთი რთული დრო იყო ილიას საქართველოშიც. ახალგაზრდობაში ხშირად მიფიქრია: ნეტა ეს წერა-კითხვის გამავრცელებელი საზოგადოება რაღა იყო, რით იყო ასე მნიშვნელოვანი-მეტეი. არადა მაშინ ხომ უმძიმესი ვითარება იყო ქვეყანაში, წერა-კითხვა არ იცოდნენ, თუ იცოდნენ, რუსულად. „ივერია“ მხოლოდ შვიდასი ცალი გამოიცემოდა. აქედან სამასი ამიერ საქართველოში ვრცელდებოდა, ოთხასი – იმიერში. იქიდან კი აქ უთვლიდნენ: ვაჟა-ფშაველას თხზულებები არ დაებეჭდათ, თორემ არ გამოვიწერთ გაზეთსო. აი, ასეთი დრო იყო მაშინ. აი, ასეთ დროს გამოუჩნდა ქართველ ერს ილია და ეროვნული ცნობიერების ჩამოყალიბების სათავეებთანაც ქართველობისათვის სწორედ ეს დიდი მოღვაწე დგას“.

იზა ორჯონიკიძე, ლიტერატურის მუზეუმის დირექტორი: „ილიაზე ლაპარაკი ერთდროულად ადვილიც არის და ძნელიც. მახსოვს, ბავშვობაში პირველად სწორედ ილიას წიგნი გადავშალე, პაპაჩემს რომ ედო თავით, გედევანიშვილის გამოცემული. ხშირად ვწუხვარ ხოლმე იმის გამო, რომ იმ დიდ მოღვაწეზე ხელი ქართველმა კაცმა აღმართა. მარინა ცვეტაევას უთქვამს: რა ბედნიერებაა, რომ პუშკინი მოკლა არა რუსმაო. არ შეიძლება არ

შეგრძელებს იმათ გამო, ვინც საუკუნის წინათ ეს დანაშაული ჩაიდინა, არ გტკიოდეს ის, რომ ამ ყველაფრის მქმნელი ქართველი კაცი იყო, თუმცა ამაო იქნება ეს თავში ცემაც, თუ არ გაუფრთხილდებით იმას, რისთვისაც ილიამ ტყვია მიიღო, ეს ხომ იმას ნიშნავს, ყოველწამიერად ვიმეორებდეთ საუკუნისწინანდელ დანაშაულს. მერაბ მამარდაშვილს უთქვამს: რწმენა ნიშნავს იმას, რომ ყოველწამიერად აღადგინო შენს თავში ქრისტე. ასევე ილიას შემთხვევაშიც. თუ არ მისდევ მის გზას, თუ არ ამრავლებ სიკეთეს შენი ქვეყნისა, თუ არ ემსახურები ერს, მაშინ გამოდის, რომ არაფერი გაგიგია ამქვეყნად არსებობისა. არ შეიძლება ქართველ კაცს არ გაინტერესებდეს, რას შეენირა ილია. ის ხომ თავისი ერისა და ქვეყნის დიდ სიყვარულს ემსხვერპლა. ასეთი დიდი სიყვარული, მოგეხსენებათ, ხშირად ისჯება ხოლმე.

ახლა ილიასეული სახლის ამ ეზოში ვსხედვართ და აქაურობა ჩემთვის კიდევ ერთი შემთხვევის გამოა ძვირფასი: პატარა ვიყავი, მასწავლებელმა ასკოლიდან რომ ნამოგვიყვანა საგურამოში. აგერ აქ, ამ კაკლის ჩრდილში ვიჯექი. მაშინ ეს კაკალი გაბარჯგული იყო და მისი ტოტები სახლს გადაჰფენოდა. უეცრად გაიღო ჭიმკარი და ეზოში ერთი ახოვანი ბერი შემოვიდა რამდენიმე სასულიერო პირის თანხლებით. მომიახლოვდა, თავზე ხელი გადამისვა, ჯიბიდან ნითელი ვაშლი ამოიღო და მომცა. ეს იყო კალისტრატე ცინცაძე. მას შემდეგ საგურამოს სახლ-მუზეუმი ჩემთვის ილიას სახელთან ერთად კალისტრატე ცინცაძესთან შეხვედრის მოგონებასაც უკავშირდება.

მიხარია, რომ ილიას ოცტომეულის გამოცემა განახლდა. მიხარია, რომ ეს ეზო-კარი აღდგა, გამშვენდა, დამშვენდა და შეუნარჩუნდა ჩვენს ხალხს. დიდი მადლობა მათ, ვინც ამ კარგ, საშვილიშვილო საქმეს მესვეურობდა და მესვეურობს, რადგან გასაკეთებელი ჯერ კიდევ ბევრია. ბოლოსდაბოლოს, როგორც ქართული საქმე არ დაილევა, ისე არ დაილევა ილიაზე ფიქრი და ზრუნვა მისი დანატოვარის გასაფრთხილებლად“.

ირმა რატიანი, ლიტერატურის ინსტიტუტის დირექტორი: „მნიშვნელოვანი დღეა, რადგან ეს დღე გარკვეულწილად არის ნიშნულიც – ილიას მკვლელობით ხომ ერთი ეპოქა დასრულდა და მეორე დაიწყო საქართველოში. როგორი ეპოქა დაიწყო, ეს თავისთავად ცალკე სასაუბრო თემაა, თუმცა ერთი რამ ცხადია: საქართველოს ედგა ჟამი, როცა ისტორიული ავბედითობის გამო, იმ ვითარების

გამო, რომელშიც ჩვენი ქვეყანა აღმოჩნდა, სულიერ დეფიციტს განიცდიდა ქართველი ერი. და ამ ყველაფრის შემდეგ ის ფაქტი, რომ ჩვენ ვისხენებთ ამ დღეს და ვცდილობთ მოვიწინაოთ – აგერ, გამოიცა ილიას თხზულებები ოცტომეულის სერიიდან, ნოემბერში კი ილიას დაბადებიდან 170 წლის იუბილეს აღვნიშნავთ – ეს ყველაფერი ნიშნავს საზოგადოების დიდ შემობრუნებას წმიდა ილია მართლის გზისაკენ და ვიმედოვნებ, რომ ქართველი ერის ნაბიჯები ამ გზაზე კიდევ უფრო განმტკიცდება“.

დავით არჩვაძე, ანსამბლ „ქართული ხმების“ სოლისტი: „საერთოდ, ამ მიწაზე დგომა, ჩემი აზრით, უდიდესი ბედნიერებაა ყველა ქართველისთვის – აქ ხომ თითოეული ქვა, თითოეული ფოთოლი,



ილია ჭავჭავაძის სახლ-მუზეუმი საგურამოში

აი, ეს გარემო, ეს ცა ჩვენს თავზე სულმნათი ილიას მადლს ასხივებს. დღეს აქ მთელი ანსამბლი მოვედით და შევასრულეთ ორი სიმღერა, დანერილი ილიას ლექსებზე. ვფიქრობ, ორივე ძალზე მნიშვნელოვანი ნაწარმოებია ქართული მუსიკის სფეროში. ერთი მათგანი – „ჩემო კარგო ქვეყანავ“, იყო, არის და დარჩება არაოფიციალურ ჰიმნად ჩვენი ქვეყნისა, მეორე კი – „ჩუმ ბალნარში“ („ხმა ბულბულისა“), უნაზესი, უნატიფესი სიმღერა საუკუნის ქმნილება მგონია... და აი, ჩვენს ანსამბლს ხვდა პატივი მათი შესრულებისა – ეს სტრიქონები ხომ ისეთი დიდი მოღვაწის დაწერილია, მათთან მიახლოება, თანაც აქ, ამ მიწაზე, სადაც ილია დააბიჯებდა, პირადად ჩემთვის უდიდეს მადლთან ზიარებას ნიშნავს“.

ზურაბ ჩხაიძე, შპს „კახური ტრადიციული მეღვინეობის“ ხელმძღვანელი: „დღეს თქვენი მასპინძელი ღვინო „ჩაკრულოა“. ჩვენ წარმოვადგინეთ ახალი ბრენდი „ჭავჭავაძის მარნიდან“ – ღვინო „ილია ჭავჭავაძე“, რომელიც ილიას 170 წლის იუბილეს ეძღვნება. ასე რომ, დღეს დიდი ილია თავად იყო თქვენი მასპინძელი. ეს არის შარშანწინდელი მასალა, მონეული დედა ყვარლის ვენახებიდან. ვფიქრობ, რომ მსგავსი აქციები ხშირად უნდა იმართებოდეს. კიდევ უფრო დიდი ყურადღება სჭირდება ისეთ მამულიშვილს, ილია ჭავჭავაძე რომ იყო საქართველოსთვის, რათა უფალი არ განვარისხოთ. ამ აქციის ჩასატარებლად კი მეგობრები დავეუდეთ ერთმანეთს გვერდში.

საერთოდ, სულიერებაზე ზრუნვა უმნიშვნელოვანესი საქმე მგონია. ჩვენ ყოველთვის ვცდილობთ ჩავერთოთ ასეთ ღონისძიებებში. უკვე მეოთხე წელია ვატარებთ ფესტივალს „ქართული სული“ და ვფიქრობთ, რომ ვინც

კი ამ გზაზე რამეს გააკეთებს ქვეყნისთვის, უწინარესად საკუთარ თავს გაუკეთებს, რადგან მისსავე შთამომავლობას დახვედება წინ“.

მერაბ სეფაშვილი, მომღერალი: „ილია ჭავჭავაძე არა მხოლოდ საზოგადო მოღვაწე გახლდათ, თავისი ცხოვრებისა და მრწამსის გამო ის წმინდანადაც არის შეიარაღებული და ამიტომ დღევანდელი დღე ჩემთვის რელიგიურიც არის. ის, რაც მოხდა ასი წლის წინათ, უდიდესი სირცხვილია. ბრუნავს ისტორიის ბორბალი, ისეთი ადამი-

ანები, ილია რომ მოკლეს, იბადებოდნენ საქართველოში – ეს ჩვენი ქვეყნის ისტორია და უბედურებაა, მაგრამ, საბედნიეროდ, ჩვენი ისტორიაა ისიც, რომ ქართველ ხალხს ჰყავდა ილია.

და ის, რომ დღეს აქ ვართ, ის, რომ ასე აღვნიშნავთ ამ ყველაფერს, ნიშნავს იმას, რომ ჩვენ მართლაც ვადგავართ ილიას გზას, იმ გზას, რომლის ბოლომდე გავლაც დიდ ერისკაცს ამ ასი წლის წინათ ქართველმა კაცმა არ დააცალა.“

როგორ ვკითხულობთ კლასიკას

თემურ ამყოლაძე

„ელეონორას“ საგულისხმო პარალელები

ალექსანდრე ყაზბეგმა „ელეონორა“ 1884 წელს დაწერა და გამოაქვეყნა. თავიდან თურმე განზრახული ჰქონდა, მოთხრობა დაეწერა ერთ-ერთ პერსონაჟზე, ასლან-გირეიზე, ჩეჩენ ნაიბზე. დაუწყია კიდეც, მაგრამ, ეტყობა, გაფართოვდა არა მხოლოდ მოთხრობის დიაპაზონი, უკვე აქცენტი გადანაცვლდა ელეონორაზე, რომელიც ზოგადლიტერატურული მნიშვნელობის სახედ გამოიკვეთა... პირველნაფიქრალს, რომელიც ერთი გვერდიც კი არაა, სათაურად უზის „ასლან-გირეი“, ხოლო ქვემოთ – „მოთხრობა ჩეჩნელთ ცხოვრებიდამ“... ეს თავისთავად მრავლისმეტყველი ფაქტია; თუმცა იმას არავითარი მნიშვნელობა არა გააჩნია, რომ პირველვარაიანტის ჩეჩენი ასლან-გირეი მოთხრობაში უკვე ლეკად იქცა, ეს არსებითი არაა, მთავარი აქცენტების გადანაცვლებაა.

დავინწყებ იმით, რომ ჩვენი ლიტერატურის ისტორიკოსები, რამდენადაც ვიცი, „ელეონორას“ დიდ ყურადღებას არ აქცევენ. იგი 1974 წელს გამოცემულ ალექსანდრე ყაზბეგის „რჩეულშიც“ არ შეუტანიათ. თითქმის არაფერი აქვთ მასზე ნათქვამი ვახტანგ კოტეტიშვილს („ქართული ლიტერატურის ისტორია“, 1959) და აპოლონ მახარაძეს („ნარკვევები ქართული ლიტერატურის ისტორიიდან“, ტ. II, 1962), გურამ ასათიანს დასახელებული „რჩეულის“ ბოლოსიტყვაობაში, აგრეთვე გერონტი ქიქოძეს, მოკლედ და განხილული „ქართული ლიტერატურის ისტორიის“ IV ტომში (1974. ნარკვევის ავტორია გ. ასათიანი); მხოლოდ დიმიტრი ბენაშვილის მონოგრაფიაში „ალექსანდრე ყაზბეგი“ (1939) ეთმობა ფართო ადგილი, არადა, „ელეონორა“ განსაკუთრებული მნიშვნელობის ნაწარმოებია და არა მხოლოდ ყაზბეგის შემოქმედებაში...

იგი ტიპური რომანტიკული ნოველაა, როგორც სწორად შენიშნავს გურამ ასათიანი და ამდენად, შეიძლება

ითქვას, მრავალმხრივ განსხვავებულიც ყაზბეგის სხვა მოთხრობებისაგან:

„შეიძლება ითქვას, რომ ამ ნაწარმოებს განსაკუთრებული ადგილი უჭირავს ყაზბეგის პროზაში. ეს არის ტიპური რომანტიკული ნოველა, როგორც თავისი ფაბულით, სიუჟეტური პერიპეტეებით, პერსონაჟთა ხასიათებით, ისე თავისებური, ყაზბეგის სხვა ნაწარმოებებისაგან შესამჩნევად განსხვავებული სტილითაც. რომანტიკული პირობითობა აქ თანაბრად მსჭვალავს არა მხოლოდ პერსონაჟთა ფსიქოლოგიას და მოქმედებას, არამედ მათი მეტყველების მანერასაც“ („ქართული ლიტერატურის ისტორია“, ტ. IV).

ჩემი ფიქრით, სწორედ ეს რომანტიკული პირობითობაა მიზეზი, რომ მწერალმა ბოლომდე ვერ ამოხსნა პრობლემა, რასაც ქვეცნობიერად კი გრძნობს შემოქმედი, მაგრამ სუბიექტურ თუ ობიექტურ მიზეზთა გამო ვეღარ ამიშვლებს, ნისლოვანი ბურუსი ფარავს სურვილს, მკაცრი რეალიზმის ჩარჩოში მოაქციოს ცოდვებრალიანი საკითხავი.

თემა, გნებავთ – ფაბულა, რომელიც ყაზბეგს გაუშლია, აქედან, მე-20 საუკუნის 70-იანი წლებიდან თუ გადავხედავთ, მხოლოდ ყაზბეგს არ გამოუყენებია. სხვათა შორის, ამ ნაწარმოებებს, სხვადასხვა დროს და სხვადასხვა ეპოქაში შექმნილთ, ბევრი რამ აქვთ საერთო. როცა ამ საკითხზე ვფიქრობ, უპირველეს ყოვლისა, ძალდაუტანებლად მახსენდება შილერის ბალადა „ხელთათმანი“ (გიორგი ერისთავის თარგმანით „ხელჯავგი“), გორკის მოთხრობა „მაკარ ჩუდრა“, მსგავსი დეტალი კონსტანტინე გამსახურდიას რომანიდან „დიდოსტატის მარჯვენა“...

სრულიადაც არ მინდა გავლენებზე ვისაუბრო, რადგანაც სიუჟეტურად ამათავს ყველაზე ახლოს ერთმანეთთან „ელეონორა“ და „მაკარ ჩუდრა“... ყაზბეგსა და გორკის 1797 წელს დაწერილი „ხელთათმანი“ კი ექნებოდათ ნაკითხული, მაგრამ ერთმანეთი – არა, რაკი „მაკარ ჩუდრა“ „ელეონორაზე“ გვიანაა შექმნილი – 1892 წელს, ხოლო გორკი, ცხადია, ქართულად არ კითხულობდა.

რაიმე ფოლკლორული საწყისის არსებობაც, რაც, შესაძლოა, გავრცელებული ყოფილიყო გერმანიაშიც, რუსეთშიც, საქართველოშიც, ნაკლებ სავარაუდო მგონია. ვფიქრობ, ყაზბეგისა და გორკის შთაგონების წყარო უნდა გამხდარიყო ერთმანეთისგან დამოუკიდებლად მომხდარი ორი სხვადასხვა ამბავი, ადამიანის სულის ორი უცნაური გამოვლინება (ვამბობ ორ ამბავს და არა ორი ადამი-

ანის ამბავს); ამგვარ ამბებზე კი მწერალი, თუკი ხელში ჩაუვარდა, ძნელად იტყვის უარს. ასე მგონია, ყაზბეგი საკმაოდ ვერ დაშორდა მოთხრობილ შემთხვევას, ჩეჩენთა თუ ქართველთა ცხოვრებაში მომხდარს, საკმაოდ ვერ გამოსცილდა ჩარჩოს და ამის გამო მასთან ფაბულა, პრობლემა უფრო თვალსაჩინოა, ვიდრე ხასიათები.

ვგულისხმობ, რომ მკითხველი კარგად იცნობს „ხელთათმანს“, „ელეონორასა“ და „მაკარ ჩუდრას“, ამიტომ მათ შინაარსს აღარ შევავსენებ.

ასლან გირეი და ლევან კრეჭიაშვილი, შეიძლება ითქვას, ყაზბეგის სულის მოძრაობას ორ მიმართულებას განასახიერებენ, ანუ მათს სახეებში მოცემულია სიტუაციის გაგრძელების ორი გზა. ისინი ელეონორასთან სიყვარულით დაკავშირებული და ამის გამო დაპირისპირებული ადამიანები კი არ არიან მხოლოდ, არამედ, ვფიქრობ, იდეის ორი ასპექტი.

არა მგონია, პირველი, დაუსრულებელი ვარიანტის თუნდაც ჩანაფიქრში საერთოდ არსებულიყო ლევან კრეჭიაშვილი, მითუმეტეს – რეალურად მომხდარ ამბავში ანუ ლეგენდურ პირველწყაროში, თუკი მართლა არსებობდა ასეთი პირველწყარო. ამაზე მეტყველებს მისი გვარიც (კრეჭიაშვილი) და ამ გვარის სემანტიკის მსგავსება პერსონაჟის პორტრეტთან, რაც იმაზე მიუთითებს, რომ იდეის ხორცშესახმელადაა შეთხზული.

ვთქვი, ეს ორი პერსონაჟი ყაზბეგის სულის მოძრაობის ორ მიმართულებას, სიტუაციის გაგრძელების ორ გზას, იდეის ორ ასპექტს განასახიერებს-მეთქი, მაგრამ უნდა შევნიშნო, რომ არა ამომწურავს, ყოვლისმომცველს, რაკი ასლან გირეისა და ლევანის, თუ შეიძლება ასე ვთქვათ, ხასიათთა ჯამი არ არის აბსოლუტური „ადამიანი იდეალი“.

ელეონორას, ასლან გირეისა და ლევან კრეჭიაშვილის გვერდით მოთხრობის სხვა პერსონაჟებზე შეჩერება, ამ თვალსაზრისით, უბრალოდ არც ღირს...


ბევრი რამა აქვთ საერთო ელეონორასა და კუნიგუნდეს (შილერი), ელეონორასა და რადას (გორკი), ასლან გირეისა და ლევან კრეჭიაშვილის ერთმანეთთან და დელორუსა (შილერი) და ზობარ ლოიკოსთან (გორკი) ცალ-ცალკე.

კუნიგუნდე მოედანზე, მხეცებთან ჩაადგებს ხელთათმანს და ინვევს რაინდს; „უცებ აივნის მოაჯირიდან ქალი ლამაზ ხელს გასწევს თრთოლვით და ხელთათმანი ეცემა დაბლა, ლომ-ვეფხვთა შორის. და კუნიგუნდე ღიმილთ ცბიერით იქვე მდგარ დელორუს მიმართავს ასე: „ჩემო რაინ-

დო, თუ თქვენ ძლიერი ჩემი ტრფიალით გაქვთ გული სავსე და თქვენი ფიცი არის მართალი, ამომიტანეთ ის ხელთათმანი!“ (ვახტანგ ბენუკელის თარგმანი).

დელორუი უშიშრად ჩადის მხეცებთან, მაგრამ შემდეგ, ქალის მადლიერ შემოხედვაზე, ხელთათმანს ესვრის კუნიგუნდეს და ეუბნება, თქვენი მადლობა მე არ მჭირდებაო – „Und er wirft ihr den Handschuh ins Gesicht: „Den Dank, Dame, begeht ich nicht!“

კუნიგუნდეს მსგავსად ელეონორაც სასაკლაოზე, ასლან გირეისთან საომრად აგზავნის ხალხს, მაგრამ თუ კუნიგუნდეს, ასე ვთქვათ, მხოლოდ ქალური თავკერძა პატივმოყვარეობის დაკმაყოფილების სურვილი ამოძრავებს, ელეონორას საქციელის მიზეზი უფრო ღრმაა. მასაც, რა თქმა უნდა, ვითომდა შელახული პატივმოყვარეობის დაკმაყოფილება სურს, მაგრამ მისი საქციელი მოტივირებული მაინც არის რაღაც წინარე ამბით. ასლან გირეი და დელორუი ძლიერი ადამიანები არიან, მაგრამ განსხვავებულნი, თუ მსგავსებაზე ვილაპარაკებთ, დელორუს ლევან კრეჭიაშვილი უფრო ჰგავს, და ძალიანაც: ასლან გირეიმ დაუწოქა ელეონორას, კრეჭიაშვილიც დაუწოქებდა, ელეონორას მიზეზით იმ თორმეტი ქართველის დაღუპვა რომ არ ენახა, მაგრამ არ დაუწოქია, ოღონდ



ალექსანდრე ყაზბეგი

დაიღუპა, სხვათა შორის, ასლან გირეიც დაიღუპა, მისი სიცოცხლე დელორუსის გზით ვერ გაგრძელდა.

ასლან გირეიცა და ელეონორაც გრძნობას დანებდნენ ერთმანეთთან, ელეონორამ ინანა ეს და შურისძიების ჟინით აღივსო, ასლან გირეის არ უნანია, იგი თავდავიწყებით მიეცა სიყვარულის გრძნობას (თუმცა ეს მხოლოდ სიყვარული არ არის).

დელორუი, ასლან-გირეი, ლევანი, ზობარ ლოიკო პატრიარქალური საზოგადოების მამაკაცები არიან, მამაკაცი მესაკუთრენი, ქალის მესაკუთრენი, თუმცა საყვარელი ქალისა, ოღონდ მაინც ზნეობრივი პრინციპებით განსხვავებულნი, თავისი გვარ-ტომის ზნეობრივი პრინციპებით. ამიტომაც ასლან გირეისთვის მისაღები ის (კაცისკვლით მოიპოვოს ქალი, ან სხვას არ დაუთმოს, – ეს წესია მისი ღირსებისთვის მისაღები), რაც მიუღებელია დელორუსისთვის, ლევანისთვის, მაგრამ, ალბათ, მისაღები იქნებოდა ზობარ ლოიკოსთვის, თუ გავითვალისწინებთ, რომ ამგვარად გაგებული ღირსებისა და თავისუფლების გამო საყვარელი ქალის მოკვლა შეუძლია.

დელორუი და ლევანი თავს მოერივნენ, თუმცა ეს ლევანს სიცოცხლის ფასად დაუჯდა – თავი მოიკლა, რადგანაც ხვდება, მისი ზნეობრივი და პატრიოტული მრწამსი

დასამარდება, თუ ელეონორას ხელს ითხოვს, როგორც პიროვნება, იგი გაქრება.

ასლან გირეის ტრაგედია სიყვარულისა და ღირსების შეჯახების ზღვარზე იბადება, ელეონორასი სიყვარულისა და ღირსების შეჯახების ზღვარზე, აგრეთვე ლევან კრეჭიაშვილისაც, რადგან იგი თავს იკლავს არა მხოლოდ იმისათვის, რომ მისი საყვარელი ქალი თორმეტი ქართველი ვაჟკაცის დაღუპვის მიზეზი შეიქნა („ქალი, რომელიც ამდენ მოძმეს გასწირავს თავმოყვარეობისთვის, ქართველის ცოლობის ღირსი არ არის!“), არამედ იმიტომ, რომ ეშინია, იქნებ ცდუნებას ვერ გაუძლოს და ელეონორას ხელი მიიღოს, თუმცა, უნდა გავიმეოროთ, რომ მათ ეს ზნეობრივი კატეგორია – ღირსება – სხვადასხვაგვარად ესმით, თავთავისი გვარ-ტომის ბუნებითი სამართლის პრინციპების შესაბამისად.

აქამდე დელორჟი, ლევან კრეჭიაშვილი და ზობარ ლოიკო ერთნაირად იქცევიან, მაგრამ აქედან მათი გზები გაიყრება: ზობარმა რაღა მოკლა, დელორჟმა ზიზლისთვის გაიმეტა კუნიგუნდე (თუმცა სიტყვა ზიზლი გერმანულ ტექსტში არ არის, მაგრამ იგულისხმება).

ერთ-ერთ ქართულ პოეტურ თარგმანში არის სიტყვები:

**და ეტყვის ზიზლით:
„მე მონყალებას არ ვარ ჩვეული!“
და განმორდება გულამღვრეული.**

მაგრამ გერმანულში არც გულამღვრეული ჩანს და არც მონყალება. დედანში დელორჟი უფრო რაციონალურია, მშრალი, განონასწორებული. თუმცა შეიძლება ვიგულისხმოთ, რომ არც დელორჟია კმაყოფილი, რაკი ადამიანის, ვისაც ეტრფოდა, ხასიათის ამგვარ თავკერძობას ნაანყდა. ამდენად, ასეთ მომენტში სრული გამარჯვება შეუძლებელია, დელორჟისათვის და, საერთოდ, ადამიანობისთვის, ზნეობისთვის ჯობდა, მის საყვარელ ქალს თავი ამგვარად არ გამოეჩინა. დამარცხებულია კუნიგუნდეც, რადაც, ზობრიც, ელეონორაც, ასლან გირეიც, ლევანიც. ლევანის პატრიოტიზმი გასაღებია მისი თვითმკვლელობის მოტივის გასაგებად, მაგრამ არა მხოლოდ ეს. გავიხსენოთ: „საზიზლარი ხარ, მაგრამ მაინც მიყვარხარ! მიყვარხარ და უშენოდ ცხოვრება არ შემიძლიან!“ ზემოთაც ვთქვით, იგი თავს იკლავს სწორედ იმიტომ, რომ ეშინია თავის დაკარგვისა, ზნეობრივი მრწამსის დაღატაკისა. ელეონორას გარეშე ცხოვრება არ შეუძლია, მაგრამ ელეონორას ქმარი ის ლევანი ველარ იქნება. ეს დასასრული ლოგიკურია, სავსებით შესატყვისი ყაზბეგისთვის ბუნებრივი, მძაფრი, რადიკალური გრძნობებისა.

ელეონორა თამაშობს, იგიც ტრაგიკული პიროვნებაა. მან იცის, რომ დამარცხებულია ან დასამარცხებულადაა განწირული (ნებისმიერ შემთხვევაში – ასლან გირეი მოიპოვებს მის ხელს თუ სხვა), მაგრამ მაინც ცდილობს, დათრგუნოს მისი სისუსტის ერთადერთი მოწმე – ასლან გირეი, და თუ მისი ცოლი უნდა გახდეს, სურს აჩვენოს, ეს მხოლოდ იმიტომ, თითქოს სიყვარულის გრძნობას კი არ დაჰყვა, სიტყვა არ გატეხა... დათრგუნა, მოსპო, ვითომ გაიმარჯვა კიდევ და ჰგონია, აქვე გაბატონდა კრეჭიაშ-

ვილზე, უკანასკნელ კაცზე, ვინც ეთაყვანება, მაგრამ ელეონორა აქაც განწირულია, ლევანის იმ სიტყვების შემდეგ, რომ ქალი, ვინც ამდენ მოძმეს გასწირავს, ქართველის ცოლობის ღირსი არ არისო, ქალი ფეხებში ჩაუვარდება მას, მაგრამ კრეჭიაშვილი ცივად მოიშორებს: „იქით! არ მომეკარო!“

დიმიტრი ბენაშვილი წერს: „ელეონორა მზად არის, გახდეს ცოლი ფიზიკურად მახინჯ კრეჭიაშვილისა, მაგრამ ქალისთვის ეს იყო ქედის მოხრა მოვალეობისადმი და არა ბუნებრივი სიყვარულისადმი. ამას თვითონაც გრძნობდა კრეჭიაშვილი და ამ ნიადაგზე უარი სთქვა უმშენიერეს ელეონორაზე“.

მაგრამ ეს არ არის მხოლოდ „ქედის მოხრა მოვალეობისადმი“, თუმცა ისიც მართალია, რომ არც ბუნებრივი სიყვარულია. მხოლოდ მოვალეობის გრძნობა რომ ყოფილიყო, იგი ფეხებში არ ჩაუვარდებოდა კრეჭიაშვილს. მისი მიმართვა კაცისადმი ჯერ ისევე მბრძანებლურია: „ნამიყვანე!“ მერე: „კრეჭიაშვილო! – მკვახედ დაიწყე ისევე ქალმა: „ვერ გაიგონე ჩემი სიტყვები?“ – გამარჯვებულის მიმართვაა მისი ბრძანებით ნაომარი მონისადმი, იგი მედიდურად თამაშობს მბრძანებელს, არადა, დამარცხებულია, გაცამტვერებულია, საკმარისია ერთი ბიძგი, რომ – საკუთარ თავთან დამარცხებული – სხვის დასანახადაც დამარცხდეს და ფეხებში ჩაუვარდეს კრეჭიაშვილს, იგი აქამდე მხოლოდ თამაშობდა გამარჯვებულს, ახლა ეს თამაშიც დასრულდა. კრეჭიაშვილიც „ამ ნიადაგზე“ არ ამბობს უარს ელეონორაზე, და რატომაც ამბობს, ზემოთ უკვე ვთქვით. სამივე პერსონაჟი ნოველისა ურთულესი ხასიათებია, განსაკუთრებით კი ელეონორა, ამ თვალსაზრისით იგი რაღას ენათესავება.

რა შეიძლება დასასრულ ითქვას:

„ელეონორას“ ყაზბეგის შემოქმედებაში განსაკუთრებული ადგილი უჭირავს. იგი განსხვავდება სხვა მოთხრობებისაგან როგორც ფაბულით, ხასიათებით, ისე სტილით. პერსონაჟებიც იდეურ-მხატვრულ პირობით სქემებს ჰგვანან, ამიტომაც უფრო რომანტიკული ნოველია. იგი თემით, იდეური გადაწყვეტით, პერსონაჟთა პათეტიკითა და რომანტიკული პირობითობითაც ენათესავება შილერის „ხელთათმანსა“ და გორკის „მაკარ ჩუდრას“.

ელეონორაც, რაღაცა და კუნიგუნდეც ინდივიდუალისტები არიან, მათ არსებას აერთიანებს ერთი საერთო ფუძე, მსგავსი ხასიათები და სიტუაციები.

ზობარ ლოიკოსა და დელორჟის სახეები რჩებიან ზოგადადამიანურ სახეებად, აგრეთვე ასლან გირეიც, ლევან კრეჭიაშვილიც, ოღონდ ლევან კრეჭიაშვილთან, დელორჟის მსგავსად, მთავარია ზოგადეთიკურიც, აგრეთვე, ყველა მათგანისგან განსხვავებით, იგი ეყრდნობა პატრიოტულ-ეროვნულსაც, ამდენად ეს სახე ეროვნულიცაა და ინტერეროვნულიც.

ალექსანდრე ყაზბეგს, – ისევე, როგორც შილერს, გორკის – ბევრ სხვა რამესთან ერთად იმისი თქმაც სურდა, რომ ინდივიდუალიზმს, შეუზღუდავ პატივმოყვარეობას უბედურება მოაქვს ადამიანებისათვის. ვნებების რომანტიკული სიმძაფრით კი (ოღონდ არა მხატვრული ხარისხით) „ელეონორა“, „ხელთათმანსაც“ სჭარბობს და იქნებ, რამდენადმე – „მაკარ ჩუდრასაც“.

მურმან ჯგუბურია

მუღამ პოეტი

ჯანსუღ ჩარკვიანი ბუნებით პოეტი დაბადებით. სისხლით და ხორციით. ადამ-წესითა და ტრადიციით. მისი სიტყვა დიდი ხალხური პოეზიიდან გამომდინარეობს. ასევე: „ვეფხისტყაოსნიდან“, „დავითიანიდან“, ვაჟაძან, აკაკიდან. ყველაზე მეტად, ჩემი გაგებით, მისი ტონი, კილო, თქმის მანერა – აკაკის სინათლიანობას ენათესავება. იგი მუღამ პოეტი. პოეტი, როცა ლექსს წერს (ამბობს). როცა არ წერს. როცა თამადაა. როცა სუფრის მენახეა. როცა ჟურნალის რედაქტორია

* * *

ჯანსუღ ჩარკვიანის პოეზია გვაგონებს მდინარეს, რომელიც საქართველოს მთებში იღებს სათავეს, მოედინება სამშობლოს ტერიტორიაზე, გაივლის მის სანახებს და ზღვაში შედის. ზღვა – მდინარეების დედაქალაქი. მდინარე – პოეტი. ამ მდინარეს გზა-გზა ერთვის მრავალი შენაკადი: ბინული, წყარო, ნაკადული, რაც, ხანდახან იმის შთაბეჭდილებას იწვევს, რომ მთავარი მდინარის ხმაში სხვა ხმებიც ისმინებიან, რაც, შეიძლება, ჭკუასთან ახლოსაც იყოს: მამასაც ეტყობა ხოლმე შვილის გავლენა. მდინარე, მთელი თავისი დღე და მოსწრება, რასაც ხედავს, ჩაუვლის, იმას იმახსოვრებს, იერთებს, ისისხლხორცებს, და ეს ყველაფერი ხდება მისი, თუმცა არის ჩვენიც, ჩვენებური და საერთო ქართული. „საქართველო, შენ ვინ მოგცა შვილი დასაკარგავი“. ეს ფრაზა, ეს შეგონება დღეს ნებისმიერმა ქართველმა იცის, მისია და იმიტომ. მაგრამ, ყველა მკითხველმა კი არ იცის, რომ ეს გამონათქვამი მხოლოდდამხოლოდ ჯანსუღ ჩარკვიანს ეკუთვნის. „თავისუფლება ლომთა ხვედრია“. და ასობით სხვა გამონათქვამი (შეგონება), რომელსაც თავისად მიიჩნევს ნებისმიერი ქართველი მკითხველი. მდინარე გაითქვიფა ჭალა-სანახებში. პოეტი გაითქვიფა მკითხველებში. მესიტყვე და მკითხველი ერთი გახდა. არა – იშვიათად, როგორც ვთქვი, პირველმთქმელის ვინაობა (სახელი) იკარგება და მკითხველს ეჩვენება, რომ ესა თუ ის გამონათქვამი (ანდაზა-შეგონება-აფორიზმი) მისია, რაკილა სახელი არ მოსდევს, ადრესი არ მოსდევს, –

ავტორს დაეკარგა, – მკითხველმა იპოვა, და საჭიროები-სამებრ გამოიხმო, თქვა სუფრასთან, თავყრილობაზე, მიტინგზე და დემონსტრაციაზე, პარლამენტში, შინ და გარეთ, აუცილებლობის მიხედვით, არ შეეძლო არ ეთქვა და იმიტომ. ის გამონათქვამი პასუხობდა იმ წამს, იმ წუთს, იმ ვითარებაში მისეულ გუნება-განწყობილებას ყველაზე მეტად და იმიტომ. „ღმერთო, დაილოცე“, „ღმერთო, გვაპატიე“, „ღმერთო, შეგვიწყალებ“, ვინ თქვა პირველად, ამას ახლა განსაკუთრებული მნიშვნელობა არ გააჩნია, მთავარია, რომ შენ იპოვე ის, რაც უნდა გეპოვნა, რაც თურმე იყო შენში და თქვი: „საქართველოვ, შენ ვინ მოგცა შვილი დასაკარგავი...“ მდინარე კი მიედინება, ზღვისკენ მიემართება, ზღვის მიმართულებით მიდის გაზაფხული. ზაფხული. შემოდგომა. ზამთარი. ცოცხლობს, ბუჯარობს, შრომობს ნიადაგ. დღისითა და ღამითაც. „უშულადუ ბუჟმ მარდიმე“, – ნაუძღვარა პოეტმა ერთ-ერთ ლექსს. – „დაულელი მზის მადლმა“. მიედინება მდინარე დარსა და ავდარში, ქარსა და წვიმაში, მზესა და თოვარში, ქართული მდინარეა, არ იყინება, გვიანი შემოდგომითა და ზამთრობით ჭირხლი მოეკიდება და ეგაა. მწუხარე ლექსები იწერება, მწუხარეა შემოგარენი. მდინარე – სარკეა და ირეკლავს იმას, რაც მასში აისახება: შეფოთლილი ხე, გაძარცული ხე, აყვავებული სანახები, ხრიოკი სანახები, დათოვლილი კავკასიონი რატომ შენ დადექი დიდი კაცი და მე არაო, ჰკითხა თანასოფელმა გლეხმა ილია ვეკუას. მე ყოველ დილით ჩემი ფიცრული ოდა-სახლის აივნიდან სპეტაკი კავკასიონის შეხედვა მიყვარდაო. ამ მთებს მეც ვხედავო ყოველცისმარე, მაგრამ დიდი კაცი ვერ გამოვედიო. დიდი მეცნიერი გაჩუმდა. საკითხი ამოინურა კავკასიონის სისპეტაკე, მისი ნათელი გადმოდის მდინარეზე, მდინარეში ჩაეფინება. პოეტის გულში ირეკლება, და სიტყვა მისი ხდება სინათლიანი. გამჭვირვალე, სპეტაკი. გადადიხარ ხიდზე და მდინარეში ჩანან თეთრი, ქათქათა კენჭები, სიტყვები. „შენ წიგნს კითხულობ?“ არა. შენ კითხულობ ბუნებას, ქართულ ბუნებას, ქართული სიტყვებით მოქსოვილს, ფეროვანს, – კენჭები ისე განლაგდებიან ხოლმე, რომ წინადადება გამოდის: „საქართველოვ, შენ ვინ მოგცა შვილი დასაკარგავი“ მერე სტრიქონი სტრიქონს ერთვის, სტროფი – სტროფს, ლექსი – ლექსს. და იქმნება წიგნი. ბუნების წიგნი. „შენ რა წიგნს კითხულობ?“ მე ქალაქში ვცხოვრობ. საკუთარ ბინაში ვარ და ვკითხულობ წიგნს. წიგნი ხომ იმდენია, რამდენიც არის მისი მკითხველი. არც მეტი და არც ნაკლები. მე (შენ) ქალაქელი კაცი ვარ და მომწონს საქალაქო წიგნი. ინდუსტრიალური. ტექნიკური. მეცნიერული. წიგნის მეოხებით შექმნილი წიგნი. ლიტერატურული ნაწარმოები. შენ სხვანაირი წიგნი მოგწონს, მე სხვანაირი. ამ ჭერში ვარსკვლავი ვერ ატანს გარეთ ცა მოჭედლია. მთვარეა. ვეებერთელა ღრუბელი მიემართება ცაზე და საცაა მთვარეს გადაყლაპავს. ბატონი ჭაბუა ამირეჯიბი წერს, სიყმანვილეში ვერასგზით დამედგინა, მთვარე მოძრაობდა თუ ღრუბელი. რომელი წინ მიდიოდა, რომელი უკან. სიჭარმავეში ეს ამბავი საკითხავი არაა, ღრუბელი

მცირე ხნით გადაყლაპავს მთვარეს, მაგრამ ვერ მოინელებს, მთვარე ისევ გამოვა ცაზე. ღრუბლები მონღოლებია, მთვარე – საქართველო. ან საქართველო, ან თამარდედოფალი, თაიამარალი, რაც ერთიდაიგივეა.

მდინარეში მთვარე ირეკლება, მზე ირეკლება, ხანდახან, ორივე ერთად – მზეცა და მთვარეც. ნელინადის დრონი ირეკლებიან:

გაზაფხული. ზაფხული. შემოდგომა. ზამთარი.

სიყმაწვილე. სიჭაბუკე. სიჭარმაგე. სიბერე.

ახლა ლამეა მთაში და მდინარე მიედინება იქ, საცა ჩვენ არ გვინდა ყოფნა. ყიამეთია. საშიში ადგილებია გასავლელი. ზღვისკენ. დიდი ქართული პოეზიისკენ.

მდინარე არ იწრითება.

პოეტი არ კვდება.

ასეა იმიტომ, რომ მათ თავიანთი თავისათვის არაფერი უნდათ. არაფერს ითხოვენ ჩვენგან. „ყველაფერს გასცემენ და სამაგიეროს არ ითხოვენ. შენზე ზრუნავენ და შენზე ფიქრობენ.“

„საქართველო, შენ ვინ მოგცა შვილი დასაკარგავი“

გასცემენ და არაფერი აკლებათ.

ვინ იცის, თვითონ რუსთაველმაც მდინარეს გახედა და მაშინ დაებადა ის სასწაული სიტყვები, რა გამონათქვამზეც, სახელოვანმა რუსმა მწერალმა ვ. რასპუტინმა მითხრა, რუსთაველის ეს აფორიზმი („რასაცა გასცემ, შენია“) ისეთ უზარმაზარ მასშტაბს მოიცავს, დედამიწის კარიბჭეს დაამშვენებდაო. დედამიწის რეკლამა, სადღეისო ენაზე რომ ვთქვათ.

ყველაფერი დაემთხვევა ხოლმე ერთმანეთს:

ჯანსუღ ჩარკვიანი მერვე ათეულშია გადამდგარი. რიონი ზღვაში შედის. მე ვაკვირდები მდინარეს და ვფიქრობ პოეტზე.

ზამთარია. იანვარია.

* * *

ახლა ასეთი შეკითხვა გავსინჯოთ:

ვინ არის პოეტი?

იგი, ვინც ბევრი წიგნი წაიკითხა და წაგულიანდა ლექსების შესათხზველად, თუ იგი, ვინაც ცოტა წიგნი წაიკითხა (ან სულაც არ წაუკითხავს) და მაინც ლექსად გვესაუბრება?

ერთიც და მეორეც, ცხადია.

ერთი მათგანი წიგნის პოეტი.

მეორე მათგანი – ბუნებით პოეტი.

ერთი მათგანი გაკეთებული ღვინოა.

მეორე მათგანი ნამდვილი ღვინო.

ისეთ დროში გვიწევს ცხოვრება, – ნამდვილი, სუფთა ღვინო ნაკლებად იშოვება.

„გუშინლამ კინალამ წავილე წერილი“, – თქვა სუფრასთან ჯანსუღ ჩარკვიანმა.

რა მოხდაო, ვიკითხეთ.

„მასპინძელს ნამდვილი ღვინო გამოუტანიაო“.



ჯანსუღ ჩარკვიანი

ნამდვილს, მართალს, ჭეშმარიტს უკვე ძნელად ვეგუებით.

მაგრამ ნუ დავკარგავთ სათქმელის ღარს:

რა ასეთი წიგნი წაიკითხა ცხოვრებულმა ივანე წიკლაურმა, რომ რუსთაველის ენის საკადრისი და რუსთაველის ლექსის საამხანაგო-სამეინახეო შედეგრი შეგვიქმნა?

რა ისეთი წიგნები წაიკითხა ლადო ასათიანმა, რომ ყველა ქართველის სული და გული მოიხიბლა?

რა ისეთი წიგნები წაიკითხა ჯანსუღ ჩარკვიანმა, რომ მისად სახსოვარი ლექსები რომ შეგვიქმნა?

არცერთი წიგნი რომ არ წაეკითხა, ლადო ასათიანი მაინც პოეტი იქნებოდა.

არცერთი ლექსი რომ არ წაეკითხა, ჯანსუღ ჩარკვიანი მაინც პოეტი იქნებოდა.

კარგად ჩავიხედოთ გულში, ძმებო პოეტებო, და ისე გავსინჯოთ ეს გამონათქვამები.

ახლა კი, აი, რა მინდა ვთქვა:

მოდით და გავუთიშოთ (გამოცნობის სინარული თქვენთვის მომინდვია, ძვირფასო მკითხველო), ერთ-ერთ ცნობილსა და პოპულარულ პოეტს, ჩვენს თანამედროვეს, ტრანზისტორი, ანდა, გავუწყვიტოთ საინფორმაციო საშუალებები, რას შეგვიტოზავს? ვერაფერსაც ვერ შეგვიტოზავს, ბუნებით არაა პოეტი და იმიტომ.

და უფსკრულს ჩასცქერს პირიმზე მოღერებულის ყელითა

გენიალური ვაჟას ამ გამონათქვამს (ამ ხატს) არაფერი აქვს საერთო წიგნთან და წიგნიერებასთან. უკაცრავად, ძალზე დიდი საერთო აქვს, მაგრამ ბუნების წიგნთან, ცხოვრების წიგნთან, ქართულ ლანდშაფტთან და საქართველოს ისტორიასთან, თუ გნებავთ, რუსული იმპერიის ისტორიასთან.

პირიმზე – საქართველოა.

უფსკრული – რუსული იმპერია.

პირიმზეს გამუდმებით უწევს უფსკრულში ჩაცქერა, უფსკრულის პირას დგომა, მაგრამ ყელი მოღერებული აქვს. არ ეშინია.

ისე კი ნუ გამიგებ, ძვირფასო მკითხველო, თითქოსდა მე უწინგურობას ვემხრობოდე.

არამც და არამც.

მე უპირატესობას ვანიჭებ წიგნს, რაც არაა წიგნის მეოხებით შექმნილი.

ჯერ ლექსი იშვა (ითქვა) და მერე შეიკრა წიგნად.

ჯანსუღ ჩარკვიანი ბუნებით პოეტი.

* * *

უშიში იყო იგი, როგორც ჟურნალის მესვეური.

უშიში არის იგი, როგორც პოეტი.

მესიტყვე, რომელსაც მომხვედურის (მითუმეტეს, თავისი ერის) ეშინია, არ არის შემოქმედი!

ამ ესეისთვის მინდოდა „უშიში ყვავილი“ დამერქმია, ან კიდევ, ვაჟას მიხედვით, „უშიში პირიმზე“, მაგრამ გადავიფიქრე, და დავარქვი „მუდამ პოეტი“, რაც, ცხადია, ჯანსულ ჩარკვიანის ზნე-ხასიათმა, მისმა პიროვნებამ განაპირობა, მისმა ცხოვრების წესმა და მისმა შემოქმედებამ, მისმა თვალსაზრისმა, მისეულმა წარსულის, აწმყოს და მომავლის აღქმამ.

კარგად ვიცი – მომავალი შენია, აწმყო – ჩემი, პაპაშენის – წარსული, კაცმა რომ თქვას, რომელი გირჩევნია? – აქ დუმილის წერტილია დასმული.

ზოგნი პირველს, ზოგნი კიდევ მეორეს, ო, მესამეს განუზომლად ეტრფიან მე კი, შვილო, მე ხელს ვანერ ქვემორე, არ უწყიან, რომ სამივე ერთია.

ესე იგი ჯანსულ ჩარკვიანი იყო პოეტი წარსულში, არის ახლა და იქნება მომავალში. სამივე დროში ანუ: ერთ დროში. რადგან დრო ერთია და განუყოფელი. მარადი ერთი. რა სასწაულია ეს ერთი და მისი მარადი რითმა: ღმერთი!

ასეთია პოეტის თვალთ დანახული დრო.

ამ ლექსში ყველა სიტყვა თავის ადგილასაა, საჭიროა და აუცილებელი. აუცილებელი სიტყვებისაგან შედგება ქართული ხალხი ლექსი, ჩვენი შაირი, რუსთაველის ლექსი, ვაჟას ლექსი, აკაკის ლექსი, რა ფორმასაც ხშირად მიმართავს ჯანსულ ჩარკვიანი.

ლექსის კაცები დამემონებებიან, რარიგ რთულია შაირის ზომით ლექსის შეთხზვა. – იმდენი შედეგია ამ ჰანგზე შექმნილი, – არა-აუცილებელი სტრიქონები (სიტყვები) ცდილობენ ლექსში შემოსვლას, რასაც მკითხველი ხვდება და არ გპატიობს.

ჯანსულ ჩარკვიანის შაირს წინ უძღვის ნამდვილი შთაგონება. სიმღერა („მემღერება და ვიმღერი“), ან კიდევ „არა ვსთქვა, არ შემიძლიან“.

აი, მისი ერთ-ერთი შედეგრი, რითაც იხსნება მისი რჩეული ლექსების ტომეული:

მზეო, ჩემო წინაპარო, იბერიის ტომისა ხარ, ბნელში უნდა ილამპარო, ფაფრიანი ლომისა ხარ, დილით გამომცხვარო პურო, დედაჩემის თონისა ხარ, საქართველოს ნათლის ფარო, მამაჩემის თორისა ხარ,

ხან რო ღრუბელს მოიფარებ, გლოვისა და წყრომისა ხარ, ჩემი დილამშვიდობის და ჩემი მწუხრის ომისა ხარ, ფრდობზე რომ გამოჩნდები, მოგოგმანე გნოლისა ხარ, არაგვზე რო დაბრძანდები, დამსხვრეული ბროლისა ხარ, იონჯაში გაერევი, გვირილების მოლისა ხარ, გვერდულად რომ ჩაიცინებ, უცისფრესი თოვლისა ხარ,

მზეო, ჩემო წინაპარო, იბერიის ტომისა ხარ, ბნელში უნდა ილამპარო. ფაფრიანი ლომისა ხარ.

ჩემო წინაპარო, მზე დედაა ჩემი, ამბობს პატარა მეგრელი მწყემსი. ფაფრიანი ლომისა ხარო, გვეუბნება პოეტი. ძუ ლომია თუ ხვადი? რუსთაველი გახსენდება, ცხადია. ბნელში უნდა ილამპარო. ესეც „ვეფხისტყაოსნიდან“ მოდის. ანუ „მზიანი ლამიდან“, რაც ასე შეუსისხლხორცებია თანამედროვე პოეტს, – აკი თავადვე გვითხრა, დრო ერთია და განუყოფელიო. მაგრამ, როგორი გამონათქვამია და როგორი ხატი – მზეს რომ ეუბნება პოეტი – იბერიის ტომისა ხარო, ასე მიიკარგ-მოიკარგებიან ხოლმე მარგალიტები ბუნებით პოეტების ნახელავებში.

ამ ესეში არ მინდა ვისაუბრო ჯანსულ ჩარკვიანის სხვა შედეგებზე, როგორცაა „ლამაზი სიკვდილი“, „ბეთანია“, „თოვლი“, „ანანურთან“, „ირინოლა“, „შავი ავაზა“, „მთავარი მაინც მამული არის“, „ერთის პირობით“.

ვაჟას გამონათქვამი ვახსენეთ: „მემღერება და ვიმღერიო“.

ამ ერთი ბენო ლექსს „სიმღერა“ ეწოდება:

ვილაც მღერის, სალამოა, უცისფრესი სალამო, რაც წავიდა, აღარ მოვა, აღარ მოვა, აღარო

ნანაია – ცრემლის ღელევ, ყვავილებით შემკული, ჰოი, შენ კი შემოგველე, სევდიანო მეგრულო.

ამ ლექსში ყველა სიტყვა იმას ემსახურება, რომ „სევდიანი მეგრული“ სიმღერა გავიგონოთ, მაინცდამაინც მეგრული და მხოლოდ მეგრული. ვილაც მღერისო, სალამო, და ჯერ არ ვიცით, ვინ მღერის, ამერელი თუ იმერელი. უცისფრესი სალამოაო, იმეორებს, ცრემლის ღელე მოედინებაო, ყვავილებით შემკული და მხოლოდ ლექსის ფინალში გვეუბნება, სევდიანო მეგრულოო. ბუნებისა და ჰანგის აღწერამ მიიყვანა პოეტი ლოგიკურ ფინალამდე. ჰოი, შენ კი შემოგველე, სევდიანო მეგრულო, ხომ შეიძლებოდა, ასევე ეთქვა, ჰოი, შენ კი გენაცვალეო, მაგრამ თქვა ის, რასაც იტყოდა თავად მეგრელი.

შედეგებზე არ ვისაუბრებ-მეთქი. უნდა მეთქვა: ცნობილ შედეგებზე ეს შედეგრი კი გულლიად ვამბობ, პირველად წავიკითხე:

დღე იყოს თქვენი, დამანებეთ ეს მწვანე ღამე, შავად კი არა, მთვარის შუქზე ღამე მწვანედ ჩანს, აქ მთვარის შუქი წყალივით ჩანს ნისქვილის ღარში, აქ მთვარის შუქით სავსე ღარში ფიქრი დამეხრჩო. მთელი სალამო და მთელი დრო გაივლის ღარში, აქ ნეშოებში შრიალებენ შავი წამები,

აქ ისე ჩუმად, ისე სწრაფად შევდივარ ხანში,
რომ დღის ნათელი სიმკაცრეთი არ ვენამები.
ღამე ვამთვლებ ჩემს ჩატეხილ დილის კიბეებს,
ამაღამ, ალბათ, უკანასკნელს ჩამოვფეკვავ ხორბალს,
წყალივით დინჯად, მთვარის შუქზე მოდის სიბერე,
ღარში შემოდის და აჩერებს ნისქვილის ბორბალს.

(„ბებერი მენისქვილის უკანასკნელი ღამე“).

ჩათავდა ლექსი და ისეთი შთაბეჭდილება გექმნება, რომ დრო მართლა დადგა. დრო დაბერდაო, მიგვანიშნებს პოეტი. „მოდის სიბერე, ღარში შემოდის და აჩერებს ნისქვილის ბორბალს“

არიან პოეტები, დიდი პოეტებიც, სხვათა შორის, ლექსს რომ შთაგონება ჰკარნახობთ და საკვირველი სიტყვები მოსდით, მაგრამ ლექსი რომ მიედინება, ვითარდება, შთაგონება თანდათან ნელდება და ლექსი დუნედ მთავრდება ხოლმე.

ჯანსუღ ჩარკვიანის ლექსი უმრავლეს შემთხვევაში, უკეთესი, დასრულებული აზრიანი დაბოლოებით გვამახსოვრდება. აზრი იწყება, ვითარდება და დასკვნა გამოითქვანება. მოვიგონოთ, უკვე არაერთგზის მოხმობილი „საქართველოვ, შენ ვინ მოგცა შვილი დასაკარგავი“, – ეს გახლავთ „ირინოლას“ ბოლო სტრიქონი. „ნუ გეძინია, იყავი ჩუმად, სიჩუმე ახლა არის წამალი“, – ეს დედისადმი მიძღვნილი ლექსის ბოლო სტრიქონებია. „ეს გაუმარჯოს იმ ლექსს, რომელიც არცერთ ენაზე არ ითარგმნება“, – ეს „თარგმანის“ ბოლო სტრიქონებია. „უფროვე გემუქრებიან, როცა ქვეყანას სჭირდება“, – ესეც ერთ-ერთი ლექსის ბოლო სტრიქონია. ესეც: „ერთადერთი იმ ენის ხარ, რა ენაზეც ლოცულობ“, „მთავარი მაინც მამული არის, განსაცვიფრებლად არის მთავარი!“ რა ჩამოთვლის. პოეტის მსგავსი გამონათქვამი აფორიზმად, შეგონებად აღიქმება, რასაც მკითხველი სამუდამოდ იმახსოვრებს, იზეპირებს. მსგავსი შეგონება – აფორიზმი მუდამ ლექსის საერთო სათქმელიდან, მთავარი სათქმელიდან, გააზრებიდან გამომდინარეობს, და მკითხველიც თითქოს წინ-წინ ხვდება ხოლმე თუ საით მიდის ლექსი, – მკითხველი პოეტის თანამავალია და თანამგზავრი, მისი ფიქრის მოზიარე, მაგრამ ჯანსუღ ჩარკვიანს აქვს მრავალი ლექსი, რომლის ფინალიც, არათუ მკითხველისთვის შეიძლება ითქვას, თვით ავტორისთვის კი არ არის წინ-წინ ცნობილი (განსახიერებულს), ისე მოულოდნელია მისი ზოგიერთი ლექსის ფინალი.

წავიკითხოთ კიდევ ერთი პატარა ლექსი:

**არაფერი არ მანუხებს, არც შვილი და არც ცოლი,
ერთი ლუკმა პური მყოფნის, ერთი კოვზი მანონი“**

ეს პირველად რომ წავიკითხე, ხლებნიკოვის ცნობილი ლექსი მომაგონდა:

Мне мало надо: краюшку хлеба
и капля молока,
Да это небо, да эти облака...

ხომ მოულოდნელია აქ რუსი პოეტის ლექსის ბოლო სიტყვები. ახლა ვნახოთ, ქართველი პოეტის ლექსის მეორე სტროფი:

**ერთი ციციქნა გოგოს გული
კი ვერ მოვიწადირე**

რა უნდა მოჰყვეს ახლა ამ სიტყვებს, რა უნდა გაერითმოს? პოეზია ამოურწყავია, ძვირფასო მკითხველო, და ამიტომაც არის ძნელი მისი „ჩართულ-გადართულის“ გასიგრძეგანება:

**ავილებ და ჯარში წავალ,
მაგის დედაც ვატირე!..**

სხვა, არ ვიცი, როგორ დაიმახსოვრებს, მაგრამ მე ეს ორსტროფიანი ლექსი ერთი წაკითხვით დავიზეპირე.

ვისი დედა ვატირეო? რა თქმა უნდა, იმ ერთი ციციქნა გოგოს ეს არ ეხება, თანაც თავი მოაქვს ლექსის გმირს, არაფერი არ მანუხებსო, არც ცოლი, არც შვილი, ცოტა რამე მყოფნისო, ერთი ციციქნა გოგოს გული ვერ მოვიწადირეო, და გადაწყვიტა ის, რაზეც მანამდე წამითაც კი არ გაუფიქრებია, ან იფიქრა – და არ უნდოდა, – „ავილებ და ჯარში წავალ, მაგის დედაც ვატირე!“ გაუგებრობის დედაც ვატირეო, ესე იგი, გნებავთ, მთელი ცხოვრება იგულისხმეთო

ხომ მოულოდნელზე მოულოდნელი იყო ჩვენთვის ლექსის ასე გასრულება, მაგრამ უფრო საკვირველია ამ ლექსის შინამო-ბუნება, შინა-ჰანგი, რამაც უკარნახა პოეტს ლექსის ბოლო სიტყვები, რა სევდიანი ლექსია და ამავე დროს, რა მხიარული! ერთიცაა და მეორეც! ასეთია ჩვენი „ყოველსმთქმელი და ყოველის არმთქმელი“ ქართული.

თავისი ფეხით მოვიდაო, იტყოდა ხოლმე ცხოვრებულს ოთარ მამფორია.

ის-ის იყო რაიონიდან ჩამოვედი, ახალგაზრდა ვარ და გულში ლექსები მიზუზუნებენ. ავდექი და მივედი „ცისკრის“ რედაქციაში. ჯანსუღ ჩარკვიანი რედაქტორი გახლდათ. იქვე წაკითხა ჩემი რამდენიმე ლექსი. უცებ მეკითხება, დღეს საქართველოში ყველაზე დიდ პოეტად ვინ მიგაჩნიაო. ირაკლი აბაშიძე-მეთქი, მისი „პალესტინა. პალესტინას“ გავლენით, ცხადია. პასუხი მომიწონა. ლექსები დაიბეჭდა და გამომიქვეყნა კიდევაც, რამაც ისეთი თავმოსანონი გუნება-განწყობა შემიქმნა, რასაც ცალკე ესეი თუ დაიტევს

ჯანსუღ ჩარკვიანი რედაქტორიც პოეტი იყო. უშიში რედაქტორი. უშიში პოეტი. ასე რომ არ ყოფილიყო, ვინ იცის, ჭაბუა ამირეჯიბის არაჩვეულებრივ რომანს როდის დავეწაფებოდით. არა მარტო „დათა თუთაშხიას“, ცხადია, თუმცა, ეს სხვა თემაა. რატომაა სხვა, მეკითხება ჩემი მეორე მურმან ჯგუბურია. არაა, ბატონო სხვა, მაგრამ ამაზე მერე ვილაპარაკოთ, ვეუბნები.

ლექსის ბოლო აკორდზე ვსაუბრობდით.

**და მთელი ღამე ეტყობა ქალაქს
პორტში პატარა გემის შემოსვლა**

ბლოკის პოეზია მაგონდება:

И загорелые матросы
Ходили важно мимо Нас...

ქართველი პოეტის ეს ორი სტრიქონი დიდ დღესასწაულსა და დიდ სათქმელს მოიცავს, იტევს, რასაც ქვეტექსტს ეძახიან, – მთელი ღამე იქნება დიდი ღვინო და სინარული, რაც გავრცელებული არა მარტო იმ სანაპიროზე, გემი რომ შემოვიდა, არამედ მთელ ქალაქს მოედება. ასეთია ჩვენი ქართული. მისი ბუნება და მასშტაბი. ახლა ეს ნავიკითხოთ:

**თოვდა და თოვდა
და გამოკეტილ პატარა ოდას
ალარაფერი ალარ ესმოდა.
დიდი სინყნარე იყო ესოდენ.
სასაფლაოზე პატარა ბიჭი
პატარა გოგოს გუნდას ესროდა.
შვილი თუ დედა, დედა თუ შვილი,
კაცმა არ იცის, ვინ იყო ცოდვა
და განუწყვეტლივ თოვდა და თოვდა**

დიდი თოვლი მოვიდაო, წერს პოეტი, სიზმრისეულს დაემგვანა გურიის მთები, ფიცრული ოდიდან გამოასვენეს უნახეისი ქალბატონი და ჭირისუფალი შუუდგა თოვანში სასაფლაოსკენ მიმავალ გზას. ისეთი სინყნარე იდგა, რომ ალარაფერი ალარ ესმოდაო, არადა, ხომ სინყნარეში უნდა გავიგონოთ გასაგონარი. ცუდი დღეა, ჭირის დღე, მაგრამ გარშემო ყველაფერს თოვლის ქათქათა ნათელი აფენია, პატარა გოგო და ბიჭი თოვლის გუნდას ესვრიან ერთმანეთს სიჩუმეში. და აქეთ არავინ არ იხედება, პოეტის გარდა, ამას მხოლოდ პოეტი ამჩნევს და პოეტი აკვირდება, – ცხოვრება გრძელდება. გავა დრო და ხანი. ის პატარა ანგელოზები გაიზრდებიან, გოგო დაქალდება, ბიჭი დაკაცდება, და ვინ იცის, ეგების კიდევაც წაანყდნენ ამ ლექსს, მოიგონებენ გასვენების დღეს, როცა მშობელს ასაფლავებდნენ და ისინი თოვანში თამაშობდნენ, და დიდ საფიქრალს მიეცემიან.

აი, რისთვის შეიქმნა ეს ნახატი-ლექსი. რისთვის გააჩერა პოეტმა დრო, – ეს არ არის ბევრი მკითხველისთვის დაწერილი ლექსი, ბევრათვის გამოძერწილი სურათი, თუმცა, ჩვენ, ყველას, დიდებაც და პატარებაც, ერთი დღე დადგება, თავად მოგვინებს წარმავლობასთან მსგავსი შეხვედრა და ისეთ სინყნარეში ჩაყვინთვა, როცა არავის არაფერი შეესმინება. „როგორი ამინდი შეესწრო ცხოვრებულს?“ იკითხავს ხოლმე ჭირის დღეს გამოკლებული ადამიანი.

პოეტმა შეკითხვას უპასუხა.

გვცალია კი ასეთი ლექსების წასაკითხად და გასააზრებლად?

დრო არ არის ფიქრის. დრო არ არის ყურის; გაგების დრო არ არის. წიგნის დრო არ არის. ლექსის დრო არ არის. კითხვის დრო არ არის. ახლა თვალის დროა. „შენი ლექსები ვნახე“. „შენი მოთხრობა ვნახე“, „შენი წერილი ვნახე“ და მისთანანი. ათასში ერთხელ თუ გეტყვის ვინმე ნავიკითხო. ნახვით კი იცოცხლე, ნახულობენ. აგერ „ლიტერატურული საქართველო“, „ცისკარი“, „მნათობი“, სხვა მრავალი ჟურნალი და გაზეთი, „შენი ლექსები ვნახე“. და საოცარი ის არის, რომ მსგავსი გამონათქვამიც კი გსიამოვნებს. ნავიკითხვას ვინ ჩივის: იცის თანამედროვე საქარ-

თველოს მთავრობა-ხელისუფლებამ, რას უნდა მიაქციოს სტუმარ-მასპინძლის თვალი, ფასადს, საღებავს, ფერუმარილს, ჩაცმა-დახურვას, რეკლამას, ტელეეკრანს, ინტერნეტს, ვარცხნილობას, შარვალ-კაბის სიგრძე-სიმოკლეს, უაზრო ხმაურს. შოუს. ჯეო-ბარს. ჩიქორთულს. თურმე კარგი მესტიყვის არეულ ენას. მერე რა თუ არ გესმის, რას გეუბნება, თვითონ ცხოვრებაც განა გაუგებარი არ არის. არავინ იცის ხვალ რა იქნება. ვისია ახლა სამაჩაბლო და აფხაზეთი. ოსების, აფხაზების, რუსების, ამერიკელების? ჩვენი რომ არაა, ცხადია. ჩვენი ქალაღებუა, დაპირებებშია (ერთი ასეთი ლექსი მომაფიქრდა გზაში, რაც აქვე მინდა გავახალხურო: „როცა ერთს ამბობს და მეორეს ინახავს გულში, იმას მაგონებს ხოლმე, რასაც გვპირდება ბუში: დღეს გაემგზავრო ზუგდიდში და ჩახვიდე გუშინ!..“), გაუგებარ დროში გვინებს არსებობა. ჩვენ კი დღეს ვართ და დღეს გვინდა ცხოვრება და ჯანსუღ ჩარკვიანი წერს „კალცლექსებს“, სამკურნალო ლექსებს. საჩვენოს, სადღეისოს, თუმცა იგი სინამდვილეში სულ სხვა პოეტია. სხვა სადარდელი და საფიქრელი ანუხებს, უფრო მეტი, უფრო საქვეყნო. ამ ყაიდის (კალც ლექსებს) კი იმიტომ გვინებს, რომ გვითხრას, მეც თქვენნაირი ვარო, ესე იგი. გვინებს ხმაურიან ლექსებს. ყურს გვიბერტყავს და ჩვენც უმთავრესად, მისი ხმაურიანი სიტყვის შემფასებელნი ვართ. მაგრამ მაშინ ვისთვის წერს პოეტი ამ საკვირველ სიტყვებს?

**თუშურ თექაში ჩაქარგული
ფიქრი მანვალებს,
განა არ ვიცი, რად ჩაჰქარგე,
შენ გენაცვალე**

ეს ისე უბრალოდაა მორთმეულ-მონოდებული, როგორც რომ, უკაცრავად პასუხია და, სადმე, სუფრასთან, მინახე რომ მიანოდებს მინახეს „გადაიღე, ჭირიმე, გადაიღე“, „ინებე, გეთაყვა“, „გასინჯე“, „ამას სულ სხვა გემო აქვს“, „თექაში ჩაქარგული ფიქრი“ მანვალებსო, ვიცი, რა ფიქრი ჩაჰქარგეო; მაგრამ ფიქრის დრო რომ არ არის. ფიქრის ნაკითხვის, ფიქრში წასვლის, ფიქრი-კაცობის გვირგვინიაო, გვითხრა გენიოსმა. ფიქრის კაცები რომ ვიყოთ, ამ დღეში ხომ არ ვიქნებოდით, ამიტომაც, იმას ვიმსახურებთ, რაც გვაქვს და რასაც მივირთმევთ. აბა წესჩვეულებას ხომ არ ვუღალაატებთ. ჯანსუღ ჩარკვიანი ვინაა ისეთი, რომ მისი საღონარი გავინანოლოთ, რომ მას გავუგონოთ. გავუგონებთ. ცხადია, არც ისეა საქმე, როგორც მავანს ჰგონია, მაგრამ ჯერ აუცილებელია პოეტი გამოგვეთხოვოს, ან დაიკარგოს.

**მერე მე წავალ იმ სოფლად,
მერე შენ აქვითინდები**

ასე შე კაცო. ასე არ სჯობია (ღმერთმა დიდხანს გვიცოცხლოს პოეტი), – ქართველებს წასული პოეტები გვიყვარს, თუმცა, არც მიცვალებულზე ვიცით მაინცდამაინც თავის გადაკვლა. არ ვიცით რუსთაველის საფლავი, ფიროსმანი ღუქნის კარებთან დავკარგეთ, მაჩაბელი – სახლის კარებთან, გრანელი გადავრიეთ, და მთლად

თავის მოსაჭრელი, ერის მამასა და უგვირგვინო მეფეს რომ ვეძახდით, ჩვენივე ხელით მოვკალით. ასეთები ვართ და ასეთებად დავრჩებით. ტრადიცია და წეს-ადათი რომ შევინახოთ. „შური, მწუხარება სხვისა კეთილსა ზედა“, ზარდამცემია ეს გამონათქვამი, რომელსაც მრავალი ახლო ნათესავიც მოეპოვება: „დამიჭირეს, მკლავი მომჭრეს, რატომ კარგი აგიგია“, „ცუდას რად უნდა მტერობა, კარგია მუდამ მტრიანიო“, მაგრამ საბა ერთსაც სჯაბნის და მეორესაც. აქ შური უმაღლეს ხარისხშია აყვანილი, ისეთ ხარისხში, სხვა ერი რომ ვერასდიდებით ვერ მოგვწვდება და ვერ შეგვეცილება: „შური-მწუხარება სხვისა კეთილსა ზედა?!“

ამ ესეის დასაწყისშივე ვთქვი, პოეტი მდინარეს მაგონებს-მეთქი და მდინარემ კი არ იცის შური, თავისთვის არაფერი უნდა და ამიტომაც არ იღვევა, არ იწრიტება და არის მუდამ.

მუდამ პოეტი.

აი, რანაირად იგონებს პოეტი (მდინარე) სოფელს:

„ლეჩხუმში რომ ჩემი მამა-პაპის პატარა სოფელი სურმეშია

სურმეშს რომ თავს მთები დაჰგუგუნებენ

სურმეშის კლდეებიდან რომ ბინულები გამოჰქუხან

სურმეშის მიწაზე რომ ვაზი და პური ხარობს“

ასე იყო წარსულში.

ცხელა?

„გაიხიზნა სოფელი, ბავშვებს და მოხუცებს შეატოვეს ვენახი და კარ-მიდამო, წყაროცა და საფლავიც

სოფელი – ჩვენი დედა,

ქალაქი – სოფლის შვილია.

დედას მოვლა-პატრონობა სჭირდება. შვილი, რომელსაც დედა არ ახსოვს ღმერთისგან დასჯილია. აკი ვისჯებით კიდევაც“

შეადარე ამ სიტყვებს ჩვენი უწმინდესისა და უნეტარესის, საქართველოს კათალიკოს-პატრიარქის საშობაო ეპისტოლე, ძვირფასო მკითხველო, რათა კარგად გაისიგრძეგანო ხმა ღვთისა და ხმა ერისა.

P.S.

ნაზი კილასონია:

„სცენაზე ლერწამით ყმანვილი იდგა, მომწვანო პერანგი ემოსა და ეს სიმწვანე, სინედლე მოსდებოდა სცენას, მთელ დარბაზს. რა იყო ასე გამაოგნებელი? ლეჩხუმური ზამთარი. თხილამურები, მარხილი, თოვლის სითეთრე, გულის ელვარება“

ასე დაინახა პოეტმა პოეტი.

ასეთი დაინახა.

ყველას ჰყავს თავისი ჯანსუღ ჩარკვიანი.

მე ჩემი დავინახე და ჩემი ვთქვი!

კრიტიკა

პაატა ჩხეიძე

„შილიონის პატიმარი“



ციკლიდან „შეხვედრა“

„შილიონის პატიმარი“ ბაირონის მთავარ ნაწარმოებთაგანი არ არის. ეს პოემა ორ დღეშია დაწერილი; 1816 წლის 27-29 ივნისს – ბაირონი ხომ, როგორც თვითნაბადი პოეტი, მეტად სწრაფად წერდა – ლოზანის მახლობლად უშიდ ნოდებულ პატარა ქალაქში, სადაც ბაირონი შეჩერდა შელისთან ერთად ჟენევის ტბის (ლემანი) მონახულების შემდგომ. სწორედ ამ მოგზაურობის დროს დაათვალიერეს მეგობრებმა შილიონის ციხე-სიმაგრე. პოემა 1816 წლის 5 დეკემბერს გამოქვეყნდა.

„სონეტი შილიონს“ და „შილიონის პატიმარი“ ეძღვნება ფრანსუა ბონივარს, წმ. ვიქტორის ტაძრის პრიორს, რესპუბლიკელს, ისტორიკოსს, სატირისტს, მოაზროვნეს, XVI საუკუნის რეფორმაციის ერთ-ერთ თვალსაჩინო მოღვაწეს. იგი შილიონის ციხე-სიმაგრეში დამწყვდეული იყო 1530 – 36 წლებში. ბაირონმა ბევრი არაფერი იცოდა ბონი-

ვარის ცხოვრების შესახებ და არც დიდად დაინტერესდებოდა მისი ხასიათის კაცი; მისთვის საკმარისი იყო ის, რომ ბონივარი ჟენევის რესპუბლიკის დამოუკიდებლობისათვის ებრძოდა სავოის ჰერცოგ კარლოს III-ს და რომ რეფორმატორი გახლდათ. თუმცა ისიც უნდა აღინიშნოს, რომ მას ლექსის დაბეჭდვამდე შეუტყვია ბონივარის ცხოვრებისა და ბრძოლის შესახებ და წინასიტყვაობაში ბოდიშს უხდის მკითხველს, ეს რომ მცოდნოდა, სხვანაირად დავწერდით, მაგრამ საეჭვოა, ბიოგრაფიული დეტალთა გარდა, მეტის ცოდნას რაიმე შეემატებინა პოემისათვის.

თამარ ერისთავის მიერ თარგმნილი „სონეტი შილიონს“ და „შილიონის პატიმარი“ 1970 წელს დაიბეჭდა ჟურნალ „ხომლში“ (№5).

ბაირონის ლექსი განსაკუთრებული პოეტური ხელოვნებითა და სახეებით არ გამოირჩევა. იგი უფრო მეტად სათქმელს აქცევს ყურადღებას, ვიდრე ფორმას.

სონეტში შილიონისადმი რამდენიმე მხატვრული სახეა, მათ შორის ორი მეტაფორა და ორი სიმბოლო და ალიტერაციაა გამოსარჩევი. თამარ ერისთავი ყოველ მათგანს უძებნის შესატყვისს, მაგრამ თუკი ერთი Chainless Mind – „ბორკილახსნილი აზროვნება“ – ორიგინალის შესაფერისად თარგმნილი მეტაფორაა, მეორეში აშკარად გვაკლდება ორიგინალის ანალოგია, სადაც ორ სტრიქონზე გადავებებული ალიტერაცია თარგმანში არ გადმოდის:

**Their country conquers with their martirdom,
And freedom's fame finds wings on every wind.**

ფონეტიკური სიახლოვე ყველაზე უფრო ძნელი მისაღწევია თარგმნის დროს და თითქმის არასოდეს არ ხერხდება, მაგრამ მეტაფორების შესატყვისთა მოძებნა ხშირ შემთხვევაში დასაძლევია ამოცანა და თამარ ერისთავსაც არ უჭირს, თუმცა რაკი სიტყვა-სიტყვით არ მისდევს ორიგინალს, ხშირად აკლებს ან ამატებს მეტაფორას; ზემოთმოტანილი სტრიქონების თარგმანში მეტაფორები აღრეულია და ახალი მეტაფორაა დამატებული:

მათი სამშობლო მათი ღვანლით ფრთას გაშლის ზევით და ყველა გრიგალს შენს სახელთან დააქორწინებს.

„სამშობლო ფრთას გაშლის“ შეიძლება **freedoms finds wings on every wind**-ს შესატყვისად ჩაითვალოს, მაგრამ „გრიგალს შენს სახელთან დააქორწინებს“, ორიგინალში არ არის და **on every wind**-ის გამოხმაურება და გავრცობაა. მთარგმნელი სიმძივების გადმოტანისას უფრო ზუსტია:

**prison is a holy place
ციხეა წმინდა ტაძარი,**

მაგრამ თარგმანში არ არის **floor an altar** (იატაკი საკურთხეველი) და არც **pavement ... a sod** (ქვაფენილი – მიწა).

მათ ნაცვლად თარგმანში მეტაფორებია შემოტანილი „დროთა ნაცარი“ და „ნაკვალევი, ქვას რომ დაღავს“, და თუნდაც ჩაითვალოს, რომ თარგმანი მხატვრული სახეებით შორდება ორიგინალს, შინაარსობრივი სივრცე შეუცდომლადაა შენარჩუნებული და, რაც მთავარია, ჟღერადობით არ ჩამორჩება დედანს, რაშიც, უპირველეს ყოვლისა, სამმარცვლიანი რითმები ეხმარება – ორიგინალში ერთ და ორმარცვლიანი რითმებია;

**შენი ციხეა, შილიონო, წმინდა ტაძარი,
სადაც ბონივარს წილხვდომია ტანჯვა-ვაება,
იმის ნაკვალევს ნუმც ნარხოცავს დროთა ნაცარი,
თავისუფლებას არ ჭირდება სხვა უკვდავება, –
ეს ნაკვალევი, ქვას რომ დაღავს, როგორც დამწვარი,
ტირანიიდან შეჭლადებს მაღალ ღვთაებას.**

„შილიონის პატიმარი“ ძირითადად იამბური ტეტრა-მეტრითაა დაწერილი, მაგრამ ოთხი სტრიქონი იამბური დიმეტრით არის განწყობილი – 2, 3, 227, 228 სტრიქონები – ზოგი სტრიქონი ტროქეით იწყება – 17, 18 – და გართმევაც სხვადასხვა ადგილას სხვადასხვაგვარია, ხან **aabb**, ხან **abab**, და ხანაც **aabbb**; ეგებ ეს მრავალფეროვნება ბაირონისათვის ჩვეული დაუდევრობის ბრალიც იყოს; ქართული თარგმანი ათმარცვლიანი ლექსით არის შესრულებული, რაც პოემის ლირიკულ განწყობილებას კარგად ეხამება; გართმევა ქართულშიც მრავალფეროვანია, თუმცა ორიგინალის გართმევას ხანდახან არ მიჰყვება. ინგლისური ლექსის ალიტერაციულ ჟღერადობას მრავალმარცვლიანი ქართული რითმებისა და ალიტერაციის მელიოდურობა ცვლის.

როგორც აღვნიშნე, სონეტი და პოემა პოეტის მიერაა თარგმნილი და ამიტომაცაა ამაღლებული და მშვენიერი;

და ისიც უნდა ითქვას, თარგმანში ვერ ნახავთ შედარებით სუსტ სტრიქონს, რაც მთარგმნელის მძიმე და დამქანცველ შრომაზე მიუთითებს.

პოემის შინაარსობრივი მხარის შესწავლისას შესაძლოა მცირედენი დანაკარგის აღმოჩენა, რაც სკრუპულოზური ჰერმენევტიკული კვლევისას ეგებ ლაფსუსადაც მიგვეჩინა.

ორიგინალშია:

**That father perished at the stake
For tenets he would not forsake;**

სიტყვა-სიტყვით: მამა დაიღუპა კოცონზე, დოგმები-სათვის (პრინციპებისათვის), რაზეც უარი არ სთქვა. ქართული თარგმანი ამბობს:

მამა რწმენისთვის კოცონზე დასწევს,

ორიგინალში იგულისხმება რეფორმატორული პრინციპები, რომელზეც უარი ვერ ათქმევინეს; ეს არ არის მხოლოდ რწმენა, თუმცა ასეც შეიძლება ითარგმნოს **tenets**, აქ უფრო მეტი იგულისხმება, ვიდრე რწმენა ღვთისა ან ქრისტიანული რელიგია, რასაც წარმოიდგენს ქართველი მკითხველი, ვისი ყურიც და გონებაც რწმენის ხსენებისას ქრისტიანული აღმსარებლობის დევნას გაიგონებს და წარმოიდგენს მუსლიმანი დამპყრობლების მხრივ. ორიგინალში კი ნაჩვენებია კათოლიკური ეკლესიისა და კალვინისტური, რეფორმატორული მოძღვრების დაპირისპირება. ორიგინალის შინაარსობრივი და კონცეპტუალური ინფორმაციიდან ამგვარი დაშორების გაზვიადება, არ იქნება მართებული, რადგან აკადემიურ გამოცემაში, თუ თამარ ერისთავის თარგმანების სრული კრებულის გამოცემას ველირსეთ, ამ პრობლემის დაძლევა კომენტარებში შეიძლება.

ორიგინალის ტექსტის შინაარსობრივი ქარგის დაკარგვა პოემის სხვა ადგილებშიც გვხვდება, ვთქვათ, ბოლო XIV თავში.

პოემის დამაგვირგვინებელი თავი ყველაზე მეტადაა დატივრთული ემოციურად. თუ პოემას სამ ნაწილად დაყოფთ:

1. დაპატიმრება.
2. პატიმრობა.
3. განთავისუფლება.

განთავისუფლების ეპიზოდს შეიძლება პარადოქსული ვუნოდოთ, რადგან თავისუფლებას არ მოაქვს სიხარული, პირიქით, ის მწუხარებისა და ოხვრის მომტანია გათავისუფლებულისათვის. ბაირონი ხომ თავისუფლებისა და პროგრესის მომღერალია, მაშ საიდან ჩნდება ეს პესიმისტური პარადოქსი მის პოემაში? ცხადია, რომ ბაირონს გამარჯვებულსა და მძღავრს კი არ მოსწონს თავისი თავი და ამაყობს ძღვევამოსილებით, არამედ მარცხისა და ტყვეობის მდგომარეობიდან უმღერის თავისუფლებასა და გამარჯვებას.

სწორედ პარადოქსულობა ანიჭებს „შილიონის პატიმრის“ XIV თავს განსაკუთრებულ პოეტურ ბრწყინვალებასა და ემოციურ ძალას:

**At last men came to set me free;
I asked not why, and recked not where:
It was at length the same to me,
Fettered or fetterless to be,**

ეს ოთხი სტრიქონი ქართულად რვა სტრიქონით არის თარგმნილი. ემოციური სიძლიერითა და მხატვრულობით ქართული თარგმანი არა თუ უსწორდება, არამედ აჭარბებს კიდევ ორიგინალს; ამ სტრიქონებში რაიმე განსაკუთრებული მხატვრული სახე არ გვხვდება და პოეტური ეფექტი ორიგინალშიც და თარგმანშიც ტავტოლოგიით მიიღწევა, თუმცა თარგმანში ემატება ალიტერაცია და მრავალმარცვლიანი მჟღერი რითმები.

**მოვიდნენ ბოლოს აღებენ კარებს,
მე არ ვკითხულობ, რისთვის და რატომ,
ჩემთვის ერთია შიგნით თუ გარეთ,
ჩემთვის ერთია სხვებთან თუ მარტო.
იმედის მომცემს ვერავის ვნახავ,
თუნდაც ხმელეთის კიდე მოვრკინო,
ჩემთვის ერთია ვიქნები ახლა
ბორკილიანად თუ უბორკილოდ.**

თუ ამ შემთხვევაში სტრიქონთა რაოდენობა გაზრდილია, სხვა შემთხვევაში, იქვე, ქართულ თარგმანში გამოტოვებულია ორიგინალის სტრიქონები:

**And thus when they appeared at last,
And all my bonds aside were cast,**

ამ სტრიქონთა დაკლება თარგმანს არ აზარალებს, რადგან ეს ინფორმაცია თარგმანში მოცემულია, მაგრამ მომდევნო სტრიქონების გამოკლება სერიოზული ნაკლია, არა მარტო თარგმანის შინაარსისათვის, არამედ კონცეპტისთვისაც:

**And why Should I feel less than they?
We were all inmates of on place,
And I, the monarch of each race,
Had power to kill yet, strange to tell!
In quiet we had learned to dwell;**

ესეც კიდევ ერთი პარადოქსი პოემისა თუ კაცის ყოფისა. იგი მონარქია ციხეში და საკნის მკვიდრნი, ობობა თუ თავგები, მისი ქვეშევრდომნი არიან. მას შეუძლია მათი დახოცვა, მაგრამ მშვიდობიან თანაარსებობას ახერხებენ. კაცმა მიაღწია ციხეში იმას, რასაც თავისუფალი ვერ მოესწრება, სწორედ ამიტომ მთავრდება პოემა პარადოქსული, მწარე სიმართლით აღბეჭდილი სტრიქონებით:

**My very chains and I grew friends,
So much a long communion tends
To make us what we are: - even I
Regained my freedom with a sigh.**

**მე შევეჩვიე ბორკილის ჟანგსაც, –
ასე ყოფილა კაცის ბუნება!**

**და ოხვრით შევხვდი ციხიდან გასვლას,
თავისუფალი დღის დაბრუნებას.**

„სონეტი შილიონისადმი“ თარგმნილი აქვს გივი გაჩეჩილაძეს. თარგმანი გულისყურით და პასუხისმგებლობის გრძნობით არის შესრულებული და თანამიმდევრულად მისდევს დედანს, თუმცა თამარ ერისთავისეული ბრწყინვალეობა ნამდვილად აკლია.

**მარადო სულთ თავისუფლად მქროლავი აზრის!
თავისუფლებავ! ციხეში გაქვს შენ ბრწყინვა სრული.
შენი სადგური მუდამ არის ხალხისა გული,
რომლის ბორკილი მხოლოდ შენი ტრფიალი არის!**

(თარგმანი გივი გაჩეჩილაძისა)

**ბორკილასწილი აზროვნების დიდო მონილე, –
თავისუფლებავ, შენ დილეგში ასკეცად ბრწყინავ,
რადგან იქ მხოლოდ გაკერპებულ გულში გაქვს ბინა,
გულში, – შენს გარდა სხვა რომ ვერვის
დაიმორჩილებს.**

(თარგმანი თამარ ერისთავისა)

ცხოვრების პარადოქსულობას და მარადიული ბრძოლის, მარცხისა და კვლავ აღდგომის, კვლავ გაბრძოლების იდეას უმღერის ბაირონი თავის ბოლო ლექსში, *On This Day I Complete my Thirty-Sixth Year* - „დღეს შემისრულდა ოცდათექვსმეტი წელი“.

თამარ ერისთავის თარგმანი თამამად უდგება გვერდით ორიგინალს, როგორც შინაარსობრივი ადეკვატურობით, ასევე ემოციითა და მხატვრულობით:

**Tis time this heart should be unmoved,
Since others it hath ceased to move:
Yet, though I cannot be beloved,
Still let me love!**

**დრო არის გულს დაცხრო ვნება,
თუ სხვის გულს ველარ გაუჩენ დარდებს,
არვის ვუყვარვარ? – მომეცი ნება,
რომ მე მიყვარდეს.**

იმავე ლექსის გივი გაჩეჩილაძისეული თარგმანი, თუმცა მთარგმნელისეული კეთილსინდისიერებით არის გადმოტანილი, მაგრამ შინაარსობრივი ქარგითაც უფრო მეტად შორდება ორიგინალს და ვერც მხატვრულობით უტოლდება თამარ ერისთავის თარგმანს:

**დრო, კაცთა მოდგმის ბინდით მზარავი,
მოუახლოვდა ჩემს გულს, ფარული.
არ შემეყვარებს თუმცა არავინ –
მსურს სიყვარული!**

ბაირონის ლექსების თამარ ერისთავისეული თარგმანები გვატყობობს და გვახარებს, მაგრამ „ჩაილდ ჰაროლდის“ სრული ქართული ტექსტი, აღბეჭდილი ჭეშმარიტი ოსტატობით, სიამაყით აღგვაგვებდა და, სამწუხაროა, რომ იგვიანებს.

სიბილე ბერგი (დაბად. 1962 წ.) უჩვეულო ფორმით დაწერილ რომანს გვთავაზობს. ეს არის მრავალი პერსონაჟით დასახლებული ე.წ. ეპიზოდებიანი რომანი. პერსონაჟები ერთმანეთთან თითქოს სუსტად არიან დაკავშირებულნი, მაგრამ ფაქტიურად ისინი ერთმანეთის ცხოვრებაში პირდაპირ თუ ირიბად ერთვებიან და მათ ბედში გარკვეულ როლს თამაშობენ. ამავე დროს, რომანში შეიძლება გამოარჩიო ერთი რომელიმე პერსონაჟი და მისი ცხოვრების ისტორიას მიჰყვე პირველი გვერდებიდან უკანასკნელ გვერდამდე. ამ მოსაზრებით ამოვკრიფე რომანის ყველაზე ტრაგიკული პერსონაჟის ცხოვრების ამსახველი ეპიზოდები, რომლებსაც ერთი დასრულებული სიუჟეტური ხაზი აერთიანებს.

მთარგმნელი

სიბილე ბერგი

ნორას შია



ეპიზოდები რომანიდან
„ორიოდე ადამიანი დაიქაბს
გადენიარებას და კვდება სიცილითა“

ნორას შია

ყოველ დილით ვინონები.

დილაობით ოდნავ ნაკლებს ვინონი ხოლმე.

ნახევარი წელია მხოლოდ კიტრით, ვაშლით და სალათით ვიკვებები. ყოველგვარი მისაყოლებლის გარეშე, რა თქმა უნდა.

თავიდან ცუდად ვხდებოდი, მუცლის გვრემა მემართებოდა. ახლა საქმე უკეთაა. საჭმელს დავყნოსავ და მორჩა, აღარ მშია. საჭმლის სუნი გულს მირევს.

გუშინ 40 კილო ვიყავი. 1, 75 ვარ და სიმაღლეში ალბათ ცოტას კიდევ მოვიმატებ. დაფიცებული მაქვს: კიდევ უნდა დავიკლო!

რაც ჭამას თავი გავანებე, არავინ აღარ მჭირდება. მშობლები გინდ ყოფილან, გინდ არა. ჩემზე რას ფიქრობენ, არ მაინტერესებს. მე ხომ ვიცი, რომ მაგარი ვარ. ამასწინათ დედაჩემმა იტირა. დავინახე, როგორ ჩამოეთხაპნა მაკიაჟი და ოთახიდან გამოვედი. ახლა შევამჩნიე, რამსისქე ყოფილა, მაგრამ ეს ამბავი სულ არ ანუხებს. მე კი, სანამ სქელი ვიყავი, შესვენებაზე ფეხსალაგში გავვრბოდი, რომ თანაკლასელებს გავრიდებოდი. ახლა აღარ ვიმალები, უფრო მეტიც, იმასაც კი ვფიქრობ, ჩემი შურთ-მეთიქი.

სილამაზემდე ჯერ კიდევ ბევრი მიკლია. ჯერ მაინც მეტისმეტად სქელი ვარ. მკლავებს არა უშავს რა, ძვალზე ტყავილაა გადაკრული, ნეკნებიც უკვე კარგად მეტყობა, მაგრამ აი, ფეხები ჯერ კიდევ სქელი მაქვს.

სქელი როცა ვიყავი, თითქოს პიროვნებას აღარ წარმოვადგენდი. ახლა საქმე სხვაგვარადაა. შიგნიდან და გარედან თავს ერთნაირად მტკიცედ ვგრძნობ. როცა რაიმე მიზანი გაქვს, მარტო აღარა ხარ, რადგან მიზანი მუდამ შენთანაა.

კარგად მახსოვს ის დრო, სქელი რომ ვიყავი. ერთ წუთას თუ კარგად ვგრძნობდი თავს, მეორე წუთში ავლრიალდებოდი და მიზეზს ვერ ვპოულობდი. ეტყობა, ყველაფერი უაზრობად მეჩვენებოდა: ის, რომ სკოლას დავამთავრებდი, რალაც პროფესიას შევიძენდი, მერე გავთხოვდებოდი და სადმე პატარა ბინაში ვიცხოვრებდი. პატარა ბინაზე გუ-

ლისამრევი კი აბა რა უნდა იყოს! ასეთ ცხოვრებას ხომ ცხოვრება აღარ ჰქვია. ოღონდ ცხოვრება როგორი უნდა იყოს, ჯერაც არ ვიცი. რომ გავლამაზდები, აი ალბათ მაშინ მეცოდინება, რა არის ცხოვრება. მაშინ კეიტ მოსივით ლამაზი ვიქნები და მისებრ მოდელიც გავხდები.

დედაჩემმა ამასწინათ ფსიქოლოგთან წამიყვანა. ფსიქოლოგი ერთი მსუქანი, ბებერი კაცი იყო. დედამ

მარტო დაგვტოვა და იმ ბებერმა გაჩმახება დამიწყო. ოღონდ ის კი ვერ მოტვინა, ასე იოლად მე რომ ვერავინ გამიჩმახებდა. რალაც-რალაცები მეც წამიკითხავს და მათი ბრიყველი ტრიუქების ამბავიც ზეპირად ვიცი. ამ ბებერს ხომ, თითქოს საგანგებოდ, სიბრიყვე ზედ სახეზე ენერა. ხომ არაფერი განუხებსო და კიდევ რა ვიცი, რა საზიზღრობები აღარ გამოიკითხა. მე მხოლოდ მივჩერებოდი და ხმას არ ვიღებდი. ამ ქონის ტომარას პერანგქვეშ ოფლის ღარები ემჩნეოდა. მის შეკითხვებზე არც დავფიქრებულვარ. განა შეიძლება ისეთი კაცისთვის რაიმე მომეყოლა, საკუთარი თავი რომ ვერ გაუკონტროლებია და გასკდომამდე ძლება? მოკლედ, წამოვედი და ის ფსიქოლოგი აღარც გამხსენებია.

მე ჩემი მიზანი მაქვს. არაფრის აღარ მეშინია. არც ფიქრისთვის ვიკლავ თავს და ასეთ ყოფას, მე მგონი, ამქვეყნად არაფერი სჯობია.



ნორა ზღვაზე მიდის

მე ზღვაზე წავედი. ჩემს ასაკში შეიძლება მარტო ნახვიდე ზღვაზე. ჩამოვალ თუ არა, სახლიდან წავალ და ალბათ უკან აღარც დავბრუნდები. არც შინ და არც გარეთ აღარავის ველაპარაკები. ერთი საძილე ტომარა მაქვს. ზღვაზე საკმაოდ ცივა. მთელი დღე უაზროდ დავეხტები და ღამით საძილე ტომარაში ვწვები. არავის არ ველაპარაკები.

ზღვა მოსაწყენია. სულ ოდნავ ტორტმანებს. ფული თითქმის გამითავდა. არც მჭირდება.

არაფერს ვჭამ. ხანდახან ვაშლს თუ შევჭამ და იმაზეც გული მერევა. კუჭში მოხვედრილი უცხო სხეული ცუდად მხდის. ორიოდ დღის წინ ერთ აქაურ ბიჭს გავყევი. მის ოთახში ყველაფერს მტვერი ედო და ყველგან განებილი ჭიქები ეყარა. კედელზე ერთი სქელი დედაკაცის პოსტერი იყო გაკრული. პამელა ანდერსონი! ამ ბიჭს თუ ასეთი სქელი ქალები მოსწონდა, მე იქ რალა მესაქმებოდა, იმწამსვე უნდა

წამოვსულიყავი, მაგრამ დავრჩი, რადგან მან უკვე გახდა მოასწრო და წავალ-მეთქი ველარ ვუთხარი. ლოგინში ძილი მენატრებოდა და უფრო ამიტომ წამოვყევი. ესეც რომ არა, წასასვლელიც არსად მქონდა, უაზროდ ვიყავი. იმ ბიჭს დიდად არ შევეუწუხებოვარ. არც ლაპარაკით მოგვიკლავს თავი, არც ვიცოდი, უცნობ ბიჭთან რაზე უნდა მელაპარაკა. მან თავისი საქმე მოითავა. ჩაეძინა თუ არა, მაშინვე წამოვედი. გარეთ ჯერ კიდევ სრული სიჩუმე იდგა. დილაადრიან ზღვისპირა კაფეშიც სრული სიჩუმე დამიხვდა. იქიდანაც გამოვედი და უკაცრიელ ქუჩებს გავეუყევი.

ქუჩაში მივბიძგე. როცა არ ვმოდრობ, მაშინ სადმე ვზივარ და იძულებული ვხდები ვიფიქრო. მაშინ მგონია, რომ აზრებს თავს ვერ ვუყრი. როცა ვმოდრობ, კარგად ვარ. სწრაფად უნდა ვიარო. ვინმე თუ შემომხედავს, თვალს ავარიდებ.

ძაღლების თავშესაფარში მივედი. ძაღლის გამოყვანა მინდოდა. პატარა ძაღლის. ვფიქრობდი, რა კარგი იქნება, გვერდით რომ გამომყვება-მეთქი. საღამოობით კოცონს დავანთებდი და ჰარმონიკას დაუკრავდი. ძაღლი ფეხებზე დამადებდა თავს და ყურს დამიგდებდა. მერე ერთად შევძვრებოდით საძილე ტომარაში და მის გულისცემას გავიცონებდი.

იქ ერთი ძაღლი იჯდა გალიაში. გამხდარი და გალეული. ჩვენ თვალეში შევხედეთ ერთმანეთს. ის ძაღლი ჩემი იყო, მაგრამ არ მომცეს. რომ წამოვედი, ძაღლი ანკმუტუნდა. როგორ მინდოდა მეტირა, მაგრამ ვერ ავტირდი.

ზღვისპირას ვზივარ. უკვე ბნელა. თუ ბევრს ვივლი, კიდევ უფრო გავხდები. საღამოობით წითელ ღვინოს ვსვამ ხოლმე. ზოგჯერ დილითაც ვსვამ. მერე ისე ძალიან აღარ მცვივა. მაშინაც კი ვითოშები, როცა მზე ანათებს. მზე ძლივსლა ანათებს. უკვე შემოდგომაა. წითელ ღვინოს რომ დავლევ, ირგვლივ ყველაფერი ფაფუკი და მშვენიერია და მაშინ ვგრძნობ, რომ შინიდან წამოსული ვარ. შევყურებ ტალღებს, სიბნელეში ნაპირისკენ რომ მოისწრაფიან. თავიდან პატარები არიან და ჩუმად მოგორავენ, მერე მოდიდებიან და ღმუიან.

მეც ვიღმუელებდი, მაგრამ ვერ გამიბედაი.

ნორა გზაშია

ჯერ არ დაღამებულა. არც ნათელია, არც ბნელი. ან მცირე ნისლია, ან სულაც მტვრის ღრუბელია ჩამონოლილი.

ქუჩაზე ქალაღი მიფარფატებს. ძაღლიც მოჩანს. იმაზე უფრო ადრე აცივდა, ვიდრე მოველოდი. შუა ქუჩაში მივაბიჯებ. ირგვლივ ახლად აშენებული სახლებია. 30 წლის წინ ისინი მართლა ახლები იყვნენ და მთელი ეს დაბა გამდიდრებაზე ოცნებობდა. კარგ ცხოვრებაზე და ტურისტებზე. არავინ ჩანს. თითო-ოროლა მოხუცს თუ ნააწყდები.

ისინი აღარაფერზე აღარ ოცნებობენ. არც არაფრის იმედი აქვთ. ახალგაზრდობა ქალაქში გახიზნულა, რომ იქ გაავრძელონ ოცნება. რაკუნის ისმის. ჟალუზებია. ისინი დიდი ხანია აღარ გაღებულა. ქუჩა ზღვასთან მთავრდება. ზღვა ამ უცნაურ შუქში განოლილა და ისეთივე დაბერებული და ჩამყაყებულია, როგორც ყველაფერი. მოშორებით, ჰორიზონტის მხარეს, ორი სქელი მამაკაცი მუცლამდე

წყალში ჩამდგარა. სხვადასხვა მხარეს იყურებიან. ასე უაზროდ დგანან.

მე რუკზაკს ვიხსნი და ზედ ვჯდები. ზღვა ისეთი მკვდარია, რომ ჟალუზების რაკუნის ხმა აქამდე აღწევს. დაღლილი ვარ. გზას აღარ გავაგრძელებ. უკვე ყველაფერი ვნახე. უსაფრთხო ადგილია. ერთი თვეა აქ დავხეტიალობ. რომ დაღამდება, გარეთ ვიძინებ. ვიღვიძებ თუ არა, გზას მივუყვები. ამასობაში ავყროლდი. ჩემი ტანსაცმელი, ჩემი თმა, ჩემი კბილები. ყველაფერი ყარს. პირიდან ღვინის სუნი ამომდის, საღამოობით რომ ვსვამ ხოლმე. მტვრის, მანქანების სუნი მიდის. მგონი, გუშინ ჩემი დაბადების დღე იყო. ჩვიდმეტის გავხდები.

ვფიქრობდი, სახლიდან თუ წამოვალ, უკეთესი იქნება-მეთქი, მაგრამ შევცდი. აქ უკეთესი არაფერია. აქაურობა უფრო საზიზარია. ეს არის და ეს.

ჩემს რუკზაკზე ვზივარ და ვხედავ, როგორ ბინდდება. ის კაცები წასულან. როდის წავიდნენ, არ დამინახავს. ღმერთმა უშველოთ. ჩემს გვერდით ვილაც ტიპი დგას. ილრიჭება და ჭიანი კბილებით საცხე პირი მოუჩანს. შავი თმა აქვს და ესპანურად მელაპარაკება. მე ცოტას ვლაპარაკობ. ერთი თვე იქნება, ხმა აღარ ამომილია. არც ამას დაველაპარაკები. იგი ხელს მკიდებს. ხელს არ ვამეხებინებ. ისევე ილრიჭება. მე პირში ჩავცქერი.

რა თქმა უნდა, მივყვები. აქამდეც ყველას მივყვებოდი. აბა სხვა რა უნდა მექნა. უსიტყვოდ მივაბიჯებთ. ისევე ის მკვდარი ქუჩა. აქ სხვა ქუჩა არც არის, მხოლოდ ეს ერთია. რაკუნის ხმა მიწყდა. ახლა ქარი ღმუის და ქუჩის ფანრები ტკაცუნობენ. ბიჭს რომელიღაც სახლში შევყევი. შესასვლელში ნავავი ყრია. სინათლე ბუჭუტავს. მეორე სართულზე ავდივართ. ყვითელი ბინა და მე წინკარში. ოთახში ლეიბი დევს. მაგიდას მუშამბა აფენია. აქვეა ნეონის ნათურა და ცხადაა ჩამოფხრენილი ჟალუზები. სახლში ჩამიჩემი არ ისმის.

მაგიდასთან ვზივარ და კედელს მივჩერებოვარ. ვფიქრობ, ნეტავ ვის მოუვიდა თავში ვარდისფერ შპალერზე პატარ-პატარა ნავეების დახატვა. ბიჭი მოდის და თეფშს და ღვინოს მიდგამს. რალაცას ვჭამთ. ვერ მივხვდი, რა იყო. მერე ის დგება და ლეიბზე მანვენს. ტანსაცმელზე ხელებს მიფათურებს. მე ვწევარ და მის პირს შევცქერი.

პირი ესპანურად ლაპარაკობს. ტანსაცმელს ბოლომდე არ მხდის. ალბათ იმიტომ, რომ შუქი ანთია და ჩემი სუნის და ნახვა ურჩევნია. მხოლოდ ცალკეულ ნაწილებს მიმიშვლებს. მე ნავეს ვითვლი. 10, 11, 12, ოცდაამათი ნავეზე საქმეს რჩება და გვერდით მინვება. მე ვდგები და ფეხები მეკეცება. როგორც იქნა ვაქრობ იმ ამაზრუნე შუქს. ახლა შემიძლია სიბნელეში ვინვე და ნუთით დავიჯერო, რომ მარტო აღარ ვიქნები. ვწევარ და ვხედავ, როგორ ინელება ღამე. მერე როგორ ირიჟრაჟებს და მეც მივდივარ. თავი განებილი მგონია და დილა ვერაფერს ცვლის. გზას ზღვისკენ მივუყვები.

ის ორი კაცი ისევე ისე დგას მუცლამდე წყალში. ერთმანეთს არ უყურებენ. მე პირში ღვინის გემო მაქვს და ვიყინები. სატვირთო მანქანას მივყავარ. ვერ ვხვდები, საით. სქელი, ხნიერი კაცია. უდაბურ ლანდშაფტში, მკვდარ მიდამოში მივდივართ. ასე მგონია, ლაპარაკს ველარასოდეს შევძლებ. საკუთარ თავთანაც კი. სიჩუმეა. ყველაფერი გაყინულა. უკან ვერ დავბრუნდები. ვიცო, განსხვავებული იქაც არაფერი იქნება. ველარსად წავალ. სატვირთო მანქანი

მივდივარ და მეშინია, ეს გზა არ დასრულდეს. მაშინ უნდა ჩამოვიდე. მე კი განძრევა აღარ მინდა. გაქვავებული ვარ. სქელი კაცი დროდადრო ლაპარაკობს. ნათქვამს მისი მზე-რა არ შეესაბამება. იგი ცრუობს. ვუნდივარ და ფიქრობს, რომ მე არ მინდა. ის კი არ იცის, რომ მე არაფერი მინდა, მას კი შეუძლია სურვილი სულ უბრალოდ დაიკმაყოფილოს. ჩემთან სურვილის მოკვლა ყველას შეუძლია. ჩემთვის ყველაფერი სულერთია. მარტოობას ისევ ეს სჯობია. ეს კაცები მცირე დროით ჩემს მაგივრად იღებენ გადაწყვეტილებას, საით უნდა წავიდე.

სატვირთო ჩერდება. ნახევრად დანგრეულ სახლთან ვდგავართ. სახლის წინ ჯართი ყრია და ძაღლები ირევა.

იქვე ძველი ფაბრიკა მოჩანს. ჩვენ სახლში შევდივართ და იგი მიჩვენებს, სად შემოდის დავიძინო. აქ ცივა. ლეიბი მაგარია და ნესტიანი. სქელი კაცი რომ შემოდის, აღარ ვიცი, ეს ნამდვილად ისაა, თუ სიზმარში ვარ. დღითიდღე სიზნანტე მერევა. ახალი დილა თენდება. ჯართის შესაგროვებელ მოედანს ჩავუარე. უაზროდ მივრბივარ, რომ არ გავიყინო.

ღამით გარეთ სულ უფრო და უფრო ცივა.

ძალიან მცივა. განძრევა აღარ მინდა. ოდნავ განძრევაც კი მღლის.

ყოველი დღე მომქანცველია. სიარულიც აღარ მინდა. გზის პირას ვზივარ. სადღაც, შინიდან შორს. აქ მანქანა არ ჩამოვივლის. ახლომახლო არც სახლები ჩანს. სიბნელე, სიცივე და მე. ვგრძნობ, ჩემი სხეული როგორ იღებს ჰაერის ტემპერატურას. ჰაერი კი ცივია. ძალიანაც კარგი. ყველას ერთნაირი ტემპერატურა გვექნება.

ნორას გამოქალაქარაკნე

ნორა ბარსელონაში ჩავიდა. ერთი ბიჭი გამოქალაქარაკა. ნორა ეკლესიის წინ იწვა და მზეს ეფიცებოდა. აი, ამ დროს გამოქალაქარაკნე. ბიჭს თომასი ერქვა. ცოტა ისაუბრეს და მერე თომასმა ნორა თავის დედასთან წაიყვანა. თომასი გერმანიაში ყოფილა დაბადებული, მაგრამ ნორას ასეთი ზუსტი ცნობები სულ არ აინტერესებდა. დედა ერთი ჩასუქებული ქალი აღმოჩნდა და მაშინვე მოინდომა ნორასთვის საჭმელი მიეწოდებინა. ნორას არაფრის ჭამა არ უნდოდა. ამ ქალის შემოთავაზებული კერძისა ხომ მითუმეტეს. ნორა თომასთან ერთად სარდაფში ჩავიდა. თომასი აქ ცხოვრობდა. კედლები შავად ჰქონდა შეღებილი და კედელზე დიდი ჯვარი ეკიდა. იგი დიდის ამბით ლაპარაკობდა სადო-მაზო-ხიზმზე. მერე ჰკითხა, პირსინგის გაკეთება ხომ გინდაო. ნორასთვის სულერთი იყო ყველაფერი. ბიჭმა გაზი აიღო და ნორას ერთი რგოლი წარბში გაურჭო, მეორე კი ჭიპში გაუყარა. ნორას თითქმის არაფერი უგრძენია. იგი თომასის საწოლზე იწვა. თომასი კი ისევ ლაპარაკობდა. სადო-მაზო-ხიზმი სულიერად ამდიდრებს ადამიანს და აი, მეც სადისტი გახლავარო. სადისტიც ვარ და მაგიცო. შემდეგ უამბო, მაგიას მცდარი ინტერპრეტაცია ეძლევა, სინამდვილეში კი იგი სხვა არაფერია, თუ არა საკუთარ თავზე და სხვებზე მოიპოვო ძალაუფლებაო. ნორამ ამ სიტყვების გაგონებაზე ბიჭს შეხედა. ლამაზი ბიჭი იყო, მაგრამ მისი ლაყობა ნერვებს უშლიდა. თომასმა ნორას დუმილი ინტერესის გამოჩენად და ადამიანებზე თავისი ძალაუფლების მორიგ აღიარე-

ბად მიიღო. ნორამ კი გაიფიქრა, ეს ტიპი ნამდვილად დარტყმულიაო, მაგრამ აქ უფრო თბილოდა, ვიდრე გარეთ. აქ შეეძლო მშვიდად დაეძინა და ხმა აღარ ამოუღია. თომასმა ნორას ჰკითხა, მაგია შენც თუ გაინტერესებსო, აი მე კი მაშინვე მივხვდი, მაზოხისტი რომ ხარო. მაზოხისტიები ძლიერი ქალები არიან, რადგან ისინი ქალის თავდაპირველ როლს, ანუ მორჩილებას აღიარებენ, ამას კი გამბედაობა სჭირდებაო. ნორამ თავი დაუქნია, ჰო, მართალი ხარო, გულში კი გაიფიქრა, ეს მანიაკი ვინ არისო, შემდეგ კი ჰკითხა, შეიძლება შენთან ცოტახანს ვიცხოვროო. იმიტომ კი არა, წასასვლელი არ მქონდესო, უბრალოდ დავინტერესდი, რამდენი რამ გცოდნიაო, და თომასმაც ჩაიბურტყუნა, ჰო, კარგი, კარგიო.

ნორა ჯერ კიდევ თომასთანაა

ნორამ დილით ტელევიზორს უყურა. ჯერ რალაცას უჩვენებდნენ შიდასე უსპანურად, მერე ჯეფერი დემერზე იყო გადაცემა. ნორამ ბევრი იცინა. იმ თავებზე ეცინებოდა, მას მაცივარში რომ ჰქონდა ჩამსკრივებული. ნორა მაცივართან მივიდა. იქ მხოლოდ რძე იდგა, მეტი არაფერი. წინა სალამოს ნორა თომასთან ერთად კინოში იყო. ფილმები მეტისმეტად გრძელი გამოდგა. ახლა ბიჭი მის წინ იწვა. გაკოჭილი. ნორამ ყურში ოხრაბუშის ლერი გაურჭო. ტელევიზორს ხმა გათიშული ჰქონდა. ნორა უკანალზე მათრახს ურტყამდა ბიჭს. ხელში გადამნიფებული ავოკადო ეჭირა. მასა თითებში ტვინით იჭყლიტებოდა. თესლი ცხვირში უნდა შეუტენოს, რაც შეიძლება ღრმად და ნესტოები რბილი მასით ამოუქოლოს. ცხვირში სიგარეტს ურჭობს. დამწვარ თმას ჭუჭყიანი წინდების სუნი უდის. ახლა კი ოპერაციის დროა. ბორმანქანაში ჩადგმულია ყველაზე დიდი ბურღი. ჩართულია ყველაზე ნელი ბრუნე.

ცალ ხელში ჩამოღვენთილი სანთელი უჭირავს. სანთელი ბიჭის კანზე იღვენებოდა. ბიჭი კრთებოდა. ვერაფერს ამბობს. პირში წინდა აქვს ჩაჩრილი. ტელევიზორში „ნირვანას“ უჩვენებენ. ნორამ წარმოიდგინა, ახლა მის წინ კურტ კობაინი რომ იწვეს. აი, მას კი დაელაპარაკებოდა. მას არც გაკოჭვას მოუნდომებდა. ეს ბიჭი კი ერთი ჩვეულებრივი ბიჭია და მეტი არაფერი. ნორამ ტელევიზორს თვალი მოაცილა. ოთახის კუთხეში ნაჭრის ძველი სათამაშო ცხვარი ეგდო. მისი ცხვარი. დიდხნის დროინდელი. ნორა ატირდა და ისევ მოუარა სურვილმა ბიჭისთვის ერტყა. ჯერ დაჩქმიტა, მერე ისევ გადაუჭირა მათრახი, თმა მოქაჩა და სანთელი უკანალში შესთხარა. ნორა იღიმებოდა. უკვე ერთი კვირა გავიდა, რაც ბარსელონაშია. გარეთ იშვიათად გამოდიან, ფაქტიურად ამ სარდაფში არიან ჩაკეტილები. ნორას პირსინგი აღარ აწუხებს. წარბზე ახლა სატრიალო რგოლი უკეთია. ჭიპზეც. ზოგი ახლა კანსაც ისერავს. ესეც... ახლახან სტივენ კინგი წაიკითხა: თვითმფრინავში, რიგებში ერთი კაცი თავის ნაწლავს მისდევს, რომელიც მუცლიდან გადმოვარდნია და ახლა უნდა მუცელშივე ჩააბრუნოს. ნორამ მუცელზე დაიხედა. სააბაზანოში შევიდა და საპარსით სცადა კანის გასერვა. ეტკინა. მერე საპარსის პირი ენის ქვეშ მიიბჯინა. უნდოდა ენა გაეჭრა. სარკეში ჩაიხედა. ექსტაზი გადაყლაპა, საწოლზე წამოწვა და რყევის შეგრძობას დაელოდა. რყევა დაიწყო. ნორას ჯერ კიდევ ხელში ეჭირა სა-

პარსის პირი. მკლავი გაიჭრა და უყურა, როგორ გადმოვიდა სისხლი. ტკივილი არ უგრძობია. სისხლი იყო ის ძაფი, რომელზეც ნორა ეკიდა. სისხლის ცალკეულ ბურთულებსაც კი ხედავდა, სისხლის უჯრედების წივილიც გაიგონა და დასევდიანდა. საბრალო პატარა ბურთულები. სისხლის ერთმა ბურთულამ მაისის ხოჭოს სახე მიიღო. ნორას ერთი შობა გაახსენდა, მშობლებთან ერთად ერთ პატარა სოფელში რომ გაატარა. როგორ ტიროდა, ციგა რომ უყიდეს, მას კი სწოუბორდი უნდოდა. უეცრად მონატრება იგრძნო. მოენატრა შობა, დედა, სწოუბორდი, პატარ-პატარა სახლები, ბუხრიდან ამოსული კვამლი. ნორამ თავის გვერდით მწოლარე ბიჭს დახედა და ფრთხილად დაადო მკლავზე ხელი. სისხლი ბიჭის მკლავს დაედინა.

ნორა და ტომი სხედან

საავადმყოფოს მოსაცდელეები ალბათ მთელ მსოფლიოში ერთნაირია. შეიძლება ბანგლადეშის გამოკლებით, სადაც ალბათ ტარაკნები იქნებოდა მეტი. ისე კი ყველა მოსაცდელი ყვითელი ფერისაა. რამდენიმე ძველი გაზეთი ისე აწყვია მაგიდაზე, თითქოს ოქროს იყოს, მაგიდა კი ნამდვილად სახაგვეზეა გადასაგდები. მაგიდას სკამები აქვს შემოწყობილი, რომელთა ადგილიც ასევე სანაგვეზეა. ასეთ ოთახებში ზოგჯერ ტელევიზორიც დგას. რატომღაც ფარდები რამდენიმე სანტიმეტრითაა დამოკლებული, ზედ გასანევი ჯოხები ჰკიდია, რომ ვინმემ ხელი არ შეავლოს და არ დასვაროს. ამ ყვითელ ოთახებში ყვითელი ადამიანები სხედან, რომელთა უმრავლესობას კიბო სჭირს და მაინც ბევრს კი ენევიან. საავადმყოფოებში მეტწილად საზიზღარი ხალხი ირევს, იმიტომ, რომ მოსახლეობის დიდი პროცენტი საავადმყოფოებში წევს და საზიზღარი სწორედ ეს პროცენტი. თუ არ ჩავთვლით ნუბიას, სადაც არც ვიცით, საავადმყოფოები საერთოდ აქვთ თუ არა. ყვითელი ოთახის ერთ კუთხეში ნორა ზის. აქ იმიტომ მოიყვანეს, რომ ვენები გადაიჭრა. კიდევ იმიტომ, რომ საშიშრად დაბალი წონა აქვს და ალბათ თავშიაც კრამიტი აქვს დაცურებული. აი რატომ ურჩევნიათ ექიმებს საავადმყოფოში ჰყავდეთ გამომწყვდეული. ოთახის შორეულ კუთხეში ტომი ზის. იგი დიფტერიის მძიმე ფორმის გამო დაანვიწეს საავადმყოფოში. ის გამოფიტულია და ექიმებს რომ ჰკითხოთ, უკვე მკვდარი უნდა იყოს. იგი, უფრო ზუსტად, მოსანევი ოთახში ზის, ნორას იქიდან უყურებს და მის ავადმყოფობაზე ფიქრობს. კიბო ექნებაო, ფიქრობს იგი, მაგრამ გაუგონია, კიბოიანებს თმა სცვივათო და ამიტომ შიდას ეჭვობს. გოგო ხომ უსაშველოდ გამხდარია, ალბათ ნარკოტიკებს იღებსო, ფიქრობს ტომი და უხარია, თვითონ უკვე კარგად რომ არის. ნორაც უყურებს ტომს და ფიქრობს, პაციენტის პირობაზე მართლა მაგრად გამოიყურებაო. ნორას მოსწონს თმამოშვებული კაცები. რა ცუდია, ესპანური რომ არ ვიცოი, ფიქრობს ნორა. მერე დერეფანს გაჰყურებს, სადაც ახლა საკაცეს მოაგორებენ, ზედ ზენარგადაფარებული ადამიანი წევს. იგი მორგში მიაქვთ. და ნორას აგონდება, ბავშვობაში საავადმყოფოში რომ იწვა და ბავშვები მორგზე საშინელ ამბებს რომ ჰყვებოდნენ. გვამები ცუდიაო, ფიქრობს ნორა, ამ დროს ტომიც იმასვე იმეორებს და ნორას სულაც არ უკვირს, ტომი გერმანულად რომ დაელაპარაკა. იმ საღამოს ნორა პირველად ჭამს ცოტაოდენ საჭმელს და არ

აღებინებს. ის ამჯერად არც საძილე აბებს იპარავს, რომ მთელი დღე იძინოს და არაფერი ჭამოს, აღარც იმაზე ფიქრობს, რა მაგარია საავადმყოფოში წოლა, აქ შემიძლია ვიძინო, არაფერი ვჭამო და კიდევ დავიკლო წონაშიო. იგი ფიქრობს ტომზე, ამ საღამოზე, ამ დროს კი მის კუჭს უკვირს, საკვები რომ ჩაუვიდა. ნორა ცხოვრებაში პირველად შეყვარებული და ამიტომაც არ იცის, მის კუჭში რომ ამბოხია, იმას რა სახელი უნდა დაარქვას.

ნორა ემშვიდობება თავის თილისას

იმ დღეს ციოდა. ზუსტად ისეთი ამინდი იყო, მხოლოდ შემოდგომაზე რომ იცის. ხის ფოთლები ჩამხრჩვალვით ეყარა გუბებში და ჩრდილო-აღმოსავლეთის ქარი შიშველ ტოტებში დათარეშობდა. მე ქუჩაში ვიდექი, ვტიროდი და შევყურებდი იმ შუქს, ჩემი მშობლების ბინიდან რომ გამოდიოდა. ის შუქი ყვითელი და თბილი იყო. ვიცოდი, რომ იქ ჩემი საწოლი იდგა და კიდევ უფრო ვუმეტე ტირილს, რადგან მაშინ ექვსი წლის ვიყავი და ზუსტად ვიცოდი, იქაურობასთან აღარაფერი მაკავშირებდა. დავრჩებოდი ქუჩაში მარტოდმარტო, ტანზე სველ ფოთლებს ნავიფარებდი, დილით კი ავდგებოდი და რომელიმე გემს შევებნიშებოდი. ახლა აღარ მახსენდება, რატომ მინდოდა მაშინ სახლიდან წამოსვლა, მაგრამ ის კი მახსოვს, რომ ბავშვები შეიძლება ძალიან უბედურები იყვნენ, ალბათ უფროსებზე ბევრად უფრო უბედურები, რადგან მათ არ იციან, რა ტკივილი მოჰყვება დარდს და ეს ტკივილი სამუდამოდ შენთან დარჩება, თუ არა.

შემოდგომა იდგა. მე ნელა, რამდენიმე ნაბიჯით მოცივდი ბინიდან გამომავალ შუქს, სახე გავიკერპე და აი, სწორედ მაშინ დავინახე ეს ცხვარი. იგი, ღმერთისგან გამოგზავნილი, თუ სასტიკი მშობლებისგან სადგომიდან გამოქვეყნებული, ქუჩაში ეგდო. ჭუჭყიანი და ყველაფერს მოძულეებული. მე ის ხელში ავიღე და ახლა ერთად ვიდექით ქუჩაში, ცალთვალა ნაჭრის ცხვარი და მე. კარგახნის მერე, სიამაყის უკანასკნელი ნარჩენებითურთ, მტრად ქცეული მშობლების ბინას დავუბრუნდით. ახლა მგონია, რომ ამ ცხოველის გარეშე სულ სხვაგვარად წარიმართებოდა ჩემი ცხოვრება. რამდენიმე წლის მერეც მინდოდა ყველაფერი მიმეგდო და ახალი ცხოვრება დამეწყო სადმე, სადაც არავინ მიცნობდა, მაგრამ სულ ეს წყეული ცხვარი მაფრთხილებდა და ნამდვილად მის გამო ვერ ვიცხოვრე გაბედული, თავზეხელაღებული ცხოვრებით. თილისმებს შესწევთ საამისო ძალა. მათი დანიშნულებაც ეს არის. ისინი ადამიანის ცხოვრებას ლაჩრულ, უღიმღამო სახეს აძლევენ, რადგან თავიანთ პატრონებს მუდამ იმ სიტუაციებს ახსენებენ, სადაც გონივრულმა მოქმედებამ გაამართლა. ხან კი პირიქით, თავიანთ პატრონს აცდუნებენ და თავზე ხელს ააღებინებენ, ამ დროს ვითომ მფარველობენ, მაგრამ სინამდვილეში თვალს უხვევენ და მერე მთელ პასუხისმგებლობას მათ აკისრებენ ხოლმე. ისინი მილიონობით ადამიანს აიძულებენ თან ათრიონ საძაგელი ნაჭრის ცხოველები, უაზრო ჯაჭვები და გაცვეთილი ფეხსაცმელები, ღმერთებს ქალწულები შესწიროს, გააჩაღონ ომები და ამ დროს ყველა კერპს გულში ეცინება ჩვენს სისულელეზე. შეხედეთ ადამიანებს, ხითხითებენ ისინი, ადამიანები თან დაგვათრევენ და თაყვანს

გვცემენ მხოლოდ იმისთვის, რათა საკუთარ თავს ჩააგონონ, რომ მარტონი არ არიან ამ ქვეყანაზე და რომ ბედნიერები არიან. ის კი არ იცინა, რომ ადამიანი მუდამ მარტოა და ბედნიერებაც ილუზიაა და სხვა არაფერი. ბედისწერას ცხვრების მეშვეობით ვერ შემოატრიალებ, სიმართლე ეს არის, მაგრამ ამ სიმართლის დანახვა არავის უნდა. ჩვენ საკუთარი, პატარა ღმერთი გვჭირდება. ალბათ იმისათვის, რომ მას ჩავეჭიდოთ იმ ცხოვრებაში სამოგზაუროდ, რომელიც ასე გვაშინებს. რადგან ჩვენ მხოლოდ მიზანი ვიცით, მასთან მისასვლელი გზა კი არა. ეს გზა მეც არ ვიცი. კიდევ ბევრი რამ არ ვიცი და არც არასოდეს მეცოდინება. ჩემგან ამიტომაც არაფერი გამოვა. არაფერი გამოვა იმიტომ, რომ აღარ შემიძლია კერები ვინამო. იმიტომ, რომ ჩემი ცხვარი სხვას მივეცი. გუშინ გარეთ გავედი. მოწყენილი ვიყავი და ამიტომ მოვინდომე ჩემი ცხვარი გამერეცხა. უცებ ხელიდან გამისხლტა და ერთი პატარა ბავშვის ფეხებთან დავარდა. რომ იცოდეთ, რა საძაგელი ბავშვი იყო. ბინძურსა და ნამტირალეს ცხვირიდან წვინტილი ჩამოსდიოდა. პატარა, ბინძურ ბავშვს ზედ ეტყობოდა, რა პატარა და ბინძური ცხოვრებაც ექნებოდა, და აი, ამ პატარა ნაგვის ტომარამ ჩემი ცხვარი აიღო. იდგა ასე, ხელში ჩემი ძველი, ბრმა ცხოველი ეჭირა და შემომცქეროდა. ჩვენი თვალები ერთმანეთს რომ შესხვდა, დაიძაბა, თითქოს დარტყმას მოელოდა. ეს რეფლექსი იყო, ბავშვმა იგრძნო, რაც გავიფიქრე. ბავშვები ყოველთვის გრძნობენ, რომ ადამიანებმა შეიძლება სცემონ და წაართვან ის, რაც მათ სიხარულს ანიჭებს. ბავშვს ეს ყველაფერი სახეზე ენერა და მის ჭრუჭყიან, პატარა ხელს ისე მაგრად ჩაებლუჯა ჩემი ცხვარი, რომ ხელი დაძაბულობისაგან გასწითლებოდა. ასე ვიდექით ორიოდე დაუსრულებელი წამის განმავლობაში. მერე ჩემს ცხვარს ხელი შევახე, ერთხელ კიდევ მოვეფერე ჩაჭყლებილ დინგზე და წამოვედი. წამოვედი, რადგან დიდი ვიყავი, რადგან უნდა მივმხვდარიყავი, რომ ნაღველი გამივლიდა. და რომ ცხვარს მართლა ველარაფერს ვუშველიდი.

ნორა უსაქმოდ დგას

არ ვიცი, რამდენხანს ვიდექი იმ აყროლებული საავადმყოფოს წინ. საავადმყოფო გარეუბანშია. აქ გზატკეცილი იწყება. მტვერი. გადახრუკული ბალახი. ღმერთო, რა საზიზღრობაა. თან ცხელა. ვდგავარ და ვფიქრობ, სად წავიდე, რა ვქნა და ასე შემდეგ. ფული აღარ მაქვს. შინ დაბრუნება არ მინდა. ესპანეთში ხეტიალიც აღარ მინდა. ამ ფიქრებში რომ ვარ, მოდის ტომი. ტომი მიყვარს. ვნითლდები და თავში მზაკვრული ფიქრებიც აღარ მომდის, როცა ის ჩემთანაა და ჩახჩახა მზეს შესცქერის. ცოტას ლაპარაკობს. არც მან იცის, საით წავიდე. ფული მასაც აღარ აქვს. ასეთ დროს ფილმებში ბანკს ძარცვავენო, ამბობს ტომი. მე ვეუბნები, ჰოდა, ჩვენც ასე მოვიქცეთ, მერე კი იტალიისკენ დავიდრათ-მეთქი. იქ ყოფნა ჯობია. ტომი მიყურებს, ხომ არ აფრენსო. მე კი სრულიად სერიოზულად ვლაპარაკობ. **O.K.** მეუბნება ბოლოს. გზატკეცილისკენ მივემართებით, იქნებ გზად მიმავალმა მანქანამ გავგინჩროს. ძველი სატვირთო მანქანა გვიჩერებს. ჩვენ უკან, ღია ძარაზე ვხვებით. მძღოლი საფრანგეთის საზღვრამდე მიდის. ჩვენ ბოლო ესპანურ ქალაქში ბანკი უნდა გავაძარცვოთ. მერე შეგვიძლია წარმო-

ვიდგინოთ, იტალიაში ყოფნა რა კარგი იქნება. ტომი რომ ნამდვილი მამაკაცია, იმიტომაც ვართ ორივენი კარგად. მე ვფიქრობ, რომ ყველაფერი იოლად გამოგვივა. როცა ღამით უკანასკნელ საზღვრისპირა ქალაქში ჩავედით, უკვე დაღლილები ვიყავით. ჯერ გავიარ-გამოვიარეთ, მერე კი რომელიღაც პარკში დავწექით დასაძინებლად. აქ ორი ბანკია. ერთი უფრო გვესიმპათიურა. დავიძინეთ. როცა გათენდა, ჩემი კოლგოტი ავიღეთ და შუაზე გავხიეთ. ტომს ვეკითხები, ესპანურად როგორ უნდა თქვას თავდასხმაო და ეგეთები. იმას ვგულისხმობ, შეუძლია თუ არა ამ აზრის კორექტულად გამოთქმა. არ შეუძლია. მის ლექსიკონში ვიხედებით. სიტყვა „თავდასხმა“ ვერ ვიპოვეთ. მხოლოდ ასეთი წინადადების შედგენა შევძელით: არასასიამოვნო ამბავია. ფული გვჭირდება.

ამ სიტყვებს ვიზებირებთ. ჯერ სუვენირების მაღაზიაში წყლის პისტოლეტს ვყიდულობთ. ბანკისკენ მივემართებით. სიმშვიდეა. კოლგოტი თავზე ჩამოვიცვით და ბანკში შევედით. სალაროს მივადექით. მოლარეს პისტოლეტით ვემუქრები. ასე მგონია, ვთამაშობ. ბანკში მყოფი ხალხი შემინებულა. მე ხმამაღლა ვყვირი. ხნიერი მოლარე ფულს აგროვებს. ჩანთის წამოღება არ გავცხსენებია. ამიტომ მოლარის ჩანთაც თან მიგვაქვს. ბანკიდან გამოვდივართ. ნიღბებს ვიხსნით და იქვე, კუთხეში ვყრით. ისე მეცივება, რომ ვიფსამ. სწრაფად მივაბიჯებთ. საზღვარზე უპრობლემოდ გადავდივართ. ჩვენს პასპორტებში ჩახედვა არავის აინტერესებს. საფრანგეთში მანქანას ვაჩერებთ. სამი საათის შემდეგ ერთ მშვენიერ ადგილას მივედით, ცოტაოდენი ფული გადავხურდავით და სასტუმროში წავედით. ფული ბლომად გვაქვს. სასტუმროს ჩაზნექილ სანოლზე ვეცემით და ვიცინით. ირგვლივ ფული გვიყრია. ღამით რამდენჯერმე გამეღვიძა. ისევ ისე ვინექით.

ტომს და ნორას ერთმანეთი შეუყვარდათ და მისთანა სიბიჭები

ტომი და ნორა ვენეციაში ჯერ კიდევ არ ჩასულან. მისგან შორიანხლოს, სამი საათის სავალზე, სადღაც, რომელიღაც არხთან მდელიოზე სხედან. ტანთ თითქმის არაფერი აცვიათ, რადგან ძალიან თბილა. შემდეგ ერთმანეთს შეხედავენ და მოსახდენი ხდება. ტომს შეუყვარდება ნორა და ნორას მაგრად შეუყვარდება ტომი. ტომს ნორა იმიტომ შეუყვარდება, რომ ის სულ ნორჩია, ნაზი, სრიალა კანი და გრძელი, ქერა თმა აქვს. ნორა შეუყვარდება, რადგან ჰგონია, რომ მას მფარველობა სჭირდება, თვითონ კი მის გვერდით თავს გამოცდილ, ნამდვილ მამაკაცად გრძნობს. ნორას ტომი შეუყვარდა, იმიტომ რომ იგი მამაკაცურია და ყველა ბიჭს სჯობია, ვინც კი ნორას ოდესმე გაუცნია. იმიტომ რომ იგი დიდია. იმიტომ რომ ჭკვიანია. იმიტომ რომ მის გვერდითაა. იმიტომ რომ ფიქრობს, ტომის წყალობით ჩემი ცხოვრება შეიცვლებაო. იმიტომ რომ გარეგნობით კურტკობანის სჯობია.

ნორა და ტომი ყველიან ნამცხვარს თავს ანებებენ და კოცნაობაზე გადადიან. ისე, ნორა კოცნაობაზე არ გიჟდება, მაგრამ ახლა მშვენიერი ეჩვენება, ალბათ იმიტომ, რომ ასეთი ლამაზი მამაკაცისთვის ჯერ არ უკოცნია, თუმცა აქ

კოცნის გემო არაფერშუაშია, აქ მთავარია, ეს კოცნა რას ნიშნავს. ნორასთვის ეს კოცნა ერთად ცხოვრებას ნიშნავს. ამიერიდან აღარასოდეს იქნება მარტო. ეყოლება ადამიანი, რომელიც მხოლოდ მას ეკუთვნის. ტომისთვის კი კოცნა სექსამდე გადადგმული პირველი ნაბიჯია. იგი ნორას პატარა მკერდზე ეფერება, მერე ბიკინიში უყოფს ხელს. ნორა არ უძალიანდება. ახლა მისი მომავალი წყდება, ყველაფერი სულ სხვანაირი ეჩვენება. ტომი შარვალს იხდის. ეს პაუზა ნორას ეუხერხულეობა და სახეს მის მკერდში მალავს. ტომი ხელს თავის ასოზე ადებინებს. ნორას ვერ გაუგია, ხელი იქ რატომ უნდა ედოს და ტომს ასოზე აწვება. ტომი კვნესის, ბევრს აღარ ფიქრობს, ასო სწრაფად შეჰყავს ნორას სხეულში და თავის საქმეს შეუდგება. აქამდე ასეთი ნორჩი გოგონა არ ჰყოლია, არც ასეთი სიფერიფანა. მასთან თავს ძლიერად და პოტენციამოძალეებულად გრძნობს. ნორამ წამით შეხედა ტომს. თავის საქმეში გართული უცხოოდ მოეჩვენა. თვითონ მხოლოდ სუნთქვის შეკვრას, სიტბოს და სიმძიმეს გრძნობს. ტომი მუხლებზე დგება და ფეხებს მალა აწვეინებს. სანამ ნორას სხეულში კვლავ შეიჭრებოდეს, საკუთარ თავს აკვირდება. ასეთი პოზა მოსწონს და ნორაც სასურველი და ტკბილია. ნორას ეუხერხულეობა, ასე ფეხებაშვერილი რომ წევს. უხამსობის შეგრძნება ისე ძლიერია, რომ ნორა ამ წუთებში სიყვარულს ვეღარ გრძნობს, მარტობის განცდა ეუფლება. ამასობაში ტომი თავის საქმეს ათავებს, ბალახზე წვება, ხმის ამოღება ეზარება და სასწრაფოდ იძინებს. ნორა დგება. ეს ამბავი მისთვის პირველი არ ყოფილა, მაგრამ პირველი კი იყო ალკოჰოლის გარეშე, პირველი იყო სიძულვილის გარეშე, პირველი იყო სიყვარულის მოსვლის შემდეგ და სწორედ ამიტომ არასოდეს ასე ბინძურად არ უგრძენია თავი. ეს სიტყვა უცებ მოუვიდა თავში და ის გრძნობაც პირველად განიცადა, რაც სიბინძურეს ახლდა თან. ამიტომაც დაბოლოალობს ასე უმიზნოდ, არ იცის მთელი ამ სიბინძურით საით მიემართება და როცა ფეხს ჟანგიან კონსერვის ქილას წამოჰკრავს, დაიხრება და ხელში იღებს. უსწორმასწოროდ მოჭრილ ხუფს დასცქერის და მკლავზე რამდენჯერმე დაისვამს.

ნორა მანქანაში ზის

მანქანაში, ვინმეს გვერდით, ჩვეულებრივ, მოშვებული ზიხარ ხოლმე. მე გარეთ ვიყურები და ვფიქრობ. მე თუ მკითხავთ, ფიქრი სულ სხვა რამ არის. ამ დროს ჩავლილი ამბები მაგონდება ან მომავალზე ვოცნებობ, თუმცა ამას ფიქრი აღარ ჰქვია. მოკლედ, მინდოდა მეთქვა, რომ მანქანაში ჯდომა მიყვარს. აი ტომთან კი საქმე ცოტა სხვაგვარადაა. ახლა ზუსტად ვერ ვიტყვი, ეს რას ნიშნავს, მაგრამ ვერ წარმომიდგენია, შეყვარებულის გვერდით ჩვეულებრივი ამბები როგორ უნდა აკეთო: საყიდლებზე იარო, ჭამო, ტუალეტში გახვიდე და სხვა ამგვარები. ასეთ საქმეებს სიყვარულთან საერთო არაფერი აქვს. ეს ყველაფერი მეტისმეტად ადამიანურია, სიყვარულში კი ადამიანური არაფერია. სიყვარული არის რაღაც უსხეულო, უსუნო, ოფლისგან თავისუფალი. ტომის გვერდით ისე ვზივარ, თითქოს დიდხნის ცოლ-ქმარი ვიყოთ. ან ორი ადამიანი, რომლებიც მანქანაში გვერდიგვერდ სხედან. ზოგჯერ არ ვიცი, ტომს რაზე ველაპარაკო. მერჩივნა ხმა საერთოდ არ ამომეღო, მაგრამ როცა მანქანაში ასეთი სიჩუმეა, მაშინ ვფიქრობ, რომ ტომს ჩემთან მოსწონდება, მაშინ ადრე თუ გვიან დამშორდება და ისეთ ქალს დაუნყებს ძებნას, რომელიც ენაწყლიანი იქნება და საუბრით გაართობს. ვიცი, კაცებს როგორი ქალებიც მოსწონთ. ფილმებში ამის მეტეს ვხედავთ. ცხადია, არც ისეთი შტერი ვარ, ფილმები სერიოზულად აღვიქვა, მაგრამ ბოლოსდაბოლოს ფილმებს ხომ მეტწილად მამაკაცები იღებენ და რაც იქ ხდება, მათი ფანტაზიის ნაყოფია. ჰოდა, ისეთი ქალი, როგორიც ამ წუთში თვალწინ მიდგას, მაგარი ჭირვეული ვინმეა. აცვია ვინრო კაბა, მალალქუსლიანი ფეხსაცმელებით დაბაკუნებს, თმაც ვნებისაღმძვრელად აქვს მალა აწეული, ერთი სიტყვით, დიდი მაცდური ვინმეა. ბევრს ლაპარაკობს, მხიარულ ამბებს ჰყვება და ხშირად იცინის. სიგიჟეებსაც გადასარეგად სჩადის, მაგალითად, კაცს სავსე ჭიქას თავზე ისე დააცლის, ვითომ არაფერი მომხდარა. საკუთარ თავს ვაკვირდები: უქუსლო ფეხსაცმელი და ჯინსი მაცვია. იმიტომ რომ ასე უფრო კარგად ვგრძნობ თავს. მუნჯივით ვზივარ და როცა



მხატვარი გიორგი ჩაჩანიძე

გავფიქრებ, ტომს სავსე ჭიჭა თავზე უნდა დავაცალო თუ არა, მიზეზს ვერ ვპოულობ, ასე რატომ უნდა მოვიქცე.

ტომი უეჭველად მიმატოვებს. გადასარევი ბიჭია. თმა მოშვებული აქვს, პერანგი მოლელილი და მკერდზეც თმა მოუჩანს. საკუთარ თავს ვეკითხები, ჩემში რა მოეწონა-მეთქი. ის გადასარევი ქალები ხშირად მიირთმევენ სპაგეტის. ამ თეთრ ჭიყვლებს დიდი გრძნობით იდებენ პირში და მათი გამოტენილი ლოყები ასევე გამოტენილ დეკოლტეს მშვენივრად ეხამება. მე ჯერ კიდევ ფრთხილად ვჭამ. ტომმა მითხრა, ავადმყოფურად გამხდარი ხარო, ამ თემაზე ბევრს მელაპარაკება და იმასაც ამბობს, ასეთი სიგამხდრე შესაზიზღებელიაო. მე არც შესაზიზღებელი მინდა ვიყო და არც ავადმყოფი. ახლა თითქმის ნორმალურად ვიკვებები, მაგრამ სპაგეტის მინც ვერიდები, რადგან ვიცი, რომ სპაგეტი ასუქებს.

ერთი სიტყვით, მანქანაში ვზივარ და იტალიას ვათვალიერებ. იტალია ლამაზია, მაგრამ მე იმაზე ვფიქრობ, ტომს რა ვკითხო ან ჩემზე რა შეიძლება ვუამბო. „ტომ!“ „ჰმ!“ „ტომ, გინდა ძალიან ცუდი რაღაც მოგიყვე?“ „ჰმ“. მეც ბარსელონას ამბებს ვუყვები, იმ ტიპთან რა გადამხდა და ეგეთები, მაგრამ როცა მოყოლას მოვრჩი, გავიგონე, საკმაოდ მოსაწყენი ამბავიაო. ტომი სიტყვაძუნობს. მე ვფიქრობ, რატომღა ლაპარაკი ასე ძნელი და ვნატრობ, ვინც გიყვარს, იმასთან ისე შეგეძლოს საუბარი, როგორც საკუთარ თავთან. საღამოს მანქანით სიარული მოგებზრდა. სადღაც ღია კაფეში ვსხედვართ და რაღაცას ვჭამთ. მერე ვინრო სანოლში ვწევართ და გადასარევად ვგრძნობთ თავს. ერთმანეთს ვეკვრით და ეტყობა, სიყვარულიც ასე ახლოს ყოფნა უფროა, ვიდრე გაუთავებელი ლაპარაკი ან მანქანით მგზავრობა.

ნორა ანრიალდა

მხოლოდ ის იცის, რომ ერთ ადგილზე არ უნდა გაჩერდეს, თორემ დაიღუპება. ახლა ისევ მარტოა და ვერ წარმოუდგენია, ამიერიდან როგორ უნდა იცხოვროს, როგორღა იცხოვროს მას შემდეგ, რაც ორიოდე კვირის წინ გვერდით ადამიანი ჰყავდა, ვისაც დაეყრდნობოდა. ნორა ჯერ კიდევ ახალგაზრდაა და გამოცდილება აკლია. არ იცის, ტკივილს როგორ გაუმკლავდეს და სიცოცხლე როგორ განაგრძოს. არ იცის, რომ უნდა გადახაზოს ყოველი დღე და ტკივილი თავისთავად განელდება. დაელოდოს სიმშვიდეს და იცოდეს, რომ ამქვეყნად ყველაფერი მეორდება. ნორამ ეს ჯერ არ იცის. მხოლოდ იმაზე ფიქრობს, რომ ამიერიდან მისმა ცხოვრებამ აზრი დაკარგა. ჯერ კიდევ არ იცის, რომ მის ცხოვრებას არც არასოდეს ჰქონია აზრი, მაგრამ თვითონ მხოლოდ დღეს მიხვდა ამას. ნორა წრიალებს და თვითონაც არ იცის, რა აწრიალებს. ფიქრობს, როგორ მოიკლას თავი და ჭკვიანური არაფერი აგონდება. ფიქრობს მალალ სახლებზე, საიდანაც შეიძლება გადმოხტე, ვენებზე, რომლებსაც გადაიჭრი, ფიქრობს ლიანდაგებზეც, მაგრამ ამათგან ყველაზე ახლოს მხოლოდ საკუთარი ვენები ეგულება. ვენების გადახსნა როგორღა ხდება? ნორა მკლავზე იყურება, მაგრამ ვენებს ვერ ხედავს. როგორღა გადაიხსნი იმას, რასაც ვერ ხედავ? ამასობაში ისე დაიქანცა, ნაბიჯის გადადგმა უჭირს. უფრო მეტიც, ვეღარ ინძრევა და იქვე ჩაიკეცება, სადაც აქამდე იდგა. ეს შოსეზე გაყოლებული გაზონია. ხედავთ, რა

შორს წამოსულა? აქედან მისი უსახელო პატარა ქალაქის სინათლეებილა მოჩანს. მის უკან დაჟანგული მავთულის ლობია. ნორა კი ზის მინაზე და განძრევა აღარ უნდა. იქნებ სიცოცხლე თავისით დასრულდეს, თუ აღარ გაინძრევა. იქნებ ჯობია ასე ჩუმად იჯდეს და უსასრულობაში ჩაიკარგოს. ნორას ამოსუნთქვისაც კი ეშინია და ფრთხილად, უხმაუროდ სუნთქავს. გაშეშებული ზის. ლამდება, მაგრამ ნორა ვერაფერს გრძნობს. ნორა სასწაულს ელოდება. ხომ შეიძლება მის ცხოვრებაში ერთხელ მაინც მოხდეს სასწაული. სასწაული მართლა ხდება, მაგრამ ნორა ისე დაშორებია საკუთარ თავს და სამყაროს, რომ ველარაფერს გრძნობს. ნორას წინ ტომი დგას. ტომი ბრაზობს, ნორას რომ ხედავს. ტომი ბედნიერია, ნორას რომ ხედავს. მერე გაათოშლი ნორა ტომთან ერთად სადღაც, ქალაქის ნაფლეთებით სავსე ბინძურ თხრილში წევს. იოტისოდენა სიხარულს ნაღველი სჭარბობს, რადგან სიყვარული, ანუ ამ სულელური სიტყვის მიღმა ნაგულისხმევი რაღაც, ასე მძიმე გასაძლები ყოფილა.

ნორა სასტუმროშია

რატომღა, რომ სულ სხვა ადამიანი ვხდები, როცა ტომი ჩემთანაა? ვამბობ ისეთ რაღაცებს, ჩემგან რომ არ მოდის? ისეთ რამეებს ვაკეთებ, ჩემგან რომ არ მოდის? სასტუმროს საზიზღარი ოთახი. ცხელა. ტომი ქვევითაა. კურტ კობაინთან ყველაფერი უფრო იოლი იქნებოდა. კურტთან ის ვიქნებოდი, რაც ვარ. ტომთან საკუთარ თავს ვეღარ ვცნობ. მოდელი რომ ვიყო, ალბათ ყველაფერი გაიოლდებოდა. მაშინ არც არავის შეყვარება დამჭირდებოდა, რადგან საინტერესო ცხოვრებით ვიცხოვრებდი. ფაქტი კი ისაა, რომ ტომი მყავს და მის გვერდით დაძაბული ვარ. მაგრამ მარტო ყოფნაც რომ არ შემიძლია? ზოგჯერ მგონია, რომ საკუთარი თავი მძულს და ალბათ ტომსაც შეეძულდება. ჭკვიანურსაც ვერაფერს ვამბობ და არც მხიარული ვარ. მხოლოდ აფორიაქებული ვარ. აი, მოდელი რომ ვიყო, ყველაფერი სულელური იქნებოდა. არც არავისთან დამჭირდებოდა ლაპარაკი. ქვემოთ ტომი მელოდება. ჩემთან ლაპარაკი მოუნდება, მეც ეს მინდა, მაგრამ დავინახავ თუ არა, საკუთარ თავში ვიკეტები და ვშტერდები. მერე კი გუნება მიფუჭდება. ისიც აღარ ვიცი, ტომი მიყვარს თუ არა. აი, კურტი მართლა მიყვარდა. ჩემს ოთახში მისი უამრავი ფოტო მქონდა და ასე მეგონა, ერთად ვცხოვრობდით. მასთან ლაპარაკიც კი შემეძლო. შეიძლებოდა ბევრი გვეცინა. ახლა კი ის მკვდარია. კურტმა თავი რომ მოიკლა, მეც აღარ მინდოდა სიცოცხლე. ახლა ქვემოთ ჩავდივარ, ტომთან. არ ვიცი, იგი მიყვარს თუ არა. საერთოდ არ ვიცი, რა ხდება.

ნორა აფორიაქებულია

ნორა მიხვდა: რაღაც ისეთი ხდება, რაზეც თვითონ გავლენას ვეღარ მოახდენს. დადგა ის მომენტი, რასაც ელოდა, კაცმა რომ თქვას, თავიდანვე ელოდა. რაც ტომი შუუყვარდა, იმ დღიდანვე ხდებოდა რაღაც, რაზეც თვითონ გავლენას ვეღარ ახდენდა. ყველაფერი გართულდა, თუმცა ნორა იმასაც ამჩნევდა, რომ თვითონ გაუჭირდა და საკუთარ თავს ვერაფერს შველოდა. ისეთ რაღაცებს ამბობდა, რაც სუ-

ლაც არ უნდოდა ეთქვა. თითქოს ვიღაც სხვა მოქმედებდა და არა თვითონ. მხოლოდ ის უნდოდა, სასურველი ყოფილიყო და ტომს ჰყვარებოდა, მაგრამ რაც აქედან გამოვიდა, მეტი სიმეტად რთული გამოდგა და ნორა ამ სიმძიმეს ვეღარ უმკლავდებოდა. რაც უფრო რთულდებოდა სიტუაცია, მით უფრო უჭირდა თავისთვის ეშველა. რაღაც ხდებოდა. ნორა ვერ ხედებოდა, რა, მაგრამ იმას კი ხედავდა, რომ ტომი ხელიდან უსხლტებოდა. კარგახანია ხელიდან უსხლტებოდა. ახლა კი საბოლოოდ დაუსხლტა ხელიდან, რადგან გამოჩნდა ქალი, რომელსაც ჰქონდა ყველაფერი ის, რაც ნორას არ გააჩნდა და ნორას არაფრის შეცვლა არ შეეძლო. შტერივით იჯდა ტომსა და ბეტინას გვერდით და ვერაფერს ხდებოდა.

ნორა დგება და ამბობს, ცოტახნით გარეთ გავალო. **O.K.** ეუბნება ტომი და ნორა ფიქრობს, თქვენც ეს გინდათო. შემდეგ ოთახიდან გარბის. გარბის საკუთარ სხეულში ჩაბუდეული ბრაზისა და უმწეობის შესახვედრად. რაღაც უნდა ვილონოო, ფიქრობს. ფეხს უჩქარებს, მერე ჩერდება, სახეს იკანრავს, სხეულს კბილებით ისისხლიანებს, ჩერდება, ცრემლები მოსდის და სახლში ატირებული ბრუნდება. რაღაცას ჰყვება ვიღაც უცხო მამაკაცზე და ფიქრობს, ხედავ ტომ, რა ჩაივინე, ნუთუ სინდისი არ გქენჯნისო? ტომს მართლა ანუხებს სინდისი, ბეტინა კი ნორას ეკითხება, ვინ კაცზე ლაპარაკობო. ნორაც რაღაცას მიედ-მოედება და ხედავს, რომ ტომსა და ბეტინას მისი არ სჯერათ. ნორა წვება. სამზარეულოდან ბეტინას სიცილი ესმის.

ნორა მარტოა

ისინი გაემგზავრნენ. ვიცი, ტომი ბეტინასთან დარჩება. იცხოვრებენ ერთად, სადმე დანყვევლილ სახლში. ალბათ შვილებიც ეყოლებათ და სხვა ამგვარი სისულელები. უკვე საღამოა. არ ვიცი, როდის დაბრუნდებიან. 9 სრულდება. ტომი ბეტინასთან ერთად წავიდა და მარტო დამტოვა. სახლში ჩემი გულის ძველი ისმის. გული ერთადერთი რამ არის, რაც ჩემში ჯერ კიდევ ფეთქავს. მხოლოდ იმას ვუცდი, როდის დაბრუნდებიან და მეტყვიან, რა ხდება. იქნებ ტომი მასთან ერთად სულაც არ წასულა. შეიძლება დაბრუნდნენ და ტომი რომ ნახავს, რა ცუდ გუნებაზე ვარ, დავქორწინდეთო, მეტყვის. მერე აქედან წავალთ და ბევრსაც ვიცინებთ. მერე დავქორწინდებით, ჯვარს ვენეციაში დავინერთ და ყველაფერი კარგად იქნება. ეს მერე მოხდება, მაგრამ ძალიან ნელა.

ისინი ჯერ არ დაბრუნებულან. იქნებ სწორედ ამ წუთებში სადღაც ტკბებიან სიყვარულით, სადმე ცხელი წყაროს ან რაღაც ამდაგვარის ახლოს. ვიცი, რომ ტომთან ბედნიერი არ ვარ, მაგრამ ბედნიერი მის გარეშე ვერ ვიქნები, მის გარეშე უბედური ვარ, მარტო ვარ. ეს კი მართლაც მეტისმეტია.

ნორა ფანჯარაში იყურება

ნორა ფანჯარასთან იჯდა. დრო მძიმედ მიიზღაზნებოდა და მხოლოდ თორმეტ საათზე მიხვდა, ის ორი, ტომი და ნორას უახლოესი მეგობარი, აღარ მოვიდოდნენ. ნორა, ანუ ის საგანი, რომელსაც ოდესღაც ნორა ერქვა, აცახცახდა.

მთელი ტანით ცახცახებდა და იცოდა, რამე უნდა ელონა, თორემ ასე თუ იჯდებოდა, ცახცახი ბომბივით გასკდებოდა, ჯერ გულს დაუფლეთდა და მერე მთელ სხეულს აუფეთქებდა. და აი, საგანი დაიძრა. ყოველი კუნთი დაჭიმული აქვს, რომ ცახცახს კონტროლი გაუწიოს და ხელიდან არ დაუსხლტეს ის საგანი, რომელსაც ოდესღაც ნორა ერქვა, მთელ სახლში დაძრწის და ისეთ ინსტრუმენტს დაეძებს, ცახცახში ჩამალულ ტკივილზე უფრო ბასრი რომ იქნება. ასეთი საგანი მთელ სახლში რომ დაძრწის, ეს ამბავი კარგად არ დამთავრდება. იმაზე იოლი არაფერია, ყველაფერი ნორას გადალლას დაბრალდეს და ალბათ ასეც იქნება.

სარდაფში რაღაცას მიაგნო, დიდ კანისტრას, მძიმეს, ბენზინით სავსეს. კანისტრა სამზარეულოში ამოათრია, ხუფი მოხადა და იატაკზე მოაპირქვა. აი ნახავთ, ფიქრობს საგანი, ბედნიერებას ვერ ეღირსებით, მე კი იმდენი ვიცინებ, მოვკვდები სიცილითა. იატაკზე, სადღაც კუთხეში ჩავჯდები და მოვკვდები სიცილითა. კანისტრა დაიცალა. ნორა იატაკზე ჩაჯდა და ერთხელ კიდევ ჩაიხედა გულში, შიში ხომ არსად იმალება, სინანული არ მოერიოს, როცა უკვე გვიან იქნებაო. შიშს ვერსად მიაგნო.

ასანთის კოლოფიდან მშვიდად ამოიღო ერთი ღერი და ნელა გაჰკრა.

ბენზინმა ელვისისწრაფით იფეთქა და ყრუ, ავი შხუილით ააღდა. ოთახი რამდენიმე წამში ცეცხლში გაეხვია. ნორა დაიკლავნა. ჟანგბადი ერთ ჩასუნთქვაზე გამოელია და ფილტვებში ახლა გავარგარებული მასა ჩასდიოდა. სასუნთქ მილებში პირდაპირ ცეცხლი მიედინებოდა, მაგრამ ნორას გონება არ დაუკარგავს. ვაი რომ არ დაუკარგავს. ალი ტანსაცმელს მოედო. ხელოვნური ქსოვილი კანში ჩააღნა და ჩაენება. თმა ერთ წამში დაფერფლა. ხორცი სანთელივით წვეთ-წვეთად იღვენთებოდა. თითოეული წვეთი საზარელი ტკივილით სწყდებოდა სხეულს. ნორამ მკლავზე დაიხედა. ხორცის შავ ნაფლეთებს ქვეშ შიშინით ინვოდა ძვლები და მაშხალასავით ნაპერკლებს ისროდა. ალმა მერე თვალები ამოუშანთა. თვალები სუსტი ტკაცანით დაიმრია, მაგრამ ნორა უკვე ვეღარ აზროვნებდა. ტკივილისგან არც დაუყვირია, რადგან ტუჩები აღარ ჰქონდა. ტკივილი მხოლოდ მაშინ გაქრა, როცა ალმა მუცლის კანი შთანთქა და შიგნულს მისწვდა. ნორას აღარ უგრძენია, ცეცხლმა ნანლავები როგორ ჩაუხარმა.

ბეტინამ და ტომმა სატვირთო მანქანა დაინახეს

ტომს გამოეღვიძა და იგრძნო, როგორ ანუხებდა ზურგზე მჭიდროდ მოკრული ქალის შიშველი სხეული. უცებ აფორიაქდა და შიშველი ქალი გააღვიძა. მისმინე, ვერ ვისვენებ, შენი სახლის ტელეფონის ნომერი მითხარი, ნორას უნდა დაუვრეკო. ბეტინას უკმაყოფილება არ დაუფარავს, ისე უკარნახა ნომერი. ტომმა დარეკა, მაგრამ, ცხადია, ტელეფონთან არავინ მოსულა. ტომი განერვიულდა და დაიჟინა, უკან უნდა დავბრუნდეთო. ბეტინას სულაც არ უნდოდა შინ დაბრუნება, მაგრამ ტომმა უთხრა, თუ არ ნამოხვალ, ტაქსის ავიყვან, მოკლედ, რაღაცას მოვახერხებო, და ბეტინაც აღარ გაჯიუტებულა, მიხვდა რაღაც ისე არ იყო, რო-

გორც თვითონ ეგონა. და აი, ისინი უკვე მანქანაში სხედან, შუალამისას, დაქანცულები და თავთავიანთ ფიქრებში ვართულნი, ოღონდ იმ ფიქრებს მშვენიერი სულაც არ ეთქმის. ტომი სწრაფად მიდიოდა. უკუნეთი იდგა, ტომი კი მანქანას მიაქროლებდა, ბეტინას ცოტა შეეშინდა კიდევ. მერე, როგორც იქნა, გამოაღწიეს მიხვეულ-მოხვეული ქუჩებიდან და ავტობანზე გავიდნენ. ტომმა კიდევ უფრო უმატა სიჩქარეს, რადგან, საბედნიეროდ, ავტობანი ცარიელი იყო. ბეტინა ფიქრობდა, ერთი მამაკაცი არ მეგულება, მე რომ ვუნდოდეო. ალბათ ძალიან უშნო ვარო. მერე გაიფიქრა, იქნებ უკეთესიც არის, არავის რომ არ მოვწონვარ, კარიერაზე უფრო სერიოზულად ვიფიქრებო. ტომი ცარიელ ავტობანზე მიქროდა. ნუთუ ბედნიერება იმ პატარა, გაღლებულ გოგოსთან იპოვაო, ფიქრობდა ბეტინა. ტომს მიზანი გაუჩნდება ცხოვრებაში და ეტყობა, ეს საკმარისია, კმაყოფილი იყო. ტომს ჰყავდა ვიღაც, ვისაც იგი სჭირდებოდა, მე კი ვინმეს თუ ვჭირდებო, საკუთარ თავს ჩაეკითხა ბეტინა, მაგრამ ვერავინ გაიხსენა. მერე კი, უბრადად გატარებული ერთი საათის შემდეგ, გამოცოცხლდა. ფიქრობდა, კარგად ვარ და ცხოვრებაში კიდევ ბევრ სიკეთეს მოვესწრებო. ისიც გაიფიქრა, ალბათ იტალიაში კიდევ მეტხანს დავრჩები და ნარმოიდგინა, რა კარგი იქნებოდა იტალიაში დარჩენა. ფიქრებში ზღვასაც შეავლო თვალი, ერთხელ კიდევ ნარმოიდგინა, წინ რამდენი სასიამოვნო წუთი ელოდა და

თავი ბედნიერად იგრძნო. ტომი კი ღამეში მიქროდა. ღელავდა და ნორასთან შეხვედრა უხაროდა. ყველაფერს ეტყოდა, რასაც ფიქრობდა, ეტყოდა, რომ უყვარდა, მის გარეშე ცხოვრება რომ ვერ წარმოედგინა, ცოლად რომ უნდა შეერთო. სამსახურს იშოვიდა, იტალიურს ისწავლიდა, ნორაც ისწავლიდა რამეს და სულ ერთად იქნებოდნენ, რადგან ამქვეყნად ერთმანეთისთვის იყვნენ გაჩენილები. ტომმა ამ დროს მოუხვია და თავის ზოლზე უზარმაზარი სატვირთო მანქანა დაინახა. იგი გზაზე ეგდო და ისე იწვოდა, თითქოს აქამდე ამის მეტი არაფერი ეკეთებინა. ტომმა ეს შენიშნა, მაგრამ ეტყობა, ძალიან გვიან შენიშნა. ტომის თავი მეხანძრეებმა გზიდან კარგა მოშორებით იპოვეს. თმა ჯერ კიდევ კოხტად ადგა, ოღონდ თვალები ჰქონდა არაბუნებრივად დაჭყეტილი, ყელზე კი მავთულე-ბივით გამოსწორდა მყესები და ძარღვები. ბეტინა მანქანიდან შემდუღებელი აპარატით ამოჭრეს, იგი ლითონის ძელს წელზემთ გადაეჭრა. შინაგანი ორგანოები კალთაში ისე ეწყო, სხეულს არც იყო მოცილებული. თავში რკინის ნატეხი ჩარჭობოდა, რომელიც საბედნიეროდ ტვინს არ ეხებოდა და ბეტინას რამდენიმე საათი ჰქონდა დარჩენილი, რათა სასიკვდილოდ შემზადებულიყო.

გერმანულიდან თარგმნა
დალი ფანჯიკიძე

ეპისტოლე

ლევან ბრეგაძის
ნოველა

ყოველთვის მომწონდა ლევან ბრეგაძის კრიტიკული სტატიები თუ ლიტერატურული ნარკვევები და თითქმის არასოდეს გამომრჩენია. ძალიან გამეხარდა, როდესაც ჩემი ვაჟისაგან გავიგე, რომ მისი ლექტორი თბილისის სახელმწიფო უნივერსიტეტის ფილოლოგიის ფაკულტეტზე საგამომცემლო-სარედაქციო განხრით, ბატონი ლევანი ყოფილა, ყველა სტუდენტისათვის უსაყვარლესი პედაგოგი. ჩემი ვაჟი მისი ქებით აღარ იყო და მსიამოვნებდა, რომ ეს პიროვნება ჩემით უკვე მყავდა აღმოჩენილი.

პირადადაც მინდოდა გამოვცნაურებოდი, როდესაც გორის სახელმწიფო უნივერსიტეტში მასთან შეხვედრასა და უცხოური ეპიგრაფების წარდგინებას დავესწარი, მაგრამ რატომღაც დამეუხერხულა და უკეთესი დროისათვის გადავდე. მერე კი ჩემს თავს ვსაყვედურობდი, რა იქნებოდა მივსულიყავი და მეთქვა, რომ ეს პანია წიგნიც ჩემი ერთ-ერთი საყვარელი გამოცემაა და საერთოდაც მისი ერთგული მოთხველი ვარ.

რამდენჯერმე დავაპირე თქვენი რედაქციისთვისაც მომენერა, რაკილა ბატონი ლევანი თქვენს წრეში ტრიალებს, მაგრამ აუხსნელი რიდი მაჩერებდა. ახლა კი ისეთი შთაბეჭდილება მოახდინა მე-18 ნომერში მისი „უბის წიგნაკის“ ჩანაწერებმა, ბარემ აღარ გადავდე.

ეს ჟანრი საერთოდაც მიყვარს და ძალიან მიხარია, რომ ჩვენს ლიტერატურაშიც მკაფიოდაა გამოკვეთილი (სხვათა შორის, მიხეილ ჯავახიშვილის ცოტა ხნის წინათ გამოცემული „უბის წიგნაკები“ სასთუმალთან მიდევს ამ გამოთქმის პირდაპირი და სიმბოლური მნიშვნელობითაც), ბატონ ლევანსაც საკმაოდ ემარჯვება, მაგრამ ამჟამად განსაკუთრებით გამიტაცა მისტიკურმა ეტიუდმა

„გოეთეს დაბეჭდება“, რომელიც მიმართა კლასიკურ ნოველად თავისი აღნაგობითაც და მოულოდნელი, ეფექტური ფინალითაც.

თურმე როგორ გადაჯაჭვია გოეთეს სახელი და ლანდი ლევან ბრეგაძის ბიოგრაფიას და როგორ განუსაზღვრავს მისი ცხოვრების გეზიც და თანმიმდევრობაც! იმ გოეთეს, ვინც დაბადებდანვე დაებეჭდა ბატონ ლევანს, მას შემდეგ, რაც მამამისს გოეთეს ლექსების ქართული გამოცემა მაინცდამაინც იმ ქალაქში, იმ წელსა და იმ დღეს უყიდა და შესაფერისი წარწერითაც შემოუნახავს, სადაც და როდისაც ეს ჩვენი საყვარელი ლიტერატორი მოვლენია ამ ქვეყანას.

იქიდან გამოშვებოდა ეს ლანდი მის ცხოვრებას და წრე მართლაც მისტიკურად მაშინ შეიკვროდა, როდესაც თეიმურაზ დონაშვილი თავის მეგობარსა და თანაავტორს დაბადების 60 წლის-თავს მაინცდამაინც გოეთეს ლექსით მიულოცავდა „ჩვენი მწერლობის“ ფურცლებიდან.

სხვათა შორის, ძალიან ამაღელვებელი ფოტოსურათმა, რომელზეც მამა-შვილი ერთადაა აღბეჭდილი გოეთეს დაბეჭდიდან წლინახევრის შემდეგ.

ბევრი არაფერი მომწონებია ისე, როგორც ამ ტყიბულელი გეოლოგისა და ბიბლიოფილის სოლომონ ბრეგაძის მემუარულმა ჩანაწერებმა მომიხიბლა, ამ რამდენიმე წლის წინათ რომ გამოაქვეყნა ბატონმა ლევანმა მამის არქივიდან ჟურნალ „საგურამოს“ ფურცლებზე (2003 №5).

მიხარია, რომ ამის თქმის საშუალება მომეცა.

სულ ველოდი, რომ ვიღაც აუცილებლად გამოეხმაურებოდა მოწონებით იმ პუბლიკაციას, მაგრამ რატომღაც გამოეპარა ჩვენს სალიტერატურო კრიტიკას.

ეს მისტიკური ეტიუდი მაინც ნულარ დარჩება შეუფასებელი კრიტიკის მიერ.

თეიმო ჩიტაძე
ყელქცეული

ნობელის ნაცვლად – ოსკარი

1977 წელს უკვე ცხადი შეიქნა, რომ ეგვიპტის პრეზიდენტმა ანვარ სადათმა საბოლოოდ აქცია ზურგი საბჭოეთს და დასავლეთისკენ იბრუნა პირი.

დაავიწყდათ უამრავი ამაგი და სიკეთე, მოსკოვიდან რომ დააბერტყეს... დაავიწყდათ ასუანის კაშხალი, დაავიწყდათ პირამიდების გარემონტება, დაავიწყდათ ნილოსის ჭაობების ამოშრობა... დაავიწყდათ რუსული პური და რძე, ხიზილალა და არაყი, მწვადი და პელმენი, ტელევიზორები და მაგნიტოფონები, მუზარადები და ჩექმები – ყველაფერი მუქთად რომ იყო; როცა ფული გექნებათ, მაშინ გადაგვიხადეთო.

დაავიწყდათ ძლევამოსილი თვითმფრინავები და ტანკები. ისიც დაავიწყდათ, ტანკის სანათურს რომ გაალებდნენ და გაცობისგან პირს ალებდნენ: მძლოლი სადღააო? შეიარაღებას არა კმარობდნენ, საზარბაზნე ხორციც რუსული ნებადათ! ყველაფერი იაფად, ნისიად, მუქთად...

დაავიწყდათ უანგარო მხარდაჭერა ომსა თუ მშვიდობაში. დაავიწყდათ პუშკინი და ტოლსტოი. დაავიწყდათ, ძმობა რომ შეჰკვიცეს კრემლს. ისიც დაავიწყდათ, პირამიდების ჩეროში რუსულ ენას რომ სწავლობდა დიდი და პატარა.

ცხოვრებულმა ხრუშჩოვმა ეგვიპტის პირველ პრეზიდენტს, გამალ აბდელ ნასერს, თავის დროზე ჰიტლერს რომ ეკეკლუცებოდა, საბჭოთა კავშირის გმირის ნობელა მიანიჭა. საბჭოთა სანატორიუმების კარი მუდამ ღია იყო ნასერისა და სადათისათვის. იალტა და სოჩა (საქართველოსგან მიტაცებული სოჭი!), კისლოვოდსკი და წყალტუბო გულთბილად ეგებებოდნენ და ფიანდაზად ეგებოდნენ ნასერსაც და მის უღირს მემკვიდრესაც, სადათი რომ ერქვა. არ დაუფასდათ!

საბჭოთა დიპლომატიის ფლაგმანად შერაცხული ანდრეი გრომიკო, საგარეო საქმეთა მინისტრი რომ იყო შე-



გოლდა მეირი

ვარდნაძემდე, თავის მემუარებში წერს: „სადათს ეძახდნენ „წყვდიადს ეგვიპტის ქვეყანაში“ [ბიბლიური ალუზია]... სადათს, მთელი თავისი სიცოცხლე, განდიდების მანია სჭირდა, მაგრამ როდესაც პრეზიდენტი გახდა, ამ სნეულებამ პათოლოგიური სახე მიიღო“.

ასე ტრაგიკულად განიცადეს მოსკოვში ისრაელ-ეგვიპტის შერიგება-მორიგება.

1977 წლის 20 ნოემბერს პრეზიდენტ სადათის თვითმფრინავი დაეშვა თელ-ავივის აეროპორტში. სასწრაფოდ მიაღვეს ტრაპი და ცოტა ხნის შემდეგ თელ-ავივის რადიოს რეპორტიორმა მიკროფონში ჩასძახა: „აი, ახლა კი პრეზიდენტმა სადათმა ჩამოუარა ისრაელის მხედართა საპატიო ყარაულს. ამას ჩემი თვალით ვხედავ, მაგრამ რა ვქნა, არ ძალმიძს დავიჯერო!“

გრომიკოს ბიბლიური მოთქმაგოდება და ებრაელი რეპორტიორის პათეტიკური გაცოცება ახლოსაც ვერ მივა ისრაელის ყოფილი პრემიერ-მინისტრის, მართლაც რომ რკინასავით ქალბატონის, გოლდა მეირის მიერ წარმოთქმულ სიტყვებთან.

ყოფილმა პრემიერმა, ებრაელი რეპორტიორისა არ იყოს, თავისი თვალით იხილა, როგორ გადაეხვივნენ და ჩაეპროშტნენ ერთმანეთს ეგვიპტის პრეზიდენტი ანვარ სადათი და ისრაელის მოქმედი პრემიერ-მინისტრი მენაჰიმ ბეგინი, რომელნიც წარდგენილ იყვნენ სანატრელ ნობელის პრემიაზე მშვიდობის განმტკიცებისათვის (და მიიღეს კიდევ). გოლდა მეირმა თავისი თვალთ რომ იხილა არნახული სურათი, აღტაცებით წამოიძახა: „რის ნობელი, რა ნობელი! ორივეს ახლავე მიეცით თითო ოსკარი!“

აი, იუმორიც ამასა ჰქვია. ამგვარ შედეგს, ებრაელის გარდა, ალბათ დამეთანხმებით, ამქვეყნად მარტო ქართველი თუ იტყოდა...

ტეხასელი მსროლელი

„ვოროშილოველი მსროლელი“ – ასე ჰქვია სტანისლავ გოვორუხინის ფილმს. მარშალ ვოროშილოვის სახელი ნუ შეგაცბუნებთ! ჯერ – ერთი, წითელი ჭირი, განსხვავებით შავი ჭირისგან, გადამდები როდია და მეორეც, რაც მთავარია, გასული საუკუნის ოცდაათიან წლებში საბჭოთა კავშირის თავდაცვის სახალხო კომისარი (ანუ მინისტრი) სწორედ ვოროშილოვი ბრძანდებოდა და მისი სახელობის ტიტული ამიტომაც ენიჭებოდათ მარჯვე მსროლელებს. ასე რომ, აღნიშნული გამოთქმა თამამად შეიძლება შეეცვალოს ნებისმიერი ანალოგიით; ვთქვათ, ვუნოდოთ „სროლის გროსმაისტერი“, ან „სპორტის დამ-

სახურებული ოსტატი სროლაში“ ანდა, ბოლოს და ბოლოს, „ტეხასელი მსროლელი“.

ეს უკანასკნელი ტიტული მართლაც ზედგამოჭრილი იქნებოდა, ვინაიდან მთელი დედამიწის ზურგზე ტეხასელებს ვერავინ გაუტოლდება სროლაში. ხუმრობა საქმეა, დღისით – მზისით, შუა ქალაქში (დალასი რომ ჰქვია), ათასობით მაყურებლის თვალწინ, ერთი გასროლით შუბლგახვრეტილი გააგორო შენივე ქვეყნის პრეზიდენტი და მერე როგორი პრეზიდენტი! – ახოვანი, თავადაც ლამაზი და კიდევ უფრო ლამაზი ცოლის პატრონი, ჭკვიანი, მდიდარი, ახალგაზრდა, სულ რაღაც ორმოცდაექვსი წლისა...

კიდევ რამდენჯერ მოასწრებდა პრეზიდენტობას მთელი მსოფლიოს საკეთილდღეოდ!

ახლა საბჭოთა კავშირი აიღეთ, დალოცვილ ამერიკას რომ ებაზრებოდა. ერთ მშვენიერ დღეს გადისდენტებულმა საბჭოთა ოფიცერმა (საბჭოთა ოფიცერმა-მეთქი!) მოსკოვში, კრემლის შორიხლოს, მთავრობის კორტეჟის გავლისას, ერთ მანქანაში მჯდომ ბრეჟნევის შუბლში დაუმიზნა და მეორე მანქანაში მჯდომ კოსმონავტ პეტროვს თუ სიდოროვს გაუკანარა ფრჩხილი.

აბა თავად განსაჯეთ, ვინ უფრო მაგ-გ-გ-არი ყოფილა – ტეხასელი სნაიპერი თუ ვოროშილოველი მსროლელი.


რაც შეეხება გოვორუხინის ფილმს, მისი მთავარი გმირი გახლავთ მეორე მსოფლიო ომის (რუსები დიდ სამამულო ომს რომ ეძახიან) ვეტერანი, რომელიც ზრდის თავის შვილიშვილს, თხუთმეტი თუ თექვსმეტი წლის გოგონას.

ვეტერანის როლს საუცხოოდ ასრულებს მიხეილ ულიანოვი, რომელმაც სახელი გაითქვა მარშალ ჟუკოვისა და მითია კარამაზოვის როლებით.

ფილმის სიუჟეტი საკმაოდ მარტივია. ვეტერანის შვილიშვილს, უმანკო და უწყინარ არსებას, მისი თანაკლასელი ვაჟი, მცხოვრები მეზობელ კორპუსში, შინ შეიტყუებს და თავის ორ ძმაკაცთან ერთად ნამუსს ახდის.

როგორც მოსალოდნელი იყო, არც მილიცია-პოლიცია, არც პროკურატურა და არც სხვა არაფერი არ ესარჩლება დაზარალებულს; მით უმეტეს, რომ იმ თანაკლასელის მამა მილიციის (თუ უშიშროების?) პოლკოვნიკი ყოფილა და მისთვის ამ საქმის ჩაფარცხვა ერთი გადაფურთხებაა.

ომის ვეტერანი სამართალდამცავებთან ვერ პოულობს სამართალს და გადანყევტს, რომ საკუთარი ხელით გაუსწორდეს ალვირახსნილ ნაძირალებს. რაღაც მანქანებით შოულობს საჭირო ფულს და ყიდულობს სათანადო იარაღს (სწორედ იარაღის გამყიდველი ყმაწვილი ეუბნება, ვოროშილოველი მსროლელი ყოფილხარო, როდესაც ვეტერანი იარაღის გასინჯვისას ტყვიას ტყვიაში აჯენს).



მიხაილ ულიანოვი

მერე იწყება, რაც იწყება. ისეთი ნადირობა ჩაღდება, რომ თავი მართლა ტეხასში გეგონება!

პირველივე ნაძირალას საკადრისად სჯის. კბილი კბილი-სა წილ – როგორც ოდესღაც თქმულა. ვეტერანი ერთი გასროლით ასაჭურისებს კოხტა ახალგაზრდას; მეორე მსხვერპლი ხდება ავტომანქანის მფლობელი დარდიმანდი. ვეტერანის ტყვია უფეთქებს ბენზობაკს, ცეცხლი ეკიდება მანქანასაც და მანქანის პატრონის ვაჟკაცობის სიმბოლოსაც. ვეტერანი ავკაცებს არა ჰკლავს (არა კაც-ჰკლა!), მხოლოდ ასახიჩრებს! რის ვოროშილოვი, რომელი ვოროშილოვი?! სიმართლე თუ გნებავთ, ნაღდად ტეხასელი მსროლელია!

ბოლოს პოლკოვნიკის ვაჟის ჯერიც დგება. მზრუნველი მამა, რასაკვირველია, ყველაფერს ხვდება, მაგრამ საბუთი ვერ მოუგდია ხელთ და მხოლოდ ემუქრება ვეტერანს, ჩემს შვილს ავი თუ შეემთხვა, იცოდე, დედას გიტყვობო. უკვე შეემთხვაო, ორაზროვნად მიუგებს ომის ვეტერანი. შეძრწუნებული პოლკოვნიკი გარბის შინისაკენ, ამაოდ აბრაზუნებს კარზე, გასაღებად ტყვიას უშენს, მერე შეამტვრევს და ცხელ ტყვიას იმსახურებს შვილისგან, რომელიც პანიკას შეუპყრია და ჭკუიდანაც შერყეულა.

ერთობ უცნაური და უჩვეულო ფილმია. ამგვარი კოლიზიები ადრე დასავლურ ფილმებში თუ გვინახავს. გოვორუხინს ეს რომ გადაეღო ყოფილ საბჭოთა

კავშირში, ვაი, როგორ შეაჩვენებდნენ! ვაი, როგორ გაათახავდნენ! (თუკი სასწაულად მოახერხებდა გადაღებას...) რაო, კაპიტალიზმის წყლულები ჩვენში აღმოაჩინეთ? რაო, საბჭოთა ადამიანები მრუდე სარკეში დაინახეთ? რაო, ლინჩის წესის დანერგვა გნებავთ? დიდი სამამულო ომის ვეტერანი ტერორისტად გამოგყავთ? საბჭოთა მილიციას და მართლმსაჯულებას ჩირქსა სცხებთო? საბჭოთა ახალგაზრდობას შავბნელი ფერებით ხატავთო? და ა.შ.

მაგრამ ახლა, ღვთის წყალობით, უკვე სხვა დროა და გოვორუხინმა, ჩანს, თავის აუტკივრად გადაიღო ეს ფილმი. თქვენ კი ამბობთ, ამქვეყნად არაფერი შეცვლილა...

ქრონიკა

მშვენიერი ფოტოგამოფენა გიორგი ლეონიძის სახელობის ლიტერატურის მუზეუმში რომ გაიმართა, აფხაზეთის უკანასკნელი მთავრის ვაჟიშვილის, პოეტისა და საზოგადო მოღვაწის გიორგი შარვაშიძის დაბადებიდან 160 წლის იუბილეს მიეძღვნა.

აფხაზ მთავართა საგვარეულო შტოს ერთ-ერთი თვალსაჩინო წარმომადგენელი თავისი დროის ღირსეული მოღვაწე იყო, ქეშმარიტი მამულიშვილი, გამჭრიახი და გონიერი ადამიანი ყოველთვის გვერდით რომ ედგა ქართველ თანამოძმეებს რუსეთის კოლონიური პოლიტიკის მხილებაში.

„როგორც ნამდვილ აფხაზს შეეფერებოდა, გიორგი შარვაშიძეს ერთნაირი სიძლიერით უყვარდა ის დედაც, რომელმაც შობა და ის დედაც, რომელმაც თავისი რძით გამოჰკვება“ — უთქვამს

გერონტი ქიქოძეს. ამ საგულისხმო და მეტაფორულ ფრაზაში ორი ერის ტრადიციების თანაზიარობაც აირეკლება.

გამოფენა კი კიდევ ერთხელ დაარწმუნებდა დამთვალიერებელს, რომ აფხაზებსა და ქართველებს საერთო ფესვები გაგვაჩნია. ექსპოზიცია გამოშუქება გახლავთ დარბაისელი ადამიანებისა წარსულიდან. აქ თვალსაჩინოვდება წინაპართა კოლორიტი, რომლითაც უფლება გენიჭება იამაყო...

ამ მშვენიერი ღონისძიების გამართვისათვის ტრადიციული გულითადობით იზრუნეს მუზეუმის საექსპოზიციო განყოფილების გამგემ ნატო სეიდიშვილმა და მისმა თანამშრომლებმა: მარინე ირემაშვილმა, ლიკა დროიძემ, ნათელა გაგნიძემ, ცირა კაპანაძემ, ფოტოგრაფმა მირიან კლაძემ.

გამოფენის ორგანიზებას კურირებდა თეა თვალავაძე.